

宋

元 脱 脱 等撰

中 華 書 局

卷二八六至卷三〇〇(傳)

宋史卷二百八十六

列傳第四十五

魯宗道 萨奎 王曙 子盆柔 蔡齊 從子延慶

海水至邑下,歲久堙塞,宗道發鄉丁疏治之,人號「魯公浦」。改獻州軍事判官,再遷秘書 袖所著文謁成綸,綸器重之。舉進士,爲濠州定遠尉,再調海鹽令。縣東南舊有港,導 魯宗道字貫之,亳州譙人。少孤,鞠于外家,諸舅皆武人,頗易宗道,宗道益自奮厲讀

陳堯叟辟通判河陽。

以區 政,十常二三,欲裕民而美化,不可得矣。 閤門始得進而不賜對,宗道請面論事而上奏通進司,遂爲故事。 嘗言:「守宰去民近,而 別能否。 天禧元年,始韶兩省置諫官六員,考所言爲殿最,首擢宗道與劉燁爲右正言。 今除一守令,雖資材低下,而考任應格,則左司無擯斥,故天下親民者黷貨 漢宣帝除刺史守相,必親見而考察之。 今守佐雖 諫章由 害 無

列

傳

未暇 親見,宜令大臣延之中書,詢考以言,察其應對,設之以事,觀其施爲才不肖,皆得進退 吏部之擇縣令放 此,庶得良守宰宣助 聖化矣。」眞宗納之。

名邪 宗道 臣 · 竊 風 聞、多所論列、帝意 恥尸祿,請得罷去。」帝撫諭良久, 頗厭其數。 後因對,自訟曰:「陛下 他日 書殿壁日「魯直 用臣,豈欲 」,蓋思念之也。 徒事納諫 尋 除 之虚

部員

外郎

兼

右

論德。

踰年,遷左諭德、直龍

圖閣

簡等按視。 煩密,及知吏所以爲奸狀,多釐正之,悉揭科條廡下,人便之。 仁宗卽位,遷戶部郞中、龍圖閣直學士兼侍講 還,拜右諫議大夫、參知政事 判 、吏部流內銓。 雷允恭擅易山陵,韶與呂夷 宗道在選調 患 銓

帝 時 、太后 有 C請立 章獻太后臨朝,問宗道曰:「唐武后何如主?」對曰:「唐之罪人也,幾危社稷。」后 將同幸 劉 氏七廟者,太后問輔臣,衆不敢對。宗道不可,曰:「若立劉氏七廟,如嗣 慈孝寺, 欲以大安輦先帝行, 宗道曰: 「夫死從子, 婦人之道也。」太后遽命輦 君何? 、默然。

其 樞 姓, 使 時 且言骨鯁如魚頭也。 曹 執 利 政 闬 多任子於館閣讀書, 恃 權 驕横, 宗道 再遷尙書禮部侍郎、 屢 於帝前 宗道曰:「館閣育天下英才,豈紈袴子弟得以恩澤 折之。 自 祥源觀使。 貴 戚用事 者皆憚之, 在 一政府七年,務抑僥倖,不以名 目 爲「魚頭 參政」,因 虚邪?

後

器私人。 疾劇,帝臨問,賜白金三千兩。旣卒,皇太后臨奠之,贈兵部尚書。

議諡曰剛簡,復改爲庸簡。議者以爲「肅」不若「剛」爲得其實云。 **貧無杯盤,故就酒家飲。」帝以爲忠實可大用,嘗以語太后,太后臨朝,遂大用之。初,太常** 爲對?」宗道曰:「第以實言之。」使者曰:「然則公當得罪。」曰:「飮酒,人之常情;欺君,臣 中,偶眞宗亟召,使者及門久之,宗道方自酒肆來。使者先入,約曰:「卽上怪公來遲,何以 子之大罪也。」眞宗果問,使者具以宗道所言對。帝詰之,宗道謝曰:「有故人自鄉里來,臣家 宗道爲人剛正,疾惡少容,遇事敢言,不爲小謹。爲諭德時,居近酒肆,嘗微行就飲肆

進士及第,爲隰州軍事推官。州民常聚博僧舍,一日,盜殺寺奴取財去,博者適至,血偶涴 適窪始生,撫其首曰:「是子必至公輔。」窪舉進士,爲州第一,乃推與里人王嚴,而處嚴下。 衣,邏卒捕送州,考訊誣伏。 薛奎字宿藝,絳州正平人。父化光,善數術,嘗以平曆策干太宗行在,召見不用,罷歸。 **奎獨疑之,白州緩其獄,後果得殺人者**

而償所失。 徙儀州推官,嘗部丁夫運糧至鹽州,會久雨,粟麥漬腐,奎白轉運盧之翰,請縱民還州 之翰怒,欲劾奏之。 **|**套徐曰:「用兵久,人疲轉餉,今幸兵食有餘,安用此陳腐以

冽

蒲草錢。

困民哉 之翰意解,凡民所失,悉奏除之。 改大理寺丞、 知莆田 一縣。 請蠲南閩 時税鹹

聽民自采,而所輸輒倍之。 遷殿 中丞、知長水縣,徙知興州。 遷太常博士。 州有錢監,歲調兵三百人采鐵,而歲入不償費。 向敏中薦爲殿中侍御史,出爲陝西轉運使。 趙德 |奎奏

明言延州蕃落侵其地黑林平,下韶按驗。 奎閱郡籍,德明嘗假道黑林平,移文録示之,德明

遂伏。 未幾,坐失舉免。

廢三堰以便餉運,進吏部員外郎。 數月,起通判陝州,改尚書户部員外郎、淮南轉運副使,遷江、淮制置發運使。 父喪,奪哀,擢三司户部副使。 與使李士衡争論事,改户 疏漕河、

部郎中、直昭文館、知延州

關中 使契丹,還,遷右諫議大夫、權御史中丞。上疏論擇人、求治、崇節儉、屏聲色,凡 趙元昊每遣吏至京師請奉予,吏因市禁物,隱關算爲姦利,奎廉得狀,請留蜀道鎌帛於 ,轉致給之。 遷吏部,擢龍圖閣待制、權 知開封府。 爲 政嚴敏,擊斷無所貸 十數 一、帝益 加

不得見。 奎時館伴 :,折之曰:「皇太后垂簾聽政,雖本朝羣臣,亦未嘗見也。」從順 乃已。

,契丹使蕭從順請見太后,且言南使至契丹者皆見太后,

而契丹使來乃

章獻

太后

稱制

或讒云奎漏禁中語,改授集賢院學士、知并州,改秦州。 州宿重兵, 經費常不足,奎務

爲儉約,發民水耕,謹商算。 加樞密直學士、知益州。秦民與夷落數千人列奎治狀,請留,壅書褒論,不許。 歲中積粟三百萬,征算餘三千萬,覈民隱田數千頃,得芻粟十

不貸汝矣! 成都民婦訟其子不孝,詰之,乃曰:「貧無以爲養。」)奎出俸錢與之,戒曰:「若復失養,吾 」其母子遂如初。嘗夜燕,有戍卒殺人,人皆奔走,奎密遣捕殺之,坐客莫有知

者。 臨事持重明决,多此類也。

窗也。」俄遷給事中。 也(1)。」歷數唐開元、天寶時事以對,帝然之。 遷尙書禮部侍郎。 召爲龍圖閣學士、權三司使,遂參知政事。帝諭曰:「先帝嘗以爲卿可任,今用卿,先帝 帝嘗謂輔臣曰:「臣事君鮮有克終者。」奎曰:「保終之道,匪獨臣下然

多罷去,奎得喘疾,數辭位,罷爲戶部侍郎、資政殿學士、判尙書都省。 也。服之豈可見先帝於地下!」帝悟,卒以后服斂。因上言請逐內侍羅崇勳等。 時二府大臣 及太后崩,帝見左右泣曰:「太后疾不能言,猶數引其衣若有所屬,何也?」奎曰:「其在袞冕 太后謁太廟, 欲被服天子袞冕, 奎曰: 「必御此, 若何爲拜?」力陳其不可, 終不見聽。 帝手書禁方賜之,小

間,入見。疾尋作,卒,贈兵部尚書,諡簡肅。

勵精萬幾而簡宴幸。 今天下誠無事,而宴樂無度,大臣數被酒無威儀,非所以重朝廷也。」

列

眞宗善其言。及參政事,謀議無所避。 輔許之。 無子,以從子爲嗣。 能知人,范仲淹、龐籍、明鎬自爲吏部選人,皆以公

降知 廬州 推官。 集古今馬政,爲羣牧故事六卷,上之。 茶稅,再遷尙書工部員 威 州 曙 平 字晦叔,隋東皋子績之後。世居河汾,後爲河南人。 徙淮南 中, 舉賢良方正 轉運使,勾當三班院,權知開 外郎、龍圖閣 科,策入等,遷秘書省著作佐郎、知定海縣。 遷太常丞、判三司憑由理 待制。 封府。 以右諫議大夫爲河北轉運使,坐部吏受財, 一欠司。 中進士第,再調定國 坐舉進 還,爲羣牧判官,考 土 失實,降監 軍節 度

蜀 再貶,曙 舉 、者,獄已具,曙獨 ·失實,黜官。 人比之張誠,號「前張後王」。 以樞 亦貶 密直 。郢州 |學士知益州。 復爲給事 團 疑之。 練副 使。 中兼羣牧使。 旣 而 繩盜以峻法,多致之死。 起爲光祿 提 入爲給事 點 刑獄 卿、知 其妻,寇準女也。 杜衍 中。 至,事 襄州,又徙 仁宗爲皇太子,與李迪同選兼賓客,復坐貢 果辨。 有卒夜告其軍將亂,立辨其僞,斬之。 汝州 準罷 曙爲作辨獄記以戒官吏。 相且貶,曙亦降知汝州 復給事 中 知路 州 州

徙 河南府、永興軍,召爲御史中丞兼理檢使,理檢置使自此始。 玉清昭應宮災,繫守衛

其地, 者御 廟 史獄 及高園 宜罷之勿治,文帝不聽,明年,復災。今所建宮非應經義,災變之來若有警者。 · 罷諸禱祠,以應天變。」仁宗與太后感悟,遂減守衞者罪。 便殿災,董仲舒以爲高廟不當居陵旁,故災。 曙恐朝廷議修復,上言:「昔魯桓、僖宮災,孔子以爲桓、僖親盡當毁者也。 魏崇華殿災,高堂隆以臺榭宮室 願 遼 除

資政殿學士、知陝州,徙河陽。 又請三品以上立家廟,復唐舊制。以尚書工部侍郎參知政事。 再知河南府, 遷吏部。 召爲樞密使, 拜同中書門下平章事 以疾請罷,改戶部侍郎、

已而詔以不復繕修諭

天下。

逾月,首發疽,卒。贈太保、中書令,諡文康。 曙方嚴簡 重,有大臣體,居官深自抑損。 喜浮圖法,齋居蔬食,泊如也。

初,錢惟演

留

怒。 守西京, 不知寇萊公晚年之禍邪!」修起對曰:「以修聞之,萊公正坐老而不知止爾!」曙默然,終不 子旨歸三篇,列子旨歸一篇,戴斗奉使錄印二一卷,集兩漢詔議四十卷。 及爲樞密使,首薦修等,置之館閣。 歐陽修、尹洙爲官屬。 修等頗游宴, 有集四十卷,凋書音訓十二卷,唐書備問三卷,莊 曙後至,嘗厲色戒修等日:「諸君縱酒過度,獨

致仕,間與浮圖、隱者出游,洛陽名園山水,無不至也。 曙參知 子益 恭、益柔。 政事,治第西京,益恭勸曙引年謝事,曙不果去。 益恭字達夫,以蔭爲衞尉寺丞。 性恬淡,慕唐王龜之爲人,數解官就 以子登朝,累遷司農少卿,卒。 終父喪,遂以尙書司門員 外郎

列

第

四

+ 五

王

杜衍 行、度使還,以學術政 、丁度宣撫河東,益柔寓書言:河外兵饟無法,非易帥臣、轉運使不可。 益柔字勝之。 爲人伉直尙氣,喜論天下事。用蔭至殿中丞。元昊叛,上備邊選將之策。 事薦,知介丘縣。 慶曆更用執政,異意者指爲朋黨,仁宗下詔戒敕,益 因條 其可任者。

職 裨將,洙爲將軍,以天子命呼之不至,戮之不爲過;顧不敢專執之以聽命,是洙不伸將軍之 而 上尊朝廷,未見其有罪也。」不聽 尹洙與劉 |滬爭城||水洛事,自涇原貶慶州。 益柔訟之曰:「水洛一障耳,不足以拒賊。

滬

柔

上書論辨,言尤切直

用兵, 力,至 州 遂 傾正 酒 范仲淹未 列狀言益柔罪當誅。 大事 黨, **外之,爲開封府推官、鹽鐵判官。** 何 宰相章得象、 限, 識 面,以館閣薦 一不爲陛下論列,而同狀攻一王益柔,此其意 晏殊不可否, 韓琦爲帝言:「益柔狂語何足深計。 之,除集賢校理。 參政賈昌朝陰主之, 凡中旨所需不應法式,有司迎合以求進者,悉論之 預蘇舜欽奏邸會(三),醉作傲歌。 張方平、 方平等皆陛下近臣, 可見矣。」帝感悟,但 宋祁、王拱辰攻排 時諸 | 黜監 今 人欲 不 西 復 遺 匣

出 為 兩浙、京東西轉運使。 上言:「今考課法區別長更能否, 必明有顯狀, 顯狀必取其 不

事之不舉者日多,而虛名無實之風日起。 更置興作大利。夫小政小善,積而不已,然後能成其大。 願參以唐四善,兼取行實,列爲三等。」不行。 取其大而遺其細,將競利圖功,恐

石也 二人如此。以二人之庸,猶足以致禍,况誦六藝、挾才智以文致其姦說者哉!」意蓋指王安 辨,莫大於置相。 熙寧元年,入判度支審院。 相之忠邪,百官之賢否也。 韶百官轉對,益柔言:「人君之難,莫大於辨邪正;邪正之 若唐高宗之李義甫,明皇之李林甫,德宗之盧

堂恩,中書熟狀加光祿大夫,而舊階已特進,益柔以聞。 應天府。卒,年七十二。 夷所笑。」宰相怒其不申堂,用他事罷其兼直。 輒 不用。 判吏部流內銓。 益柔請才二人卽引見,衆論翕然稱之。 舊制,選人當改京官,滿十人乃引見。 遷龍圖閣直學士、秘書監,知蔡揚亳州、江寧 直舍人院、知制誥兼直學士院。 帝謂中書曰:「非翰林,幾何不爲法 由是士多困滯,且遇舉者有故, 董氈遇明

試以策論,特聽之。 氣壯而長,未可量也。」時方以詩賦取士,益柔去不爲。范仲淹薦試館職,以其不善詞賦,乞 <u>益</u>柔少力學,通羣書,爲文日數千言。 |尹洙見之曰:「贍而不流,制而不窘,語淳而厲, 司馬光嘗語人曰:「自吾爲資治通鑑,人多欲求觀讀,未終一紙,已欠伸

九六三五

齊

列

思睡。能閱之終篇者,惟王勝之耳。」其好學類此

呼以寵之。 舉進士第一。 蔡齊字子思,其先洛陽人也。 狀元給翳,自齊始也。 儀狀俊偉,舉止端重,眞宗見之,顧宰相寇準日:「得人矣。」詔金吾給 除將作監丞、通判兗州,徙灘州(四)。 曾祖綰,爲萊州廖水令,因家焉。 齊 少孤,依外家劉氏。 以秘書省著作郎直 七騶,傳

賜鎭兵錢,章獻太后將許之。齊曰:「上新卽位,惟演外戚,請偏賞以示私恩,不可許。」遂劾 仁宗初,爲司諫、修起居注,改尙書禮部員外郎兼侍御史知雜事。 錢惟演守河陽,請曲

奏惟演。

崇勳讒之,罷爲龍圖閣學士、知河南府。 崇勳主之,命齊爲文記之。崇勳陰使人誘齊曰:「趣爲記,當得參知政事矣。」齊久之不上, 以起居舍人知制誥,入爲翰林學士,加侍讀學士。太后大出金帛修景德寺,遣內侍羅 參知政事魯宗道固爭留之,不能得。以親老,改

四州,徙應天府,召爲右諫議大夫、御史中丞。

太后崩,遺誥以楊太妃爲皇太后,同裁制軍國事。 閤門趣百官賀,

齊使臺更毋追班,乃

政。復爲龍圖閣學士、權三司使。 入白執政曰:「上春秋富,習知天下情傷,今始親政事,豈宜使女后相踵稱制乎!」遂罷預 有飛語傳荆王元儼爲天下兵馬都元帥者,捕得繫獄,連逮

甚衆。 樞密副使。 帝怒,使齊按問之。齊曰:「此小人無知,不足治,且無以安荆王。」帝悟,遽釋之。

卻之不祥,請給用湖閉田使自營;若縱去,當不復還舊部,必聚而爲盜賊矣。」不從。後數 |交阯虐其部人,款||宜州自歸者八百餘人,議者謂不可內。||齊日:「蠻人去暴而歸有德,

年,蠻果爲亂。

明日 ,入奏事曰:「齊雄恃勢殺人,不死,又亟授以官,是以恩廢法也。」帝曰:「降一等與官可 蜀大姓<u>王齊雄坐殺人除名。齊雄,太后姻家,未更赦,復官。齊曰:「果如此,法撓矣!」</u>

乎?」齊曰:「以恩廢法,如朝廷何! !」帝勉從之,乃抵齊雄罪

聞天下,社稷之臣也,豈可爲姦黨所誣 錢惟演附丁謂,樞密題名,輒削去寇準姓氏,云「遊準不書」。齊言於仁宗曰:「寇準忠義 |哉!」仁宗遽令磨去。

州,以兵屯境上。輔臣欲調兵備邊,與齊迭議帝前, 齊善,曾與夷簡不相能,曾罷相,齊亦以戶部侍郞歸班。 郭皇后廢,將立富人陳氏女爲后,齊極論之。 拜禮部侍郎、參知政事。 齊畫三策,料契丹必不叛盟。 尋出知願州,卒,年五十二,贈兵部 契丹祭天於幽 王曾與

列

第四十

九六三八

尙書, 謚日 「文忠。 潁 人見其故吏朱案會喪,猶號泣思之。

與徐 楊偕、劉隨、段少連,後率爲名臣。 人劉顔 齊 方 重有風 (善)顏罪廢,齊上其書數十萬言,得復 采,性謙退,不妄言。 始,齊無子,以從子延慶爲後。 有善未嘗 自 官。 伐。 顏 丁 卒, 謂 秉政,欲齊附己,齊終不往 又以女妻其子 既殁,有遗腹子日)庠。 所薦龐籍 一延嗣。 少

道。 初 火 國 院、判流內銓,拜天章閣待制、秦鳳等路都轉運使,以應辦熙河軍須功,進龍圖閣直學士。 果爲所誣,卽反坐告者。 內 事 ,以集賢校理歷開封府推官。 ·。」

這機兵

是救,

完解去,

配得全師還。 應 韶 延慶字仲遠, 韶進師河州,羌斷其歸路。 入朝,延慶攝 延慶 中進士第,通判明州 照帥。 悉斬以徇, 事聞,帝重之,加直史館、知河中府。 元夕張燈,羌乘隙伏兵北關下,遣其種二十九人僞 伏 有衞士告黃衣老卒筒火入直,延慶察卒色辭,疑焉, 者 延慶日:「兵事非吾所宜預,然主帥在難,不急援之,恐敗 1 宵潰。 歷 轉運 蕃官詐稱 福建路轉運判官, 判官蔡蒙劾其擅 木征欲降,邀大將景思立 提點京東、陝西刑獄。 明年,同修起居注,直舍人 興,朝廷問 請來屬 知狀,易曚 來迎。 詢之, 將 延 他 舉

徙 知 成都府兼兵馬都鈴轄。 本道舊不置都鈴轄,至是特命之。 茂州羈繫州蠻族 派九,自

命

遊

輒

出

卽

違節制,

雖

有

功

亦

誅,

思立不從,卒敗

死

乞遣近 畜,徼 推 茂去成都遠,一一與議,慮失事機,請得專決。 中正,奏延慶區理失宜,致生邊患。 一人爲將統其衆,將常在州聽要束。 明日,又大至,盡焚鹿角及民廬舍,引梯 貨來贖。 山 上內臣共經蠻事。 後守范百常以爲利,築之。 ,南北路皆爲所據,城中不敢出。 民患苦, 詣郡守李琪請築城。 詔押班王中正往,中正受旨,凡軍事皆令與都鈴轄議。 蠻 香訴謂侵其土地,乞罷築,不許。 徙知渭州,仍降爲天章閣待制 州居羣蠻中,無城塹,惟樹鹿角爲固。蠻屢夜入剽人 百常募人間道告急於成都。 .衝攻牙城,百常扞禦,殺二戀 6.乃退。 **琪上于朝**,韶延慶度其 於是事 無巨細皆自處,延慶不復預。 利 便,延慶下其事, **愛數**百 延慶命與之和 奄 將行 至,拒 然游 監司附 奏 卻 |珙 騎

是成其疑。」約馬直授之使去。 侵,則相保以安,故戮以戒。 若有之,亦當爾也。」 夏人悅服 夏 人禹臧苑麻疑邊境有謀,使人入塞賣馬,吏執以告。 疆吏入敵境攘羊馬,得而戮諸境上,且告之曰:「兩境不相 延慶日:「彼疑,故來覘。 執之,

諸將之數,不及正兵之半,乃所以制之。 相 几 部 雜,以防其變。 嘗得安南行軍法讀之,做其制,部分正兵弓箭手人馬,團爲九將,合百隊, 隊有駐戰、拓戰之別,步騎器械,每將皆同。以蕃兵人馬爲別隊,各隨所近分隸焉。 具爲書上之。 時鄜延呂惠卿亦分畫兵,延慶條其不便,神宗善其議。 處老弱於城砦,較其遠近而爲區 別。 ,分左右前後 使蕃、漠無得

列

傳第四

+

Ŧi

祭齊

校

勘

12

學士,移定武。 知開封府,拜翰林學士。 元祐中,入爲工部、吏部侍郎。卒,年六十二,賜錢三十萬,官吃其葬 以言者罷知滁州,歷瀛、洪州,復龍圖閣待制,帥高陽。 閱歲,復直

延慶有學問,平居簡嘿,遇事能別白是非,所至有惠政。 既爲伯父齊後,齊晚得子,

歸其宗,籍家所有付之,無一毫自予,萊人義焉。

所回撓。 復古禮,皆知爲政之本焉。 患,真所謂以道事君者歟! 論曰:章獻太后稱制時,羣臣多希合用事,魯宗道、薛奎、蔡齊參預其間,正色孤立,無 宗道能沮劉氏七廟之議, 曙辨奸斷獄,爲時良吏,在位又多薦拔名臣,若請羣臣立家廟以 奎正母后袞冕爲非禮, 齊從容一言絕女后相 踵 稱制之

校勘記

字之訛。

據改。

匪獨 開元勵精爲治,而天下晏然;及其旣久,放意荒侈,以至大亂,此不可不監也。」「不」字實爲「下.; 臣下然也 下」 原作「不」。 按東都事略卷五三薛奎傳此句作:「保終始者 臣 下,如唐

記

改。

韓琦韓魏公集卷一三家傳作「監進奏院蘇舜欽因本院賽神聚飲」,可見宴會是在進奏院舉行。宋 預蘇舜欽奏即會 「奏」原作「秦」。按蘇舜欽這次集會,本書卷二九一宋敘求傳作「進奏院會」,

維州 人稱進奏院叫「奏邸」,同見於韓琦家傳。「秦」字是「奏」字之訛。 原作「維州」,據東都事略卷五三蔡齊傳、歐陽修歐陽文忠公集卷三八蔡齊行狀改。 據改。

宋史卷二百八十七

列傳第四十六

楊 礪 宋湜 王嗣宗 李昌齡 從子紘 趙安仁ダ学

子良規 孫君錫 陳彭年

祖 知禮,後唐均州刺史。父仁儼,入蜀仕王氏,爲丹稜令。 [碼,<u>建</u>隆中舉進士甲科。父喪,絕水漿數日。 楊礪字汝礪,京兆鄂人。會祖守信,唐山南西道節度、同平章事,本宦官復恭假子 服除,以祿不足養母,閑居無仕進意 蜀平,補渭南主簿,累遷永和令。 也

舊移書敦論,礪乃赴官。 解褐鳳州團練推官,歲餘,又以母疾棄官。 開實九年,詣闕獻書,

入遷光祿寺丞,丁內艱,起就職。

久之,轉秘書丞,改屯田

員外郎、知鄂州,以善政聞。

列傳

第四

+

六

閯

礪

召試學士院,授隴州防禦推官。

端拱初,眞宗在襄邸,遷庫部,充記室參軍,賜金紫。 初,廣順中, 周世宗節制澶州,

九六四三

礪,遂改之。 之。」其人笑曰:「此去四十年,汝功成,予名亦顯矣。」礪再拜,寤而志之。 若 贄文見之, 己名居首,因 非 L 間, 殿上王者秉 館接數 「請示休咎。 至是,受命謁見藩府,歸謂子曰:「吾今見襄王儀貌,卽所夢來和 日 注南向,總三十 世宗 王者曰:「我非汝師。」指一人曰:「此來和天尊, 、入朝,一 礪處僧舍,夢古衣冠者曰:「汝能從乎?」礪隨往,觀宮 餘。 礪升謁之,最上者前有按,置 異日 自簿錄 礪 初名 天 . 汝主· 人 尊也。」 姓 勵,以籍作 也, 名, 當問 礪 見 衞

護葬 使。 位,拜給事 其唱名第一,自悔失問,謂礪不以科名自伐,甚重之。 雨臨其喪。 '二年,卒,年六十九。 眞宗軫悼,謂宰相曰:「礪介直淸苦,方當任用,遽此淪謝。」即冒 遷水部 中、判吏部銓。 郎中。 礪僦舍委巷中, 真宗尹開封,礪爲推官。 未幾,召入翰林爲學士。」咸平初,知貢舉,俄拜工部侍郎、樞密 乘興不能進,步至其第,嗟憫久之。廢朝,贈兵部尚書,中使 真宗嘗問 儲宮建, 礪:「何年及第?」 礪唯 兼右 諭 德, 轉度支郎 唯 不 對。 中。 後知 副 卽

卷。 邸書籍,眞宗卽位,皆賜進士出身、直史館。 礪 嶠 爲 至祠 文尙繁,無師法,每詩一題或數十篇。 、部郎中,嶧至太常博士,峭至太子中舍。 嵎至祠部郎中,庶凝至太常丞。 在翰林、制誥迂怪,見者哂之。有文集二十 少子嵎,至道 初與張庶凝刊校眞宗

左 補闕; 宋湜字持正,京兆長安人。 曾祖擇, 牟平令。 祖贊,萬年令。 父温故,晉天福中進士,

學, 至 事 母 以孝聞。 弟温 舒,亦進士,至職方員外郎,兄弟皆有時名。提幼警悟,早孤,與兄泌勵志篤 温舒典耀州,湜侍行,代作牋奏,詞敏而麗。 温舒拊背曰:「此兒眞國器

恨吾兄不及見

也。」

拜 丽、錢五十萬。 著作 太平 郎、直史館,賜緋。 -興國 五年進士,釋褐將作監丞、通判梓州権鹽院,就遷右贊善大夫。 加戶部員 外郎,與蘇易簡同知貢舉,俄判刑部,賜金紫。 雍熙三年,以右補闕知制誥,與王化基、李沆 並命,仍賜白 宋準薦其文, 金五百

集賢院,知銀臺、通進、封駮司。 養。移汝州,與王禹偁並召入,爲禮部員外郎、直昭文館。 淳化二年,祇尼道安訟大理斷獄不當,湜坐累,降均州團 至道元年,爲翰林學士,知審官院、三班。 五 年,以職方員 練副使。 時母老,湜卻其室奉 外郎 父兼修國 再知制誥、判 史、判

昭文史館事,加兵部郎中。

陣。 巡,將次大名,以扈從軍列爲行陣,親御鎧甲於中,諸王、樞密介胄以從,命湜與王顯分押後 眞宗即位,拜中書舍人。 丁內艱,起復。 駐蹕數日,常召見便殿,方奏事,疾作仆地。 咸平元年多,改給事中,充樞密副使。 內侍掖出,太醫診視,撫問相繼 ,以疾死 真宗 北

又遣 即 刑 郎 部尙書, 諡曰忠定。 弟某爲光禄寺丞,湛爲大理寺丞;姪孫選同學究出身。 內侍護送供帳,至澶州 朋 年正月,眞宗臨 視,許以先歸,賜衾褥,曰:「此朕嘗御者,雖故暗,亦足禦道途之寒。」 卒,年五 +--廢朝,贈吏部侍郎。 眞宗再幸河朔, 以子 ·綸爲太祝,純爲奉禮 追悼之, 加贈

逎 媚,書帖之出,人多傳傚。 提風貌秀整,有醞藉,器識沖遠,好學,美文詞,善談論飲謔, 曉音律, 妙於奕棋。 喜引重後進有名者,又好趨人之急,當世士流,翕然宗仰之。 筆法

提兄泌,太平興國二年進士,至起居郎、直史館、越王府記室參軍

有文集二十卷。

使。咸平中,遣與梅詢使西京爲安撫使,未行,罷爲環慶路都監。 縣,以政績聞,賜緋魚。 有清節,居長安不仕,與一种放、魏野遊,多篇什酬唱。 襲敵,不與部署叶謀,又士卒有死傷者,責授供奉官。後爲文思副使、京西提點刑獄,卒。 度支判官。 淳化二年,呂蒙正罷相,沆坐親黨,貶宜州團練副使,起爲太子中允,換如京副 温舒三子,沈、澥、濤。沈,剛率,喜談兵。太平興國五年進士,歷左正言、京西轉運使、 歷鹽鐵判官,累遷監察御史、知號州。 濤, 端拱二年進士, 歷殿中丞、知襄城 純及泌子緯皆至殿中丞 與知環州張從古擅發兵

王嗣宗字希阮, 汾州人。曾祖同節,寶鼎令。 祖待價,汾州防禦推官。 父夢證,成州

事 力判官。 嗣宗少力學自奮,遊京師,以文謁王祐,頗見優待。

嗣 宗 乘間 開 寶八年,登進士甲科,補秦州司寇參軍。 ·極言其關失,沖大怒,繁嗣宗於獄,又敎無賴民被罪者訟嗣宗治獄枉濫。朝廷遣殿 侍御史路沖知州事,爲政苛急,盜賊羣起。

中丞王廷範按之,具獲訟者誣罔狀,嗣宗乃得釋。

太宗征河東,嗣宗陳邊事,召赴行在,授大理寺丞、通判睦州,改右贊善大夫、徙河州。

太宗遣武德卒潛察遠方事,嗣宗械送京師,因奏曰:「陛下不委任天下賢俊,猥信此輩以爲

並河東西,植樹萬株,以固隄防。上言:「本州権酤斗量,校以省斗不及七升,民犯法釀者三 耳目,臣竊不取。」太宗怒其横,遣使械嗣宗下吏,削秩。 石以上坐死,有傷深峻,臣恐諸道率如此制,望詔自今並準省斗定罪。」從之。 會赦,復官,尋以秘書丞通判澶州

入爲三司開拆推官,以左正言充河北轉運副使。時邊境用兵,崔翰爲大將, 嗣宗每以

改左

所發,坐罷職。 苦言激其展効,就賜緋魚。太宗將議親征,嗣宗上疏言契丹必不至之狀,甚見嘉納。 司諫,賜白金千兩。入爲度支判官,改駕部員外郞。 頃之,出知興元府,徙京西轉運使。 又移河北,賜金紫。貝州廳捷卒五十餘 妻病,夜抉本司署門取藥,爲直官宋鎬

列

人謀 竊 發 嗣宗 率 吏悉 擒之,優詔嘉獎。 遷處部郎中,賜錢百萬

使、 職方 獲安濟 廟,選名方, 江浙 郎 至 म् 道 荆湖發運使。 初, 义建議外任官奉薄,貪猥者或致豐給, 刻 移 石 河 例門。 東 、轉運 自是民 揚、 使,以爲政暴率 楚間有窄家神廟, 風 稍 變。 初 聞 。漕運 民有疾不 徙 經泗州浮橋, 廉謹者終嬰貧匱, 知 耀州 餌藥, ,又知 舟多覆壞, 同州, 但竭 請以公田 致 加 祀 比部郎中、淮南 以徼 嗣宗徙 福 均賜之。 置城 嗣宗徹其 隅 就改 轉運 ";遂

雜物 使。 會議,事可省者,願條列以聞。」從之。明年,將郊祀, 尤爲耗蠹,所宜裁節。 以 三三司務繁,不當日有纂錄,可逐季錄送。 一萬六千,省工九萬九千。 嘗與度支使梁鼎、戶部使梁顥同對,言曰:「國家經費甚繁,賦入漸少, 咸平三年,以漕運稱職, 若用度不足,卽復重擾於民矣。 就拜太常少卿。 又言計省條奏,事有可紀者,望令判使一員,撰錄送史館。 踰年, 嗣宗因條上應奉諸物以及工作,凡減 以右諫議大夫充三司 沉西北二邊未平,有饋運之煩,臣等 '戶部使, 加以冗食者衆, 改 鹽 鐵

文寶 州 境 上其政績, 有 會 臥 龍 龍王廟,每窮冬,闔境致祭,値風 三部使,改左諫議大夫,知通進、銀臺司兼門下封駮事, 有詔褒美。 先是,西邊市馬,以給北邊戰士,有瘠弱者卽送闕下, 雪寒甚, 老幼踣于道, 嗣宗 出知丼州兼丼代部署 亟毁之。 轉運使鄭 暑月道

遠多死。 嗣宗建議, 以汾州地凉,接樓煩諸監,美水草,請就牧放,從之。 召拜御史中丞

及 人人間 大中祥符間,眞宗告謁太廟,嗣宗立班失儀,因自首。 三細務。 加兼 頗輕險好進,深詆參知政事 工部侍郎、權判 吏部銓。 馬拯之短,遂結宰相王旦弟旭,使達意於旦以爲 嗣宗剛果率易,無所畏憚,每進見,極談時事 眞宗謂憲官當守禮法,以其性麤 了, 或

助。

旦疾其醜行,因力庇拯,嗣宗大怒

梧,因 鍛鍊 首露 曾 乃致旱邪 由 暴 知 誣 孔冕之罪, 構冕,懼 露 知 |選擬 則 制 沿堂行首李永錫坐贓除名,復引充 ,曾密疏方行大禮,願罷推究。 冕 己 語王曾從妹適孔冕家,閨門不睦。 ? 追 終負冤枉。 官,復用爲副 嗣 奪 反坐,乃求寢息。會愆雨,嗣宗請對,言:「孔冕爲王曾所訟,儻 宗 朝議特爲容隱,不令按問,誠非冤枉也。 理 永錫先為縣 屈,復以 又候德昭援赦敍緋,年考未滿 行首。 他辭侵旦 吏, 在省 坐爲 祇 宰相 ,旦不與抗, 事 本部節度市 四 舊職二 年, :亦以冕先聖後,將有褒擢,乃隱其事 曾從東封,至冕家啜茗中毒,得良藥乃解。 陳牒乞班敍用, 專送銓授令錄。」<u>真宗亟召王旦</u>等詰之。 乃已 · 羊 不 ,以欺詐得之, ·輸算除名,及沿 德昭據吏部奏驗, 因 [復送銓。] 真宗曰: 「止此 非吏部 堂闕 乃行 前旨 令史自首, 人,李沆以其 鞫 制 嗣宗 命, 問, 亦 及 獨 加 之 魁 無 謂 日

阴 年 十月,嗣宗復請對,言:「去歲八月至今年十月不雨,宿麥不登。 及秋,兗、 耶苦雨,

列

傳

第

之迹 河溢 嗣宗復對,且謝前言之失,眞宗亦優容之。 按問,冕何能冤罪?」王欽若曰:「臣請審問嗣宗,若再鞫冕,不能自隱, 臣 甚衆, 害稼 請露章以 但以宣聖之後不欲窮究,謂其寃枉,感傷和氣,恐未近理。」趙安仁曰:「今若再行 刑 政有 聞。」眞宗語王旦等曰:「曾實無罪,若嗣宗上章, 失, 致成災沴 孔冕冤枉,播在人口, 其強妄多此 類。 王曾尙居近 亦須裁處。」旦日:「鬼不善 班 • 願示 如何區處?」明日 黜退, 以 Ē

嗣宗 賜之。 111 姪 事 日:「君以 無 町 賴 愧 疏 授廉車以當此任,宜召問之。」嗣宗願奉韶,即拜耀州觀察使、知永興軍府。 分據林 祀 辭 恨,因上 時种放得告歸山,嗣宗逆於傳舍,禮之甚厚。放旣醉,稍倨, 汾陰, 極 手搏得狀元耳,何足道也! 于 :麓樵採,周回二百餘里,奪編 詬 |疏言:「所部兼丼之家,侵漁衆民,凌暴孤寡, 凡十 以永興重地, 辱,至目放爲魑 思得大臣才兼文武者鎭之。 魅。 !」初,嗣宗就試講武殿,搏趙昌言帽,擢 眞宗 甿 方厚待放,令徙居嵩陽避之。 厚利。願以臣疏 下放,賜放 因謂宰相曰:「嗣宗嘗自言知武 餘族, 嗣宗怒,以語譏放。 終南 而 放爲之首。 首 H 科,放放及之。 百畝,徙放嵩 真宗作 放弟 放

前 山 此長吏,皆先謁廟然後視事。 四 年 羣 邠 狐 處 寧陳 焉 興擅 妖 巫 一釋劫 挾 之爲 盜, 徙嗣 嗣宗毀其廟,燻其穴,得數十狐,盡殺之,淫祀遂息。 /禍 宗 福 知邠 ,民甚信向, 州 兼邠 寧環慶路 水旱疾疫悉禱之,民語爲之諱 **都部署**。 城 東有 靈 應 公廟,傍 狐」音。 徙知

鎭 州,發邊肅姦贓,肅坐貶。 嗣宗嘗言徙种放、掘邠狐、按邊肅,爲去三害。

改感德軍節度,洛下訛言相驚。 、大同軍節度、知許州。 居二歲,召還,授樞密副使、檢校太保。寇準爲使,嗣宗與之不叶,累表解職,授檢校太 嗣宗嘗游是州,別墅在焉,時人以爲榮。移知河南府。天禧初, 徙知陝州,再表請老,且求入覲, 遣使召還。 郊祀,改靜難

軍節度。

既至闕下,病足,不能朝謁,乃求再知許州,不復議休退。

弓劍、筆硯置擴中。 令月給奉五十千。 起,特冤舞蹈,許其子扶掖之。 寇準爲相,素惡之,特命以左屯衞上將軍、檢校太尉致仕。 嗣宗尤睦宗族,撫諸姪如己子,著遺戒以訓子孫勿得析居,又令以孝經、 五年,卒,年七十八。 對數刻,賜錢百萬,還許下。 廢朝,贈侍中。 諡日景莊。 準 貶,朝議以嗣宗藩輔舊臣,特 表求面辭,以足疾艱於拜 錄其子二人、甥二人

猶享厚祿,徘徊不去,嘗謂人曰:「僕惟此一事,未能免物議。」衆皆嗤之。 忿宋白、郭贄、邢昺七十不請老,屢請眞宗敕其休致, 嗣宗事三朝,最爲宿舊。 所至以嚴明御下,尤傲狠,務以醜言凌挫羣類。 又遣親屬諷激之。 及嗣宗晚歲疾甚, 爲中丞日,嘗 官。

慮爲後所誚,乃不許刻石。 嗣宗好爲文,而札尤甚。 所著有中陵子三十卷。 奉祀之歲,近臣皆爲頌記,宰相以嗣宗所撰,不足發揮盛德,

列傳

子堯臣 內殿承制; 唐臣,太子中舍。 從子舜臣,供奉官、閤門祗候; 禹臣,太子中舍。

金明池 艱,起爲淮南轉運使,轉戶部員外郎、知廣州 太平興國三年舉進士,大理評事、通判合州。 李昌齡字天錫,宋州楚丘人。曾祖確,膠水令。 昌齡獻詩百韻,太宗嘉之,擢右拾遺、直史館,賜緋。改右補闕,出 歷將作監丞、右贊善大夫、通判銀州。 祖譚,邯鄲令。父運,太常卿。 知滁州。 京城開

恩等州 市 齡 之,良苦相雜,少利。 ·與人者 包苴輜重 **推禮部** 廣 山林有羣象,民能取其牙,官禁不得賣。 有海舶之饒,昌齡不能以廉自守,淳化二年代還。 論 郎中, 悉留貯焉,其至京城,但藥物藥器而已。會有言其貪者,太宗以爲 如法。」詔皆從之。 逾月, 為樞密直學士。 自今請擇其良者,官如價給之,苦者恣其賣,勿禁。 昌齡上言:「廣州市舶,每歲商舶至,官盡 自今宜令送官,以半價償之,有敢隱匿及私 初,運嘗典許州,有第在城中, 雷、化、新、白、惠、 誣,召賜金 增價買

審刑中覆裁决,以付中書,當者行之,否則宰相聞以論决。 是秋 ', 初置 審 刑院 於禁中。 凡獄 、具上奏,先申審刑院,印付大理、刑部斷覆以 命昌齡知院事 月餘,又權判吏 聞, 又下

部流內銓,數日,授右諫議大夫,充戶部使。

以 下皆親 三年,改度支使,拜御史中丞。下詔御史臺,合行故事 又劾陝西轉運使鄭文寶生事邊境,築城沙磧,輕變禁法,文寶坐貶湖外。 臨鞫問,不得專責所司。 李繼隆受命河朔征討,不赴臺辭,昌齡糾之,遣吏追還, 並條奏以聞, 獄無大小, 自中丞

議 以正道臨之,即怨謗無由而生矣。」昌齡居位,頗選愞無所建明。 至道二年,以本官參知政事。占謝便殿,太宗謂曰「中書政本,當進用善良,博詢衆 真宗即位, 加戶部侍

耀卿 致仕 領小 梓州 錄 郎。 子 虞卿試將作監主簿。 昌齡兄昌圖 ,真宗曰:「昌齡 郡,復得光州, 坐交結王繼恩,貶忠武軍節度行軍司馬。 咸平二年,起爲殿中少監。 並進士及第,晉卿爲秘書丞。 知雜御 : 史范正辭劾其廣舶宿犯,亟代還,知河陽。 就改 素無淸譽。」乃授秘書監,遂其請。 光祿卿。 會韶羣臣言邊事、昌齡求面陳事機、不報。 疾,不能治事。 從子紘。 至國子博士,弟昌言至太子中舍。 轉運 大中祥符 使以聞, 丁外艱,起復, 命守本官分司 元年,卒,年七 昌言子晉卿、仲卿 奉朝請,以風恙求 王均之亂,命知 十二。 西京。 廢朝, 尋請

紘 字仲綱。 父<u>克明</u>,仕至提點廣東刑獄。做,進士及第,試秘書省校書郎、 知歙縣。地產

黄 金, 民輸以代 賦 後 金竭 責其 (賦如 故 紘奏罷之。 歷知於潛、 **剡縣**,治有 惠愛。 御

雜呂夷簡薦之,改著作佐郎、監丹陽 縣酒 稅 知靈 池 縣。

命紘覆訊,紘悉得其冤,抵卒罪,降瓊度曹州兵馬都監 中侍御史。 「陛下卽位,尙未能顯巖穴之士,而首召伶人,非所以廣德美於天下。」朝天等遂罷 劉 '均、蔡齊舉爲御史臺推直官,拜監察御 閤門使<u>王遵度領皇城,遣卒刺事,告賈人有爲契丹間諜者,捕繫皇城司按</u>劾 史。 時召成都府樂工許朝天等補敎坊、紘言: 歸。 遷殿

去冗 路 朝 轉 之正位,每災異, 惰 運 判 實質 使,遷侍御史。 三司開拆司。 倉廩, 豐財用,爲守禦備。」舉种世衡等數人,及奏罷貢餘物遺近臣。 輒聚緇黃讚唄于其間,何以示中外?」改 輔 建言:「西北久通好,士習安佚,不知戰陣之法。 郡旱,流星墜西南有聲, 會會讓于文德殿,紘奏曰:「文德殿布政會 鹽鐵判官,歷梓州、陝西、河北 宜擇良將,練精卒, 遷 知

制、 以 避 河 中傷 爲 北 三司 都 轉運: 间 度支副 此 使, 劉 隨為所 遷 使,使契丹。 刑 部 誣,坐貶,久未復。 郞 中,還,同 故事, 知 奉使者以 通進、 紘使還,具言其 銀臺司, 皇城卒二人與偕, 進 龍 圖 (在,稍 閣 直學士、 徙 祭其舉指, 隨 南 知秦州 京 使 除 天章閣待 者悉姑息

紘

方介有吏材,篤於交游,與劉顏爲友,顏死,移任子恩官其子。

權

同

判

流

內

鈴

安撫 爭利 害。 副 弟輝,起家三班借職,杜衍薦爲閤門祗侯,鎭戎軍瓦亭砦都監。 使。 積 韓琦薦 公使錢貯米三千斛爲常平倉, 知保州 ,以左騏驥使、榮州刺 奏下其法他州。 史知 雄 州 遷西上閤門使, 治兵頗嚴,不事 積勞累遷至河北緣 留再任,卒。 廚傳,數與宦者 邊

師中至天章閣待制。

趙安仁字樂道,河南洛陽人。會祖武唐,虢州刺史。

永寧令。 **父**||字||大信。 會親征太原,部送本邑糧饋,民懷其惠,列狀以聞,卽眞授其任,擢宗正丞。 開寶 周顯德初,舉進士,調補開封尉。 乾德中,爲浦江令,持父喪, 服闋,攝

中,初置衣庫,令浮主之。俄坐事連逮抵罪,語見趙普傳。

御史,出知舒 禪,学上封禪頌,召拜秘 務、供奉官葛彥恭、殿直郭載行視黃河,分南北岸按行,復遙隄以紓湍決。 分水勢,於是建議於澶、滑二州立分水之制。時決河未平,重惜民力而寢焉。 太宗卽位,起爲國子監丞、知袁州。 州,改殿 一件 書丞,賜緋魚。 御史。 受韶鞫開封獄,得其非辜者,卽日 還,知開封府司錄參軍事,受韶與殿中侍御史柴成 授推官。 学言治遙隄不 朝廷議行 遷監察 如 封

列傳第四十六 趙安仁

「臣父年六十二。」上曰:「字,名士也。」亟召對,亦賜金紫。明年,卒。 同也。」上嘉之。雍熙中,廷策貢士,而安仁預爲考會,賜金紫,因顧安仁問字年幾,安仁曰: 民事天,濟時利物,莫過於此。臣又計彼雖嗜好不同,然去危就安,厭勞喜逸,亦人情之所 地。聖人以百姓之心爲心,君子見幾而作,諭以禍福,示以恩威,議定邊疆,永息征戰。養 非獲已,暴露原野,豈是願爲?欲望朝廷通達國信,近鑒唐高祖之降禮,遠法周古公之讓 門一方,歷代難取,聖襟英斷,一舉成功。當其逆城危於累卵,生聚懷伏,而陛下猶遣通事舍 昔苗民逆命,帝乃誕敷文德,而有苗格。又仲尼曰:『有能一日克己復禮,天下歸仁。』 只如才 者,敢獻其說,惟明主擇之。 古者兵交使在其間,雖飛矢在上,走驛在下,蓋信義不可廢也。 人薛文寶入城諭之。日者北邊未賓,全燕猶梗,再興軍旅,將復土疆。臣竊計屯戍邊陲,故 熙中,詔詢文武禦戎之策。[字奏議曰:「臣愚以爲不用干戈,不勞飛輓,爲萬世之利

熙載 《咸推獎之。<u>雍熙二年,登進士第,補梓州權鹽院判官,以親老弗果往。</u>會國子監刻五 安仁生而穎悟,幼時執筆能大字,十三通經傳大旨,早以文藝稱。趙普、沈倫、李昉、石

經正義板本,以安仁善楷隸,遂奏留書之。

歷大理評事、光祿寺丞,召試翰林,以著作佐郎直集賢院,賜緋。時王侯、內戚家多以

銘誄爲託。太宗製九絃琴、五絃阮,時多獻賦頌,上嘉文物之盛,悉閱覽,訂其工拙。 時稱 。翌日,改遷太常丞。

安仁、李宗諤、己、楊億辭雅贍,召詣中書獎諭 眞宗卽位, 拜右正言, 預重修太祖實錄。上出師大名, 安仁上疏曰: 「臣以爲有急務者

三,車駕還京,重神武之威。大要五者:其一,選將略;其二,持兵勢;其三,求軍謀;其四, 三,大要者五。急務三者:其一,激勵戎臣,舉勸懲之典;其二,振救邊民,行優恤之惠;其

修軍政;其五,愛民力。」

卒,即以安仁爲工部員外郎,充翰林學士。 部卒死,罪議大辟。安仁以軍中之令,非嚴不整,遂獲免死。繼判尚書刑部兼制置羣牧使, 同知三班、審官院。景德初,翰林學士梁顥召對,詢及當世臺閣人物,上稱安仁文行。尋顥 咸平三年,同知貢舉。未幾,知制誥,副夏侯嶠巡撫江南,還,知審刑院。嘗有將校笞所

爲解,將辭復左衽。 祖時聘問書式。遼使韓杷至,首命接伴,凡覲見儀制,多所裁定。館舍夕飲, 梠舉橙子曰: 「此果嘗見高麗貢。」安仁曰:「橙橘產吳、楚,朝廷職方掌天下圖經,凡他國所產靡不知也。 初,字極陳和好之利。 至是,安仁從幸澶州,會北邊請盟,首命安仁撰答書,又獨記太 安仁曰:「君將升殿受還書,天顏咫尺,如不衣所賜之衣,可乎?」 | | | | | | |

仁

服以入。

早事藩邸,聞其稍謹,不知其他。」其敏於酬對,切中事機,類如此。時論翕然,稱其得體,上 東之自是不敢復言。王繼忠將兵陷沒,不能死節而反事之,東之屢稱其材。安仁曰:「繼忠 祥之器,聖人不得已而用之。』勝而不美,而美之者,是樂殺人也,樂殺人者不得志於天下。」 益 器之,自是有意柄用。安仁又集和好以來事宜,及采古事,作戴斗懷柔錄三卷以獻 及姚東之至,又令安仁接伴。東之談次,頗矜兵強戰勝。 安仁曰:「老氏云:"佳兵者不

要者,必經其裁。進秩刑部。五年,以兵部侍郎仍兼修史,奉祀,又同知禮儀院。八年,知貢 初 ?,議封禪,與王欽若並爲<u>泰山經制度置使、判兗州。禮畢,復拜工部侍郎。內外書詔有切</u> 三典春闈,擇士平允,是故獨無譏誚,上再賜詩嘉之。 二年春,又與晁逈等同知貢舉。三年,以右諫議大夫參知政事,俄修國史。大中祥符

取裁。 簡。 司,爲式於天下。」遂詔諸司掌常務有條例者,毋或奏禀。 嘗奏曰:「方今治定功成,固軼前代,陛下尚親庶政,旰食忘倦,然而君臨之大,所宜分飭有 奏置修玉牒官,事 尋 寺掌玉牒屬籍,梁周翰始創其制而未備,安仁重加詳定,又爲仙源積慶圖,皆統例精 知 兼宗正卿。 舊制,宮闈令,凡有議奏與寺連署。上以安仁舊德,俾知寺,以次列狀 具職官志。 國史成,遷右丞。是夏,又爲景靈宮副使。 天禧二年,改御史中丞。 屢得對言事, 請給御

寶印歷,書三院御史彈糾事。 五月, 暴疾卒, 年六十一。 廢朝,贈吏部尚書,諡文定, 以其

子温瑜爲大理寺丞,良規爲奉禮郎,承裕爲正字。

闕虞世 董氏 尤嗜讀書,所得祿賜,多以購書。 門地貴盛,待安仁甚厚。元輿蚤卒,家緒寖替,安仁屢以金帛濟之。 後爲國子博士。 近世典章人物之盛,悉能記之。喜誨誘後進,成其聲名,當世推重之。 ',早寡,取歸給養。 安仁質直純慤,無所矯飾,寬恕謙退,與物無競, |南北堂書鈔,惟安仁家有本, 其甥董靈運尚幼, 雖至顯寵, 簡儉若平素。 眞宗命內侍取之,嘉其好古,手詔褒美。 躬自 訓導,爲畢婚娶。 雖家人僕使,未嘗見其喜愠。 時閱典籍,手自讎校。 幼少與宋元輿同學,元輿 善訓諸子,各授一經。 有集五十卷。 尤知典故,凡 三館舊 女弟適

禹錫、 府,知泰、滁二州。 |曙舉,擢集賢校理兼宗正丞,預修會要。坐宗正吏盜太廟神御物,出通判蘄州,徙河 良 齊廓 權 規字元甫。父安仁奏爲秘書省正字、同判太常寺。 !判三司開拆司、度支勾院,直集賢院、知廬州,積官至光祿卿,罷職。 初興張憲、掌 、張子思並爲太常少卿棄館職,當進諫議大夫,而執政靳之,止遷卿。 歷京西陝西路提點刑獄、荆湖南路轉運使, 張知白薦之,召試,賜進士及第。 奏罷馬氏時所賦丁口米數 故事,卿不

列

傳

第四十六

趙安

仁

宋

兼職,故皆罷。未幾,皆還之。

劾。 官伐芟,以給河埽。或以爲須報乃可行,良規曰:「若爾,無及矣。」檄縣遂行,而以擅命自 不甚力,然善委任佐屬,祿賜多分贍族人,餘皆輸之酒家。 進太子賓客、權判殿中省,遷尚書工部侍郎、判本部、知濠州,卒。 改直秘閣、同判宗正事,遷秘書監,知同、陝、相三州。陝歲饑,百姓請閣殘稅二分,爲 子君錫。 良規所至州郡、爲政

温、藥石精粗、飲食旨否、櫛髮翦爪、整冠結帶,如內則所載者,無不親之。及登進士第,以 親故不願仕。 知之,語諸子,令視以爲法。 |君錫字無愧。性至孝。母亡,事父良規不違左右, 良規每出,必扶掖上下,至雜立僕御中。嘗從謁文彥博,彥博異其容止,問而 夜則寢於傍。 凡衾禂薄厚、衣服寒

教育宗室令自行束脩之理!」詔悉從官給。 徙知大宗正丞,加秘閣校理,改宗正丞。時增諸宗院講書教授官,而逐院自備緡錢爲月餽, 貧者或不能以時致,宗師輒移文督取。 良規沒,調知武強縣。從韓琦大名幕府。彦博及吳充在樞筦,更薦之爲檢詳吏房文字, 君錫言:「國家養天下士於太學, 尚不較其費, 安有 歷開封府推官。

元祐初,遷司勳右司郎中、太常少卿,擢給事中。 論蔡確、章惇有罪不宜復職;

經,蹈藉班、馬,知無不言。壬人畏憚,爲之消縮; 福,聽其讜論則聖心開益,行其詔令則四方風動, 必謂朝廷稍厭直臣, 可輕議東回,請亟罷修河司,以省邦費,寬民力。 且將乘隙復進,實係消長之機。不若留之在朝, 蘇軾出知杭州,君錫言:「軾之文,追攀六 公論倚重,隱如長城。 爲利博矣。」進刑部侍郎、樞密都承旨, 用其善言則天下蒙 今飄然去國,邪黨

拜御史中丞。

。即上疏勸哲宗親講學,廣諮問,爲躬政之漸。

監,分司南京,卒,年七十二。紹興六年,贈徽猷閣直學士。 趙槩、王堯臣、蔡抗、蔡挺之塋,邀七家子孫,陪祭於側,時人傳其風義。紹聖中,貶少府少 郎、天章閣待制知鄭陳澶三州、河南府,徙應天。 因清明出郊,具奠謁杜衍、張昪、張方平、 「軾負恩懷逆,無禮先帝,願亟正其罪。」宣仁后覽之不悅,曰:「君錫全無執守。」復以吏部侍 君錫素有志行,後隨人低昂,無大建明。一初稱蘇軾之賢,遇賈易劾軾題詩怨謗,即繼

讀書。 聞之,召入宮,令子仲宣與之遊。 陳彭年字永年,撫州南城人。父省躬,鹿邑令。 彭年籌燈密室,不令母知。 金陵平,彭年師事徐鉉爲文。 年十三,著皇綱論萬餘言,爲江左名輩所賞。唐主李煜 彭年幼好學,母惟一子,愛之,禁其夜 太平興國中,舉進士,在場

列傳第

四十

陳彭年

屋間 頗有雋名。 嘗因京城大酺,跨驢出游構賦,自東華門至闕前,已口占數千言。 然佻薄

好嘲咏,頻爲宋白所黜,雍熙二年始中第。

州,並表彭年通判州事。 **窶,居喪冤職,賴僕人傭販以濟。** 其才,改衞尉寺丞,遷秘書郎,爲大理寺詳斷官。 知州喬惟岳倚任。 調 江陵府司理多軍。 會獎知古爲河北轉運,以親嫌,徙澤州,丁內艱免。 因監决死囚,怖之,換江陵主簿,歷禮、懷二州推官。 眞宗即位,復爲秘書郎。 坐事出監湖州鹽稅,尋又停官。 **喬惟岳刺史海州,及知蘇、壽** 御史中丞王化基 在懷,深爲 彭年素貧 薦

會韶舉賢良方正,翰林學士朱昂以彭年聞,召之,辭以貧乏,請終秩。 擇法吏,三曰簡格令,四曰省冗員,五曰行公舉。此五者,實經世之要道,致治之坦塗也。」 曰:「夫事有雖小而可以建大功,理有雖近而可以爲遠計者,其事有五:一曰置諫官,二曰 咸平三年, 屢上疏言事, 召試學士院, 遷秘書丞、知閬州。 未行,改金州。 四年,上疏

景德初,代還,直秘閣。杜鎬、刁衎薦其該博,命直史館兼崇文院檢討。 又代潘慎修起

居注,賜緋魚。獻大寶箴曰:

歸者仁。恭已御下,輝光益新。 二儀之內,最靈者人。生民之中,至大者君。民旣可畏,天亦無親。 載籍斯在,謀猷備陳。 所輔者德,所

內綏萬姓,外撫百蠻。治亂所始,言動之間。觀之則易,處之甚難。 由是先哲,喻

彼投艱。 苟能慮未,乃可防閑。審求逆耳,無惡犯顏。

旣庶而富,敎化乃施。

發號施令,宜

慈儉之政,富庶之基。鰥寡孤獨,人之所悲。

先及之。 黃髮鮐背,心實多知。 左右侍從,何尙於茲。

瞻言百辟,咸代天工。儻無虛授,可建大中。克彰愼柬,惟藉至公。

知人則哲,聽

德則聰。才固難備,道亦少同。 葑非罔捨, 杞梓乃充。

不扶自直,惟蓬在麻。 非揀莫見,惟金在沙。 ` 參備顧問,必辨忠邪。 獻替以正,裨

益無涯。自匿草澤,亦有國華。 訪此髦士,可拒朋家。

三章之立,庶民作程。 欽哉恤哉,可以措刑。七代之建,姦孽是平。 本仁本義,可

以弭兵。是爲齊禮,亦曰好生。 有教無類,自誠而明。

·神宗。 使人以悦,乃克成功。 治國以政,罔或不從。 宗廟社稷,饗之以恭。 ` 宮室苑囿,誠之在豐。 春蒐秋獮,不廢三農。 擊石拊石,用

濟濟多士,用之有光。

後笙簧。任賢勿貳,堯所以昌。 改過不吝,湯所以王。

硜硜小器,謀之弗臧。

。忠言致益,豈讓膏粱。

六藝爲樂,寧

六合至廣,萬彙尤多。 風俗靡一,嗜欲相摩。 如馭朽索,若防決河。 左契斯執,六

轡遂和 導之以德,民発嬰羅。 不懈于位,俗乃偃戈。

先王之訓,罔不咸然。 吾君之治,亦取斯焉。小心翼翼,終日乾乾。 三靈降鑒,百

祿 無愆。 由茲率土、永戴先天。巍巍洪業、億萬斯年

其所 晁逈 言事 同 取者,不復揀擇文行,止較一日之藝,雖杜絕請託,然置甲等者,或非宿名之士。 ,唯彭年與侍御史賈翺數有章奏,建白彈射,眞宗令中書置籍記之。加刑部員外郎。與 頃之,預修冊府元龜。三年,遷右正言,充龍圖閣待制,賜金紫。先是,詔諫官御史舉職 知貢舉,請令有司詳定考試條式。眞宗因命彭年與戚綸參定,多革舊制,專務防閑。

加集賢殿修撰。 大中祥符中,議建 三年, 封禪,彭年預詳定儀注,上言辨正包茅之用。禮成,進秩工部郎中, 改兵部郎中、龍圖閣直學士。 遷右諫議大夫兼秘書監,詔就賜食廳

編次太宗御集,賜勳上柱國。

裕之所致也。 太祖 息,漢 上,君臣之心皆歸於正。 、太宗丕變弊俗,崇尙斯文。 嘗 公盛則 因奏對,眞宗謂之曰:「儒術汙隆,其應實大,國家崇替,何莫由斯。 學校興行。 又君之難, 其後命歷 直道而行,至公相遇,此天下之達理,先王之成憲,猶指諸掌,孰謂 由乎聽受; 送改,而 **肸獲紹先業,謹導** 臣之不易,在乎 風敎一揆。 聖訓, ,忠直。 有唐文物最盛,朱梁而 禮樂交舉, 其君以 寬大接下,臣 儒術 化 故秦衰則經籍道 成, 下,王 以 實二后垂 風 誠 蹇微。 明

」彭年曰:「陛下聖言精詣,足使天下知訓,伏願躬演睿思,著之篇翰。」眞宗爲製崇儒

爲君難爲臣不易二論示之。 彭年復請示輔臣,刻石國子監焉

中。 見向 宗 年,拜刑部侍郎、參知政事 奉 敏中。 時謂 祀 六年,召入翰林,充學士兼龍圖閣學士,同修 亳州太清宫, 懇讓進秩, 彭年亦辭之, 不許, 又爲天書同刻玉副使。 敏中以彭年所上文字示旦, 旦瞑目不覽, 曰:「是不過興建符瑞, 圖進取耳。」眞 丁謂爲經度制置使,以彭年副之。 ·,判禮儀院,充會靈觀使。 國史。 又與謂同知禮儀院, 禮成, 彭年嘗謁王旦,旦辭不見。 國史成,遷工部侍郎。 加給 翌日 九

贈右僕 水罷 詣 太 凡六篇 奉,不許。 廟 天禧大禮,爲天書儀衞副使。 了退就 射, 諡 彭年妻入謁,出彭年像示之,錫賚甚厚。 日文僖,錄子佺期大理寺丞, 中書閣中如廁,眩仆,肩 二月,卒,年五十七。 又爲參詳儀制奉寶册使。 眞宗親臨,涕泗久之。又覩所居陋弊,歎息數四。 東還家。遣中使挾醫診療,且 孫彦先太常寺奉禮郎。 正月九日,侍眞宗朝天書, 一夕存 真宗前後賜彭年御製歌 問。 進兵部侍郎,表 廢朝,

學,皆所詳練,若前世所未有,必推引依據以成就之。 賜, 彭 年性敏給,博聞強記,慕唐四子爲文,體制繁靡。 書籍。 大中祥符間,附王欽若、丁謂, 朝廷 典禮, 故時政大小,日 貴至 無不 通 參 層,奉養無異貧約。 預。 有諮訪,應答該辯,一 其儀制 沿革、 、刑名之 所得

列

無凝滯,皆與眞宗意諧。

閥門、客省、御史臺儀制,又受詔編御集及宸章,集歷代婦人文集。 所著文集百卷, 唐紀四 耗,遂舉止失措,顚倒冠服,家人有不記其名者。 及升內閣,李宗諤、楊億皆在後。宗諤卒,億病退,而彭年專任矣。 奉韶同編景德朝陵地里、封禪、汾陰三記, 事務旣叢,形神皆

若、丁謂、溺志爵祿、甘爲小人之歸、豈不重可嘆也哉 復官之命,庶幾無忝所生。 黨邪徇貨,遂貽終身之玷,良可醜也。趙安仁言事,切中時弊,及答契丹書,不失祖宗規式, 於剛愎少文,謀害王旦、王曾,與寇準相忤,其餘不足觀也矣。 又能以凶器之言折敵,不使矜戰,可謂才辨之臣矣。其孫君錫於元祐反正,論格察確、章惇 好施,士類歸之,亦可尙也。 不以科名自伐,蓋有取焉。宋湜懿文多識,名動人主,至與李沆同命。雖去沆遠甚,然樂善 論曰:楊礪遭遇龍飛,致位崇顯,自以夢協其兆,而忠言善政,一無可述。惟棄官侍母, 陳彭年以辭藻被遇,上表獻箴,詳練儀制,若可嘉尙。 王嗣宗治家能睦,爲政可稱,所至立徹淫祀,亦人之所難。 李昌齡累更劇任,遂階大用, 乃附王欽

李宗諤「宗」字原脫,據長編卷三八、汪海卷一一〇補。

宋史卷二百八十八

列傳第四十七

趙稹 任中正 任布 弟中師 高若訥 周 起 程琳 孫沔 姜遵 范雍 孫子奇 曾孫

坦

事、通判邵州,改太府寺丞、通判濮州。 任中正字慶之,曹州濟陰人。父載, 以翰林學士錢若水薦,遷秘書省著作佐郎、通判大 右拾遺。 中正進士及第、為池州推官。 歷大理評

名府。

或歲 發運使王子輿欲悉調餉京師, 中正曰:「東南歲輸五百餘萬, 而江南所出過半。 IE **軀幹頎長,帝擇大笏,命內臣取緋衣之長者賜之。至部,歲大稔,民出租賦、平糴皆盈羨。** 少歉 轉運使陳緯徙陝西,舉中正自代,太宗曰:「朕自知之。」召爲秘書丞、江南轉運副使。中 則數不登,患及吾民矣。」乃止。 今歲有餘,

第四十七 任中正

例

傳

遷殿 中侍 擢監察御史、兩浙轉運使。 知梓州。 御史、判三司憑由司。 擢樞密直學士,代張詠知益州。 旣而 民饑,中正不俟詔,發官廩振之。 有與梁善者,密中之,出爲荆湖轉運使。 在郡五載,遵詠條教,閩人便之。 按晉州盛梁獄,論 遷左 司諫、直 知審刑 如法。

用爲樞密使,復爲副使,再進兵部侍郎、參知政事 大中祥符九年,拜尚書工部侍郎、樞密副使。 馬知節知密院,改同知院事。 明年,曹利 院,出知幷州。

遷給事中、權知開封府。

尚書左僕射,盜康懿 郎、判三司鹽鐵勾院中行,右正言中師,皆坐貶。 頃之,以母老徙曹州,遷禮部尙書。 謂善,謂且貶,左右莫敢言者,中正獨營救謂,降太子賓客、知鄭州。 仁宗在東宮時,以右丞兼賓客。遷工部尚書。 帝旣卽位,乃拜兵部尙書。 中正弟尚書兵部員外 中正素與丁

中正事親孝,平居簡素,而飲食極豐美。 初,中正母入謁禁中,與陳彭年、王曾、張知白妻同見眞宗,命中正母爲班首,且賜坐。

中府,以經制祀事,辟掌牋奏,累遷著作佐郎,歷知千乘、襄邑縣,改祕書丞。 中師字祖聖,進士及第,試秘書省校書郎、知平陸縣。 眞宗將祀汾陰,命陳堯叟判河 以張知白薦,遂

州 以太常少卿、直昭文館知廣州。 曹利用辟爲羣牧判官,徙知滑州,入爲開封府判官。 視事之明日, 吏白, 故事當謁諸祠廟, 而解有淫祠, 中 累遷尙書度支郎中、直史館、知澶

師遽命撤去之。兼市舶使,市舶置使自此始。

并州,許便宜從事。 屬皆有算,而中師盡奏蠲之。 還,為諫議大夫、判尙書刑部。 改樞密直學士、知益州。 加集賢院學士,再知澶州。 先是,轉運使韓瀆急於籠利, 未行,進龍圖閣直學士、知 自薪蒭、蔬果之

部侍郎、資政殿學士知永興軍。 樞密 副使。 康定中,任布守河陽,數上書論事,帝欲用之。 明年,建北京,令中師領修建。進給事中,宣撫河東,不行。求補郡,以尚書禮 求內徙,得知陳州。 呂夷簡薦中師才不在任布下,遂並召爲

養生之術,號大塊翁。 拜太子少傅致仕,進少師。卒,贈太子太傅,諡安惠。 踰 年,上書言:「臣老矣,家本曹人,願得守曹。」遂以知曹州。改戶部侍郎。明年,請老, 中師性樂易,平居自奉甚儉約,晚知

如 成 人。 周起 意知衞州,坐事削官,起才十三,指京師訟父冤,父迺得復故官。 字萬卿,淄州鄒平人。生而豐下,父意異之,曰:「此兒必起吾門。」因名起。 舉進士,授將作 幼敏慧

監丞、通判齊州。 擢著作佐郎、直史館,累遷戶部、度支判官。

判登聞鼓院。 真宗北征,領隨軍糧草事。以右正言知制誥,權判吏部流內銓。 封泰山,攝御史中丞、考制度副使,所過得採訪官吏能否及民利病以聞。 尋為東京留守判官,

封還,近臣率頌功德,起獨以居安爲戒。 初置糾察刑獄司,因命起,起迺請諸已决而事有所枉及官吏非理榜掠者,並聽受訴,從 進金部員外郎、判集賢院。

之。 下昔龍潛於此,請避正寢,居西廡。」詔從之,名其堂曰繼照。 **擢樞密直學士、權知開封府。** 起聽斷明審,舉無留事。 眞宗嘗臨幸問勞, 起請曰:「陛

所至有風烈,數賜書褒諭。三遷右諫議大夫、知井州。 出,探以賜起。改勾當三班院兼判登聞檢院。 侍郎,爲樞密副使。 一乃歸。 起嘗奏事殿中,適仁宗始生,帝曰:「卿知朕喜乎? 宜賀我有子矣。」卽入禁中, 明日入見, 管與寇準過同列曹瑋家飲酒,旣而客多引去者,獨起與寇準盡醉,夜漏 引咎伏謝。 眞宗笑曰:「天下無事,大臣相與飮酒,何過之有。」 從祀汾陰,留權知河中府,徙永興、天雄軍 拜給事中、同知樞密院事 進禮 懷 金銭 部

起素善寇準。

準且貶,起亦罷爲戶部郎中、知靑州,又降太常少卿、知光州。

稍遷祕書

,徙揚、杭二州,又徙應天府**。** 復爲禮部侍郎、 判登聞鼓院。 以疾請知潁州,徙陳州、汝

州 卒,贈禮部尚書,諡安惠

以孝友聞,官殿中丞;延雋,頗雅厚,官太常少卿。 能 書。 |起性周密,凡奏事及答禁中語,隨輒焚草,故其言,外人無知者。 弟超, 亦能 書,集古今人書并所更體法,爲書苑十卷,累官主客郎中。 家藏書至萬餘卷。 起

丹使者謂琳曰:「先皇帝嘗通使承天,太后獨無使,何也?」|琳曰:「南北,兄弟也。 視承天猶從母,故無嫌;今皇太后迺嫂也,禮不通問。」 契丹使者語屈。 郎、知壽陽縣,監左藏庫,召試,直集賢院。改太常博士、權三司戶部判官,契丹館伴使。 大中祥符以來起居注闕,琳追述上之,遂修起居注,提舉在京諸司庫務, 程琳字天球,永寧軍博野人。 舉服勤辭學科, 補泰寧軍節度推官。改祕書省著作佐 後修眞宗實錄,而 知制誥、判吏部 先皇帝 契

貸民, 權三司使范雍使契丹,命琳發遣三司使。 凡六十萬 斛 饑民賴以全活, 而軍得善粟。 太倉贍軍栗陳腐不可食,歲且饑, 鹽鐵官任布請鑄大錢一當十, 琳盡發以 度支判

列

傳 第 74 +

七

程 琳

九六七三

流內銓。

官許申請以銅鐵雜鑄,下其議。琳曰:「第五琦用大錢,法卒不可行。 乞令申試之。」鑄卒不

小大之異,卿嘗坐我殿上,我顧小國耶?」防無以對。宰相將許之,琳曰:「許其小必啓其 琳曰:「此眞宗所定,不可易。」防曰:「大國之卿,可以當小國之君。」琳曰:「南北雖兩 契丹遣蕭蘊、杜防來,蘊出位圖示琳曰:「中國使者坐殿上高位,今我位乃下,請升之。」 朝,無

曰:「軍中動靜我自知之,苟有謀,不待告也。」 遊嬉,琳戒曰:「有火則隨救之,毋白也。」已而果有火,終宴人無知者。或告振武軍變,琳 畿,上疏請罷諸土木營造,蠲被災郡縣租賦。 以右諫議大夫權御史中丞。宰相張知白尤器之,當除命,喜曰:「不辱吾筆矣。」時歲 改樞密直學士、知益州。 上元張燈,州人夜聚

歸,夫訴于府。 琳曰:「奴無自專理,且使令與己犯同。」太后嘿然,遂論如法。外戚吳氏離其夫而挈其女 令有司驗得捶死狀。 人妻女者。」帝亟命出之。笞而歸其妻。 遷給事中、權知開封府。王蒙正子齊雄捶老卒死,貸妻子使以病告。琳察其色辭異, 琳命還女,吳氏曰:「已納宮中矣。」琳請于帝曰:「臣恐天下人有竊議陛下奪 蒙正連姻章獻太后家,太后謂琳曰:「齊雄非殺人者,乃其奴嘗捶之。」

朝廷有也。 開封府。 ,易於句校,可也。 遷 I 一部侍郎、龍圖閣學士,復爲御史中丞。不拜,以翰林侍讀學士兼龍圖閣學士再知 改三司使, 臣爲陛下惜,於臣何有?」帝然之。 出納尤謹,禁中有所取,輒奏罷之。 後有興利之臣,復用舊名增之,是重困民,無已時也。再遷吏部侍郎, 或請倂天下農田稅物名者,琳曰:「合而爲 內侍言琳專,琳曰:「三司財賦,皆

遂參知政事,遷尙書左丞。

議重賄唃廝囉使討賊,得地卽與之。琳曰:「使唃廝囉得地,是復生一元昊矣。不若用間, 使二羌勢不合,中國利也。」 横,大臣患之。脉曰:「始不殺,無罪也;今旣驕橫,可暴其惡誅之,國法也,又何患耶?」又 時元昊反,猶遣使來朝,衆請按誅之。」琳曰:「遣使,常事也,殺之不祥。」後使者益驕

章惠太后。既得御寶,琳乃市取之。又令吏市材木,買婦女。已而吏以贓敗,御史按劾得 醫第,琳欲得之,使開封府吏密諭媪,以偕幼,宜得御寶許鬻乃售。乳媪以宗室女故,入宮見 故樞密副使張遜第在武成坊,其曾孫偕才七歲,宗室女生也,貧不自給。 乳媪擅出券

狀,降光祿卿、知潁州。

京,內侍皇甫繼明主營宮室,欲侈大以要賞。琳以爲方事邊陲,又事土木以困民,不可。 頃之,爲戶部侍郎,尋復吏部、知天雄軍。又以左丞爲資政殿學士。及建天雄軍爲北

列

傳

第四十

北安撫使。 而 |繼明數有論奏,帝遣御史魚周詢按視,遂罷繼明,命琳獨主之。遷工部尚書,加大學士、河 改武昌軍節度使、知永興軍、陝西安撫使。 以宣徽北院使判延州, 仍爲陝西安

惜其失幾。 所部分,以弱其勢,可不戰而屈矣。|琳曰:「幸人之喪,非所以柔遠人,不如因而撫之。」議者 元昊死,諒祚立,方幼,三大將分治其國。 議者謂可因此時,以節度使啖三將,使各有

我也。」拒不受。已而賊果以騎三萬臨境上,以捕降者爲辭。琳諜知之,閉壁倒旗,戒諸將 詐也。契丹至帳下,當舉國取之,豈容有來降者?間聞<u>夏</u>人方捕叛者,此其是邪?不然,誘 移報之,果喜,即日迎册使,慶陽之圍亦解。 嘗獲戎首,不殺,戒遣之,夏人亦相告毋捕漢 民。久之,以五百戶驅牛羊扣邊請降,且言:「契丹兵至衙頭矣,國中亂,願自歸。」琳曰:「彼 勿動,賊疑有備,遂引 既而遣使册命,夏人方圍慶陽。琳曰:「彼若貪此,可緩慶州之難矣。」具禮幣賜予之數

禦備。 換鎭安軍節度使。 拜同 植]中書門下平章事、判大名府。 雜 木數萬,曰:「異時樓櫓之具,可不出於民矣。」人愛之,爲立生祠。 上書曰:「臣雖老,尙能爲國守邊。」未報,得疾卒。 琳持重不擾,前後守魏十年,度要害,繕壁壘,增守 贈中書令,諡文簡 改 武 勝軍,又

后時,嘗上武后臨朝圖,人以此薄之。

官。 官。 史、判戶部勾院。 姜遵字從式,淄州長山人。進士及第,爲蓬萊尉,就辟登州司理參軍,開封府右軍巡判 知吉州高惠連與遵有隙,發遵在廬陵時贓事,按驗無狀,猶降通判延州。 有疑獄、將抵死、遵辨出之。遷太常博士、王曾薦爲監察御史,殿中侍御 利州路饑,以遵爲體量安撫,遷知邢州。 史,開封府判 復入爲侍御

陽富民元氏歲貢梨。 三司、開封府日接賓客,廢事,有詔禁止。歷三司副使,再遷右諫議大夫、知永興軍。 仁宗卽位,徙滑州,爲京東轉運使,徙京西。 召拜樞密副使,遷給事中,卒。贈吏部侍郎。 未幾,以刑部郎中兼侍御史知雜事。 奏罷咸 建言

遵長於吏事,爲治尙嚴猛,所誅殘者甚衆。 在永興,太后嘗詔營浮屠,遵毀漢、唐碑碣

代磚甓,旣成,得召用。

博士。 還,提舉諸司庫務,勾當三班院 西轉運使,入爲三司戶部副使,又徙度支。 將 軍 ·,後 寇準辟爲河南通判,還,判三司開拆司。 雍字伯純,世家太原。 葬河南,遂爲河南人。 曾祖仁恕, 仕蜀爲宰相。 雍中進士第,爲洛陽縣主簿。 以尙書工部郎中爲龍圖閣待制、陝西都轉運使。 河決滑州、選爲京東轉運副 祖從龜,刑 累官殿中丞、 部侍 郎, 知端州 入 使。 朝, 歷 改右 河北、陜 遷太常 屯衞

禮部 復, 完人頗以爲 思。 如 一二小殿存爾。」癰抗言曰:「不若悉燔之也。先朝以此竭天下之力,遽爲灰燼,非出人意 因其所存,又將葺之,則民不堪命,非所以畏天戒也。」時王曾亦止之,遂韶勿葺。 遷給事中。 雍在京東時, 環、原州屬羌擾邊,以瘫爲安撫使。建言:「屬羌因罪罰羊者,舊輸錢,而比年責使出羊, 郎 玉清昭應宮災,章獻太后泣對大臣曰:「先帝竭力成此宮,一夕延燎幾盡,惟 請輸錢如舊, 平滑州水患。以勞加龍圖閣直學士。 罪輕者以漢法贖金。」從之。 。明年, 遷右諫議大夫、權三司使。 拜樞密副使。 丁母憂, 遷尙書 起

於天雄軍聚甲兵以備河北,於永興軍、河中府益募土兵以備陝西,卽涇原、環慶有警,河中 近郡 》, 逐 太后崩, 知河陽。 罷爲戶部侍郎、知陝州,改永興軍。 進吏部 侍郎,徙應天府,又改河南府,進資政殿學士。 是歲饑疫,關中爲甚,確爲振恤。以疾,請 陳安邊六 事,又請

侍

援之。

境,守城者纔數百人。 通款於確,確信之,不設備。 百里,遠者二百里,土兵寡弱,又無宿將爲用,而賊出入於此, 元孫皆爲賊所執。 而元昊反,拜振武軍節度使、知延州。) 羅閉門堅守,會夜大雪,賊解去,城得不陷。 雅召劉平于慶州,平帥師來援,合元孫兵與賊夜戰三川口,大敗,平、 一日,引兵數萬破金明砦,乘勝至城下。 因言:「延州最當賊衝, 請益師。」不報。 左遷戶部侍郎、知安州。 地闊而砦栅疏, 會大將石元孫領兵出 元昊先遣人 近者

一歲,復吏部侍郎、知河中府。

徙河南府,又遷禮部尙書,卒。贈太子太師,諡忠獻。 非便、韶止其役、雍匿韶而趣成之。 雍爲治尙恕,好謀而少成。 又爲資政殿學士、知永興軍兼轉運司事,遷尙書左丞,加大學士。初,完永興城,或言其 在陝西,嘗請於商、號置監鑄鐵錢,後不可行,又括諸路牛 明年,賊犯定川,邠、岐之間皆恐,而永興獨不憂寇。 復

以 與營田,亦隨廢。 子宗傑,爲兵部員外郎、直史館,歷陝西轉運使,先濟卒。 頗知人,喜薦士,後多至公卿者。 狄青爲小校時,坐法當斬,雍貸之。 宗傑子子奇。

子奇字中濟,階祖雅蔭,簽書幷州判官。 以唐介薦,神宗賜對,提舉修在京倉。

又薦 「爲吏當如是,無恤 按覆營繕,匠 吏積爲欺隱,懼罪,造飛語間之。 人言。一授戶部判官,爲湖南轉運副使。 神宗遣大閹張茂則察其無私,勞之曰: 建言:「梅山蠻恃險爲邊患,宜拓

坂之。」後章惇開五溪,議

出出此

起。

此? 鹽 歷 河東、 一,奏罷之。 」導者又欲沮子奇下馬館門外, 判將作監。 陝西、河北、京東四路轉運使, 使於遼,導者改路回遠,子奇謂曰:「此去雲中有直道,旬日 子奇曰:「異時於中門下馬,今何以 工部、左司二郎中, 加直 龍 圖 閣,使河北。 「輒易? 川 導 至,何爲出 諸郡猶権 者計 屈

羈黠羌,推誠待下,人樂爲用。 入爲吏部侍郎,以待制致仕,卒,年六十三。 子坦。 權 戶部侍郎, 元 站 初, 爲將作監、 删酒 戶苛禁及奴婢告主給賞 司 漫卿, 復使陝西,以病解。 法。 未幾,出知慶州 起知鄭州 ;廣儲蓄, ,加集賢殿修撰、 繕城棚 知河陽。召 嚴守備,

使, 以不宜始禍,辭其行。 臚 令後奉使者視爲式。 應對合旨,賜進士第,權起居舍人。使於遼,復命,具語錄以獻。 世字伯履,以父任爲開封府推官、金部員外郎、大理少卿,改左司員外郎。 徽宗怒,責舒州團練副使,稍復集賢殿修撰,知江寧府、洪揚二州 遷殿中監,知開封府,再命使遼。 時興邊議, 非時遣使以觀釁, 徽宗覽而善之,付鴻 押伴 坦

爲當三;罷准鹽入東北;醫諸州公田,以實常平。又上疏言:「戶部歲入有限,用則無窮。 之害,甚於當十,宜速正之,爲一道率。」坦至,卽奏罷之。 今節度使八十員,留後至刺史數千員,自非軍功得之,宜減其半奉,及他工技末作,一切 召爲戶部侍郎,論當十及夾錫錢之弊。以便親請外,知河陽。 政和初,復爲戶部,遂改當十錢 入辭,徽宗曰:「夾錫錢

建議鬻田、改常平法、廢元符令及罷夾錫錢之罪,貶黃州團練副使,安置韶州。 裁損。」時以爲當。 猷閣待制, 卒, 年六十二。 時張商英爲相,坦多與之合。及商英去,言者論坦助爲匱竭之說,以搖衆聽;又言坦 以赦,復徽

郡中,名有風鑒,故以女妻槰。 遷侍御史、判登聞鼓院、開封府判官,徙三司開拆、憑由司。帝祀汾陰,爲留守推官。 縣,通判楚州。 趙稹,字表微。其先單父人,後徙宣城。爲人誠質寬厚,少好學。 遷殿中丞、知通州。 擢進士第,歷平定軍判官、台州推官。 改大理寺丞、知崑山 召還,同判宗正寺,樞密直學士李濬薦爲監察御史,再 吳太府卿田霖退居

遷尙書兵部員外郎、益州路轉運使,眞宗諭曰:「蜀遠而數亂,其利害朕所欲聞。 卿至,

列

第四

十七七

趙碩

任

布

悉 反逮繫平民,楚掠誣服。 條 上之,祗 附常奏,毋著姓名。」旗至,數言部中事 積 適行部,意其寃,馳入縣獄,問得狀,悉縱之。 , 至一日章數上。 蒲江縣捕 数 盗不得, 遷工 部 郎

召爲侍御史知雜事、同判吏部流內銓,糾察在京刑獄。 **愼從吉知開封府,其子鈞、銳受**

賕 事連錢惟演。 **뛚與王曾白其姦狀,從吉坐免,惟演亦罷去。**

府、三遷工部侍郎、復糾察在京刑獄。 裁千餘匹,止以歲所織數上供。久之,或言觸不達民情,喜尊大,降知同州,徙鳳翔、京兆 改 三司鹽鐵副使,擢右諫議大夫、集賢院學士、知益州。 加樞密直學士、知井州,代還,遷刑部侍郎 度支市錦六千匹,召工計歲織

府。 崩,罷爲尚書左丞、知河中府,遷禮部尙書。旣病,乞骸骨,拜太子少傅致仕。卒,贈太子太 命未出,人馳告櫃,櫃問曰:「東頭?西頭?」蓋意在中書也。聞者皆以爲笑。 天聖八年,擢樞密副使,遷吏部侍郎。時,權出宮掖,稱厚結劉美人家婢,以故致位政 章獻太后

第 補安肅軍判官,輒刺問虜中事, 任布字應之,河南 後唐宰相圜四 上疏請飭邊備,仍奏河北利害 世孫也。 力學,家貧,嘗從人借書以讀。 後契丹至澶淵,眞宗識 進士及

其名,特改大理寺丞、知安陽縣。 通判嘉州,還,知開封府司錄事,通判大名府。初置提點刑

獄,選布領荆湖南路。

市論之曰:「明朝不宜以神怪街愚俗。」途忤宰相意。 入權三司鹽鐵判官,判度支勾院。 京城東南有泉湧出,爲築祥源觀,男女徒跣奔走瞻 又與徐奭、麻温其試開封府進士,

而與潛發封卷視之。降監鄧州稅,徙知宿州。

越州。 聞之,貸其死,上書自劾,朝廷亦不之責 時越州守闕,寇準曰:「越州有職分田,歲入且厚,今爭者頗衆,非廉士莫可予。」乃徙布 有祖訟其孫者「醉酒詈我」,已而悔 日哭于庭曰:「我老無子,賴此孫以爲命也。」布

能償。 三司開拆司,出爲梓州路轉運使。 寇準貶, 市亦徙建州, 累遷尚書職方員外郎。 布奏除之。 遷祠部郎中、權戶部判官,擢江、准制置發運使。前使者多聚山海珍異之 富順監鹽井,歲久鹵薄而課存,主者至破產,或鬻子孫不 丁謂旣逐,稍用爲白波發運使。 歲餘

物以餉權要,布一切罷去。

國 歷 |兵部、刑部郞中,拜右諫議大夫、知眞定府。 備未可弛也。」築甬道屬滹沱河,跨絕泥潦。徙滑州,改天雄軍。 召爲三司度支副使,奉使契丹。 還,加直史館、知荆南。 或欲省河北兵,布言:「契丹、西夏方窺伺中 爲鹽鐵副使,命管件契丹使。 遷給事· 集賢院學

列傳第四十七

任布

髙

訥

降賊者。 知許州。 復徙眞定,又徙河南府,未至,召爲樞密副 未幾,爲龍圖閣直學士,徙澶州。 黄德和誣劉平降賊,欲收平家, 使。 布力言平非

不知體。 出 疏 身,遷少師。 日:「布不才,其子能知之。」乃以尚書工部侍郞罷知河陽。 布 純約自守,及秉政,無所建明。 改蔡州,授太子少保致仕,進少傅。 子遜嘗上書,詆大臣及布皆爲不才,御史魚周詢因奏 皇祐間,詔陪祀明堂,稱疾不赴。 議者以周詢引遜語逐其父,爲 賜一子進士

子達,性亦恬遠,尚釋氏學,歷官爲司封郎中。 始,布歸洛中,作五知堂,謂知恩、知道、知命、知足、知幸也。 卒,贈太子太傅,諡恭惠。

作佐郎,再遷太常博士、知商河縣。 高若訥字敏之,本丼州楡次人,徙家衞州。 縣有職分田,而牛與種皆假於民,若訥獨廢不耕 進士及第,補影德軍節度推官,改秘書省著

淹,相繼貶斥。 同管勾國子監, 御 .史知雜楊偕薦爲監察御史裏行,遷尙書主客員外郎、殿中侍御史裏行。 改左司諫、 歐陽脩乃移書責若訥曰:「仲淹剛正,通古今,班行中無比。以非辜逐,君爲 遷起居舍人、知諫院。 時范仲淹坐言事奪職知睦州, 余靖、 尹洙論敦仲

非君子。」若訥忿,以其書奏,貶脩夷陵令。 官 不能辨,循以面目見士大夫,出入朝廷,是不復知人間有羞恥事耶! 未幾, 加直史館,以刑部員外郎兼侍御史知雜 今而後,決知足下

大州 容,如唐延英故事 <u>遂出文應爲相州兵馬鈴轄</u>。 坐,國之路寢也,豈可聚老、釋爲瀆慢? 王蒙正知察州,若訥言:「蒙正起裨販,因緣戚里得官。 可乎?」詔寢其命。 大慶殿設耐福道場, 又奏三公坐而論道,今二府對纔數刻,何以盡萬幾? 」閻文應爲入內都知,若訥言其肆橫不法, 若訥奏曰:「大慶殿非行禮不御, 向徙郴州,物論猶不平,今予之 宜賜坐從 非法服不 請出之,

議大 若訥遂代育爲樞密副使。 然者,若訥曰:「陰陽不和, 責在宰相。 判尙書刑部。 夫權御史中丞。時宰相賈昌朝與參知政事 擢天章閣待制、知永興軍, 留判吏部流內銓, 丁母憂,始許行服,給實奉終喪。 洪範,大臣不肅,則雨不時若。」於是昌朝及育皆罷, 吳育數爭事 服除, 出爲 加龍 河東路都轉運使。 上前。 圖 . 閣直學士、史館修撰,以右 明年春,大旱,帝問所以 召還,兼侍讀、 權 諫

亂階。」及破城,知州張得一送御史臺劾治,有臣賊狀。 王 一則據 **貝州**,討之,踰月未下。 或議招降,若訥言:「河朔重兵所積,今釋不討, 朝廷議貸死,若訥謂:「守臣不死,自 後且 啓

列傳第

四

十七

高若

訥

孫沔

當誅,况爲賊屈?」得一遂棄市。

右僕射、諡文莊。 觀文殿學士兼翰林侍讀學士、尙書左丞、同羣牧制置使、判尙書都省,止命舍人草詞。卒,贈 節度使,固執爲不可。」若訥畏惕少過,而前騶歐路人輒至死,御史奏彈之。皇酤五年,罷爲 以工部侍郎、參知政事爲樞密使。 凡內降恩, 若訥多覆奏不行。入內都知王守忠欲得

校訛謬行之,世始知有是書。名醫多出衞州,皆本高氏學焉。 母病,遂兼通醫書,雖國醫皆屈伏。張仲景傷寒論訣、孫思邈方書及外臺秘要久不傳,悉考 |若訥 疆學善記,自秦、漢以來諸傳記無不該通,尤喜申、韓、管子之書,頗明曆學。 因

五種上之。 幷損益祠祭服器,悉施用。 皇祐中,詔累黍定尺以制鐘律,爭論連年不决。若訥以漢貨泉度一寸,依隋書定尺十 有集二十卷。

孫 <u></u> 沔字元規,越州會稽人。中進士第,補趙州司理參軍。 跌蕩自放,不守士節,然材猛

過人。後以秘書丞爲監察御史裏行。

景祐元年,禮院奏用冬至日册后,沔奏:「喪未祥禪而行嘉禮,非制也。」同安縣尉李安

爲左 時事 世 上書指切朝政, ,再貶永 正言,論 州 事益有直名。 監 酒。 被劾, 移通 洒奏:「加罪<u>安世,恐杜天下言者,</u>請勿治。」黜 遷尙書工部員外郎,提舉兩浙刑 判潭州、 知處州 復爲監察御 上史,再. 獄, 知楚州。所在 遂以起居舍人為陝西轉運 知衡山縣。道上書言 皆著能 迹。 召

使。

請無不行,有宋得君,一人而已,未知何以爲陛下報?天下皆稱賢而陛下不用者,左右毀 于殷躬』,四方義士傳聞詔語,有泣下者。夷簡在中書二十年,三冠輔相,所言無不聽,所 隆盛之基,忽至於此。今夷簡以病求退,陛下手和御藥,親寫德音,乃謂『恨不移卿之疾在 聞,契丹無厭,乘此求賂。 還,自大名入秉朝政,于茲三年,不更一事。以姑息爲安,以避謗爲智。 若已者爲自固之計, 相 出 鎭 若因此 又以張士遜冠台席 時 皆謂憸邪而陛下不知者,朋黨蔽之也。比契丹復盟,西夏款蹇,公卿忻忻, 許昌 宰相呂夷簡求罷,仁宗優詔弗許。 振 ,乃薦王隨、陳堯叟代己。 紀 一綱,修廢墜,選賢任能,節用養兵,則景德、祥符之風,復見於今矣。 欲使陛下知輔相之位非己不可, 兵殲貨悖,天下空竭,刺史牧守,十不得一。法令變易,士民怨咨 士遜本乏遠識, 。才庸負重,謀議不協,忿爭中堂,取笑多士, |沔上書言:「自|夷簡當國,黜忠言,廢直道,及以使 至隳國事 冀復思己而召用也。 蓋夷簡不進賢爲社稷遠圖, 西州將帥累以敗 陛下果召夷簡 但引不 政事 日望 若恬然 寖 和

列傳

而 去, 顧 遂以 無一 **沁爲安**, 言啓沃上心,別白賢不肖,雖盡 臣 恐土崩 瓦解 不可復救。 南 山之竹,不足書其罪 而夷簡 意謂四方已寧,百度已正 也 欲因病默默

賜, 爲環慶 非 何敢妄言動衆 謂之曰「汝賴戲我前, 中 路都 聞 國 帝不之罪, い體。」 總管、 三司 安撫經略使、知慶州 一命 所給特支, 議者喜其謇切。 斬 之徇。 即私 議動衆, 物惡 將佐爭言:「此特戲 而 居兩月,以天章閣待制爲都轉運使, 估高 汝必死,而告者超遷矣。」明 元昊死,諸將欲乘其隙 軍 士有語,優 爾 ٠, 不足 人因戲及之。 深罪也。」河 大舉滅之。 日 給特支, 河日:「: 徐呼還, 又遷 沔曰:「乘危伐 禮部 此 杖 一無敢 脊 朝 郎中, 配 廷 嶺

都 人 服 轉 運 其 歷 使。 能 知 陜 西 求知明州 遷 龍 河東都轉運使, 圖閣 (,會京東多盜,乃以知 直學士,又遷 叉 知慶州 樞密直 學士、知成 徐州 聚戰亡遺骸葬祭之, ,明購賞,嚴誅 都 府, 未至, 罰, 軍 以 中 盜 感泣。 遂 母 喪罷 止 凡三 服 除, 知慶州, 爲陝西 邊

西路安撫使。 「南事 下當以嶺南爲憂也。 徙 誠如沔所料。」宰相龐籍奏遣沔行,以爲湖南、 秦州 時儂智高反,沔入見,帝以秦事勉之。 沔請益發騎兵,且增選偏裨二十八人,求武庫精甲五千。 臣觀賊勢方張, 官軍朝夕當有敗奏。」 江西路安撫使, 對曰:「臣 明 一雖老, 日 , 聞 以 然秦州 蔣偕 便宜 參知政事梁適折之 死 從 不足 事 帝窳 加 煩 廣 執 聖 慮 南 政

青會 湖 …「毋張 南 實備不至 、北曰:「大兵且至,其繕治營壘,多具宴犒。」 賊疑不敢北 青與智高遇,戰歸仁鋪,智高敗走。 皇 |而貌爲鎭靜,危亡之道也。」居二 !」|沔日:「前日惟亡備,故至此。今指期滅賊, |青還, 河留治後事, 遷給事中。 日 ,促行,才與兵七 非可以徼倖勝,乃欲示鎭靜耶 侵。 百。 會遣狄青爲宣撫 沔憂賊度嶺 及還,帝問勞,解 而 滅使,沔 北,乃檄 興

杭州 無檢, 绯, 且 張 守杭及并所爲不法,乃徙壽州 日:「陛下若以臣 遷大學士, 徙 貴妃薨,追册爲 知青州 河讀 皇后,命 册則可,以 又遷觀文殿學士、 沔讀 册。 樞 密 故事,正 副 使讀册則不 知 后,翰林學士讀册。 并州 可。 而 諫官吳及、 逐求罷 職 沔既陳不可用宰相 御史沈起奏沔淫 以 資 政殿 學 土知

御帶賜之,以知杭州

至南京,

召爲

樞密副

使。

護

明所藏 按明 蕭 金氏 不稅者幾 Ш 僧 女,沔白晝使吏卒 民鄭昊市 詔 郭虔暉 稱 按其迹,而使者奏:「沔在處州時,於遊人中見白牡丹者,遂 王,取 (萬端,配隸昊他州。 :紗,昊高: 畫鷹圖,明不以獻 其畫鷹,刺 其直,沔爲恨。 興致, 亂之。 配 芝。 州 人許明有大珠百 及 初, | 沔罷去,明詣 有趙氏女已許嫁莘旦,沔見西湖上,遂設計取趙女至州 會昊貿紗有隱 明父禱水仙 提 ,沔妻弟邊珣以 大王 點刑 而 不 一廟 獄 稅 生明 斷 者, 事覺, 錢三萬三千強市 故幼名『大王 臂 誘與姦。 自 沔取 訟,乃得釋。 其家 及在 一見 次簿記, 杭州, 之。 杭州 沔 嘗從 沔 積 刨

列

傳

幷州 卿, 者, 嘗剔取盜足後筋, 斷之。」奏至, 乃責寧國節度副使, 與 分司南京,居宿州。 飲食臥 私役使吏卒,往來青州、麟州市賣紗、絹、綿、紙、藥物。 起。 所刺配人以百數,及罷,盜其按去,後有訴寃者多以無按,不能自 會恩? 知濠州,以尚書禮部侍郎致仕 監司 坐失察, 官庭列大梃,或以暴怒擊訴事 皆被糾 其後復光祿 解。 在

養 起爲資政 |練士卒,招撫蕃夷,恩信最著。 英宗卽位,遷戶部。 、殿學士、知河中府,又以爲觀文殿學士、知慶州,徙延州,道卒。 帝與執 政議守邊者,難其人,參知政事歐陽脩奏三孫河向守環慶, 今雖七十,心力不衰,中間 曾以 、罪廢, 然宜棄瑕使過。」遂

傳。 使呂湊繼得罪,自此守帥之權宜微矣。 沔居官以才力聞, 初,陝西用兵,朝廷多假邊帥倚以集事,近臣出帥或驕恣越法。 疆直 少所憚,然喜宴遊女色,故中間坐廢。 妻邊氏悍妬, 及沔廢後,真定路安撫 爲 時所

自保。 敗。 琳有才器,能斷 論 若訥喜申、韓、管子之書,中師、布少所建明,殆亦未足與議也 君子惟能立身,而後 大事,然獻武后臨朝圖 可以佐國。 於章獻,君子鄙之。 中正、起自陷朋黨,遵、積儉邪,沔頗知兵而 雍任邊寄而覆軍敗將,幾不 以汚

宋史卷二百八十九

列傳第四十八

高瓊 子繼勳 繼宣 范廷召 葛霸 子懷敏

州,聲言爲汴人所殺。乾在濠州生三子,以江左蹙弱,尋挈族歸中朝,給田亳州之蒙城,因 丹之命,以乾從行使景。方至江左,諜間北使與中夏構際,以紓疆場之難,遂殺霸,居乾濠 高瓊,家世燕人。祖霸,父乾。 五代時,李景據江南,潛結契丹,歲遣單使往復。霸將契

土著焉。

瓊與戴興、王超、李斌、桑贊從,瓊左手執靮,右手執鐙,太宗乃能乘馬。 因賜以控鶴官衣帶及器帛,且勖令盡心焉。 太宗尹京邑,知其材勇,召置帳下。太宗嘗侍宴禁中,甚醉,及退,太祖送至苑門。 瓊少勇驚無賴,爲盜,事敗,將磔于市,暑雨創潰,何守者稍怠,卽掣釘而遁。事王審 太祖顧瓊等壯之,

列傳第

四十八

高珍

使。 倍道 太平 軍 興國 都 車 太宗卽 指 駕 留瓊 巡師大名,命瓊 揮 四年,遷天武 使 位 與軍 ,擢御龍直指揮使。 中鼓 都指揮使、領西州 (吹殿後, 六班 與日騎右廂都指揮使朱守節分爲京城內巡檢。 從征 扈從不及, 此太原,^个 刺史。 命押弓弩兩班,合圍攻城 惟瓊首率所部見行在, 明年,改爲神衞右廂都指揮使、領 太宗大悅,慰勞之。 坐事 及討幽薊 ,,出爲許州 本州團 屬 車駕 練 馬

都 都 者 自 指 軍 注 率 一從卒數 一弩將 揮 頭 使、 領 有 射 韹 領本 薊州 瓊, 騎亡命卒數十人,因知州臧丙出郊,謀扨其導從以叛。 十人,挾弓矢單騎追 刺 瓊引弓 州 團 史、樓船 練 使。 一發斃之,遂悉擒送于州。 戰 櫂 都 捕,至楡林村,及之。 指揮使,部船千 艘赴雄州 丙上其事 賊入村後舍,登牆以 又城易州 會將: 瓊聞卽白丙,趣還城,因 北 伐, 师還,爲天 召 拒 歸 賊首 授馬 青脚 武 右 步 厢 軍 狼

公主每 與范 廷召輩始加觀察使,不得與瓊比。 廷 端 召、 拱 、禁中,頗知 至是特賜瓊焉。 初, 王 超 遷 八孔守 左 厢 上於瓊厚, 正 改 並 領 三月,遷朔、 一命焉 富 州 承衍 團練 數 出爲幷州馬步軍都部署,時潘美亦在太原 每寬慰之。 月, 使。 易帥臣, 廷召等皆復補 是秋,出爲 制授 二年,召還。 瓊 單州防禦使, 侍 兵 職 衞 步 瓊 故 軍 事 頗 都 悒悒。 改 , 指 廉 |貝州 揮使、 察以 部署。 時 上 主 領 入朝, 承 歸 舊制 義 衍 其出 鎭 軍 始有茶 員丘 節 守 節 度, 也, 度

使領軍職者居上,瓊以美舊臣,表請居其下,從之。戍兵有以廪食陳腐譁言者, 日, 出巡諸營, 士卒方聚食,因取其飯自啖之,謂衆曰:「今邊鄙無警, 爾等坐飽甘豐,宜 瓊知之,

知 幸也。」衆言遂息。 改鎭州都部署。至道中,就改保大軍節度,典軍如故。

其母 車帳至狼山大夏。 眞宗卽位, 加彰信軍節度,充太宗山陵部署,復爲丼代都部署。咸平中,契丹犯塞, 。上親巡河朔,遺楊允恭馳往,召瓊率所部出土門,與石保吉會鎭、

旣而傅潛以逗留得罪,卽召瓊代之。 兵罷,復還本任。 轉運使言其政績,詔褒之。

所將邊兵臨敵退動,言者請罪之。以問瓊,瓊對曰:「兵違將令,於法當誅。然陛下去歲已 咸平三年,代還,以手創不任持笏,詔執梃入謁,授殿前都指揮使。先是,范廷召、桑贊

釋其罪,今復行之,又方屯諸路,非時代易,臣恐衆心疑懼。」乃止。

軍校,年老者退爲本班剩員。瓊進曰:「此非激勸之道,宿衞豈不勞乎?」自是八年者皆得 陛下宜親往,以督其成。」上悅,即日進幸澶淵。明年,以罷兵,料簡兵卒諸班直十年者出補 景德中,車駕北巡。時前軍已與敵接戰,上欲親臨營壘,或勸南還,瓊曰:「敵師已老,

有犬馬之疾,則須一將總此二職。 馬 軍 ·都校葛霸權步軍司,會以疾在告,令瓊兼領二司。瓊從容上言曰:「臣衰老,儻又 臣事先朝時,侍衞都虞候以上常至十員,職位相亞,易於

愈補馬。

列 傳

第 四

校太尉 遷改, 且使軍伍熟其名望, 忠武 軍節度。 三年多,疾甚,上欲親臨問之,宰相不可,乃止。卒,年七十二, 邊藩緩急,亦可選用。」上深然之。 未幾,以久疾求解兵柄 授

和、 繼隆、繼元。 不識字,曉達軍政,然頗自任,罕與副將參議。 繼勳、繼宣最知名。 善訓諸子:繼勳、繼宣、繼忠、繼密、繼

繼勳字紹先,初補右班殿直。 儀狀頎偉,太宗見而異之,召問其家世,以瓊子對。

班祗候,累遷內殿崇班。

出剽 黄繖 使雷 냂 軍薄 數 福 劫, 繼 鏖戰,身被數創,血 天長門,賊 有終以兵 咸平初,王均據益州。 金塗鎗以還 勳 乃徙綿漢劍門路都巡檢使。 潛 知 賊欲夜遁 五百授繼勳,守東郭 復來 、拒戰。 有終益以勁兵復進攻二門,克之,乃建幟城上。),開圍使得潰去, 濡 甲; 會 以崇儀副使爲益州兵馬都監、提舉西川諸州軍巡檢公事。 日暮,有終欲少休,繼 馬死,更馬以進。 二門口了會賊攻彌牟砦,繼勳引兵轉鬥至嘉州 繼勳募惡少年偵賊動靜,窮躡嚴穴,掩其不備,悉擒 均卒敗滅。 會入 動日:「 以 內都知秦翰來援, 功遷崇儀使。 賊窘矣, 急擊之, 諸將 賊餘 賊退保子城, 知城拔,有終乃 黨 無失也。」率十 保 山 ,敗之,獲 招 敦 時

川 伏兵 丹果敗,相蹂躪死者萬餘人,獲馬、牛、橐駝甚衆。 繼 山 動登高 〈徙峽 下,敵見我弱,必急 路鈴轄, 望之, 謂 還 軍 使賈宗 朝, 攻我。 遷洛 曰:「彼衆 苑使、 我誘 之南 幷代州 而 走, 陣不 爾 -整,將 鈴轄。 起乘之、當大潰。」轉戰 遷弓箭庫使,賜金帶、錦袍,領榮州刺史, 不才 徙屯岢 也。 嵐 我兵 軍。 一雖少,可 契丹聚兵 至 寒光嶺,伏發, Ũ 奇 五 萬 取 勝。 屯 草 城 契 先

徙麟、府州鈴轄

市馬 時歳 知瀛 州 以宮苑使奉使契丹。 饑 虧價失官。 時 屯兵河 募富 外, 入出 已而復爲西上閤門使、 饋運 一粟以給 不屬。 貧者。 燙, 知定 繼 明年 勳扼 州 ·大稔, 兔毛川 榮州刺史、 遷 西上閤門使、 木生連 , 援送 理者 知冀州 軍 食, 昭州 几 師 乃濟。 郡人上治狀請留。 領 團 i練使, 果州團練使。 徙知環州, 徙鄜延路 徙 又徙瀛 公鈴轄, | | | | | | | | | | 遷內藏庫 州 坐

都虞候、 契丹,行 鈔 仁宗卽位,改東上閤門使,眞授隴州團練使、知雄州。 邊州皆警。 步 剽 軍 邴 界也。 副 都指 繼勳曰:「契丹歲賴 揮 擢 捧 使、邕州 日 天武 觀察使、涇原路副都總管兼知渭州 四廂都 《漢金繒,何敢損盟好邪?」居自若, 指揮使、 連州 防禦使,又知 其多,契丹獵燕薊,候卒報有 瀛州。 入宿 已,乃 衞,出爲 歷 步 軍 知 天雄 渤 馬 軍 海 殿 軍 前 叛 都 兵

列

總管,願復護邊 气既 而 留不 · 遣。 後爲眞定府定州路都總管,改威武 軍節度觀察留後,遂拜保

順軍節度使、馬軍副都指揮使。

將。 骸骨。 齧堤岸, 八,輟視朝一日,贈太尉。 恭 召見便殿, 許一子扶掖, 謝 禮 繼勳雖 成, 徙昭信軍節度使,爲莊獻明肅太后山陵、 老,躬自督役,露 繼勳性謙, 俾 坐 勿拜, 河上, 有機略, 聴辭管 暮夜猶不輟,水乃殺怒, 善撫御士卒,臨戰輒 軍。 授建雄軍節度使、 莊懿太后園陵都總管, 勝。 滑人德之。 知滑州。 在蜀有威名,號 河 以老病乞 水暴溢, 年七十

首曰「克勤敏功鍾慶之碑」。遵甫亦贈太師、尚書令兼中書令,追封楚王。 劚 太師、尚書令兼中書令,追封 子 **瓊甫,官至北作坊副使。** 康王、盜穆武。 嘉祐八年,瓊甫女正位皇后,神宗卽位,册皇太后。 熙寧九年, 帝詔宰 相王珪爲神道碑, 御篆 累贈 碑 繼

會歲饑多盜, 繼 宣字舜舉。 兼沿河巡檢捉賊, 幼善騎射, 頗工筆札, 遷閣門祗候、 知讀書。 **邠州兵馬都監** 以恩補 西頭供奉官、 曹瑋守邠, 惠民河 巡督漕 薦

其可用。

乾興初,以內殿崇班爲益州都監。 蜀人富侈,元夕大張燈,知府薛奎戒以備盜,繼宣籍

累遷禮賓使、益州路兵馬鈴轄。還,爲西上閤門使、涇原路鈴轄兼安撫使、知渭州,遷四方館 惡少年飮犒之,使夜中潛誌盜背,明日皆獲。 歷磁 、相、邢、洛都巡檢使,知安肅軍,徙保州。

使、昭州刺史、知雄州。

l 嶺,賊數萬衆圍之,清邊軍奮起,斬首千餘級。 間遣勇士夜亂賊營。 脉,鑿石出泉。 雨,及河, 武四廂都指揮使、恩州 初,元昊反,聲言侵關隴。 師半濟, 已而城五砦,遷眉州防禦使,卒。 黑凌暴合, 舟不得進, 又募黥配廂 團練使、 繼宣請備麟府。 軍, 得二千餘人,號淸邊軍, 乃具牲酒爲文以禱。 俄寇麟府, 其相躪藉死者不可勝計。 未幾,羌兵果入寇河外,陷豐州。 繼宣帥兵營陵井, 命偏將王凱主之。 已而凌解,師濟,進屯府谷, 抵天門關。 築寧遠砦,相視地 軍次三松 擢捧日天 是夕大

使。 祭父墓。 世宗卽位,入補衞士。 范廷召,冀州棗強人。 父鐸,爲里中惡少年所害。 弱 冠,身長七尺餘,有膂力。 從征高平,戰疾力,遷殿前指揮使。 嘗爲盜,以勇壯聞。 廷召年十八,手刃父讎,剖取其心 周廣順初,應募爲北面招收指 從征淮南,戰紫金山,流矢 揮 这

列傳第四十八 范廷

召

中左股。

太平 興國 宋初,從平李筠、李重進,轉本班都知。又從征太原,再轉散都頭、都虞候、領費州刺史。 中, 以日騎軍都指揮使從平太原,征范陽。 秦王廷美嘗遣親東閻懷忠、趙瓊犒禁

軍列校,廷召預焉,坐出爲唐州馬步軍都指揮使。

澄州 流 贼 河,斬首數千級。 使,又遷左廂,移領高州。 矢, 、遇固安南,破其衆三千,斬首千餘級,克固安、新城二縣,乘勝下涿州。 防禦使。 雅熙三年,議北征,召入爲馬步軍都軍頭、領平州刺史、幽州道前軍先鋒都指揮使。 血漬 甲縷,神色自若,督戰益急,詔褒之。 二年, 轉殿前都虞候、領凉州觀察使、鎭州副都部署。 端拱 初,出爲齊州防禦使, 師還,遷日騎右廂都指揮使、領本州團 數月, 授捧日天武四廂都指揮 大破契丹三萬衆于徐 廷召復與賊戰,中 使、 頟 練 與

器、鎧甲數萬。 繼遷,命廷召副李繼隆爲環慶靈都部署。廷召出延州路,與賊遇白池,獲米募軍主吃囉等兵 淳化二年,爲平虜橋砦都部署,歷幷代、環慶兩路副部署。 是役也,諸將失期,獨廷召與王超大小數十戰,屢克捷,上嘉之。 至道中,遣將從五路討李 俄又爲丼

里,又斬首萬餘,奪其所掠老幼數萬口,契丹遁去。 咸平二年, 契丹入塞,車駕北巡。 廷召與戰瀛州西,斬首二萬級,逐北至莫州東三十 師還,錄功加檢校太傅,益賦邑,又改殿

三年,遷侍衞馬軍都指揮使、領河西軍節度,爲定州行營都部署

代兩路都部署。

前都指揮使。 四年正月被疾,車駕臨問,卒,年七十五,贈侍中。

召發矢,並貫其三,觀者駭異。 廷召 在軍四十餘年,由顯德以來,凡親征,未嘗不從。 性惡飛禽,所至處彈射殆絕。 善騎射,嘗出獵,有羣烏飛過,廷 尤不喜驢鳴,聞必擊殺之。

名珪,後爲西京作坊副使、淮南江浙荆湖制置發運副使。 子守均至散員都虞侯、演州刺史;守信內殿承制、閤門祗侯; 守宣內殿崇班;守慶更

遷本班都知,三遷至散員都虞侯。 鎮州都部署,徙天雄 觀察使,爲高陽關副都部署,進都部署。 都軍頭。 使、領檀州刺史,戍定州。 葛霸,眞定人。 端拱初,出爲博州團練使,歷路、代二州部署。 軍 姿表雄毅, **嘗遇敵唐河**, 善擊刺騎射。 雍熙中, 與戰,敗走之,斬獲甚衆。 凡七戰。 幽州之師失律,大補軍校,以霸 始事太宗于藩邸;踐阼,補殿前指揮使,稍 召還,制授保順軍節度,典軍如故。 淳化元年, 俄召為御前忠佐 擢殿前都虞侯、 爲驍騎軍 領 都指 馬 潘州 步軍 出爲 揮

高陽關前軍行營都部署。二月,就遷副都指揮使。未幾,改邪寧、涇原、環慶三路都部署。 咸平三年,車駕勞師于大名,霸與石保吉同來覲。 時康保裔沒于河間,即 日以霸爲貝

列傳

第

四十

八

茲爾

四年,遷侍衞馬軍都指揮使,領感德軍節度。

封邑。 爲 駕前 景 軍職, 德元 上言 西 面 授昭德軍 朝廷居明德心喪,尚 邢洺路都部署,又副 车, 河 決澶州 節度、丼代都部署。 横壠 埽, · 遏音樂,請停迎授之制, 李繼隆爲駕前 命爲修河都部署。 時廷臣有隸麾下者,頗擾軍民, 東面 排 未行,屬北邊有警, 陣 使, 奏 可。 駐 澶州。 是年冬, 明 以霸 年召還, 眞宗議親征, 霸昏耄, 久 典 以功 爲所罔 兵,年且 以霸 特 加

還次衞南,疾少間,迎謁 四 年夏,徙知耀州。 行在。 霸雖 懦,然能謹直自持。 上嘉其意,勞問久之。 會 東封 未幾卒,年七 , 表 求扈 蹕。 + 五,贈 旣 以 太尉 疾 不能從, 真宗知之,故有是召

子懷信、 懷正、懷敏、懷煦。 懷信至如京副使, 懷煦內殿承制, 懷正博州區練使、 知滄

莫二州

州 旱,塘水涸,懷敏慮契丹使至測知其廣深, 知隰、莫、保三州,累遷東染院使、 改 傻 萊州 (敏以蔭授西頭供奉官,加閣門祗侯。 團練使。 濁流砦兵叛,殺官吏潰去,懷敏發兵掩襲,盡誅其黨。 康州刺史、知雄州, 乃擁界河水注之,塘復如故。 歷同提點益州路刑獄、 就遷西上閤門使。 襄鄧都巡檢。 召對 在雄州五年,徙 邊事,復還雄 使契丹, 會歲

兼

招

討、

經略、安撫

副

使。

廢砦 指 原 秦 揮 使、 鳳 栅 懷 敏 网 擢龍 鄜 路經略、 爲王徳用 延 神衛四廂都指揮、眉州 路 副 安撫 都總管、 妹 婿 副 使。 德用 進殿前都虞侯、知延州。 旣 貶, 入對, 亦降知滁 防禦使、本路 以曹瑋 州 嘗 所被 副 ||陜 都總管、 西 范仲淹 介胄賜之, 用兵, 起爲 知涇州 言其猾懦不知兵, 涇原路 令制 Ξ 置 遷捧日 馬 鄜 步 延、 軍 復徙 環 天 副 總管 武 慶 涇 兩 四 原 廂 路 兼 存 涇 都

砦主 命諸 向 出 文、 近, 軍 家 劉 鎭 不可 一張貴 將分 夜至 慶 峽 璠 戎 暦 堡, `輕進。 軍 懷 二年, 四 開遠堡北 及緣 懷敏出 敏 都監李岳 路趣定川 使 」懷皱 珣 邊 元昊寇鎭 英幷鎭 都巡檢使向進、劉湛、趙瑜等禦敵。 定西堡。 一里而 乃少止。 完善(三) 西路都 戎軍 戎軍 舍。 知和 劉 巡檢使趙璘等會兵。 日 , 湛、 旣 西 懷敏出瓦亭砦,督砦主 慕 與英督 [路巡檢李良臣、 而 向 趨 自 進 養馬城, 鎭戎軍 出 軍 夜 西水口 發 與知 西南,又先引從騎百餘以前,承受趙 孟淵 翌 鎭 聞元 涇 日 · 戎軍曹英及涇原路都監李知和 原 湛 援之。 軍次安邊砦, 昊徙 路 都監許思純、環慶路 都 進 監趙珣 軍新 行次 壕外,懷敏議質 趙 出蓮華堡,曹英、李知 給芻秣未絕, 福堡, 遇敵,戰不勝, 都監劉賀、 明襲之,乃 IF. 懷敏 王保王 輒 和 敵 聖

俄 報 列 敵 傳 已拔捌 第 四 + 踰 八 邊壕,懷敏 蒽 綗 入保定川砦, 敵毁板僑, 斷其歸路 一, 别 九七〇一 三 十 应 道 以 過

|飯還軍 爲 衝 園之。 中 中 揮手 軍 軍 屯砦門 不 莂 中,懷敏部兵見之亦奔駭。 叉 動,回 以 絕 拒入城者。 定川 東 | 擊英軍 偏 水泉上流,以饑渴其衆。劉賀率蕃兵〇門于河西,不勝,餘衆潰去。 (至),英等陣東 趙珣等以騎軍四合禦敵,敵衆稍卻,然大軍無鬥志。 會黑風 起東北,部伍相失,陣遂擾。士卒攀城堞爭入,英 北隅。 懷敏爲衆蹂躪幾死,輿致甕城,久之乃蘇。 敵自褊江三〇、葉燮會出, 四面環之。 珣馳入,勸懷 復選士據門 先以 面 懷敏 四被流) 銳兵

趙瑜 圍中, 之,士遂散。 卯,鼓未作,懷敏先上馬,而大軍按堵未 平明,從吾往 餘軍九千四百餘人,馬六百餘匹,爲敵所斷。 不得已而還。 計 是 今復 夕, 議 莫知 敵聚 何往 懷敏驅 安西堡。 使參謀郭京等取獨城中、未至,懷敏復上馬、叱執轡者使去, 所 火圍城四隅, 出,遂謀結陣走鎮戎 」夜四 馬 以英、 東南、馳二百里「も」至長城壕、路已斷、 鼓, **珣爲先鋒,賀、思純爲左右翼,** 懷敏召曹英、 臨西北呼曰:「爾得非總管廳點陣圖者邪?爾固能軍,乃入我 軍。 動。 趙珣、李知和 鷄鳴,懷敏自 懷敏周麾者再,將徑去,有執鞚者勸 其子宗晟與趙正、郭京、承受王昭明等還保定 、王保、王文、許思純、劉賀、李良臣 ·諭:「親軍左右及在後者皆毋得動, 知和 敵周 爲殿,聽中軍鼓乃得行。」至 圍 乏, **遂與諸將皆遇害。** 不聽, 不可? 拔劍 里擊 懷 敏

|||||

尉,英、知和、珣、保、文、質、弘、岳、貴、璘、思純、良臣及同時戰沒者,及涇原巡檢楊遵、籠竿 幅員六七百里,焚蕩廬舍,屠掠民畜而去。奏至,帝嗟悼久之,贈懷敏鎭戎軍節度使兼太 胡息(云)以兵六千保蓮華堡,劉湛、向進兵一千保向家峽,皆不赴援。 城巡檢姚奭、涇原都巡檢司監押董謙、同巡檢唐斌、指使霍達,皆贈官有差。 初, 懷敏令軍中步兵毋得動,及前陣已去,後軍多不知者,故皆得存。 於是敵長驅 時韓質、郝從政、 復降向進等 抵渭州,

念之,賜諡忠隱。 懷敏通時事,善候人情,故多以才薦之。及用爲將,而輕率昧於應變,遂至覆軍。 子宗晟、宗壽、宗禮、宗師,皆遷官。

官,落郝從政、趙瑜職。

以逃 有 廷召諸子,珪爲最賢,霸子懷敏以戰死,固皆足稱。 而 能 可觀,由所遇之得其時也。 冤; 論 謹 直自持,廷召性雖癖,在軍中四十年,累從征討, 日:眞宗澶淵之役,高瓊之功亦盛矣。 葛霸善擊刺馬射,給事藩邸: 或謂瓊頗自用,謀議不及參佐,而洞曉軍政 皆非素習韜略者也。及其出身戎行,迭居節鎭,而卓 范廷召年十八,能手刃父讎; 瓊將磔于市,幸 若繼宜、繼勳之將業,則過其父遠甚,此 所至有功: 皆不 |霸 害其爲 失於巽儒, 聴 果 也。

「克勤敏功鍾慶之碑」所由以立歟 ! 夫以三子之自樹如此, 而不得與狄青、 郭逵同 日而論

者,豈非拳勇之有餘,而器識之不足也歟

校勘記

(1) 守東郭二門 按王珪華陽集卷三六高繼勳神道碑作「攻東郭二門未下」,本傳下文「有終益以勁

兵復進攻二門」。疑「守」字當作「攻」。

- Ξ 知涇州 「州」原作「原」,據長編卷一三七、東都事略卷四二本傳改。
- (三) 定川砦 原作「定州砦」,據同上書同卷同篇改。
- 蕃兵 「蕃」原作「藩」,據長編卷一三七、東都事略卷四二本傳改。
- **3** 屯砦門東偏 「砦」原作「寒」,據長編卷一三七、太平治蹟統類卷七改。
- **公** 編江三 長編卷一三七作「偏江州」,太平治蹟統類卷七作「偏江川」。
- (+) 馳二百里 同上書同卷都作「馳行二里許」。
- (六) 胡息 同上書同卷都作「胡恩」。
- (九) 質 載贈 「**卹**戰沒諸將亦有劉賀而無名「質」者,疑「質」爲「賀」之訛。 按 上文萬懷敏諸將有劉賀;長編卷一三七載戰沒諸將有劉賀而無名「質」者,又卷一三八

宋史卷二百九十

列傳第四十九

曹利用 孫繼鄴附 張耆 子希一等 楊崇勳 夏守恩 弟守贇 子隨

狄青 張玉 孫節附 郭逵

喜談辯,慷慨有志操。諫卒,補殿前承旨,改右班殿直,選爲鄜延路走馬承受公事。 曹利用字用之,趙州寧晉人。父諫,擢明經第,仕至右補闕,以武略改崇儀使。 利用

丹,色不平,對日:「彼若妄有所求,臣不敢生還」」帝壯其言 南來,不求地則邀路爾。關南地歸中國已久,不可許,漢以玉帛賜單于,有故事。」利用慎契 和,擇可使契丹者。 日,樞密使王繼英又薦利用,遂授閤門祗侯、崇儀副使,奉書詣契丹軍。 景德元年,契丹寇河北,眞宗幸澶州,射殺契丹大將撻覽,契丹欲收兵去,使王繼忠議 利用適奏事行在,樞密院以利用應選,帝曰:「此重事也,毋輕用人。」明 帝語利用日:「契丹

傳第四十九 曹利用

列

政事舍人高 之, 利 和議遂定, 重 日:「子盍爲 用 Fr 「晉德我, 我朝不知 迎勞之。 坐。 利 用 馳 飮 利用 Ĕ 食 契丹熟計,使契丹用子言,恐連兵結釁,不得而息, 至 界我 也。 畢, 始 軍 奉約書以歸。 遽前曰:「我引衆以來, 中, 若歲 開南 果議 耶 求金帛以佐軍 地, 關 律隆緒母見利用車上, 南 周 地, 世 擢東上閤門使、 [宗取之,今宜還我。] 利用 拒 尙不 圖 之。 復故 知帝意 遣其臣 地。 忠州刺史, 車軛設横板 若 可否, 韓起來 止得金帛歸, 利用 賜第京 割地之請, 治日:「晉· 報 非 命, 布食器, 國 師 利 利用 人以 則愧吾 也。」 利用不敢以聞。」 契丹遣使來聘,遂命 地畀契丹, 再使 召與飲食, 契丹度不 國 文契丹。 人 矣。」 周 其從 契 可屈, 利用 丹 其 取

盾 南 歷 知 利 院事,進 騒 客省使、 衣甲堅利, 用 動。 知宜州 曉方略,盡心于 帝謂 嘉州 知院 劉永規馭下殘 輔臣曰:「向者司天占候當用兵,朕固 鋒鏑不能入。 防禦使,出爲鄜延路總管。 事,遂拜樞 事,其以爲廣南安撫使。」利用至嶺外,遇賊武 酷, 密使、同中書門下平章 利用使士持巨斧長刀 軍校乘衆怨, 大中祥符七年, 殺永規 (破盾, 遂斬首以徇 叛 憂遠方守將非其 陷柳城縣, 拜樞密副 園象州 仙 人,以起邊釁,今果然。 使, 縣。 領南 加宣徽北院使、同 ,分兵掠 賊持 平, 遷引 健標,蒙采 廣州 進 使。

利用在位旣久,頗恃功。 天禧二年,輔臣丁謂、李迪爭論帝前, 迪斥謂姦邪,因言利用

與之爲朋黨。 利用曰:「以片文遇主,臣不如迪;捐軀以入不測之虜,迪不逮臣也。」迪坐是

冤,而利用以檢校太師兼太子少保爲<u>會靈觀使,進尚書右僕射</u>。

丹使者蕭從順桀驁,稱疾留館下,不時發。 乾興初,加左僕射兼侍中、武寧軍節度使、 朝廷遣使問勞,相望於道。 景靈宮使, 詔如曹彬給公使錢歲萬緡。 利用請 切罷之,從 契

乃引去

進昭文館大學士、玉清昭應宮使,將告謝,而利用猶欲班會上,閣門不敢裁。 爲會靈觀使,利用由樞密使領景靈宮使,時重宮觀使,詔利用班會上, 次相張知白上。尋召張旻于河陽,爲樞密使,利用疑代已,始悔懼焉。 定,而利用快快不平。 明殿久之,遣押班趣班,閤門惶懼莫知所出,會抗聲目吏曰:「但奏宰臣王會等告謝。」班旣 加 司空。 舊制,樞密使雖檢校三司兼侍中、尙書令,猶班宰相下。 帝使同列慰曉之,仍詔宰臣、樞密使序班如故事,而利用益驕,尙居 議者非之。 乾興中,王曾由次相 帝與太后坐承 未幾,曾

屢卻, 擊帶鞓,左右指以示太后曰:「利用在先帝時,何敢爾邪?」太后頟之。 恩,力持不予。 初,章獻太后臨朝,中人與貴戚稍能軒輊爲禍福,而利用以勳舊自居,不恤也。 亦有不得已從之者。人揣知之,或紿太后曰「蒙恩得內降輒不從,今利用家媪陰諾 左右多怨,太后亦嚴憚利用,稱曰「侍中」而不名。 利用 奏事簾前,或以指 利用奏抑內降恩難 凡內降

臣請,其必可得矣。」下之而驗,太后始疑其私,頗銜怒。

會從 用,行至襄陽驛,懷敏不肯前,以語逼之,利用素剛,遂投緩而絕,以暴卒聞 州 命內侍楊懷敏護送 2子) 次為 及||汭 內 侍 汭坐被酒 誅, 羅崇勳得罪,太后使利用召崇勳戒敕之, 趙州兵馬監 謫左千牛衞將軍 [衣黃衣,令人呼萬歲,杖死。 押, 諸子各奪二官,沒所賜第,籍其貲, 而州民趙德崇詣闕告汭不法 • 知隨州。 又坐私貸景靈宮錢,貶崇信軍節度副 初, 汭事起,即罷利用樞密使,加兼侍 利用去崇勳冠幘,詬斥良久, 事 奏上,崇勳請往按治,遂窮探 黜親屬十餘人。 宦者多惡利 使,房州 崇勳恨之。 中判 鄧

侍中,後贈太傅,還諸子官,賜諡襄悼, 後其家請居鄧州,帝惻然許之,命其子內殿崇班淵監本州稅。 命學士趙槩作神道碑,帝爲篆其額曰「旌功之碑」, 明道 二年,追復節度兼

守,始終不爲屈,死非其罪,天下寃之。 利 用性悍梗少通,力裁僥倖,而其親舊或有因緣以進者,故及於禍。 然在朝廷忠蓋有 詔歸所沒舊產。

<u>叉</u>承睿時爲小校,憤將兵者不如期,致其父沒,乃刺殺之,亡去,轉徙淮、楚間。久之,入京 孫 繼 鄴字元嗣,其先金陵人。 祖謙,事李昪爲長劍都指揮使,南伐閩,援兵不至,戰死。

師,以策上太宗,授左班殿直,終左藏庫使。

儀副 晁逈 州 大鳥嶺。 薦爲問門祗候,上禦戎策 繼鄴 使。 會修築洪德砦,與總兵者論事不協,絀爲冀州兵馬都監,起知保安軍,徙涇州。 初以三班奉職監涔陽 以功遷左侍禁、端州 --酒稅。 數事 兵馬監押。 0 會宜州 又用曹瑋薦,爲鄜延路兵馬都監,徙知環州 徙秦州永寧砦, 陳進反,曹利用辟以自隨, 總徒城洛門, 爲前驅, 改 西 頭供奉官。 破賊于象 累遷崇 使

知渭州。 致仕。 **酋領,使爲藩籬,則可無西顧憂矣。」爲步軍都虞候,徙眞定路,卒。** 上悶門使,擢爲龍神衞四廂都指揮使、端州防禦使。 樞 密使曹利用欲用之,繼鄴惡其權盛,陰知利用將有禍,數以疾辭,遂除左 利用貶,復爲崇儀副使,遷供備 建言:「蕭關故道,前控大川,善水草,賊騎所從出也。 庫使、知石州,徙保州,領恩州刺史、 出爲環慶路副都總管,道改涇原路 誠得屬羌, 知雄州。 與奉賜, 龍武軍統 且羈其 累遷 兼 四 軍

侍射 苑中,連發中的,擢供備庫副使、帶御器械 張耆字元弼, 開封人。 年十一,給事眞宗藩邸,及卽位,授西頭供奉官。 嘗與石知願

丹兵 塱 行 轄。 被 何? 卿 數 討 營 嘗 復 之, 鋊 咸 創 語 轄, 平 殺 請 及 北 中 帝欲 F 伐 契丹梟將 叉 興 徙 契丹 契丹 親 帝 師 定 出境 征 州 犯 入塞, 邊 命爲. 耆 之日 遲 契丹 奏 明 以 駕前 與 邊 復 功遷南作坊 圍 帝 卿 事 、戦,而 望 以 西 所 + 都 問 面 請 餘 鈐 輔臣 王繼 興師 條 耆 轄, 使、 與 一,以爲 多論 忠為契丹所執 之日同, 令至 諸 、昭州刺 將 兵貴 不可。 澶州候契丹遠近。 從間道 悔不 持 史、 重 遷昭 往 天雄軍兵馬鈴 用 及 援, 所 卿 州 耆 策。 漫, 比 以 團 一練使、 至,城 取 因 今領守 勝 冒 耆馳 者 丼 巨陷 轄 天 (道方) 代 騎 澶州 召 邊兵 往, 州 矣。 還 鈐 利 改 而 先 未 耆 帺 入 未得 東 舉 典 解, 對 面 敵 明 者 徙鎭 排陣 车, 戰 請 州 身 如

蔚、 蔚 官管勾 至者由 朔 事 岑 保 正 70 皇城 平, 郡 天 會曹州 間 石 司 閱 谷 遣 軍 入, 帝以 人以以 趙諫 籍 行,請汰 自朔至 文移 耆 告耆受金,爲 歷 室丼、 韶 河 者由 東, 癃 者 代間, 土 稔 墱 邊 遷 人 入, 英州 事 求 非 , 薦 覘 召膏 餘間 禮部 防禦 邊虛 道皆 至 《使、侍 ٠, 實, 宣 貶 供備 塞 卽 和 乏以 閣 欲 衞 激道 庫使、 親 問 示 軍 圳 路 險。 馬 路州 里 軍 險 宜 都 景德 易 都 密輸 虞 狀。 監。 稆 代州 兵, 久之, 耆 因 耆與曹璨、李 使自 事 稍辨,復 雲 雲、 應

意。 遷相州 從 帝 東 、封,遷 觀察使、馬軍副都指揮使。 絳州 防禦使、 殿前 都 虞候 從祀 心汾陰, 時 建 玉清宮 授威塞軍節度使, 耆 奏 疏 謂 殫 進宣徽南院使兼樞密 或 財 力, 非 所 以 承

遷鎭安軍、淮南節度使、判壽州。 副 使。罷,判河陽。 丁父母憂,起復,徙武寧軍節度使,拜同中書門下平章事、判陳州。 遣中書舍人張師德就賜告敕。 尋召爲樞密使兼羣牧制置 累

使、會靈觀使。 州,封徐國公。 侍中,封鄧國公。 先名旻,至是表改名耆。加尚書左僕射,歷河陽、泰寧、山南東道、昭德軍節度使,進兼 章獻太后崩,以左僕射、護國軍節度出判許州,移襄、鄧、孟、許、陳、壽六

爲擾。 積百 師 謹。 政記、册府元龜,故頗知傳記及術數之學,言象緯輒中。 兼侍 及太后預政,寵遇最厚,賜第尚書省西,凡七百楹,安佚富盛踰四十年。 貨其中,與羣婢相貿易。 **耆爲人重密,有智數,眞宗在東宮,嘗命授以論語、左氏春秋,後又賜宸戒二十條及聖** 中,諡榮僖。 然御諸子嚴,日一見之,卽出就外舍,論者亦以此多之。以太子太師致仕,卒,贈太 有病者親爲診切,以藥價之,欲錢不出也。 章獻太后微時嘗寓其家,耆事之甚 所歷藩鎮,人頗以 家居爲曲闌,

坐與羣婢賊殺其妻,棄市 子二十四人。得一,慶曆中守貝州,妖人王則作亂,不能死,又與之草禮儀, ; 利一,團練使;誠一,客省使、樞密都承旨。 伏誅; 미

州歲爲市平以糴邊穀,使人不能高下其價; 水 猶維兄得一累, 字簡翁,以父耆任,累官引進使,歷知冀、邢等九州。 監洪州鹽。 復爲河北緣邊安撫副 戍卒之拏給糧, 使。 先軍士一日, 請徙邊兵內地以寬糴費, 貝州叛,希一先引兵至,得其 使其家爲伍保、 每

故名兩屬,惡有中國不役之理?」遼人詞塞。 起於大國統和年,今文移尚存。白溝本輸 累使遼及館客,遼人嘗以雄州不當禁漁界河、及役白溝兩屬民爲言。 中國田租,我太宗特除之,自是大國侵牟立稅, 以均州防禦使提舉集禧觀,卒。弟利一。 希一日:「界河之 坐以逃亡之累,皆著爲法。

徙成都利州路鈴轄、眞定府路總管。

緣 邊 安撫都監 利 字和叔。 **兼**閤門通事舍人、知廣信 以蔭補供奉官、光州都監。 軍。 提點京東、淮南刑獄, 知莫、冀二州,爲河北

來者至二萬。 門使、嘉州團 謀 告 遼 人宋元 l練使。 利一 發廩振恤, 寇邊,利一置酒高會於譙門,元率衆遁去。 遼人刺兩 且移詰涿州,自是不敢復刺 屬民爲兵,民不堪其 辱,利一 _綏徠之。 徙知保州、雄州,累遷 有大姓舉族南徙,慕而 西 上閣

定、大名府路 巡 **一**檢趙用 有罪,坐不察舉,改衞州鈴轄。 歷知代、滄、澶、鄭、相州,終雄州團練使。 久之,爲定州路鈴轄,進馬步軍總管(三),徙眞

便。 崇勳以父任爲 楊崇 勳字寶臣, 東 薊州人。 **、西班** 承旨,事眞宗于東宮。 祖守斌,事太祖爲龍捷指揮使。 帝嘗曰:「聞若嗜學,吾授若書。」崇勳 父全美, 事太宗爲殿前指 揮

稍通 兵法 及前代興廢之事。 眞宗即位,遷右侍禁、西頭供奉官、寄班祗候

副使,以左衞大將軍、恩州 雷 有終討王均, 崇勳承受公事,以奏捷擢內殿崇班。 刺史爲樞密都承旨,尋提舉樞密諸房、通進 累遷 西上閤門使、 銀臺 司 事。 羣牧都監, 以英州防 改

禦使爲馬軍都虞候、抖代州馬步軍副都總管〔三,留爲客省使、領羣牧使。

入內副

嘗以

察使,不拜,乃以內客省使領桂州觀察使,復棄羣牧使。 訪崇勳, 眞宗久不豫,寇準罷。 崇勳以變告。 丁謂得其辭,夜造曹利用,共議發之。 都知周懷政謀奉帝爲太上皇,傳位太子,復相準。 初,羣牧置使皆以文臣領之,崇勳 翌日,誅懷政, 擢崇勳 鄧 州 觀

日:「馬者戰備,雖無事 ,,可去邪?

定州 火,爲修葺 歷馬 即位,以彰德軍節度觀察留後知陳州,授殿前都虞侯、眞定府定州路副都總管、 副 軍 使。 副 都指揮使、殿前都指揮使、振武 又歷鎮南、定武軍 て、山南 東道節度使。 軍節度使,拜宣徽南院使兼樞密副使。 宮中

知

列 傳 第 四 + 九 偒 崇 勳 夏 守 剧

问平章 事 退 丽 知壽州,徙亳州,復知陳州 立. 章獻與仁宗言,先帝最稱崇勳質信,可任大事,乃進樞密使。 班 奉慰,宰相張士遜過崇勳園飲, 河陽三城節度使判許州 翌 日 日中期不至。 改陳州。 景祐初,懷政家人訟寃, 御史中丞范諷 百官詣洪福院上章懿册, 劾奏,與 八士遜 **遂罷同平章** 俱罷,以

恭密, 德軍,又徙鄭州 契丹將渝盟,朝廷擇將備邊, 尋改諡恭毅 坐其子宗 誨納賕枉法,以左衞上將軍致仕,改太子太保, 崇勳請行,復拜同平章事、 判定州。 旣而 卒。 老不任事,徙 贈太尉,諡 成

藩鎭日,嘗役兵工作木偶戲人,塗以丹白,舟載鬻於京師 崇勳性貪鄙, 久任軍職。 當眞宗時,每對,輒肆言中外事, 喜中傷人,人以是畏之。 在

夏守恩字君殊,幷州楡次人。 父遇,爲武騎軍校,與契丹戰,歿。 時守恩纔六歲。

班殿侍,給事襄王宮,累遷西頭供奉官。

史,歷龍神衞、 真宗即位,四遷至北作坊使、 捧日天武四廂都指揮使, 普州 刺 泰州防禦使。 史。 帝幸澶淵, 帝不豫,中宮預政,以守恩領親兵 守恩從行, 數見任使。 遷博州刺

倚用之。 **擢殿前都虞候,以安遠軍節度使觀察留後管勾殿前馬步軍都指揮使事**

穿地得水泉,土石相半,人疫,功不就。 澶、相、曹三州,幷代路馬步軍都總管,歷天雄、泰寧、武寧節度使,爲眞定府定州路都總管。 天聖 守恩所至,恃寵驕恣不法。其子元吉通賂遺,市物多不予直。 刻, 加步軍副都指揮使、威塞軍節度使,爲永定陵總管。 守恩以聞,允恭等伏誅。 徙節河陽三城,歸本鎮,知 雷允恭、邢中和徙皇堂, 定州通判李參發其贓,

命侍御史趙及與大名府通判李鉞鞫問得實,法當死,帝命貸之,除名連州編管,卒貶所。

得時撫養,心輒念之。 守贇字子美。 初,守恩給事襄王邸,王問其兄弟,守恩言守贇四歲而孤,日侍王邸,不 王爲 .動容,卽日召入宮,而憐其幼,聽就外舍。 後二年,復召入,王乳

母

齊國夫人使傅婢拊視之。

保裔家,以守贇爲真定路走馬承受公事 曲畏誅,聲言保裔降賊, 夏伺邊釁,遷西頭供奉官、寄班祗候。 稍 長,習通文字。 王爲太子,守贇典工作事。及卽位,授右侍禁。 密詔守贇往察之。 帝幸大名,爲駕前走馬承受。 守頸變服入營中, 廉問得狀, 康保裔與賊戰,沒,部 李繼遷叛, 還奏稱旨。 命使綏、 詔恤

帝幸澶淵及祀汾陰, 皆爲駕前巡檢, 累遷東綾錦副使。 從幸亳州,命修行宮。 轉崇儀

列

傳第

四十

九

夏

守

恩

得 使、提舉倉草場。 日 沂 冕旒足矣。」尋遷西上閤門使、提舉諸司庫務, 帝甚 l親信之,遣中使問守贇曰:「欲管 以右 軍 乎? 千牛衞大將軍 爲 横行 使乎 昭州 守營 刺史爲 樞

州 都 每 總管。 契丹使至,與楊崇勳迭爲館伴副使,凡十餘年。 累遷步軍 馬 軍 一殿前 副都指 揮使, 建武、 擢侍衞親軍 鎭 東、 保 大軍節度使。 步軍都虞候, 俄 改馬軍 以修大內 一、井

勞

除

殿

前

都

指揮

使,徙定國

軍

節

度使

都

承

兼領

三班

院。

密 能 院 H 鬥 守 事 郭 恩 ? 旣 坐 膕 宜 入 併 見 廢, 其兵 一,帝問 守贅 以 亦以 西事 (據衝 鎭海 要,伺 守贅言: 軍節 便 :「平時 邀擊? 度 使罷管軍,之本鎮 小 功 障 或 屯兵馬 山 成。」帝 不 然之。 及 子 踰 餘 年,徙定州 賊 兵 盛 路都 至, 固 總管, 守 木暇 召 知 安

賊。 崩 換宣 信 劉 平、 掌 徽 御 石元 劍 南 以 院 孫 隨 使、 敗 之。 陜 西 人有以 然守贇 馬步 降 軍 性 賊 都總管 庸怯,寡 誣 告 者。 兼 方略,不 經 守竇 略、安撫 類辨 爲 士: 其枉 緣 一卒所 邊 招 服 引 討 康 使, 保裔事爲 命 勾當 質, 御 藥院張 自 請 將 徳明 兵

相州 密院 尋 又召守贇同 疾稍平,復爲眞定府定州等路都總管, 詔 駐 軍 河 中, 知 院 居 事 數 月, 隨 卒, 徙 屯 守齊 郎州 請 靇 其子 以 未 至, 隨 宣 爲 一徽 陜 徙高 南 一個線 院 使、 陽關,就判贏州 邊 天 招 平 討 軍 副 節 使。 度 使 時 判 晏殊、 卒, 澶 贈 州 宋綬 太尉 以 疾 知 徙

軍兵馬鈴轄。 宮,爲率府副率兼春坊謁者。 隨字君正, 以母疾召還,領三班院,再遷四方館使、營州刺史。 頗好儒術, 多從士大夫游。 及卽位,除內殿承制、閤門祗 以父蔭爲茶酒班殿侍,遷右 一候,累遷西上閤門使, 出知衛州,眞拜韶州團 班殿直。 仁宗 出為天雄 在 東

徙州州,遷泰州防禦使。

召土 幾, 諸將皆疑士彬,獨隨曰:「此行間爾。 復還鄜延。 一彬與飲,厚撫之。 元昊反,為鄜延路副都總管。 元昊爲書及錦袍、銀帶投境上,以遺金明李士彬,且約與同叛。 士彬感泣,後數日,果擊賊,斬首獲羊馬自效。 隨本名元亨,與元昊有嫌,因奏改焉。 尋徙環慶路, 候人得之, 乃

廷方以流 **竇經略安撫** 隨在 及 邊 守贇知樞密院事,除 邊 事 陲 委卿,卿毋以父在機密為嫌。」時隨已病,次陝州,卒。 陝西,留領會靈觀事 無多戰 一功,然愼重少過。 耀州觀察使旨、知亳州。 守贇還,復爲陝西 副都總管兼緣邊招討副使。 劉平、石元孫敗,以隨知河中府。 贈昭信軍節度使,諡莊 帝日: 剪朝

嶺南之戰,亦豈可少哉 論 H 曹利用投身不測之淵,以口舌啖契丹,使河北七十年無鋒鏑之處,勳業固偉矣。 ! 恃功怙寵,禍 前而弗悟,可悲也已!耆、崇勳二厦奮關茸,位將相,

皆驕侈貪吝,恃私恩,違淸議,君子所不取也。

狄青字漢臣,汾州西河人。 善騎射。 初隸騎御馬直,選爲散直。

宥州, 屠<u>曬</u>咩、歲香、毛奴、尚羅、慶七、家口等族, 燔積聚數萬, 敗,士卒多畏怯,青行常爲先鋒。凡四年,前後大小二十五戰,中流矢者八。破金湯城,略 至,即挺起馳赴,衆爭前爲用。臨敵被髮、帶銅面具,出入賊中,皆披靡莫敢當 七百。又城橋子谷,築招安、豐林、新砦、大郞等堡,皆扼賊要害。 寶元初,趙元昊反, 詔擇衞士從邊, 以靑爲三班差使、殿侍、延州指使。 收其帳二千三百,生口五千 嘗戰安遠, 時偏將屢爲賊 被創 甚,聞寇

材也。」二人一見奇之,待遇甚厚。仲淹以左氏春秋授之曰:「將不知古今,匹夫勇爾。」青折 節讀書,悉通秦、漢以來將帥兵法,由是益知名。以功累遷西上閤門副使,擢秦州刺史、涇 尹洙爲經略判官,靑以指使見,洙與談兵,善之,薦於經略使韓琦、范仲淹曰:「此良將

原路 副都總管、經略招討副使,又加捧日天武四廂都指揮使、 惠州團練使。

副 都 總管,歷侍衞步軍殿前都虞候、眉州防禦使,遷步軍副都指揮使、保大安遠二軍節度觀 仁宗以青數有戰功,欲召見問以方略,會賊寇渭州,命圖形以進。 元昊稱臣,徙眞定路

祭留後,又遷馬軍副都指揮使。

擢臣,不問門地,臣所以有今日,由此涅爾,臣 知 延州 青奮行伍 密副使。 一,十餘年而貴,是時面涅猶存。 願留以勸軍中,不敢奉詔。」 帝嘗敕青傅藥除字,青指其面曰:「陛下以功 以彰化軍節度使

壯其言,遂除宣徽南院使、宣撫荆湖南北路、經制廣南盜賊事,置酒垂拱殿以遣之。 入對,自言:「臣起行伍,非戰伐無以報國 撫經制蠻 皇祐 事 中,廣源州蠻儂智高反,陷邕州,又破沿江九州,圍廣州,嶺外騷動。 ,師久無功。 又命孫沔、余靖爲安撫使討賊,仁宗猶以爲憂。 願得蕃落騎數百,益以禁兵,羈賊首 清上 一表請 楊畋 · 致闕下。」 帝 行,翌日 留等安 時智高

還據邕州,青合孫沔、余靖兵次賓州。

陳曙 以敗。」晨會諸將堂上,揖曙起,并召用等三十人,按以敗亡狀,驅出軍門斬之。沔、靖相顧 ·乘|青未至,輒以步卒八千犯賊,潰于崑崙關,殿直袁用等皆遁。|青日:「令之不齊,兵所 先是,蔣偕、張忠皆輕敵敗死,軍聲大沮。 **青戒諸將毋妄與賊鬥,聽吾所爲。** 廣西鈴轄

列

愣胎,諸將股栗。

水上流,士飲者多死,青殊憂之。一夕,有泉湧砦下,汲之甘,衆遂以濟。 邕州城下,斂屍築京觀于城北隅。時賊屍有衣金龍衣者,衆謂智高已死,欲以上聞。 入城,獲金帛鉅萬、雜畜數千,招復老壯七千二百嘗爲賊所俘脅者,慰遣之。 青執白旗麾騎兵,縱左右翼,出賊不意,大敗之,追奔五十里,斬首數千級,其黨黃師宓、儂 關,出歸仁鋪爲陣。 建中智中及偽官屬死者五十七人,生擒賊五百餘人,智高夜縱火燒城遁去。 「安知非詐邪?寧失智高,不敢誣朝廷以貪功也。」初,靑之至邕也,會瘴霧昏塞,或謂賊毒 而 頓甲,令軍中休十日。 賊旣失險, 悉出逆戰。 覘者還,以爲軍未卽進。 前鋒孫節搏賊死山下,賊氣銳甚,沔等懼失色。 **青明日乃整軍騎,一晝夜絕崑崙** 遲明, 青按兵 梟黃師宓等 青日:

信者不可;雖飲食臥起,皆宜防竊發。」乃馳使戒之。及聞一己破賊,顧宰相曰:「速議賞, |坊,優進諸子官秩。 初,|青旣行,帝每憂之曰:「|青有威名, 賊當畏其來。 左右使令, 非|青親 復爲樞密副使,遷護國軍節度使、河中尹。還至京師,帝嘉其功,拜樞密使,賜第敦敎

|交阯爲兵費,許賊平厚賞之。||靑旣至,檄||余靖無通使假兵,即上奏曰:「|李德政聲言將步兵 始,交阯願出兵助討智高,余靖言其可信,具萬人糧于邕、欽待之。詔以緡錢三萬賜 緩則不足以勸矣。」

不能討,乃假兵蠻夷,蠻夷貪得忘義,因而啓亂,何以禦之?請罷交阯助兵。」從之。賊平, 五 萬、騎一千赴援,非其情實。 且假兵于外以除內寇,非我利也。以一智高而橫蹂二廣,力

青於外以保全之,不報。

嘉祐中,京師大水,青遊水徙家相國寺,行止殿上,人情頗疑,乃罷 人服其有遠略 青在 .樞密四年,每出,士卒輒指目以相矜誇。 又言者以|青家狗生角,且數有光怪,請出

|靑爲同中書門下平章事,出判|陳州。 明年二月,疽發髭,卒。帝發哀,贈中書令,諡武襄。

苦,雖敵猝犯之,無一士敢後先者,故其出常有功。 青爲人愼密寡言,其計事必審中機會而後發。 尤喜推功與將佐。 行師先正部伍, 明賞罰, 與士同饑寒勞 始, 與孫沔破賊,謀

不如也。 尹洙以貶死,青悉力賙其家事。 子諮、詠,並爲閤門使。 詠數有戰功

出青,賊旣平,經制餘事,悉以諉沔,退若不用意者。

| 沔始歎其勇,旣而服其爲人,自以爲

始,慨然思之,命取青畫像入禁中,御製祭文,遣使費中牢祠其家。 熙寧元年,神宗考次近世將帥,以青起行伍 而名動夷夏,深沈有智略,能以畏愼保全終

騎 挑戰者,玉單持鐵簡出鬥,取其首及馬,軍中因號曰張鐵簡。 張玉 字寶臣,保定人。以六班散直隸狄青麾下,築青澗、招安砦。 以狀聞, 遇夏兵三萬,有馳鐵 仁宗曰:「眞勇將

列

傳

九七二二

也。 名,進龍、神四廂都指揮使,爲副都總管 突騎橫貫 以爲本路 「賊壘,賊大潰。 同 巡 檢。 從征儂智高,抵歸仁驛, 帝召見,使作銳陳於殿廷下,觀破賊之勢。 賊列三銳陳以逆官軍,軍小卻, 玉率右廂 擢爲廣西鈴轄,徙大

州卒叛,玉襲逐于石門,卒窮蹙請降,玉斬二百人,坐奪職,降爲陵州團練使,居數月,復之。 諒祚攻大順城,玉以兵三千夜擊之,驚潰而去。 累遷昭州防禦使,徙涇原。 熙寧中,慶

王韶開熙河,玉遷宣州觀察使,爲副都總管。 河北置三十七將,以玉爲第一將。入爲

馬步軍都虞侯,卒,贈建雄留後。

諸 山下,俄中槍而沒。 西京左藏庫副使。 副使奉,終其喪。 孫節,開封人。少隸軍籍,以才勇補右侍禁。 及靑討智高,辟隸麾下。 特贈忠武軍節度留後, 至歸仁鋪,節爲前鋒,直前搏戰,賊銳甚,節鏖 封其妻爲仁壽郡君,官其子二人、從子三人,給 與狄青同在延州,數攻破敵砦有功, 、累遷

郭逵字仲通,其先自邢徙洛。 康定中,兄遵死於敵,錄達爲三班奉職,隸陝西范仲淹廳

議取 靈武,達曰:「地遠而食不繼,城大而兵不多,未見其利。」未幾,涇原任福以全軍沒,人 仲淹勉以問學。 延安清剛社募兵誤殺熟法,將論死,違請而免之,活壯士十三人。方

爾, 服其先見。 他日必敗朝廷事。」執中始怒,居數日,問曰:「君何以知葛懷敏非名將而敗事邪?」曰: 陳執中安撫京東,奏爲駐泊將。執中與賓佐論當今名將,共推葛懷敏。逵曰:「懷敏易與

喜 [功徼幸,徒勇無謀,可禽也。] 執中歎曰:「君眞知兵,懷敏旣覆師矣。」爲眞定兵馬監 押。

示以舊所佩

紫囊。 城,轉通 憂,不得解官,凡三請乃許。 曰:「若降,恐不免。」違請以身爲質,於是開城降。 保州卒叛,田况遣逵往招之。 臻識之,即與其黨韋貴、史克順皆再拜,邀逵登城。 事舍人,徙河北綠邊安撫都監。 慶帥杜杞贐以錢四十萬,謝弗受。 達與亂者侍其臻嘗同事范仲淹, 副吳奎使契丹,值其主受尊號, 論 功 加 閣門祗候、環慶兵馬都監。 既見,申諭 卒喪,爲涇原都監。 馳至城下, 禍福,衆或疑不卽下, 入觀禮。 使還, 拔古渭 遭母

故膻,證爲王土,檄報之,契丹愧伏 龐籍鎭河東,俾權忻州 契丹來求天池廟地,籍不能决,以諉逵。 **逵訪得太平興國中** 爲

汾州都監

湖北溪蠻彭仕義叛,加帶御器械,爲路鈴轄兼知澧州。 得蠻親信爲鄉導,盡平諸隘,遂

平之。 破其所 累遷容州觀察使。仁宗山陵,以逵掌宿衞。 居桃花州,仕義棄城走,衆悉降。 遷禮賓使,徙南路鈴轄、知邵州 遷殿前都虞候,出爲涇原路副都部 武 岡 蠻 反, 署 達討

力爭,乃改宣徽南院使、判鄆州。 躋 政地, 治 平二年,以檢校太保同簽書樞密院, 議者不厭,諫官、御史交論之,不聽。 至鄭七日,徙鎭鄜延。 旋出領陝西宣撫使,判渭州 神宗即位,遷靜難軍留後,召還。 **逵雖立** 軍功 言者復 丽

离、 祥符所移書固在也。」虜使驚不能對,乃寢其請。 大臣,皆莫知 二砦來易, 薛昌朝與夏使議,唯言砦基,禼曰:「二砦之北,舊有三十六堡,且以長城嶺爲界,西平王 种諤受嵬名山降,取綏州, 而又棄綏不守,見弱已甚。且名山舉族來歸,當何以處?」旣而夏人欲以塞門、安遠 朝廷許之。 一達始自 |逵曰:「此正商於六百里之策也。非先交二砦,不可與。」 遣其屬 夏人遂殺楊定。 褒答。 朝論以邊釁方起,欲棄綏。 初,韶焚棄|綏州,]逵匿而不下。 逵曰:「虜旣殺 至是,帝問

物色詰問虜,情得,乃執獻之。 「是且梟死囚以紿我。」報曰:「必執李崇貴、韓道喜來。」夏人言:「殺之矣。」逵命以二人狀貌 恐自是蕃酋無復敢向化矣。」達詢得殺楊定者首領 夏人又求以亡命景詢易名山 加檢校太尉、雄武軍留後。 , 違曰:「詢,庸人也,於事 姓名,諜告將斬之於境以 何所輕重! 受之則不得不還名 謝 罪,逵曰:

韓絳主种諤計圖橫山,與達議出兵。達曰:「諤,狂生爾,朝廷徒以家世用之,必誤大事。」

| 絳怒,以爲沮撓,奏召||逵還。 明年,慶州亂,出判永興,徙秦州 王韶開熙河,達案其不法。

朝 廷遣蔡確鞫之,謂逵誣罔,落宣徽使、知潞州。徙太原,復宣徽使。

源州 使、知河中。辭歸洛,改左武衞上將軍、提舉崇福宮,卒。 坐貶左衞將軍,西京安置,屛處十年。哲宗立,復左屯衞大將軍致仕。起知潞州,進廣州觀察 蹙,奉表歸命。時兵夫三十萬人,冒暑涉瘴地,死者過半。至是,與賊隔一水不得進,乃班師。 自 隨。將行,宴於便殿,賜中軍旗章劍甲以示寵。次長沙,先遣將復邕、康,至廣西,討拔 ,降守將劉應紀;又拔决里隘,乘勝取桄榔、門州,大戰富良江,斬僞王子洪眞。乾德窮 交阯李乾德陷邕管,召爲安南行營經略招討使兼荆湖、廣南宣撫使,請鄜延、河東舊吏 輟視朝一日,贈雄武軍節度使。 廣

刻而 帝論其詳。 成。 **莲忧慨喜兵學,神宗嘗訪** 尤善用偏裨,每至所部,令人自言所能,暇日閱按之,故臨陣皆盡其技 在延安,使以教兵,久不就。 八陣遺法,對曰:「兵無常形,是特奇正相生之一 法爾。」 因爲 一隊,頃

玉能以功補過,卿之力也。」每戰,先招懷,後戰鬥,愛惜士卒,不妄加誅戮。 泣 一言不得終養母。 李復圭治慶州之敗,旣斬李信、劉甫,又欲罪鄜延都巡檢使白玉 逵哀之,不遣,申救甚力, 得冤。 已而玉大捷于新砦, 玉見逵託 神宗 其殺賊婦女老 謂 以後事,且 **建**日 「白

列傳

第

四十九

郭逵

校勘記

弱者,皆不賞。 雖坐征南無功久廢,猶隱然爲一時宿將云。

奇雋。 功,用違其長,又何尤焉 時名將,惟青與達兩人爾。情在邊境凡二十五戰,無大勝,亦無大敗,最後崑崙 論曰:宋至仁宗時,承平百年,武夫驇卒遭時致位者雖有之, 攷其識量,亦過人遠矣。 逵料葛懷敏之敗, 如燭照龜卜, 時最爲知兵。 起健卒至政府, 雖南征無 舉,頗 隱然爲

校勘記

州

- 门馬步軍總管 者 都 兼馬步軍都總管。 「步」原作「部」。 此處「部」字當爲「步」之誤,據改。 按本書卷一六七職官志「府州軍監」條,知太原、定州 、真定等府
- 3 馬 步軍 副都總管 「步」原作「部」。按宋祁景文集卷六一楊崇勳行狀作「馬步軍副都部署」。 都
- 部署」即「都總管」,據改。
- S 맫 楊畋 除耀 州觀察使 原作「楊略」,據本書卷三〇〇本傳、長編卷一七三改。 「除」字原脫,據東都事略卷六二本傳補。

宋史卷二百九十一

列傳第五十

吳育 宋綬子敏求 從子昌言 李若谷 子淑 孫壽朋 復圭

王博文 子疇 王鬷

之,億日:「彼他日所享,非若曹可望也。」累官光祿卿,以禮部侍郞致仕。 吳育字春卿,建安人也。父待問,與楊億同州里,每造億,億厚禮之。

相戒約,毋敢縱者。 者銜之,或中夜叩縣門,索牛駕車,淯拒不應。異時宗子所過,縱鷹犬暴民田,入襄城境,輒 在裏城,請凡官所須,具成數,毋容使者妄索,羊豕悉出大官,由是民省供費殆半。宦官過 襄城三縣。自秦悼王葬汝後,子孫從葬,皆出宦官典護。 育少奇穎博學,舉進士,試禮部第一,中甲科。除大理評事,遷寺丞。 歲時上冢者,往來呼索擾州縣。育 歷知臨安、諸暨

列

良 方 Ĕ ,擢著作郎、直集賢院、通判蘇州。 還知太常禮院,奏定禮文, 名太常新禮

慶曆 記儀。 改右正言,歷三司鹽鐵、戶部二判官。 尋以本官供諫 職

送人剽悍多詐,出沒不時,我師乘銳,見小利小勝,必貪功輕進,往往墮賊計中。 尙不賓,姑嚴守禦,不足同中國叛臣亟加征討。 夏國主,如育所議。 明烽候,堅壁淸野,以挫其鋒。」時方銳意討之,旣而諸將多覆軍者,久之無功,卒封元昊爲 削,宜援國初江南故事,稍易其名,可以順拊而收之。」不報。 蕃臣,其尺賦斗租,不入縣官,且服叛不常,請置之,示不足責。 元昊僭號,議出兵討之。 羣臣曰:「元昊,小醜也, 且征討者,貴在神速,守禦者,利於持重。 旋即誅滅矣。」育獨建言:「元昊雖稱 復上言:「宜先以文誥告諭之, 且已僭輿服,勢必不能自 第嚴約束,

明,將帥練習,士卒精銳,則四夷望風,自無他志。若一不備,則乘間而起矣。」 則 《倉皇莫知所爲,殆稍安靜,則又無敢輒言者。 若政令修,紀綱肅,財用富,恩信給,賞罰 育又上言:「天下久安,務因循而厭生事,政令紀綱,邊防機要,置不復修。一有邊警,

第見朝廷比年與西域諸戎不通朝貢,乃得以利啗鄰境,固其巢穴,無肘腋之患。 跳梁猖獗, 鶻 可 汗井其相 手書,納其貢奉,厚以金帛。眞宗命潘羅支攻殺李繼遷,而德明迺降。元昊

又曰:「漢通

西域諸國,斷匈奴右臂。

諸戎內附,雖有桀點,不敢獨叛。

唐太宗嘗賜回

伐謀之要也。」因錄上眞宗時通西域諸蕃事迹。 彼得以肆而不顧矣。 請募士諭唃廝囉及他蕃部,離散其黨與,使倂力以攻,而均其恩賜,此 除同修起居注,遂知制誥,進翰林學士,累

遷禮部郎中。

若無他者, 同上 JP受恩,為日已久。不可納一叛羌,失繼世兄弟之懽。今二蕃自門,門久不解, 附 乘機立功。 西,且有煙 一對,不易育議。 若猶堅拒,當爲討之。』如此,則彼皆不能歸罪我矣。」於是召兩制,出契丹書,令兩制 契丹與元昊構兵,元昊求納款。契丹使來請勿納元昊,朝廷未知所答。育因上疏曰:「契 當順 塵之警矣。 萬一過計 契丹如故,然後許汝歸款。』告契丹曰:『已詔元昊,如能投謝轅門, 亟納元昊, 臣恐契丹窺兵趙、魏, 朝廷不得元昊毫髮之助, 而太行東 宜使人論元昊曰:『契丹汝世姻,一旦自絕,力屈而歸我,我所疑也。 可觀形勢, 卽聽 內

變,帝遣他吏按之,卒伏法。 尋 知開封府。 居數日,發大奸吏一人,流嶺外。 時歲饑多盜,育嚴賞功之法,嘗得盜而未賞者,一切賞之,以明 又得巨盜,積贓萬九千緡,獄具而 輒再

視, 還奏:「盜不足慮。 慶曆 五 一年,拜右諫議大夫、樞密副使。 竞州杜衍、 **鄞州富弼,山東人尊愛之,此可憂也。」帝欲徙二人于**潍 居數月,改參知政事。 山東盜起,帝遣中使按

列

之。 憚此耶? 升祔眞宗 已而外人多怨執政者,帝以語輔臣。 育日:「盗誠 廟 ,議者請覃恩, 《無足盧者,小人乘時以傾大臣,禍幾不可禦矣。」事遂寢。 且優賜軍士。 育曰:「無事而啓僥倖,誰爲陛下建此議者,請治 育曰:「此必建議者欲動搖上聽,臣以身許國,何 章獻、章懿太后

毋容 巡檢兵 唐詢 設伍保法,以檢制盜賊。時京師有告妖人千數聚確山者,詔遣中使往召捕者十人。 宰相子,大臣有營助,欲傳輕法。一育曰:「不殺經,無以示天下。」卒減死一等,流南方。 請留毋往。」中使以爲然。 曰:「大臣喧爭爲不肅,故雨不時若。」遂罷昌朝,而膏歸給事中班。未幾,出知許州 今乃知欺罔也。」育曰:「非睿聽昭察,則挾邪蠹國,靡所不爲。 臣 所辨者,職也,顧力不勝,願罷 茅 詩罷制科,帝刊其名付中書,育奏疏駁議,帝因諭輔臣曰:「彼上言者,乞從內批 育 向經知永靜軍,爲不法,疑通判江中立發其陰事,因構獄以危法中之,中立自經死。 《往索之,育曰:「使者欲得妖人還報邪?」曰:「然。」曰:「育在此,雖 知 在 政府,遇事敢言,與宰相賈昌朝數爭議上前,左右皆失色。 此特 鄉民用浮 恩法相聚,以利錢財爾,一弓手召之,可致也。 頃之,召十人者至,械送闕下,皆無罪釋之。 臣職。」乃復以爲樞密副使。 願出姓名按劾,以明國法。」 明年大旱,御史中丞高若訥 今以兵往,人相驚疑, 而告者伏辜。 育論辨不已,乃請曰: 不敏,聚千人境內, ,徙蔡州 至, 行下, 則以 御史

不測爲 失 也 尋以資政殿學士知河南府,徙陝州。 設 何等大獄。 有罪,卽屬之有司。 及聞案具,乃止請求常事。 楊儀嘗爲三司判官,近自御史臺移劾都亭驛,械縛過市,人人 上書論詔獄曰:「先王凝旒黈纊,不欲聞見人之過 使道路衆口紛紛竊議,朝廷之士,人皆自危,

豈養廉

「恥、示敦厚之道哉。」

訴。 資政殿大學士。 集賢院學士判西京留司御史臺。外臺舊不領民事,時張堯佐知河陽,民訟久不決,多詣育 剛 IE 育爲辨曲直,判書狀尾,堯佐畏懼奉行。 可用,第嫉惡太過耳。」因命知汝州,遣內侍賜以禁中良藥。 遷 l禮部侍郎、知永興軍,召兼翰林侍讀學士。 以疾辭,且請便郡。帝語大臣曰:「吳育 召還,判尙書都省 復爲資政殿學士兼翰林侍讀學士、知陝州,進 會疾不已,又請居散地,以

若察而行之事。 南嘗貸民出息錢。 則 陰邪不能構害,公正可以自 日,侍讀禁中,帝因語及「臣下毀譽,多出愛憎,卿所當愼也」。育曰:「知而形之言,不 聖主之行,如日月之明。進一人,使人皆知其善,出一人,使人皆曉其惡, 久之,除宣徽南院使、鄜延路經略安撫使、判延州。 [立,百王之要道也。]帝數欲大用,爲諫官劉元瑜誣奏育在河

而 · 巫城,則羌人必爭,爭而受患者必麟府也。」移文河東,又遺籍手書及疏於朝,不報。 夏 人旣稱臣, 而並邊種落數侵耕爲患。 魔籍守丼州, 欲築堡備之。 育謂:「要契未明

綬

以爲資政殿大學士、尚書左丞、知河中府,徙河南。 夏人果犯河外,陷驍將郭恩,而太原將佐皆得罪去。 病革,視事如平日,因閱囚辨非罪,竄舞 疾復作,辭不任邊事,求解宣徽使,復

育性明果,所至作條教,簡疏易行而不可犯。 遇事不妄發,發卽人不能撓。 辨論明白,

贈吏部尚書,諡正

肅

文吏二人。已而卒,年五十五。

使人聽之不疑。

百篇。 數十日乃已。 |永興,時||待問尚亡恙,肩輿迎侍,時人榮之。 晚年在西臺,與宋庠相唱酬,追裴、白遺事至數 沮,育取可行者固行之。 其在二府,待問以列卿奉朝請,育不自安,請罷去,不聽。 初尹開封,范仲淹在政府,因事與仲淹忤。 體素羸,少時力學,得心疾。後得古方,和丹砂餌之,大醉,一夕而愈。後數發,每發 有集五十卷。弟方,爲宰相,自有傳。 旣而仲淹安撫河東,有奏請,多爲任事者所 及出 帥

爲 外 祖楊徽之所器愛。 宋綬字公垂,趙州 徽之無子,家藏書悉與綬。 平棘人。父皋,尚書度支員外郎、直集賢院。 **綬母亦知書**,每躬自訓教,以故博通經 經幼聰警,額有奇骨,

史百家,文章爲一時所尙。

寺丞。 言:「比歲下赦令釋逋負,後期未報者六十八州。 祠亳州太清宫,以簽書亳州判官事、入爲左正言、同判太常禮院。 久之,判三司憑由司。 閣 讀書。 初 及祀汾陰,召赴行在,與錢易、陳越、劉筠集所過地志、風物、故實,每舍止卽以奏。將 `徽之卒,遺奏補太常寺太祝。 大中祥符元年,復試學士院,爲集賢校理,與父皋同職。 年十五,召試中書,眞宗愛其文,遷大理評事 請於諸路選官考覈,期半月以聞。」於是脫 後賜同進士出身,遷大理 `,聽於祕

同修眞宗實錄,進左司郎中,遂爲翰林學士兼侍讀學士、勾當三班院。 三班 以顓 擢 知 進講。 制誥、判吏部流內銓兼史館修撰、玉淸昭應宮判官。 同修國史,遷中書舍人。昭應宮災,罷二學士。踰年,復翰林學士。史成 累遷戶部郎中、權直學士院, 始詔讀唐史,固求解

械繫三千二百人,蠲積負數百萬

遷尙書工部侍郎兼侍讀學士。

令羣 獻明 府。 天中, 睿宗爲太上皇, 五日一受朝, 處分軍國 肅 太后崩,帝思經言,召還,將大用,而宰相張士遜沮止之,復加翰林侍讀 臣對前殿,非軍國大事,除拜皆前殿取旨。」書上,忤太后意,改龍圖閣 時 太后猶稱制,五日一御承明殿,垂簾決事,而仁宗未嘗獨對羣臣也。 章懿太后祔廟禮, 授援春秋考仲子之宮、唐儀坤廟故事, 請別築宮日奉慈廟以安 「重務,除三品以下官,決徒刑。 學上,出知應天 宜約先天制度, 學士。 授奏言:「唐先 詔定章

列

神主,事多采用。

得此。 卑。』願陛下思祖宗之訓,念王業艱難,整齊綱紀,正在今日。」張士遜罷,迺拜綬參知政事。 外憂不過邊事,皆可預防;奸邪共濟爲內患,深可懼也。』眞宗亦曰:『唐朋黨尤盛,王室遂 令,未能有過於前日,豈非三事大臣不能推心悉力,以輔陛下之治耶。頃太后朝多吝除拜, 出簾惟。 市恩以 而邪幸或徑取升擢,議者謂恩出太后。今恩賞雖行,又謂自大臣出,非大臣朋黨罔上,何以 始置端明殿學士,以命綬,綬固辭。又言:「帝王御天下,在總攬威柄。而一紀以來,令 ·招權,小人趨利以售進,此風寖長,有蠹邦政。

太宗嘗曰:『國家無外憂必有內患。 朋黨之為朝廷患,古今同之。或窺測帝旨,密令陳奏;或附會己意,以進退人。大官 自陛下躬親萬務,內外延首,思見聖政,宜懲違革弊,以新百姓之耳目。 而賞罰號

也。 且事有疑似,彼猶指爲過,或陛下有大闕失,近臣雖不言,然傳聞四方,爲聖政之累,何可忽 也,諫官、御史欲邀名邪?」一般進曰:「彼豈知太后所爲哉,第見興土木違近詔,卽論奏之。 太祖嘗謂唐太宗爲諫官所詆,不以爲愧。何若動無過舉,使無得而言哉?」 初,有詔罷修寺觀,而章惠太后以舊宅爲道觀,諫官、御史言之。 帝曰:「此太后奩中物

陛下乃欲以賤者正位中宮,不亦與前日詔語戾乎?」後數日,王曾入對,又論奏之。帝曰: 郭皇后廢,帝命一般作詔云:「當求德閥,以稱坤儀。」旣而左右引富人陳氏女入宮,綬曰:

「宋綬亦如此言。」時大臣繼有論者,卒罷之。

躬,宗社之休也。」再遷吏部侍郎。 能密則事不能撓。 之道有三: 防於無事,銷變於未萌。事至而應,不亦殆歟?臣願飭勵羣司,不以承平自怠。」又上:「馭下 帝春秋富,天下久無事,經慮宴樂有漸,乃言:「人心逸於久安,而患害生於所忽。 臨事尚乎守, 願陛下念之! 至若深居燕間, 聲味以調六氣, 當機貴乎斷,兆謀先乎密。 能守則奸不能移, 節宣以順四時, 能斷則邪不能惑, 故立

依違不決,於是四人者皆罷。一般以尚書左丞、資政殿學士留侍講筵,權判尙書都省。 加資政殿大學士,以禮部尚書知河南府。 時宰相呂夷簡、王曾論議數不同。 綬多是夷簡,而參知政事察齊間有所異,政事繇此

召 [知樞密院事,遷兵部尚書、參知政事。 元昊反,劉平、石元孫敗沒,帝以手詔賜大臣居外者,詢攻守之策。 尋卒,贈司徒兼侍中,諡宣獻。 時經母倘在,經旣得疾,不視事,循起居自力,區處 授畫十事以獻。復

也。」及卒,帝多取所書字藏禁中。 史百家, 其筆札尤精妙。朝廷大議論, 多綬所財定。楊億稱其文沈壯淳麗, 曰:「吾殆不及 **|** | 授性孝謹清介,言動有常。 爲兒童時,手不執錢。 初,郊祀,綬攝太僕卿。 家藏書萬餘卷,親自校讎,博通經 帝問儀物典故,占對辨洽,因上

列傳

所撰鹵簿圖十卷。子敏求。

堯臣修唐書,以敏求習唐事, 敏求字次道, 賜進士及第,爲館閣校勘。 奏爲編修官。 持祖母喪, 詔令居家修書。 預蘇舜欽進奏院會,出簽書集慶軍 卒喪, 同 判官。 知太常禮

院。

知制誥、判太常寺。 爲羣牧度支判官。 石 中立薨, 同僚援據不一,判寺宋祁是其議,遂定爲令。 子繼死, 墜馬傷足,出知亳州。 無他子。 其孫祖仁疑所服,下禮官議。 治平中,召爲仁宗實錄檢討官,同修起居注、 加集賢校 敏求謂宜爲服三年, 理。 從宋庠辟, 通 判西 當

實錄。神宗曰:「典禮,國之所重,而誤謬如是,安得無責。」然敏求議初不誤,曾公亮惡禮院實錄。神宗曰:「典禮,國之所重,而誤謬如是,安得無責。」然敏求議初不誤,曾公亮惡禮院 |求言宗室義服,服降而練,可嫁娶矣。 瑾 |附敏求爲說,故因是去之。是歲,卽詔還。 英宗在殯,有言宗室服疎者可嫁娶,敏求以爲大行未發引,不可。 坐前後議異, 貶秩知絳州。 王珪、范鎭乞留之,使成 踰年,又有言者。 敏

欲 因人心,如趙鞅興晉陽之甲,以逐君側之惡,出之潁州。 徐 國 [公主以夫兄爲姪奏官, 敏求疏其亂天倫,執正之。王安石惡呂公著, 誣其言韓琦 敏求當草制,安石諭旨使明著罪

敏求但言數陳失實。安石怒白於帝,命陳升之改其語,敏求請解職,未聽

撰、集賢院學士。鄧潤甫爲帝言:「比羣臣多尚告訐,非國家之美,宜登用敦厚之士,以變薄 俗。」乃加敏求龍圖閣直學士,命修兩朝正史,掌均國公牋奏。元豐二年,卒,年六十一。特 正,孔文仲對語切直,擢寘優等,安石愈怒,罷文仲。 會李定自秀州判官除御史,敏求封還詞頭,遂以本官右諫議大夫奉朝請。 。人爲敏求懼,帝獨全護之,除史館修 策試賢良方

茂,而辭藻不工,故登第者少。請令轉運使擇薦有行藝材武者,特官之,使人材參用,而士 贈禮部侍郎。 弟昌言。 有可進之路。又州郡有學舍而無學官,故士輕去鄉里以求師,請置學官。」後頗施行之。 六世實錄百四十八卷,它所著書甚多,學者多咨之。嘗建言:「河北、陝西、河東舉子,性朴 敏求家藏書三萬卷,皆略誦習,熟於朝廷典故,士大夫疑議,必就正焉。 補唐武宗以下

河陰,得凶盜六輩,殺人而鬻之,如是十餘年,掩其家,猶得執縛未殺者七人。縣吏與市井少 稍遷河陰發運判官。自濟源之官,見道上棄屍若剮剝狀者甚衆,竊歎郡縣之不治。旣至 昌言字仲謨,以蔭爲澤州司理參軍。州有殺人獄,昌言疑其寃,堅請迹捕,果得眞犯

列傳第五十

宋綬

李若谷

年 共爲 、胠橐, 昌言窮治其淵藪,皆法外行之,而流其家人。 擢都水監丞

汴水 濮、冀二州。 獨 可成,不 侯 有 稍深,即斷 漲 功 熙 寧初, 若 如 昌 與同 修 言 生健。 北流 河決棗彊 河決曹村、召判都水監、往護河堤。 請塞訾家口 列均受賞,恐不足以勸。 ,縱出葫盧 朝廷遣翰林學士司馬光往 而北。 已而汴流絕, 下流,以除恩、冀、深、瀛水患。 昌言建議,欲於二殿河口西岸新灘,立土約障水,使之東流。 詔理提點刑獄資序, 監丞侯叔獻唱爲昌言罪, 視,如昌言策。 靈平埽成,轉少府監。 韶從之。 遷開 不兩月,決 封府推官、同判都水監。 昌言懼, 提舉河渠王亞以爲不 卒,贈絹二百匹。 口塞。 求知陝州 光奏昌言 拯

财 ; 長 社 若俗度材,別其長短、大小爲程,置庭中,使民 縣 李若谷字子淵,徐州豐人。 尉 州葺兵營,課民輸木,傲尉受之,而吏以不 少孤游學,依姻家趙況於洛下,遂 自 ·中程, 多退斥, 葬父母緱氏。 欲苛苦輸 者, 舉 進士,補 因以 取

判亳州 檢。 茶惡者舊沒官,若谷使歸之民,許轉貿以償其數。 改 大 八
理
寺 累遷度支員外郎、權三司戶部判官,出爲京東轉運使。 丞、知宜 興縣。 官市湖洑茶,歲約戶稅爲 多少,率取足貧下,若谷始置籍 知連州 會河決白馬,調取獨健,同 眞宗將朝謁太淸宮, 選 備 通 么

列盧 士倫協三司意,趣刻擾州縣,而若谷寬之。 士倫不悅,構于朝,徙知陝州。 盗聚青灰山

久不散, 遣牙吏持榜招諭之, 监殺其黨與自歸。 改梓州。

南。 后姻橫肆,若谷繩以法。監司右蒙正,奏徙若谷潭州。 上族元甲恃蔭屢犯法,

岩谷杖之,曰:「吾代若父兄訓之爾。」

王蒙正爲駐泊都監,挾太 天聖初,判三司戶部勾院。使契丹,陛辭,不俟垂簾請對,迺遽詣長春殿奏事,罷知荆

使塞 Ш 夏 韓村堤,夜馳往,督兵爲大埽,至旦堤完。以右諫議大夫知延州。 分占芍陂,陂皆美田 歸,復攻劫,若谷擒致之,磔于市。自是寇稍息。 水溢 M 貯穀 一堤,盜決乃止 洞庭賊數邀商人船殺人,輒投屍水中。 , 岸輒圮, 役費不可勝紀。 少, 若谷使作露囤,囤 , 夏雨溢壞田, 可貯二萬斛, 若谷乃制石版爲岸,押以巨木,後雖暴水,不復壞。 輒盜決。 嘗捕獲,以屍無驗,每貸死,隸他州。 若谷擿冒占田者逐之,每決,輒調瀕陂諸豪, 他郡多取法焉。 累遷太常少卿、集賢殿修撰、知滑州 遷給事 州有東西兩城夾河、秋、 中、 知壽州。 豪右多 官倉依 旣而逃 河齧

陽,敕使須索煩擾,若谷奏令鴻臚預約所調移府,逆爲營辦。 者,以分隸諸僧寺,助給春爨。 加集賢院學士、知江寧府。 還,勾當三班院,進龍圖 卒挽舟過境,寒瘠甚者,留養視之,須春温 . 閣直學士、知河南府。 改樞密直學士、知幷州。 遣去。民丐于道 貴人多葬洛

列

绑

失婚姻者,若谷出私錢助其嫁娶。 贅婿、亡賴委妻去,爲立期,不還,許更嫁。 井多降人,喜

盜竊,籍累犯者,以三人爲保,有犯,并坐之,悛者削去籍名。

作而 外。 以耳疾,累上章辭位,罷爲資政殿大學士、吏部侍郎、提舉會靈觀事。 ·新之。君子小人,各有其類,今一目以朋黨,恐正人無以自立矣。」帝悟,爲下詔諭 進尚書工部侍郎、龍圖閣學士、知開封府,拜參知政事。 建言:「風俗媺惡, ' 以太子少傅致 在上之人

與韓億爲友,及貴顯,婚姻不絕焉。子淑。 苦俗性資端重,在政府,論議常近寬厚。 治民多智慮,愷悌愛人,其去,多見思。少時 仕,卒,年八十。贈太子太傅,諡康靖。

省 校書郎,寇準薦之,授校書郎、館閣校勘 淑字獻臣,年十二,眞宗幸亳,獻文行在所。 眞宗奇之,命賦詩,賜童子出身。 試祕書

再遷尙 院 會若谷參知政事,改侍讀學士,加端明殿學士。 編修官。 乾 書 興 l禮部 初, 召試,賜進士及第, 遷大 員 外郎,上時政十議。 理評 事。 修眞宗實錄,爲檢討官。 改祕書郎,進太常丞、直集賢院、同判太常寺,擢史館修撰, 改 知制誥、勾當 若谷罷,進本曹郎中、典豫王府章奏。 三班院, 書成,改光祿寺丞、集賢校理,爲國史 爲翰林學士, 進吏部 員外郎。

爲翰 (林學士、中書舍人。言者指其在開封多褻近吏人,改給事中、知鄭州。徙河陽,轉尚書禮 以 右諫議大夫知許州。 歲饑,取民所食五種上之,帝惻然,爲蠲其賦。 權知開封府,復

罷端明殿學士,判流內銓,復加端明殿學士。

部侍

.郎,復爲翰林學士。

天府。 府,暴感風眩,卒。 林學士,而御史中丞張昪等又論奏之,不拜,除兼龍圖閣學士。 起復,再爲翰林學士。 士,以端明、龍圖閣學士奉朝請。 初,在鄭州,作周陵詩。 累表論辨,不報,乃請侍養。明年,復端明、侍讀二學士,判太常寺。 贈尙書右丞。 諫官包拯、吳奎等言淑性姦邪,又嘗請侍養父而不及其母,罷翰林學 國子博士陳求古以私隙訟其譏訕朝廷,除龍圖閣學士,出知應 丁母 憂,服除,爲端明、侍讀二學士。 由是壹鬱不得志,出知河中 遷戶部侍 父喪 冤官, 郎,復爲翰 終喪

其他文多裁取古語,務爲奇險,時人不許也。 淑警慧過人,博習諸書,詳練朝廷典故,凡有沿革,帝多諮訪。 制作誥命,爲時所稱。

制、康定行軍賞罰格,又獻繫訓三篇,所著別集百餘卷。 |祁作張貴妃制,故事,妃當册命,祁疑進告身非是,以淑明典故問之,淑心知其誤,謂|和曰: 「君第進,何疑邪?」郦遂得罪去,其傾側險陂類此。 初,宋郊有學行,淑恐其先用,因密言曰:「『宋』,國姓;而『郊』者交,非善應也。」又宋 **嘗修國朝會要、三朝訓鑒圖、閻門儀** 子壽朋、復圭。

傳第五十

李

若

谷

官, 撃断: 「昭憲皇后誕育二聖,爲國文母,獨以合葬安陵,不及時祭,請更其禮。」從之。 壽朋字延老。 敏甚。 皇城卒邏其縱游無度,出知汝州。 慶曆初,與弟復圭同試學士院,賜進士出身,判 盡推職田之入歸前守楊畋; 吏部南曹。 使行 败死,又經 遷羣牧判 諸陵,奏

理其家。

以饑歲營州廨勞民,降爲荆門軍

時,暴得疾卒。 道陋、壽朋度必東潰、諭居人徙避、後三縣四鎭果墊焉。 入直舍人院、同修起居注,進戶部、鹽鐵副使。 宋繕葺,未數月,復其舊。括蕪田三萬頃,縱民耕,擇其壯者使習兵。 歷開封府推官、戶部判官、知鳳翔府滄州。 詔中使撫其拏,賜白金三百兩。 性疎雋任俠,奉祠西太一宮,飲酒食肉如常 滄地震,壞城郭帑庾。 司馬光出使,薦其能, 河方北涌,隨塞之,故 壽朋以席爲屋,督吏 加直史館。

每 財 吏脫 復圭字審言。 冤, 復圭按籍役之。 通判澶州。 北使道澶,民主驛率困憊。 知滑州。 兵匠相忿閱,揮所執鐵椎,椎殺爭者於廳 豪杜氏十八家,詭言唐相 事 如晦後, 寸; 立 斬

之。徙知相州。

自太宗時,聚夏人降者五指揮,號「廳子馬」,子弟相承,百年無它役。 復圭斥不如格

家量受稅於官而占爲己有,復主奏蠲其稅,分以予民。 前役,多破產,復圭悉罷遣歸農,令出錢助長名人承募,民便之。瀕海人賴蛤沙地以生,豪 之,復圭爲奏冤,民立生祠。歷湖北、 者,選能騎射士補之。 爲度支判官、知涇州。 兩浙、淮南、河東、陝西、成都六轉運使。 始時二稅之入,三司移折已重,轉運使又覆折 浙民以給衙

以 其金湯、白豹、西和市,斬首數千級。 久矣,與破<u>金</u>湯適相値,非復圭生事。」乃召判吏部流內銓,知曹、蔡、滄州,還爲鹽鐵副使, 士卒死傷,邊民流離,謫保靜軍節度 帥兵三千,授以陳圖,使自荔原堡夜出襲擊,敗還,復圭斬信自解。 集賢殿修撰知荆南,卒。 熙寧初,進直龍圖閣、知慶州。 夏人築壘于其境,不犯漢地。 副使。 後七日,秉常舉國入寇。 歲餘, 知光化軍。 張商英言:「夏人謀犯塞之日 御史謝景温劾復圭擅興, 復圭貪邊功,遣大將李信 又欲澡前恥, 遣別將破 致

王安石所知,故旣廢卽起。 復 主 一臨事敏決,稱健吏,與人交不以利害避。 然輕率躁急,無威重,喜以語侵人,獨爲

王博文字仲明,曹州濟陰人。 祖諫,給事太宗藩邸,爲西京作坊副使。 博文年十六,善

以 以 進 名 屬 **候歲豐乃復,從之。** 土 文, 疾,請出知海州,徙密州 年 第, 少罷 調 舉 南 擢 劍州 歸 知濠州 開 軍 後 封 事 諫 府 ,推官,改大 卒官廬 歷眞州 除殿中侍御史。 以 回 州 文詩百篇 負海有鹽場,歲饑,民多盜鬻,更捕之輒 州 理 眞宗幸亳, 寺 守劉蒙叟爲言 丞 爲公卷, 一、監荆 權 南権 江 人謂之「王 、淮制置 貨 召 (務,遷 試 舍 司 入院, 殿 回文」。 事 中丞 改 爲 監 安豐 淳化 陳 察 堯 答 薦 抵 御 主簿, 死 史、 年, 太宗 梓 之, 歷 博文請 州 南 試 豐 、親試 路 中 驰 轉 尉 書 進士, 鹽禁 運 有 賜 能

按劾。 又謂 始 福中,朱能、王先在長安僞爲乾祐 博文唯治首惡,脅從者七八,得以減論。 古之爲父後者不爲出母服,以廢宗廟祭也。 博文幼喪父,其母張氏改適韓氏。 天書,事 及博文在朝 還爲開封府判官,丁 覺,能旣敗死,先與其徒就 今喪者皆祭,無害於行服 ,謂子無絕母禮,請 母 憂 得以恩封之。 禽,詔博文乘驛 乃請 母

死, 持 轉 服、然議 渾 者以 喪而祭爲非禮。 服除,爲三司戶部判官。 出爲 河北轉運使,遷侍御史、陝西 解官

駐 崇 大拔砦, 班 趙 屬 羌 世 撒 隆 玩寇逗留, 戦 逋 沒。 渴 以族落數千帳叛,旣又寇原州 博文 耗 劾奏內侍 用邊費, 都 請用曹瑋、 知周文質、 田 押班王 柳泉鎮、環州鵓鴿泉砦,梧州刺史杜澄、 敏代 懷信爲涇原、環慶兩 既而文質、懷信坐法,遂以瑋 路鈴轄, 提重 知永興 內 兵

龍 發遣三司使事 圖 閣直學士、知秦州。 遷尙 書兵部 員外郎, 與監察御史崔暨、內侍羅崇勳同鞫眞定府曹汭獄。 爲走馬承受賈德昌所毁, 爲三司戶部副 使,再遷戶部郞中、龍圖閣待制、判 徙鳳翔府, 又徙永興軍。 及還,權 吏部流內銓、權 知開封府, 明年,德昌以 進

贓敗,改樞密直學士,復知秦州。

以龍圖 羌, 乃遣習知邊事者,密持信紙往招,至則悉貸其罪,由是歲減殊死甚衆。 書吏部侍 月餘畢。 則以錦袍、銀帶、茶絹賞之。 又言河西回鶻多緣互市家秦、隴間,請悉遣出境,戒守臣使譏察之。 初, [閣學士復知開封府。 沿邊軍民之逃者必爲熟戶畜牧,又或以遺遠法易羊馬,故常沒者數百人。 郎。 出知大名府、遷給事中。 都城豪右邸舍侵通衢,博文製表木按籍,命左右判官分徹之, 間有自歸,而中道爲夏人所得,亦不能辨,坐法皆斬。 召權三司使,遂同知樞密院事,踰月而卒。 朝廷下其法旁路。 再遷右諫議大大 帝臨奠,贈尚 其禽生 博文

擇善 水土處,汝曹志之。」然治曹汭獄,議者多謂博文希太后旨,縱崇勳傅致其罪。子疇。 博文以吏事進,多任劇繁,爲政務平恕,常語諸子曰:「吾平生決罪,至流刑, 未嘗不陰

庫務, **疇字景彝,以父蔭補將作監主簿。** 薦疇勾當公事。 時有宦官同提舉者, 疇辭於中書曰:「翰林先進, 疇恐不得事 中進士第,累遷太常博士。 翰林學士宋祁提舉諸司

以朝

出大夫而爲閹人指使,則疇實恥之。」

謁者, 右諫議大夫權御史中丞 姦?」窮治,果與其叔父家有怨。 所毒,請發棺驗視,衆欲許之,疇獨不可。曰:「苟無實,是無故而暴屍,且安知非允良有 用賈昌朝薦,改編修唐書。仁宗獵近郊,疇引十事以諫。 疇獻聖政惟公頌。召試,直祕閣,爲開封府推官。 宦者李允良訴其叔父死,疑爲仇家 歷三司度支判官、修起居注、知制誥、權判吏部流內銓,以 皇祐中,手韶禁貴戚近習私

史家,掎摭 時陳升之拜樞密副使,諫官、御史唐介等奏彈升之不當大用,朝廷持不行,介等爭數月 迺兩罷之。而論者謂分等爲衆人游談所誤。疇疏言:「浮華險薄之徒,往來諫官、御 ,人罪,寖以成俗,請出詔戒勵。」從之。 遷給事中。

嗣 迎 及永 神 (君不得親往,則道路五虞,理可命宗正攝事。 昭陵 英宗旣卽位,感疾,皇太后垂簾聽政。其後帝疾平,猶未御正殿,疇上疏請御朝聽政。 而 返,故虞祭所以安神也。 復土,祭仁宗虞主于集英殿,以宗正卿攝事。 位尊者禮重,禮重者祭多,故天子之虞數至於九。 **若神主旣至,則四虞之祭,雖或聖躬未寧, 疇奏日:「人子之葬其親,送** 形 今 而 山

亦宜勉強。 况陛下在藩邸,以好古知禮、仁孝聰明聞於中外,此先帝所以託天下也。 臣願

始終令德,以全美名。」

勞,眞宗、仁宗憂勤守太平之力,勉於聽決大政,以慰母后之慈。 以時,僅踰半載,而未聞開發聽斷,德音遏塞,人情缺然。伏望思太祖、太宗艱難取天下之 帝旣視朝前後殿,而於聽事猶持謙抑。 **疇復上疏曰:「廟社擁佑陛下,起居安平,臨朝** 勿爲疑貳謙抑,自使盛德

未幾,又上疏曰:

闇然不光。」

是非者,何也?得非以初繼大統,或盧未究朝廷之事,故謙抑而未皇耶?或者聖躬尚 所可否。羣臣關白軍國之政者日益至,其請人主財決者日益多,然猶聖心盤桓,無所 學,語言舉動未嘗越禮,是天性有聖賢之資。自疾平以來,于茲半歲,而臨朝高拱,無 享之際,所以操心治身、正家保國者,尤在於勉彊力行也。陛下昔在宗藩,已能務德好 勉彊行道,則德日起而大有功。」陛下起自列邸,光有天命,然而祖宗基業之重,天人顧 廢,其勢將趨於禍亂無疑也。若聖躬未能寧,則天下之名醫良工,日可召於前。而方按 未寧,而不欲自煩耶?抑有所畏忌而不言耶?苟爲謙抑而未皇,則國家萬務,日曠月 董仲舒爲武帝言天人之際曰:「事在勉彊而已。勉彊學問,則聞見廣而智益明;

列

不試,藥石不進,養疾於身,坐俟歲月,非求全之道也。 苟有所畏忌而不言, 則又過計

者,是不爲爾,非不能也。 名常少也;然而終能德成行尊,美名遠聞,此先帝之所以屬心也。今處億兆之上,有 二講學之師,與左右給使之人耳。修身行已,德業日新,而知者無幾,則是爲善多而得 未見,達所未聞。若陛下朝行之,則衆心夕安矣。況陛下向居藩邸,日夕於側者,惟一 照天下,外則與執政大臣講求治體,內則於母后請所未至。延禮賢俊,諮訪忠直,廣所 言動則天下知之,簡册書之,比之於昔,是善行易顯而美名易成也。 今中外之事,無可疑畏,臣嘗爲陛下力言之矣。陛下何不坦心布誠、廓開大明以 有始有終者,聖賢之能事,在陛下勉彊而已。 然而尚莫之聞 數日,

朔望之儀,車服承衞之等威,百司供擬之制度,它時尊稱之美號,外家延賞之恩典,凡可以 稱 皇太后還政,疇又上疏:「請詔二府大臣講求所以尊崇母后之禮。 若朝廷嚴奉之體,與歲時 :奉親之意者,皆宜優異章大,以發揚母后之功烈,則孝德昭于天下矣。」 **噂又上疏欲車駕行幸,以安人心。 時大臣亦有請,帝乃出禱雨,都人瞻望驩呼。**

穀, 孟夏雩祀,孟冬祀神州地祇,以太宗配,正月上辛祀感生帝,以宜祖配; 時 韶近臣議仁宗配祭。 故事,冬、夏至祀昊天上帝、皇地祇,以太祖配;正月上辛祈 季秋大饗明

月上辛祈穀、孟冬祀神州祇,餘依本朝故事。如此,則列聖並侑,對越昊穹,厚澤流光,垂裕萬 父之道。 堂、祀昊天上帝,以眞宗配。 配考之說、孝經嚴父之禮。奉遷眞宗配孟夏雩祀,以做唐貞觀、顯慶故事。 真宗、仁宗俱不得配,於禮意未安。 乃獻議曰:「請依王珪等議,奉仁宗配饗明堂,以符大易 必如公輔之議,則陷四聖爲失禮,導陛下爲不孝,違經戾古,莫此爲甚。」自此公輔不 知制誥錢公輔獨謂仁宗不當配祭。 而學士王珪等與禮官上議,以謂季秋大饗,宜以仁宗配,爲嚴 疇以謂<u></u> 生等議遺眞宗不得配,公輔議遺宣祖 太宗依舊配正

帝甚悼惜之,臨哭,賜白金三千兩,贈兵部尙書,諡忠簡。 輕資淺,在臺素餐,不可大用,又頗薦引近臣可爲輔弼者。公輔坐貶。疇在位五十五日,卒。 **疇名臣子,性介特,厲風操,喜言朝廷事。** 遷翰林學士、尙書禮部侍郎、同提舉諸司庫務。 好治容服,坐立嶷然,言必文,未嘗慢戲,吏 數月,拜樞密副使。於是公輔言疇望

悦,而朝廷以嚋論事有補,帝與執政大臣皆器異之。

治審密,文辭嚴麗。 其執政未久、終于位及所享壽,類其父云。

王殿字總之,趙州臨城人。 七歲喪父,哀毀過人。旣長,狀貌奇偉。 舉進士,授婺州觀

91

祭推 副 知 提 人點梓州 雑 使。 事 日 樞密使曹利用得罪,鬷以同里爲利用所厚,出知湖州,徙蘇州。 代 上言:「方調兵塞決河,而近郡災歉,民力彫敝, 路 刑獄 真宗見而異之, ,權三司戶部判官。 特遷秘書省著作佐郎、知祁縣,通判湖州 使契丹還,判都磨勘司。 請罷土木之不急者。」改三司戶部 以尙書度支員外郎兼侍御史 還爲三司鹽鐵副 再遷太常博士、

判大理寺、提舉在京諸司庫務,安撫淮南,權判吏部流內銓,累遷刑 |季良挾章||獻婣家,衆莫敢迕其意,||鬷獨不可,曰:「與民競利,豈國體耶!」 ||潛 時 龍 圖閣待制馬季良方用事,建言京師賈人常以賤價居茶鹽交引,請官置務收市之, 部。 天章閣待制、

者,得 校 大、同 益、 亂 十餘 者, 鬷潛遣兵環營, 下令曰: 「不亂者斂手出門, 無所問。」於是衆皆出, 利路旱饑,爲安撫使,以左司郎中、樞密直學士知益州。 知 樞 人,即戮之。及旦,人莫知也。 密院 事。 景祐五 一年,參知政 事。 其爲政有大體, 明年,遷尙 書工 不爲苛察, 一部侍郎、知 戍卒有夜焚營、 蜀 樞 人愛之。 密院 命軍 事 殺馬、脅軍 拜右 校指 諫 亂

明從之。 以 諫 教之? 日 我 吾嘗使人覘元昊,狀貌異常,他日必爲邊患。」 鬷殊未以爲然也。此再入樞密,元昊 我人,本從事鞍馬,而 」韓曰:「吾聞趙德明嘗使人以馬権易漢物,不如意 一般當 使 河北,過眞定,見曹瑋,謂曰:「君異日當柄用 以資鄰 國易不急之物,已非策, 一、欲殺之。 又 從而 願 留意 斬之,失衆心矣。』德 少子元昊方十 邊防。」一般 ·餘歲, 一何

反,帝數問邊事,巖不能對。 及西征失利,議刺鄉兵,又久未決。帝怒,鬷與陳執中、張觀同

日罷,鬷出知河南府,始歎璋之明識。 未幾,得暴疾卒。 贈戶部尚書,諡忠穆。

宋氏親族或侮易之:

化基日:「後三十年,鬷富貴矣。」果如所言。

意曹瑋之言,卒以昧於邊事見黜,宜哉! 故,傅以文采,而淑以傾險敗德,視疇之介特,數建忠謀,則賢不肖之相去遠矣。王鯼不留 文習吏事,當仁宗時,先後與政,僅能恭愼寡過,保有祿位,施及後嗣。 論曰:吳育剛毅不撓,而設施無聞,其才不逮志者與?宋綬博治明敏,若谷務長厚,博 敏求、淑俱練達 典

宋史卷二百九十二

列傳第五十一

王堯臣 李諮 程戡 孫抃 夏侯嶠 田況 盛度 丁度 張觀 鄭戩 明鎬

留鄉里請外,遂出知荆南。 會江南饑,徙江東轉運副使,爲度支判官。 歷三司、開封府判官,再遷左正言,出爲淮南轉運副使。帝幸亳,以勞,遷尚書禮部員外郞。 曰:「是能安其親者。」擢第三人,除大理評事、通判舒州,召試中書,爲太子中允、直集賢院。 文捷出其母,諮日夜號泣,食飮不入口,父憐之而還其母,遂以孝聞。舉進士,眞宗顧左右 李諮字仲詢,唐趙國公峘之後。 會翰林學士闕,宰相擬他官,帝曰:「不如李諮。」遂爲學士。 <u>順</u>貶死袁州,因家新喻,遂爲新喻人。 擢知制誥,寇準數改諮所擬制辭,諮不樂,以父 諮幼有至性,父

仁宗卽位,超遷本曹郎中、權知開封府,數月,權三司使,拜右諫議大夫。

嘗奏事兩宮

務者,宜一切裁損以厚下。」即認諮與御史中丞劉筠等同議冗費,以景德較天禧,計所減得 曰:「天下賦調有定,今西北寢兵且二十年,而邊餽如故。 戍兵雖未可減,其末作浮費非本

十三之上。

行而 諮 鞫吏王舉、句獻私商人,多請慈州礬,會計茶法不折虚費錢,妄稱增課百萬**緡,以**覬恩賞。 出錢十四文,坐得三司錢百文。」諮請變法以實錢入粟,實錢售茶,三者不得相爲輕重。 道、張士遜與諮等經度其事。」諮曰:「舊法商人入粟邊郡,算茶與犀象、緡錢,爲虛實三估, 商人果失厚利,怨謗蠭起。 時陝西緣邊數言軍食不給,度支都內錢不足支月奉, 諮以疾累請郡,改樞密直學士、知洪州。 章獻太后憂之,命呂夷簡、魯宗 行數月,而御史臺

應辦 境內肅然。 舉集。 久之,進給事中、知杭州,復樞密直學士、知永興軍。 還,勾當三班院,坐舉吏降左諫議大夫。 權三司使事,是歲,禁中火,倉卒營造, 衣冠子弟恃蔭無賴者,諮悉杖之,

寖壞, 進尙書禮部侍郎,拜樞密副使。數月,遭父喪,起復,遷戶部侍郎、知院事。 乃韶諮、蔡齊等更議之。 卒,贈右僕射,諡憲成。 諮以前坐變法得罪,固辭,不許。於是復用諮所變法,語具食 是時權茶法

人以 爲稱職 諮 性明辨,周知世務,其處煩猝,常若閑暇,更不敢欺。 無子,以族子爲後。 在樞府、專務革濫賞、 抑僥倖,

許州 誣仇 程 曹利用貶,戡以利用壻降通判蘄州。 獄已具,戡獨辨之,正其罪。以尚書屯田員外郎知歸州,召爲侍御史、三司度支判 徙虔州, 州人有殺母,暮夜置尸仇人之門,以

知諫 院,遷兵部員外郞兼侍御史知雜事、三司戶部副使。 寶元初,忻、代地震,壞城郭、廬舍,死傷甚衆,命戡安撫,頗以便宜從事。改起居舍人、 擢天章閣待制、陝西都轉運 使。

官。

佐邊備· 戶出一 夫,民不勝苦。」因詔 也。 已隸保捷兵,而保毅籍如故,州縣以供 :私役保毅者以計傭律坐之。 力役,率困憊,至破析財產售田者,猶

未幾,

知渭州。

陝西

有保毅軍,人苦其役。

戡奏曰:「保毅在鄉兵外,不黥

而

有籍,所以

中。 御史中丞張觀辨之,復爲樞密直學士、知永興軍,徙瀛州,四遷給事 淮 樞密直學士、知成都府。 坐嘗保任具州張得一,得一伏誅,奪職出知鳳翔府, 中。 契丹使過,稱疾 尋徙河

列

求著帽見,戡 [使謂曰:「有疾,可毋相見,見當如禮。」使者語屈,冠而 見。

治城堞,戡獨完城浚池自固,不以爲嫌也。 知 益州 ,遷端明殿學士,召見慰遣。 言歲在甲午,蜀且有變,孟 知祥之割據,李順之起而爲盜,皆此 至彭州 民妄言有兵變,捕斬之。 時也。 守益州者以嫌,多不 仁宗自擇戡再

數與宋庠爭議, 召 拜 參 知政事,奏禁蜀 諫官、 御史皆論之,戡亦自請罷。 人妖言誣民者。 避宰相文彥博親,改尚書戶部侍郎、樞密副使。 除吏部侍 郎、 觀文殿學士兼翰林侍讀學

士、同羣牧制置使,尋拜宣徽南院使、鄜延路經略安撫使、判延州

爲援。 遷。 九州臺,則下瞰城中。 乘此許之,所謂以蠻夷攻蠻夷,中國之利也。」會英宗不豫,大臣重 英宗卽位,以安武軍節度使留再任。 又請首領有戰功材武,皆得召見,選補爲蕃官。 戡言:「豺虎非自相搏, 戡調兵夫大增築之。橫山 則未易取也;癰疽非其自潰, 初, 覃恩, 蕃官例不序遷。 延州夾河為兩城,雉堞 則未 生事 易攻 至是,用戡奏始皆得 不不 也。 報 諒祚久悖慢,宜 頗 學小。 敵登

數驛,設有警,使聽節制,則不及事矣。 治平初,命宦官王昭明等領四路蕃部事。 言者請選大臣帥永興,屯重兵以制五路,敕戡具利害以聞。 且關中財賦不贍,宿軍多,何以給之?」 戡曰:「蕃部所以亡去,苦邊吏苛暴,爲西人 戡以爲「四路距永興皆十

略 今昭明等徒能呼召首領,犒以牛酒,恐未足以結其心也。 而甚動邊聽, 宜更置 路

官移文于州,稱其國中官曰樞密。 分鈐轄、都監,各部一將兵,兼沿邊巡檢使,無復專蕃部事。」從其奏。 |戡止令稱使副不以官,稱樞密曰「領盧」,方許之。 夏人遣使入貢,僭漢

戡告老章累上, 終弗聽,遣使以手詔問勞,賜茶藥、黃金,乃再上章曰:「臣老疾劇矣,

高奴 屯勁兵爲要地, 豈養病所耶?」 召還,道卒。 贈太尉, 諡康穆。

戡 久在邊,安重習事,治不近名。 然不爲言者所與,或傳戡交通宦官閻士良,至令妻出

見之。

守向拱,攝伊陽令,拱移安州,又令攝錄事參軍 中,以明經至棣州錄 夏侯嶠字峻極,其先幽州人。高祖秀,爲濟州與野鎭遊奕使, 事參軍。 嶠幼好學,弱冠,以辭賦稱,周相李穀延置門下。 因家焉。 **父浦,梁開平** 又依西京留

獨糧于河朔。 太平 興國初, 遷殿中丞、通判邠州。 舉進士 一甲科,解褐大理評事、通判興州,累遷右贊善大夫。 歲滿,拜監察御史、通判興元府,進秩殿中。 從征太原,督

雍熙二年代還,對便坐。 太宗語有司曰:「此人朕自知其才行,勿須奏擬。」卽日改左補

嶓

鄓。 闕、 尹京府,命兼推官,加司封員外郎。 審刑院。 直史館, 眞宗在襄邸,太宗擇朝士謹厚者爲官屬, 數月,擢樞密院副使。 賜緋魚。會王師護邊,乘傳督河間餫道,就命知莫州。 東宮建,復兼中舍,遷工部郞中。 即召入爲翊善,賜金紫, 及嗣位,拜給事中、知 踰月,徙洪州, 加直昭文館。 改起居 眞宗

又命 以爲便。 兼祕書監。 咸平元年,以戶部郞中罷。 使還,采病民二十餘事上之,亟詔釐革。 是秋,江、浙饑,命爲江南巡撫使,所過疏理刑訟,存問耆老,務從寬簡,人 二年,始建講讀之職,命嶠爲翰林侍讀學士。 叉判 東部選事 及楊徽之卒,

豈 同學 目之。 賵 丹,上尊酒餌之,肩輿還第,遣內侍召外內名醫診視。 **先據** 泥賜外, 究出 嶠 此 素好道,留意養生,少疾。 善鼓琴,好讀脏、老書,淳厚謹愼,居官無過失。 增賜白金三百兩給葬。 身。 位. |有 嶠 在近侍, 集 + 五 卷。 恩遇甚渥。 錄其子大理寺丞晟爲太子中舍,孫恭 景德元年五月,以選人侯對崇政殿, 卒後數月, 畢士安爲相,撫坐歎曰:「使夏侯君 其夕卒, 眞宗尤愛重之,多所詢訪,每以善人 年七十二。 爲奉 暴中風 一禮郎, 詔 眩, 贈 兵部尙書, 姪孫蔚賜 귮 詔取金 在,吾

至駕部員外郎。 大 中祥符初,晟上漢武封 恭至太子中舍。 禪圖 續金匱、

玉匱、石

石

感、 石距之狀, 咸有注釋, 上覽而善

俶 寺丞、御史臺推勘官,改祕書省祕書郞。 入朝,終尙書度支郞中。 一度字公量,世居應天府,後徙杭州餘 度舉進士第,補濟陰尉。 試學士院,為直史館、三司戶部判官,累遷尙書屯 杭 縣。 會祖 選爲封丘主簿,改府倉曹參軍,爲光祿 璫,仕錢氏爲餘杭縣令。 父豫,從錢

田員外郎

圖以獻。 烽火相望,其爲形勢備禦之道至矣。 人、知制誥。 而 五郡之東南,自秦築長城,西起臨洮,東至遼碣,延袤萬里。有郡、有軍、有守捉,襟帶相屬, 不 能 契丹寇邊,從幸大名,數上疏論邊事。 固,有甲兵之利而不能禦。 改開封府判官,坐決獄失實,降監洪州稅。 度嘗奏事便殿,眞宗問其所上西域圖,度因言:「酒泉、張掖、武威、燉惶、金城 今復繪山川、道路、壁壘、區聚,爲河西隴右圖,願備上 唐始置節度,後以宰相兼領,用非其人,故有河山之險 奉使陝西,因覽疆域,參質漢、唐故地,繪爲西 起知建昌軍、三司鹽鐵判官,改起居舍

歷兵部 後 遷 右 l 諫議 郎 中、景靈 大夫、權知開封府。 宮副使。 寇準罷相,度以交通周懷政,出知光州。 以疾不拜,改會靈觀判官,入翰林爲學士,加 乾興 初,再謫和州 史館修

列

。」眞宗稱其博學。

還 團 練 知審刑院,以右 心副使。 1 謂 貶, 諫議大夫知揚州 起為 一**祠部郎中,復兵部郎中,遷太常少卿、知筠州,** 加集賢院學士 更虔、滁、蘇

兼 茂 (明於體用科,軍謀宏遠堪任將帥科,明曉法律能按章覆問科。 初, 度謫 洪州,建請復賢良方正科,又請建四科 以取士,日:博通墳典達於教化科,才識 旣而用夏竦議,置六科,

算鹽,語在食貨志。 復爲翰林學士、 尋進承旨,以禮部侍郎兼端明殿學士,召問邊計,

退而條十事上之。 史館修撰, 遷給事中。 嘗受詔與御史中丞王隨議通解鹽, 聽商旅入錢

兼侍讀學士。

其議亦自度

始

也? 果以 而 夷簡與綬善,惟度不得志於二人。及二人俱辭相,仁宗問度曰:「王曾、呂夷簡力求退,何 問會,曾薦齊,又問夷簡,夷簡薦綬,於是四人俱罷,而度獨留。遷知樞密院 」度對曰:「二人腹心之事,臣不得而知,陛下詢二人以孰可代者,則其情可察矣。」仁宗 景祐二年,拜參知政事。時王曾、呂夷簡爲相,度與宋綬、蔡齊並參知政事,曾與齊善,

官舍,以尚 章得象旣相,以度嘗位其上,卽拜武寧軍節度使。 書右丞罷。 復知揚州,加資政殿學士、知應天府。 坐令開封府吏馮士元強取其鄰所賃 暴感風眩,以太子少傅致仕,

卒。赠太子太保,諡文肅

文苑英華,注釋御集。 度好學,家居列圖書,每歸, 未嘗釋手。 眞宗祀汾陰, 仁宗在藩邸, 敏於爲文,而汎濫不精。 詔掌起居牋奏及留司章奏。 嘗奉詔同編續通典、 有愚谷、銀

臺、中書、樞中四集,又有中書、翰林二制集。

天禧三年,詔許中書舍人、給事中、諫議大夫母封郡太君,而學士不預。 時度官兵部郎

中,因請追封其母,自是學士官未至諫議者,其母皆得封郡君。

雖平居,僚友不敢易語言。所至,下貧無賴,多所縱捨,稍有貲者,一切繩之以法。 度體肥大, 艱於拜起, 賓客有拜之者, 則俯伏 、不能興,往往瞪視而詬詈之。 性極猜險,

從兄京,有更能,以尚書工部侍郎致仕,卒。

子申甫,終尚書兵部郎中、集賢校理,嘗爲福建轉運使,頗以修潔稱。

進士 中祥 以 醫術事 失實,監齊州 符 丁度字公雅,其先恩州清河人。 中, 真宗藩邸,然好聚書,與儒者游。 度強力學問,好讀尚書,嘗擬爲書命十餘篇。 登服勤 稅。 詞學科,爲大理評事、通判通州,改太子中允、直集賢院。 還知太常禮院,判吏部南曹。 祖顗,後唐淸泰初陷契丹,逃歸,徙居祥符。父逢吉, 上書論六事:一、增講讀官;二、增諫 坐解送國子監

九七六一

列傳

第五十

丁度

員;三、補蔭用大功以 上親; 四、選 河北、 河東役兵補禁軍; 五、 籍令佐墾田爲殿最;

凡緣公事坐私罪杖者,聽保任遷官。章獻后善之。

以 永昌陵 防 壅蔽也。 舊制,監司及藩鎭辭謁皆賜對。 ·有白氣,請增築以厭之,有詔按視。 又嘗獻王鳳論於章獻太后,以戒外戚。 仁宗初卽位,止令附中書、樞密奏之,度言,附奏非所 度奏神道貴靜,不可輕繕治,乃止。入知制誥,遷 歷三司磨勘司、京西轉運使。 司天言

輕用· 距寇境不及五百里,屯重兵,嚴烽火,雖常有侵軼,然卒無事。太祖時,疆埸之任,不用節將。 人命以快一朝之意,非計之得也。唐都長安,天寶後,河、湟覆沒,涇州西門不開,京師 劉 平、石元孫敗,帝遣使問所以禦邊。度奏曰:「今士氣傷沮,若復追窮巢穴,饋糧千里, 翰林學士,糾察在京刑獄,判太常禮院兼羣牧使。

扼要害,爲制禦之全計。」因條上十策,名曰備邊要覽。 (EI 審 擢 材器,豐其廩賜,信其賞罰,方陲輯寧幾二十年。 爲今之策,莫若謹亭障,遠斥堠,控

安人心。 時 西疆未寧,二府三司,雖旬休不廢務。 請給 假 如故,無使外夷窺朝廷淺深。」從之。 度言:「苻堅以百萬師寇晉,謝安命駕出游以 累遷中書舍人,爲承旨

輕重大小,最爲折中。 時葉清臣 請商州置監鑄大錢,以一當十。 歷代改更,法雖精密,不能期年,卽復改鑄。 度奏日:「漢之五鉄,唐之開元 議者欲繩以峻法,革其 及 國 朝錢法,

盜鑄之利,不啻數倍。 盜 今禁旅 民有 戍邊,月給百 **昔漢變錢幣,盜鑄死者數十萬。** ·抵茶禁者,受千錢立契代鞭背。 錢,得大錢裁十,不可畸用,舊錢不出,新錢愈輕,則獨糧 復有湖山絕處,凶魁嘯聚,鑪冶自滋,居則鑄錢,急則爲盜。 唐鑄乾元及重輪乾元錢,錢輕幣重,嚴刑不能禁止。 在京西,有強盜殺人,取其弊衣,直不過數百錢。 「增價。 臣 民間銅 一嘗知

然獨奏渭環階麟府文州、火山保德岢嵐軍,歲市馬二萬二百匹,補京畿、塞下之闕。 緩急有備,而國馬蕃矣。」 東、京東西、淮南皆籍丁壯爲兵,請令民畜一戰馬者,得免二丁,仍不計貲產以升戶等,則 用兵,四年所牧,三萬而已。 度又言:「祥符、天聖間, 牧馬至十餘萬, 其後言者以天下無事, 不可虛費, 遂廢八監。 馬少地閑,坊監誠可罷,若賊平馬歸,則不可闕。今河北、 自西 河 묆

鉛之器,悉爲大錢,何以禁止。」

度日:「枉法,謂 市 末 鹽鈔, 慶曆中,副 毎百 於典憲有所阿曲。 社衍宣撫河東。 **緡貼納錢三之一。** 久之, 遷端明殿學士、知審刑院。 虞卿所違者,轉運使移文爾。」 遂貸虞卿死 通判吉州李虞卿受財免貼納, 時江西轉運使移屬州,凡 事覺,大理將以枉法論。

已七 年,而 帝嘗問,用人以資 朝 廷方用兵,故對以此。 與才孰先? 度對曰:「承平時用資, 諫官孫甫論度所言,蓋自求柄用,帝踰輔臣曰:「度在侍 邊事未平宜用才。」 時度在翰林

列傳

第

五

從 +五年, 數論 天下事,顧未嘗及私,甫安從得是語。」

閎 月,復官。 不可忽。」因上慶曆兵錄五卷、贍邊錄一卷。 猛 上實騎軍。 未幾,擢工部侍郎、樞密副使。 請擇河北、河東、陝西就糧馬軍,以補禁旅之闕。」又言:「契丹嘗渝盟, 因言:「周世宗募驍健,有朝出羣盜、夕備宿衞者, 明年,參知政事。會春旱,降秩中書舍人, 預 太祖 踰 備

尚書,諡文簡 紫宸非官稱所宜。 黨與。」爭於帝前。仁宗從陳言,度遂求解政事,罷爲紫宸殿學士兼侍讀學士。御史何郯言, 滋蔓,令反側者不自安。 **衞士爲變,** 改觀文殿學士、知通進銀臺司、判尙書都省,再遷尙書右丞,卒。 度曰:「宿衞有變,事關社稷,此而可忍孰不可忍! 請付外臺窮治 事連宦官楊懷敏,樞密使夏竦請御史與宦官同於禁中鞫之,不可 贈吏部

治亂 下。」因奏太宗嘗作此器,眞宗亦嘗著論,於是帝製後述以賜之。 一呼之而 爲監。」 度 性淳質,不爲威儀,居一室十餘年,左右無姬侍。 不 名。 又嘗示以欹器曰:「殷欲臨天下以中正之道。」度對曰: 嘗問蓍龜占應之事,乃對:「卜筮雖聖人所爲,要之一技而已,不若以古之 然喜論事,在經筵歲久, 「臣等亦願無傾滿以事陛 帝每以學

度著邇英聖覽十卷、 龜鑑精義三卷、編年總錄八卷, 奉韶領諸儒集武經總要四十卷。

監丞 張 觀 通判解州。 警字思正 ,絳州絳縣人。 會鹽池吏以贓敗,坐失舉劾,降監河中府稅。復通判果州,改祕書省祕書 少謹愿好學,有鄉曲 名。 中服勤辭學科,擢爲第一,授將作

制 語、判登聞檢院,出知杭州。 即位,遷太常丞,擢右正言、直史館,爲三司度支判官,同修起居注,改右司諫、知 還判國子監,權發遣開封府事,進爲翰林學士、知審官院,累

遷左

司郎中,以給事

中權御史中丞。

務,止配 以 日:導積 致災異。」因上四 時 `星流、地震、雷發正月,詔求直言。觀謂:「承平日久,政寬法慢,用度漸侈,風俗漸薄, 率以阜民財,通商 、水以廣播種,緩催欠以省禁錮,寬刑罰以振淹獄,收逃田以募歸復,罷工役以先急 一事:一日知人,二日嚴禁,三日尚質,四日節用。 旅以濟艱食。 復知審官院,遂拜同 知樞密院事 河北大雨水,又條 七事,

書禮部侍郞 康定中,西兵失利,因議點鄉兵,久之不決,遂與王鬷、陳執中俱罷,以資政殿學士、尙 知 相州 徙澶州 河壞孫陳埽及浮梁,州人大恐,或請趁北原以避水患。觀曰:

列

傳

第

五

+

張觀

鄭

戩

「太守獨去,如州民何。」乃躬率卒徒增築之,隄完,水亦退。

以吏部侍郎兼御史中丞。以父居業高年多病,請便郡,以觀文殿學士知許州。 日 殺于市,恐不能止,請弛禁以便民。」歲冤黥配者不可勝計。 徙鄆州 丁父憂,哀毀過人,旣練而卒。 舊法,京東通安邑鹽,而瀕海之地禁私煑。 贈吏部尙書,諡文孝。 ' 觀上言:「利之所在,百姓趨之,雖 歷知應天府、孟州、河南府, 月餘,拜左

廉少欲,平生書必爲楷字,無一行草,類其爲人。 仁宗飛白書「淸」字賜觀,以賞其節。 然於 於是買田宅、營林樹,以適其意。蚤起奉藥、膳,然後出視事,未嘗一日廢也。 及觀貴,居業繇恩至太府卿。 ,非所長,知開封府,民犯夜禁,觀詰之曰:「有人見否?」衆傳以爲笑。 觀性至孝,初爲祕書郎,其父方爲州從事,因上書願以官授父。眞宗嘉之,以居業爲京 居業嘗過洛,嘉其山川風物,曰:「吾得老于此足矣。」觀 趣尙恬曠,持

官事,召試學士院,爲光祿寺丞、集賢校理、通判越州。 卒,賓客弟子散去,戩乃倍道會葬。 鄭戩字天休,蘇州吳縣人。早孤力學。 舉進士, 客京師,事楊億,以屬辭知名,後復還吳。 擢甲科,授太常寺奉禮郎、簽書寧國軍節度 還,改太子中允、同知太常禮院,注 及億 判

釋御製發願文、三寶讚,升直史館、三司戶部判官,同修起居注,以右正言知制誥。 ,選明經生講解經義。 徙知審刑院,遷起居舍人、龍圖閣直學士、權 知開封 判國子

度、參知政事程琳,遂逮捕夷簡子公綽、公弼參劾其狀。 運使考課格,分別殿最。又勾較三司出入,得羨錢四百萬緡,以右諫議大夫、同知樞密院改 樞密副使。 敏彊善聽決,喜出不意,獨假貸細民,即豪宗大姓,繩治益急,政有能迹。 士元罷去,其餘絀罰者自御史中丞孔道輔、天章閣待制龐籍又十餘人,朝議畏其皦核。 更馮士元爲<u>姦利</u>,有告士元受財藏禁書者, 戩窮治之。辭連宰相呂夷簡、知 既而士元流 海島,度、琳坐嘗交關 徙權三司使,復轉 樞密院盛

民 田數十頃口,錢氏置撩清軍,以疏淤塡之患。旣納國後不復治,葑土堙塞,爲豪族僧坊 事聞,詔本郡歲治如職法。 錢塘湖溉

不能償 爲三等,非急罷 遷 給事中,徙井州,道改鄆州,又徙永興軍。建言:「凡軍行所須,願下有司相緩急,析 去。」先是,衙吏輸木京師,浮淵泛河,多漂沒,旣至,則斥不中程,往往破家 又奏罷括糴,以勸民積粟。 長安故都多豪惡,融治之尙嚴,甚

者至黥竄,人皆惕息。

列

寒, 郎。 與將 時 未 幾, 知 佐置酒、元昊擁兵近塞。 慶州滕宗諒、知渭州 爲 陝西 四路 都總管兼經略、安撫、招討使,駐涇州,聽便宜從事。 少寧,詔還,知永興軍 張亢過用公使錢,戩致于法。 會暮塵起,有報敵騎至者, 行邊至鎭戎軍, 趣蓮花堡, 遷尙書禮部侍

滬與著作佐郎 董士廉督其役。 敵騎也。」已而果然。 滬、士廉罷役歸,不聽。 初,靜邊砦主劉滬謀築水洛、結公二城,以通秦、渭援兵,招生羌大王族爲邊衞。 乃使裨將狄青將兵以往,械送德順軍獄。 會罷戩四路, 宣撫使韓琦至、知渭州尹洙皆以爲 **戬力爭于朝,卒城之。** 不便,

及疆事

州門,守門者拒不得入。一殿聞,悉召至庭下,推首謀者數十人,黥隸他州,事乃定。 弓箭手,計口給田。初,兵興,用不足。河東行鐵錢,山多炭、鐵,鼓鑄利厚,重辟不能 遣使問其故,戩對:「敵自相攻,中國不足憂也。」麟、府間有棄地曰草城川、三、、戩募土人爲 清三當一。 進戶部侍郎、資政殿大學士、知丼州。 令旣下,兵民相扇動,數千人邀走馬承受訴。 契丹與元昊方交兵,邊奏互上,獨戩不以聞。 承受,中貴人,不能遏。 又羣譟 止。

遷 更部 侍郎,改宣徽北院使,拜奉國軍節度使,卒。 贈太尉,諡文肅。 **戬遇事**,果敢必

行。

然憑氣近俠,用刑峻深,士民多怨之。

明 :鎬字化基,密州安丘人。 中進 士第,補蘄州防禦推官。 眞宗崩,上眞頭四十六篇,改

開封 遷兵部員外郎、直史館、益州路轉運使。會歲饑,民無積聚,盜賊間發,歸爲平物價,募民爲 節度判官,就通判州事,遷太常博士。 大 理寺丞。 推官。 獻六冗書,進尙書祠部員外郎,爲三司戶部判官,改刑部員外郎、京東轉運使, 薛奎領秦州,辟爲節度判官。 。還朝,仁宗問鎬所能,奎稱其沈鷙有謀,能斷大事,除 奎徙益州 ,辟知錄事 一參軍。 程琳代奎, **` 奏爲簽書**

兵,人賴以安。 河闸州。 知陵州楚應幾贓敗,或告以先期奏之,鎬曰:「獲罪則已,安可欺朝廷耶?」卒坐失察, 未逾月,會元昊寇延州,起爲陝西轉運使。虜破金明砦,旣去,議修復其城,帥

降

. 知

人,教以疆弩,奏爲淸邊軍,號最驍悍。 臣 旌 兵不卽進,而鎬止以百餘騎,自督將士,一月而成。 其後,陝西、河東頗倣置之。 又嘗閱同州廂軍,得材武者三百餘

制 河東都轉運使。修建寧中候 遷戶部郎中、直昭文館、知陝州,徙江、淮制置發運使。 百勝砦、鎭川淸塞堡,凡五城,以勞遷左司郎中。 未行,會賊破豐州,擢天章閣待

者杖之,疲軟者皆自 明年, 擢 龍 圖閣 ·解去,遂奏擇習事者守堡砦。 直學士、知幷州。 [鎬大巡邊以備賊。 時邊任多納袴子弟, 鎬乃取尤不職 軍行,倡婦多從之, 鎬欲驅逐,惡傷士卒

列 傳 笰

五

+

明 鎬

心,會有忿爭殺倡婦者,更執以白,鎬曰:「彼來軍中何耶?」縱去不治,倡婦聞皆散 以

樞密直學士、左諫議大夫知成德軍,入知開封府。

州平,遷端明殿學士、給事中、權三司使,諸將悉超遷,都虞候、士卒八千四百人,第其功爲 王則叛,命鎬爲體量安撫使,則未下,又命參知政事文彥博爲宣撫使,以鎬副之。

五等,每等遷一資。彥博數推歸功,拜參知政事。

體,而遇事不苟,爲世所推重。 謀 國事,何遽被疾!」鎬氣憊,猶能頓首謝。 已而疽發背,帝謂輔臣曰:「鎬忠亮有勞,及其未亂,思一見之。」臨問,惻然曰:「方賴卿 翌日,卒,諡文烈。 **鎬端挺寡言,所至安靜有**

幻, 黨連德、 訣 別, 相與習五龍、滴淚等經及圖讖諸書,言釋迦佛衰謝,彌勒佛當持世。 王則者,本涿州人。 刺「福」字於其背以爲記。妖人因妄傳字隱起〔四,爭信事之,而州吏張巒、 齊諸州,約以慶曆八年正旦,斷澶州浮梁,亂河北。 歲饑,流至恩州,自賣爲人牧羊,後隸宣毅軍爲小校。 會其黨潘方淨以書謁北京留守 初,則去涿,母與之 卜吉主其謀, 恩、冀俗妖

賈昌朝,事覺被執,故不待期,亟以七年冬至叛。

知州張得一方與官謁天慶觀,則率其徒級庫兵,得一走保曉捷營。 賊焚門,執得一

囚之。 印,棄其家縋城出,保南關。 兵馬都監、內殿承制田斌以從卒巷關,不勝而出。 賊從通判董元亨取軍資庫鑰,元亨拒之,殺元亨。 城扉闔,提點刑獄田京、任黃裳持 又出獄囚,

囚 有憾司 理參軍王獎者,遂殺獎。 旣而節度判官李浩、淸河令齊開、主簿王湙皆被害。

州台,每面置一 廐 庫 軍 皆立名號, 則 ·破趙得勝」〔吾〕。旗幟號令,率以「佛」爲稱。 僭 號東平郡王,以張巒爲宰相,卜吉爲樞密使,建國曰安陽。 總管。 改年日得聖,以十二月爲正月。 然縋城下者日衆。 於是令守者伍伍爲保,一人縋,餘悉 百姓年十二以上、七十以下,皆涅其面 城以一樓爲一州,書州名,補其徒爲 榜所居門日中京,居室 斬。 知

課者以 與賊 軍。 戰, 既內數百 有 告。 州民汪文慶、郭斌、趙宗本、 兵寡不敵, 鎬遣殿侍安素伏兵西門,賊果以數百 人,焚樓櫓,賊覺,率衆拒戰。 與文慶等復縋 而 汪順者, 下。 是夜, 自城上緊害射鎬帳, 初,官軍旣登,欲專其功,斷絙以絕後來者。 人夜出,伏發,皆就獲。 城幾克。 則期 Ĩ 約爲內應,夜垂絙 月 十四四 日 出要級契丹使, 以引官

大潰, 博 至,穴通城中,選壯 城 開東門遁。 後收不 可攻,乃爲距闉,將成,爲賊所焚。 閤門祗候張絪緣壕與戰, 死之。 上士中夜由地道入,衆登城。 遂卽 賊縱 南城爲地道, 總管王信捕得則, 火牛,官軍 以槍 日攻其北牽制之。 其餘衆保村舍,皆焚 中牛鼻,牛還攻之,賊 及文彦

死。

檻送

則京師,支解以徇。

則叛凡六十六日。

九七七二

著作郎、直集賢院。 王堯臣字伯庸,應天府虞城人。舉進士第一,授將作監丞、 會從父沖坐事,出堯臣知光州。 父喪,服除,爲三司度支判官, 通判湖州。 召試,改祕書省 再遷右

張燈, 堯臣俟乘興出, 卽上言:「后已復位號, 今方在殯, 不當遊幸。」帝爲罷張燈。 郭皇后薨,議者歸罪內侍都知閻文應,堯臣請窮治左右侍醫者,不報。 時上元節,有司 擢知制

司 諫。

誥、同. 知通進銀臺司、提舉諸司庫務,知審刑院,入翰林爲學士、知審官院

於民。 陜 自元昊反,三年于今,關中之民凋弊爲甚,請以詔勞來,仍論以賊平蠲租賦二年。」仁 西用兵,爲體量安撫使。 將行,請曰:「故事,使者所至,稱詔存問官吏將校, 而不及

宗從之。

使還,上言:

戰 今防秋甚邇,請益團土兵,以二萬屯渭州, ,我以一戰十,故三至 |陜西兵二十萬,分屯四路,然可使戰者止十萬。 而三勝,由衆寡不侔也。 爲鎭戎山外之援;萬人屯涇州,爲原、 涇原近賊巢穴, 賊衆入寇,常數倍官軍。 最當要害, 彼以上 宜先備

渭聲勢; 二萬屯環慶,萬人屯秦州,以制其衝突。

志。 門砦, 不能入也。 川 不能出 若以精兵扼險,彊弩注射,旁設奇伏,斷其首尾,且追且擊,不敗何待。 且賊之犯邊,不患不能入,患不能 (川率有砦栅爲控扼。 鎭戎之劉璠、定川堡,渭州 也。 旣入漢地,分行鈔略,驅虜人畜, 规掠財貨, 賊來利在虜掠,人自爲戰,故所 山外之羊牧隆城、靜邊砦,皆不能 出 也。 並 塞 地形, 雖險易不同, 士馬疲困, 向無前。 扼其來。 奔趨歸路, 若延州之金明、 而兵行 故賊不患 故賊之患 1須由 無復 鬭 寒

勝之理。 賊 屢乘戰勝,重掠而歸,諸將不能追擊者,由兵寡而勢分也。 若尙循故轍,必無可

擊歸 鋒不 遠近 立營砦,然後量敵奮擊,毋得輕出。」詔以其言戒 可當,遂致掩覆,此主帥不思應變以懲前失之咎也。 ,而多倍道趨利。 又論:「延州、鎭戎軍、渭州山外三敗之由,皆爲賊先據勝地,誘致我師,將帥不能據險 兵方疲頓,乃與生羌合戰;賊始縱鐵騎 邊 更。 願 敕 衝 邊吏,常遠斥候,遇賊至,度 我軍,繼以步奚挽彊注射,

義智勇, 時 韓岛坐 不當置之散 一好水川 地。 兵敗徙秦州 又薦种世衡、狄青有將帥才。 范仲淹亦以擅 復元昊書降耀州。 明年, 賊果自 「鎭戎軍、原州入寇,敗 堯臣言:二人者,皆忠

九七七三

賊引去。 葛 懷 敏 乘勝掠平凉 仁宗思其言,乃復以琦、仲淹爲招討使,置府涇州 潘原 關中震恐,自邪、 涇以東, 、皆閉壘· 益屯兵三萬 自 守。 仲淹 人,而 自 將 慶州 使堯臣再安 兵捍賊

侵奪之, 初, 曹瑋開山外地,置籠竿等四砦,募弓箭手,給田 衆怨怒,遂扨德勝砦將姚貴,閉城畔。 堯臣適過境上,作書射城中, 使耕戰自守。 其後將帥失撫御 諭以禍福, 稍

遂

出降。

乃爲

中明約束如舊而去。

撫

涇原

制之職 撫 討 塔 ?等使, 招 、范仲淹 今請 討 旣 等 亦亦 因 使, ,上言:「自陝西用兵,夏竦、 逐 止管勾本路總管司事 止爲經略、安撫副使。 而 路 几 武 都 臣副 路當稟節 :總管、 總管 副總管 小為 制, 並 加 副 靇 尚帶 使。 旣 經略, 及竦、執中罷,四 前 今琦、 經略使名者九人, 陳執中並以兩府舊臣,爲陝西經略、安撫、招討使, 張 、只充緣 存 知 仲淹、 延州 邊 ,王沿知渭州 安撫使。」 龐籍 路置帥,遂各帶都 既爲 各置 旣 陝西四 司 而滕宗諒 行 張奎知 事 路都 總管及經略、安撫、招 名 慶州,俱是學士、待 部總管、 亦 號 以 不 為請, 異, 緣 邊 而 遂罷之。 所稟非 經 略

戎軍 儀、渾瑊,常宿重兵守之。 至 渭州 鄜延 沿涇河 環 大川 慶路,其地皆險固 直抵 涇 自元昊叛命數年,由此三入寇。 邠 ,略無險阻 m 易以守; 雖有 惟 涇原自漢、 城砦據平 唐以來,為衝 朝廷置帥府於涇州,爲控扼 地,賊徑 交屬 う難以 要之地。 押防 自 鎭 如

關、陝之會,誠合事機。 控扼要害、賊徑通屬及備禦輕重之策爲五事上之。 又請經、原五州營田,益置弓箭手,及請 集之兵,未經訓練,宜易以舊人。 然頻經敗覆,邊地空虛,士氣不振。 爣一 路兵力完實,則賊不敢長驅入寇矣。」因論沿邊城砦、 願深監近弊,精擇將佐;

徹**潼關**樓櫓,皆報可。

朱泚之亂也。」度支副使林維畏永和,附會其說,堯臣奏黜維,議乃定。 收民僦舍錢十之三以助軍費。 堯臣入對曰:「此衰世之事,召怨而攜民, 唐德宗所以致 以 戶部郞中權三司使,辟張且之、杜杞等十餘人爲副使、判官。時入內都知張永和建

以 一斂怨,罷之。遷翰林學士承旨兼端明殿學士,爲羣牧使。丁母喪,服除,轉右諫議大夫。 夔州轉運使請增鹽井歲課十餘萬緡,堯臣以爲上恩未嘗及遠人,而反牟取厚利,適足

法,較天下每歲財賦出入,上其數,遂拜樞密副使。 昌朝所抑。 初,學士蘇易簡、丁度皆自郎中進中書舍人充承旨,及堯臣爲承旨,不遷官,意宰相 及是,文彥博爲相,因其歲滿,遂優遷之。 大享明堂,加給事中。 與三司 更議茶

令經略、安撫使守桂州 儀、藤、梧、塵、瓊隸 會儂智高反,請析廣西宜、容、邕州爲三路,以融、柳、象隸宜州,白、高、竇、雷、化、鬱 以統制焉,益募澄海、忠敢土軍分屯,運全、永、道三州米以餉之,罷 容州,欽、賓、康、橫、潯、貴隸邕州 遇蠻入寇,三路會支郡兵掩擊,

列傳

第五十

王

籍 臣

孫

抃

遺北兵遠戍。時狄青經制嶺南,詔青審議,以爲便。

郎參知政事。 居樞密三年,務裁抑徼倖,於是有鏤匿名書以布京城,然仁宗不以爲疑也。 久之,帝欲以爲樞密使,而當制學士胡宿固抑之,乃進吏部侍郎。 卒,贈尙書 以戶部侍

左僕射、諡文安。 堯臣以文學進,典內外制十餘年,其爲文辭温麗。 執政時,嘗與宰相文意博、富弼、 劉

流勸帝蚤立嗣,且言英宗嘗養宮中,宜爲後,爲詔草挾以進,未果立。 元豐三年,子同老進遺稿論父功,帝以訪文彥博,具奏本末,遂加贈太師、中書令,改諡

文忠。

始 封府推官,判三司開拆司,同修起居注,以右正言知制誥, [讀書屬文。 孫抃字夢得,眉州眉山人。 中進士甲科,以大理評事 六世祖長孺,喜藏書,號「書樓孫氏」,子孫以田爲業。 通判絳州。 召試學士院,除太常丞、直集賢院,爲開 遷起居舍人、翰林學士兼侍讀學

皇祐中,以右諫議大夫權御史中丞。 制下,諫官韓絳論奏抃非糺繩才, 不可任風憲。

抃雖久處顯要,罕所建

領。

土、史館修撰,累遷尙書吏部郞中。

抃 然,臣誠不能也。」仁宗察其言,趣視 捷給若 卽 手疏曰:「臣觀方今士人,趨進者多,廉退者少。 嗇夫者謂 之有議論, 刻深若酷吏者謂之有政 事,且命 知審官院。 事。 以善求事為精神,以能計人爲風采, 諫官所謂才者, 無乃謂是乎? 事 局, 乃 止

論 遣,有詔勿推。 請罷宰相梁適,未聽, 后 奏罷之。 |奏,未聞報可,非罷適無以慰物論。」宰相|陳執中,婢爲嬖妾|張氏榜殺,置獄取證左,執中弗 建陵立廟,抃率官屬言非禮。 在臺,數言事,不爲矯激,尤喜稱薦 温成皇后葬,以劉沆爲監護使,抃奏沉爲宰相,不當爲后妃護葬喪 |抃復與官屬請對論列,疏十上,適、執中卒皆罷。 |抃奏曰:「適在相位,上不能持平權衡,下不能篤訓子弟。 因相與請對,固爭不能得,伏地不起,帝爲改容遣之。 人材。 帝欲除入內都知王守忠領武寧軍 事。 節度使,抹 言事官數 時叉議 御 爲 史

謀及卿士,謀及庶人,謀及卜筮」。蓋聖人貴誠,不專人謀,默與神契,然後爲得也。」帝善其 「古有大疑,旣決於己,又詢於衆,猶謂不有天命乎,於是命龜以斷吉凶。 改翰林學士承旨,復兼侍讀學士。帝讀史記龜策傳,問:「古人動作必繇此乎?」對日: 所謂『謀及乃心,

再 諫官陳升之上選用、責任、考課轉運使三法,命抃與御史中丞張昪典之,卒亦無所進退 遷 禮 部 侍 郎。 **抃**久居侍從,泊如 也,人以爲長者。 旣而樞密副使程戡罷, 帝欲用舊

人,即以命,排。歲中,參知政事。

英宗卽位,進戶部侍郞。 好 事者至傳以爲口實。 抃性篤厚寡言,質略無威儀。 御史韓縝彈奏之,罷爲觀文殿學士、同羣牧制置使,復兼侍讀學士。 告老,以太子少傅就第,卒。 居兩府,年益耄,無所可否。 贈太子太保,謚文懿 又善忘,語言舉止多可笑,

官,再調楚州判官,遷祕書省著作佐郎。 沈鷙,教子甚嚴,累官至太子率府率。況少卓犖有大志,好讀書。舉進士甲科,補江陵府推 田 [況字元均,其先冀州信都人。 晉亂,祖行周沒于契丹。 父延昭,景德中脫身南歸,性 舉賢良方正,改太常丞、通判江寧府。

策,范仲淹議未可出師。 趙元昊反,夏竦經略陝西,辟爲判官。 況上疏日 時陳與韓琦、尹洙等畫上攻守二策,朝廷將用攻

馬紹忠 儒 怯,未甚更練。 **昔繼遷擾邊,太宗部分諸將五路進討,或遇賊不擊,或戰衂而還。** 護送糧餉於靈州,諸將多違詔自奮,浦洛河之敗,死者數萬 又知韓琦、尹洙同建此策,恐未甚稟服, 臨事進退, 人。 今將帥士卒,素 又嘗令白守榮、 有誤大舉。

不可一也。

後,勢不相援,一有不利,則邊防莫守,別貽後患。安危之計,決於一舉。其不可二也。 有成功,此思之未熟爾。 以中國之大,賢俊之盛,甲兵之衆,未易可測。今師深入,若無成功,挫國威靈,爲賊輕 大者也。兩路之人,衆十餘萬,庸將驅之,若爲舒卷;賊若據險設伏,邀截衝擊,首尾前 善將,不若淮陰之益辦,況庸人乎?今徒知大衆可以威敵,而不思將帥之材否,此禍之 計者以爲賊常倂力而來,我常分兵以禦,衆寡不敵,多貽敗衂,今若全師大舉,必 自 西賊叛命以來,雖屢乘機會,然終不敢深寇郡縣,以饜其欲者,非算之少也。直 夫三軍之命,繫於將帥。 人之才有大小,智有遠近,以<u>漢</u>祖之

侮,或別墮姦計,以致他虞。其不可三也。

賞蹈利,欲邀奇功,未見其利。其不可四也。 未能振起。今兵數雖多,疲懦者衆,以庸將驅怯兵,入不測之地,獨其下使臣數輩,干 計者又云,將帥雖未足倚,下流勇進,或有其人。自劉平、石元孫陷沒,士氣挫怯,

臣謂 然事出無策,爲彼之所爲,亦當霆發雷逝,往來輕速,以掩其不備。今興師十萬,鼓行 而西,賊已淸野據險以待,我師何襲挫之有?其不可五也。 「乘虛襲掠,旣不能破戎首、拉凶黨,但殘戮拏弱,以厚怨毒,非王師弔伐招徠之體。 計者又云,非欲深絕沙磧,以窮妖巢,但淺入山界,以挫賊氣,如襲白豹城之比。

列

欲決勝負於一戰。 自元昊寇邊,人皆知其誅賞明、計數點。 幸其或有所成,否則願自比王恢以待罪,勇則勇矣,如國 今未有間隙可窺,而 暴爲興舉,計事者但 事何。

不可六也。

恩意,歲時之間,或可招納。 昨仲淹奏乞朝廷,敦包荒之量,存鄜延一路。令諸將勒兵嚴備,未行討伐,容示以 若使涇原一路獨入,則孤軍進退,憂患不淺。 傳聞賊謀,

峻我師諸路入界,倂兵以敵,此正陷賊計中。 其不可七也。

討,則又仲淹執議不同。 或賊界謹自守備,不必先用輕舉。 以臣所見,夏竦、韓琦、尹洙同獻此策,今若奏乞中罷,則是自相違異;欲果決進 乞召兩府大臣定議,但令嚴設邊備,若有侵掠,即出兵邀擊, 如此則全威制勝,有功而無患也。

於是罷出師議。

注,遂知制 況又言治邊十四事。 誥。 嘗面奏事,論及政體,帝頗以好名爲非,意在遵守故常,況退而著論上之。 遷右正言,管勾國子監、判三司理欠憑由司,專供諫職,權修起居

其略曰.

日月, 名者 不能纖晦者,有實美而然也。 由實而 生,非徒好 而自至也。 設或謙弱自守,不爲恢閎睿明之事, **薨、舜三代之君,非好名者。** 而鴻 烈休德,倬若 則名從而晦

矣,雖欲好之,豈可得耶。

詢,達壅蔽,則有勤政之名;責功實,抑偷幸,則有求治之名。今皆非之而不爲,則天 乾剛,明聽斷,則有英睿之名;行威令,懾姦宄,則有神武之名;斥奢汰,革風俗,則有 矣,豈聖人率下之意耶。 崇儉之名;澄冗濫,輕會斂,則有廣愛之名;悅亮直,惡諂媚,則有納諫之名;務咨 人倫之大本也。陛下從而非之,則敎化微,節義廢,無恥之徒爭進,而勸沮之方不行 下何所望乎?抑又聖賢之道日名教,忠誼之訓日名節,羣臣諸儒所以尊輔朝廷,紀綱 大有爲以遏後虞,則勢可憂矣。 血,以資繕備,而未免侵軼之憂。 方今政令寬弛,百職不修,二虜熾結,凌慢中國。 朝廷恫矜下民橫罹殺掠,竭瀝膏 陛下若恐好名而不爲,則非臣之所敢知也。陛下儻奮 故屈就講和,爲翕張予奪之術。 自非君臣朝夕恥憤,

時邊奏契丹修天德城及多建堡砦。 沉意其蓄姦謀,乃上疏曰:

通款,歲又予二十萬,設或復肆貪瀆,再有規求,朝廷尙可從乎?臣至愚,不當大責,每 念至此,則惋歎不已。矧兩府大臣,皆宗廟社稷、天下生民所望而繫安危者,豈不爲陛 下思之哉?每旦垂拱之對,不過目前政事數條而已,非陛下所以待輔臣,非輔臣所以 朝廷予契丹金帛歲五十萬,朘削生民,輸將道路,疲弊之勢,漸不可久。 而近西羌

列

第五

田況

憂朝廷之意也。

爲計,此臣所目覩也。 壘之堅弊,軍政之是否,財糧之多少,在兩府輔臣,實未有知之者。萬一變發所忽,制 獻 由中出,少有差跌,則事不測矣。 可替否,曲盡討論。今北敵桀慢,而河朔將佐之良愚,中兵之善窳,道路之夷險,城 有唐故事, 肅宗以天下未义,除正衙奏事外,別開延英以詢訪宰相,蓋旁無侍衞, 和議旣定,又復恬然若無事者,是豈得爲安哉 如前歲蕭英、劉六符始來,和議未決,中外惶擾,不知

惟陛 今不以此爲務,而日以委瑣之事,更相辯對,議者羞之。 不知以誤應對,事事惟恐不集以孤聖懷,旦夕憂思,不敢少懈,同心協力,必有所爲。 下不以人廢言。 願因燕閑,召執政大臣於便殿,從容賜坐,訪逮時政,專以慮患爲急。 臣叨備近列,實係朝廷休戚, 則人人惟恐

乞歸 圖閣直學士、知成德軍。 葬陽翟。 以功遷起居舍人。 尋爲陝西宣撫 既葬、託邊事求見、泣請終制、仁宗惻然許之。帥臣得終喪自況始〔云〕。服除, 副使,還領三班院。 徙秦州(主)。丁 況督諸將攻, 父憂,詔起復,固辭。 以敕牓招降叛卒二千餘人, 保州雲翼軍殺州吏據城叛,詔況處置之。 又遣內侍持手敕起之,不得已, 院 其 構 遊 者 四 百 二 十 九 既而除龍

以樞密直學士、尚書禮部郎中知渭州。

爲威, 遷右 雖小罪,猶丼妻子徙出圖,至有流離死道路者。 ·諫議大夫、知成都府。 蜀自李順、王均再亂,人心易搖,守得便宜決事, 沉至,拊循教誨,非有甚惡不使遷 多擅殺以

蜀人尤愛之。

爲倘 保、諡宣簡 皇帖會計錄上之。以禮部侍郞爲三司使。 盡知其出入,乃約景德會計錄,以今財賦所入,多於景德,而歲之所出,又多於所入。因著 「書右丞、觀文殿學士兼翰林侍讀學士,提舉景靈宮,遂以太子少傅致仕,卒。 遷給事中,召爲御史中丞。旣至,權三司使,加龍圖閣學士、翰林學士。況鈎考財賦, 至和元年,擢樞密副使,遂爲樞密使。 贈太子太 以疾,罷

戎軍 至件 過許歲幣, 樞 沉寬厚明敏,有文武材。 原渭等州營田, :密院於中書以一政本,日輪兩制館閣官一員於便殿備訪問,以錫慶院廣太學,興鎭 **丼入中青鹽,請戮陝西陷歿主將隨行親兵。** 汰諸路宣毅、廣捷等冗軍,策元昊勢屈納款,必令盡還延州侵地,毋 與人若無不可,至其所守,人亦不能移也。 其論甚偉,然不盡行也。 其論天下事甚多, 有奏議二

昭生八男,子多知名, 始 契丹寇 澶州,略得數百人,以屬 沉長子 也。 保州之役,沉阬殺降卒數百人,朝廷壯其決, 其父延昭。 延昭哀之,悉縱去,因自脫 歸中國。 後大用之。

列

傳

第五

+

田況

校

勘

62

然卒無子,以兄子爲後

丰。 武才略,言事精暢,然欲懲兵驕,逎阬降卒,弗忌陰禍,惜哉! 迹固 正寡合,馭軍 茶法,雖浮議動搖,乍行乍止,卒無能易其說;以世邊寄,守以安靜,非必智謀,抑所遇之時 何 論日: [[6] 脏、, 送,以善著稱。 如 也。 時治平而文德用,則士之負藝者致位政府, 嚴,臨事果,其安撫河東邊塞,後來父老道其舉動措置, 張觀、丁度、孫抃,世推其德性淳易,而盛度每爲寮友猜憚,心 堯臣論議鏗鏗,正誼而不謀利,其最優乎。 宜矣。 李諮、程戡曉暢 輒嗟嘆追思。 吏事。 況有文 鎬 諮 堅 變

校勘記

錢塘湖漑民田數十頃 錢塘湖即西湖,蘇軾蘇東坡集奏議卷七乞開杭州西湖狀謂唐時「溉田千

餘頃」。疑此處誤。

 \exists 宣撫 西」,太平治蹟統類卷一〇,「罷修水洛城,從宣撫使韓琦奏請」,東都事略卷五五鄭戩傳亦作 使韓琦 「宣」原作「安」。按本書卷二一二韓琦傳,尹洙與劉滬爭城水洛事時,琦正「宣撫陝

至

 \subseteq

「麟

府

原作「鄜府」。

按鄜州屬陝西,府州屬河東,

兩地相·

去較遠;而

武經總要前集卷一七岢嵐軍

棄丼、代、澤、潞

、麟、府、嵐、

仍別屯禁軍,

控河外麟府

(元)

(中)

列

傳

第 Ŧī.

+

校

勘

記

宋史卷二百九十三

列傳第五十二

田錫 王禹偁 張詠

之,爲之延譽,繇是聲稱翕然。 作郎、京西北路轉運判官。改左拾遺、直史館,賜緋魚。 田錫字表聖,嘉州洪雅人。 太平興國三年,進士高等,釋褐將作監丞、通判宣州。 幼聰悟,好讀書屬文。 楊徽之宰峨眉,宋白宰玉津,皆厚遇 錫好言時務,旣居諫官,即上疏獻 遷著

軍國要機者一、朝廷大體者四。 其略曰:

力。 願陛下因郊禋、耕籍之禮,議平戩之功,則駕馭戎臣,莫茲爲重,此要機也 頃歲王師平太原,未賞軍功,迄今二載。 幽燕竊據,固當用兵,雖稟宸謀,必資武

務廣德業,聲教遠被,自當來賓。周成王時,越裳九譯來貢,且曰:「天無迅風疾雨、海不 臣聞聖人不務廣疆土,惟

傳第五十二 田錫

列

揚波三年矣。 下務修德以來遠,無鈍兵以挫銳,又何必以蕞爾蠻夷,上勞震怒乎?此大體之一也。 意者中國其有聖人乎?盍往朝之。」交州瘴海,得之如獲石田。 臣願陛

又御 也。 官 而 無 :史不敢彈奏,中書舍人未嘗訪以政事, 今諫官不聞廷爭,給事中不聞封駁,左右史不聞升陛軒、記言動,豈聖朝美 、圖籍。 臣願陛下擇才任人,使各司其局,苟職業修舉,則威儀自嚴。此大體之二 集賢院雖有書籍 而無職官,祕書省 邱有職 事 乎?

書無聽事。 西苑,廣御池,雖周之靈囿,漢之昆明,未足爲比。 下別修省寺,用列職官。此大體之三也。 爾 者寓縣平寧,京師富庶。 九寺三監,寓天街之兩廊,貢院就武成王廟,是豈太平之制度邪?臣願 軍營馬監,靡不恢崇;佛寺道宮,悉皆輪奐。 。而尙書省湫隘尤 是,郞曹無本局,尙 加又闢 陛

昔居太宗觀明堂圖,見人之五藏皆麗於背,遂減徒刑。 案獄官令,枷杻有短長,鉗鎖有輕重,尺寸斤兩,並載刑書,未聞以鐵爲枷者也。 况隆平之時,將措刑不用,於法

所無,去之可矣。 此大體之四也。

君之誠,惟恐不竭,矧天植其性,豈爲一賞奪邪?」時趙普爲相,令有司受羣臣章奏,必先白 疏 奏,優詔褒答,賜錢五十萬。僚友謂錫曰:「今日之事鮮矣,宜少晦以遠讒忌。」錫曰:「事

錫 (1)° 錫貽書於普,以爲失至公之體,普引咎謝之。

六年,爲河北轉運副使,驛書言邊事日:

哉。 生 姦; 兵之則降,旣心服而忘歸,則力省而功倍。 俶擾,親迂革輅,戎騎旣退,萬乘方歸。 任者,規羊馬細利為捷,矜捕斬小勝爲功,賈怨結仇,興戎致寇,職此之由。 五 惑,思慮必精。 一載,河朔之民,得務農業,亭障之地,可積軍儲。 伏願申飭將帥,愼固封守,勿尙小功。 臣 應靜而動,則失時以敗事。 .聞動靜之機,不可妄舉;安危之理,不可輕言。 夫動靜之機,不可妄舉者,動謂用兵,靜謂持重。應動而靜,則養寇以 動靜中節,乃得其宜。今北鄙繹騷,蓋亦有以居 是皆失我機先,落其術內,勞煩耗斁, 許通互市,俘獲蕃 然後待其亂而取之則克,乘其衰而 利害相生,變易不定; 取舍無 口,撫而還之。 前歲邊 如此 可勝 不出 邊 陲

武節,登單于之臺; 唐太宗手結雨衣,伐遼東之國:則是舍近謀遠也。 君有常道,爲臣有常職,是務大體也。 謂安危之理,不可輕言者。 無用,則是勞而無功也。 誠願考古道,務遠圖,示綏懷萬國之心,用駕馭四夷之策,事戒輒發,理貴深謀,所 在位之臣,敢言者少,言而見聽,未必蒙福,言而不從,方且虞 國家務大體,求至治則安,舍近謀遠,勞而無功則危。 上不拒諫,下不隱情,是求至治也。 沙漠窮荒,得之 漢武帝躬秉

列

禍,欲下不隱情得乎? 惡在其務大體而求至治也。

賞,則有以利僭踰之幸。能審利害,則爲聰明。 |燕以來,連兵未解,財用不得不耗,人心不得不憂,願陛下精思慮,决取舍,無使曠日持 之狐疑,不如童子之必至」。思慮不可以不精者,故曰「差若毫釐,繆以千里」。自國家圖 之則明。故書曰「明四目、達四聰」,此之謂也。 之利。」蓋 久, 窮兵極武焉。 則利必從之而失;可緩而速,則害必由之而致。 可赦 臣又謂利害相生,變易不定者,兵書曰:「不能盡知用兵之害者,則不能盡 而誅,則忠勇之人,或無心於利國。可賞而罰,則有以害勤勞之功;可罰而 事有可進而退,則害成之事至焉,可退而進,則利用之事 臣又謂取舍不可以有惑者,故曰「孟賁 以天下之耳聽之則聰,以天下之目視 可誅而赦,則姦宄之心,或有時而生 去焉。 可速而緩, 知用兵

書奏,上嘉之。七年,徙知相州,改右補闕。復上章論事。

知 向 學。 明年,移睦州。 會文明殿災,又拜章極言時政,上嘉納焉。 睦州 人舊阻禮教,錫建孔子廟,表請以經籍給諸生,詔賜九經,自是人 轉起居舍人,還判登聞鼓院,上書請封

禪。以本官知制誥,尋加兵部員外郞。

端烘二年,京畿大旱,錫上章,有「調燮倒置」語,忤宰相,罷爲戶部郎中,出知陳州。 坐

稽留殺人獄,責授海州團練副使,後徙單州。 召爲工部員外郎,復論時政闕失,俄詔直集賢

院。至道中,復舊官。

罷,出知泰州。 上爲之戚然。 <u>阗宗嗣位,遷吏部。出使秦、隴,還,連上章言,陝西數十州苦于靈、夏之役,生民重困,</u> 同知審官院兼通進、銀臺、封駁司,賜金紫;與魏廷式聯職,以議論不協求 會彗星見,拜疏請責躬以答天戒,再召見便殿。及行,降中使撫諭,仍加

之,每成書數卷,卽先進內。 爲御屛風 嘗奏曰:「陛下卽位以來,治天下何道?臣願以皇王之道治之。舊有御覽,但記分門事 臣請鈔略四部,別爲御覽三百六十卷,萬幾之暇,日覽一卷,經歲而畢。又采經史要切之言, 咸平三年, 韶近臣舉賢良方正, 翰林學士承旨宋白以錫應詔。 (十卷, 置扆座之側, 則治亂興亡之鑒, 常在目矣。」眞宗善其言, 詔史館以羣書借 錫乃先上御覽三十卷、御屛風五卷。 還朝, 屢召對言事。

獵精義以爲鑒戒,舉綱要以觀會通,爲日覽之書,資日新之德,則雖白首,未能窮經,矧王 史則 、迹異事殊,非參會異同, 豈易記其繁雜。 御覽序曰:「聖人之道,布在方册。 臣每讀書,思以所得上補聖聰,可以銘於座隅者,書於御屏,可以用於常道者,錄爲 六經則言高旨遠,非講求討論,不可測其淵深。 子書則異端之說勝,文集則宗經之辭寡。 非

列

傳第五

一 十 二

田

御覽。 冀以涓埃之微,上裨天地之德,俾功業與堯、舜比崇,而生靈亦躋仁壽之域矣。」

無凶。 集,因取其語要,輒用進獻,題之御屏,置之座右,日夕觀省,則聖德日新,與陽、武比隆矣。」 其天下。』憲宗采史、漢、三國已來經濟之要,號前代君臣事迹,書于屛間。臣每覽經、史、子、 曰:『苟日新,日日新,又日新三。』武王銘於几杖曰:『安不忘危,存不忘亡,熟惟二者,後必 }御 唐黃門侍郎趙智爲高宗講孝經,舉其要切者言之曰:『天子有爭臣七人,雖無道不失 展風序曰:「古之帝王,盤盂皆銘,几杖有戒,蓋起居必覩,而夙夜不忘也。 陽之盤銘

治思亂 |錫「得爭臣之體」,即日以本官兼侍御史知雜事,擢右諫議大夫、史館修撰。 連上八疏,皆直 已至矣。 言時政得失。 五 年,再掌銀臺,覽天下奏章,有言民飢盜起及詔敕不便者,悉條奏其事。 若此諫官,亦不可得。」 壁惜久之,特贈工部侍郎。 錄其二子,並爲大理評事,給奉 上 覽之 惻然,謂宰相李沆曰:「田錫,直臣 六年多,病卒,年六十四。 遺表勸上以慈儉守位,以清淨化人,居安思危,在 也。 朝廷少有闞失,方在思慮,錫之章奏 上對宰相稱

可藏副示後,謗時賣直邪?」悉命焚之。 規獻替爲己任。 錫 耿 介寡合,未嘗趨權貴之門,居公庭,危坐終日,無懈容。 嘗曰:「吾立朝以來,章疏五十有二,皆諫臣任職之常言。 然性凝執,治郡無稱。所著有處平集五十卷。 慕魏徵、李絳之爲 苟獲從,幸也,豈 人,以盡

擢 人多傳誦。 進士,授成武主簿。徙知長洲縣,就改大理評事。 禹偁字元之, 端拱初,太宗聞其名,召試,擢右拾遺、直史館,賜緋。 濟州 鉅野人。 世爲農家,九歲能文,畢士安見而器之。 同年生羅處約時宰吳縣,日相 故事,賜緋者給塗金銀 太平 興國八年 與賦該,

帶,上特命以文犀帶寵之。

即日獻端拱箴以寓

規諷

豈讓 當 內則省官以寬經費,抑文士以激武夫,信用大臣以資其謀,不貴虛名以戒無益,禁游惰以厚 離其黨,遣趙保忠、折御卿率所部以掎角。 乎?亦在乎外任人、內修德爾。 雖 至雅,火照甘泉。 明者,文、景也;言昏亂者,哀、平也。 外無良將,內無賢臣,而致其來朝者,繫于時也。 (軍臣強盛之時,而外任人、內修政,使不能爲深患者,由乎德也。 時北庭未寧,訪羣臣以邊事。 契丹之強盛,不及軍臣單于,至如撓邊侵塞,豈有候騎至雍,而火照甘泉之患 哀、平之時,呼韓邪單于每歲來朝,委質稱臣,邊烽罷警。 臣愚以爲:外則合兵勢而重將權,罷小臣詗邏邊事,行間諜 禹偁獻禦戎十策,大略假漢事以明之:「漢十二君, 然而文、景之世,軍臣單于最爲強盛,肆行侵掠,候騎 下詔感勵邊人,使知取 今國家之廣大,不下漢朝,陛下之聖明, 燕薊舊疆,非貪其土 哀、平當呼韓衰弱之際, 何邪?蓋漢文 地; 言賢

列傳

民力。」帝深嘉之。 。又與夏侯嘉正、羅處約、杜鎬表請同校三史書,多所釐正

者,望委宰臣裁議頒行,但感人心,必召和氣。」 則停歲市之物;內則罷工巧之伎。近城掘土,侵冢墓者瘞之;外州配隸之衆,非贓盜者釋 天譴,下厭人心,俟雨足復故。』臣朝行中家最貧,奉最薄,亦願首減奉,以贖耗蠹之咎。 『君臣之間,政敎有闕,自乘輿服御,下至百官奉料,非宿衞軍士、邊庭將帥,悉第滅之,上答 然後以古者猛虎渡河、飛蝗越境之事,戒敕州縣官吏。其餘軍民刑政之弊,非臣所知 饑則盡無祿,廩食而已。今旱雲未霑,宿麥未茁,旣無積蓄,民飢可憂。望下詔直云: 是多,京城旱,禹偁疏云:「一穀不收謂之饉,五穀不收謂之饑。 饉則大夫以下,皆損其 二年,親試貢士,召禹偁,賦詩立就。 上悅曰:「此不踰月遍天下矣。」卽拜左司 7.諫、 知制 外

宰相 外郎 論 繼遷罪惡, 道安罪, 成之。 未幾,判大理寺,廬州妖尼道安誣訟徐鉉,道安當反坐,有詔勿治。禹偁抗疏雪鉉,請 再 知 坐貶商州團練副 曉諭蕃漢,重立賞賜, 制誥 直昭文館,丐外任以便奉養,得知單州,賜錢三十萬。 屢獻討李繼遷便宜, 使,歲餘移解州 高與官資,則繼遷身首,不梟卽擒矣。 以爲繼遷不 四年,召拜左正言,上以其性剛直不容物,命 必勞力而 誅,自可用計 至郡 十五五 其後潘羅支射死繼 而 日,召爲禮部 取。 謂宜 明數 員

遷,夏人款附,卒如禹偁策

遵用 曰:「彼能 却之。 舊禮 孝章皇后崩,遷梓宮于故燕國長公主第,羣臣不成服。 却繼遷五十馬,顧肯虧一馬價哉?」移知揚州。 元年, 召入翰林爲學士, 知審官院兼通進、銀臺、封駁司。 及出滁,閩人鄭褒徒步來謁,禹偁愛其儒雅,爲買一馬。或言買馬虧價者,太宗 坐謗訕,罷爲工部郞中、知滁州。 初,禹偁嘗草李繼遷制,爰馬五 眞宗卽位, 遷秩刑部, 會詔求直 禹偁與客言,后嘗母儀天下,當 韶命有不便者,多所論 十匹爲潤筆,

以爲宜敕封疆之吏,致書遼臣,俾達其主,請尋舊好。 感恩內附,且使天下知陛下屈己而爲民也。 不侵邊,戍兵豈能減削?繼遷旣未歸命,餽餉固難寢停。 日謹邊防,通盟好,使輦運之民有所休息。 方今北有契丹,西有繼遷。 下詔赦繼遷罪,復與夏臺。 關輔之民,倒懸尤甚。 契丹雖 彼 臣 愚 必

言,禹偁上疏言五事:

故 衆,所用之將 而 赋 也。 兵威不振, 未豐,然而擊河東,備北 臣 日減冗兵,倂冗吏,使山澤之饒,稍流於下。當乾德至、開寶之時,土地未廣,財 愚 以爲 事而 或 宜經制兵賦,如開寶中,則可高枕而治矣。 用轉急, 不疑故也。 一部,國用未足(B),兵威亦強,其義安在。由所蓄之兵銳而不 其義安在? 自後盡取東南數國,又平 由所蓄之兵冗而 河東, 不盡 銳, 且開實中設官至少。 土地財賦,可謂廣且豐矣, 所用之將衆而 不自專 臣本

列傳

第

Ŧī.

官之外,更益司理。問其租稅,減於曩日也;問其人民,逃於昔時也。 臣故曰滅冗兵,倂冗吏,使山澤之饒,稍流於下者此也。 和中,以用兵齊、蔡,始稅茶。唐史稱是歲得錢四十萬貫,今則數百萬矣,民何以堪? 民共之。自漢以來,取爲國用,不可棄也;然亦不可盡也。 可知。冗吏耗于上,冗兵耗于下,此所以盡取山澤之利,而不能足也。 線推官一人,太平興國中,增置通判、副使、判官、推官,而監酒、権稅算又增四員。 曹 魯人,占籍濟上,未及第時,一州止有刺史一人、司戶一人,當時未嘗闕事。 只如茶法從古無稅,唐元 。一州旣爾,天下 夫山澤之利,與 自後有團

故事 之艱難,故先帝濟之以泛取,二十載之霈澤,陛下宜糾之以舊章,望以舉場還有司,如 五。 薦之朝廷,歷代雖有沿革,未嘗遠去其道。隋、唐始有科試,太祖之世,每歲進士不過 而已,京官雖有選限,多不施行。臣愚以爲宜以吏部還有司,依格敕注擬可也 不獲一官者。太宗毓德王藩,覩其如此。臨御之後,不求備以取人,舍短用長,拔十得 三十人,經學五十人。重以諸侯不得奏辟,士大夫罕有資蔭,故有終身不獲一第,沒齒 在位將逾二紀,登第殆近萬人,雖有俊傑之才,亦有容易而得。臣愚以爲數百年 三曰艱難選舉,使入官不濫。古者鄕舉里選,爲官擇人,士君子學行修于家,然後 至於吏部銓官,亦非帝王躬親之事,自來五品已下,謂之旨授官,今幕職、州縣

農卽 儉也, 事佛無效,斷可知矣。願陛下深鑒治本,亟行沙汰,如以嗣位之初,未欲驚駭此輩,且 食,是五民之外,又益一而爲六矣。 社稷,理不可去。 人衆矣,造寺多矣,計其費耗,何啻億萬。 兵也。 깯 猶月費三千斛**,**歲用萬縑,何况五 日沙汰僧尼, 使疲民無耗。 自秦以來,戰士不服農業,是四民之外,又生一民,故農益困。 漢明之後, 佛法流入中國, 度人修寺, 歷代增加。 不蠶 假使天下有萬僧,日食米一升, 夫古者惟有四民**,**兵不在其數。 七萬輩哉。 先朝不豫,捨施又多,佛若有靈,豈不蒙福 不日民蠹得乎?臣愚以爲國家度 歲用絹一匹,是至 蓋古者井田之法, 而衣,不耕 然執干戈衛 而

宗嘗命裴垍至銓品庶官,垍曰:「天子擇宰相,宰相擇諸司長官,長官自擇僚屬,則上 疑。 豈不曰善、舜之時,契作司徒,咎繇作士,伯夷典禮,后夔典樂,禹平水土,益作虞官。 下不疑,而政成矣。」識者以怕爲知言。願陛下遠取帝堯,近鑒唐室,既得宰相,用而不 委任責成,而堯有知人任賢之德。雖然,堯之道遠矣,臣請以近事言之。唐元和中,憲 夫君爲元首,臣爲股肱,言同體也。 使宰相擇諸司長官,長官自取僚屬,則垂拱而治矣。 古者刑人不在君側, 五曰親大臣,遠小人,使忠良蹇諤之士,知進而不疑,姦憸傾巧之徒,知退而有懼。 得其人則勿疑,非其人則不用。凡議帝王之盛者, (語)日;

可以二十載,不度人修寺,使自銷鑠,亦救弊之一端也。

列

此 三班奉職,或因遣使,亦許升殿,惑亂天聽,無甚於此。 希旨,事必害正,心惟忌賢,非聖明不能深察。 放鄭聲,遠佞 時矣。 人。」是以周文王左右,無可結韈者,言皆賢也。 舊制, 南班三品,尚書方得升殿, 願陛下振舉紀綱,尊嚴視聽,在 夫小人巧言令色, 先意 比來

偁議論輕重其間。出知黃州,嘗作三點賦以見志。其卒章云:「屈于身而不屈于道兮,雖百 疏奏,召還,復知制誥。」咸平初,預修太祖實錄,直書其事。時宰相張齊賢、李沆不協,意禹 而何虧!」三年,濮州盜夜入城,略知州王守信、監軍王昭度,禹偁聞而奏疏,略曰: 殊塗,品流不雜,然後艱選舉以塞其源,禁僧尼以去其耗,自然國用足而王道行矣。 臣愚又以爲今之所急,在先議兵,使衆寡得其宜,措置得其道。 然後議吏,使清濁

謫

開閉,城池頹圮,鎧仗不完。 諸郡毁城隍、收兵甲、徹武備者,二十餘年。 書生領州,大郡給二十人,小郡滅五人,以 弱枝之術,亦匪得其中道也。 城壘,豆分瓜剖,七十餘年。 |太祖、|太宗,削平僭僞,天下一家。 當時議者,乃令江淮 充常從。 伏以體國經野,王者保邦之制也。爲曰「王公設險,以守其國」。自五季亂離,各據 號曰長吏,實同旅人; 名爲郡城, 蕩若平地。 及徙維揚,稱爲重鎭,乃與滁州無異。 臣比在滁州,值發兵挽漕,關城無人守禦,止以白直代主 雖則尊京師而抑郡縣,爲強幹 嘗出鎧甲三十副,

從宜。 郡,酌民戶衆寡,城池大小,並置守捉。軍士多不過五百人,閱習弓劍,然後漸葺城壁, 仗不完,二也;軍不服習,三也。濮賊之興,慢防可見。望陛下特紆宸斷,許江、准諸 器甲,復不及滁、楊。萬一水旱爲災,盜賊竊發,雖思禦備,何以枝梧。蓋太祖削諸侯跋 與巡警使臣,彀弩張弓,十損四五,蓋不敢擅有修治,上下因循,遂至于此。今黃州城雉 扈之勢,太宗杜曆僞覬望之心,不得不爾。其如設法救世,久則弊生,救弊之道,在乎 疾若轉規,固不可膠柱而鼓瑟也。今江、准諸州,大患有三:城池墮圮,一也,兵

疏奏,上嘉納之。

繕完甲胄,則郡國有禦侮之備,長吏冤剽略之虞矣。

洪範傳 所與游必儒雅,後進有詞藝者,極意稱揚之。 事於李絳、崔羣間,斯無媿矣。」其爲文著書,多涉規諷,以是頗爲流俗所不容,故屢見擯斥。 是日, 禹偁 四年,州境二虎鬥,其一死,食之殆半。羣雞夜鳴,經月不止。多雷暴作。禹偁手疏引 陳戒,且自劾; 詞學敏膽,遇事敢言,憙臧否人物,以直躬行道爲己任。 命徙蘄州。 上異之,果至郡未踰月而卒,年四十八。計聞,甚悼之,厚賻其家。賜一子出身。 上遣內侍乘馹勞問,醮禳之,詢日官,云:「守土者當其咎。」上惜禹偁 禹偁上表謝,有「宜室鬼神之問,不望生還;茂陵封禪之書,止期身 如孫何、丁謂輩,多游其門。 嘗云:「吾若生元和時,從 有小畜集二十

卷、承明集十卷、集議十卷、詩三卷。子嘉祐、嘉言俱知名。

下,至於深識遠慮,或不逮吾子也。」嘉祐官不顯。 業、澤生民者,其君臣相得,如魚之有水,故言聽計從,而臣主俱榮。今丈人負天下重望,中 外有太平之責焉, 丈人於明主, 能若魚之有水乎。」 準大喜, 執其手曰: 「元之雖文章冠天 意何如?」嘉祐曰:「以愚觀之,不若不爲相之善也,相則譽望損矣。自古賢相,所以能建功 嘉祐爲館職,寇準曰:「吾尹京,外議云何?」對曰:「人言丈人且入相。」 準曰:「於吾子

召對,擢大理評事,至殿中侍御史。 |嘉言以進士第爲|工都簿,|眞宗嘗觀|禹偁奏章,嗟美切直,因訪其後,宰相以|嘉言聞。 即

曾孫汾舉進士甲科,仕至工部侍郎,入元祐黨籍。

子中允,遷秘書丞、通判鱗相二州,乞掌濮州市征以便養。俄召還,賜緋魚,知浚儀縣。 年,郡舉進士,議以賦首薦。有夙儒張厚者未第,歐與寇準致書郡將,薦厚爲首,衆許其能 是歲、詠登進士乙科,大理評事、知鄂州崇陽縣。再遷著作佐郎。 張詠字復之,濮州鄄城人。少任氣,不拘小節,雖貧賤客遊,未嘗下人。太平興國五 以蘇易簡薦,入爲太

李沆、宋湜、寇準連薦其才,以爲荆湖北路轉運使,奏罷歸、峽二州水遞夫,就轉太常博士。

知 宗不從。 詠 封還詔書,且言:「陛下方委永德邊任,若以一部校故,推辱主帥,臣恐下有輕上之心。」太 . 銀臺通進封駮司兼掌三班院。張永德為**丼代**部署,有小校犯法,答之至死,詔案其罪。 太宗聞其強幹,召還,超拜虞部郎中,賜金紫。旬日,與向敏中並擢爲樞密直學士、同 未幾,果有營兵脅訴軍校者,詠引前事爲言,太宗改容勞之。

<u>平</u>? 之,民遂帖息。 詠移 醜類 仍盛 在 夜遁,吏執以告。 . 乎厭勝也。」 文諭以朝廷恩信,使各歸田里。 一爲供帳餞之。 出 一時民間訛言,有白頭翁午後食人兒女,一郡囂然。 若老師曠日,即此地還為爾死所矣。」正由是決行深入,大致克捷。 知益州,時李順構亂,王繼恩、上官正總兵攻討,頓師不進。。詠以言激正,勉其親行, 詠曰:「妖訛之興,沴氣乘之,妖則有形,訛則有聲,止訛之術,在乎識斷,不 詠不欲與繼恩失權,卽命繁投眢井,人無知者。 酒酣,舉爵屬軍校曰:「爾曹蒙國厚恩,無以塞責,此行當直抵寇壘,平蕩 且曰:「前日李順脅民爲賊,今日吾化賊爲民,不亦可 至暮,路無行人,旣而得造訛者戮 時寇略之際,民多脅從, 繼恩帳下卒縋城

遂敦勉就舉,而三人者悉登科, 初, **蜀士知向學,而不樂仕宦。** 士由是知勸。 詠祭郡人張及、李畋、張逵者皆有學行,爲鄉里所稱; 民有諜訴者,歐灼見情偽,立爲判決,人皆厭

諸州 則 (無不審矣。)其爲政,恩威幷用,蜀民畏而愛之。 丁外艱,起復,改兵部郞中。 換鐵錢六,益州銅錢 参用 好事 者編 銅 鐵錢, 集其辭,鏤板傳布。 每銅錢一當鐵錢十。 一換鐵錢八。 詠嘗曰:「詢君子得君子,詢小人得小人,各就其黨詢之, 若一其法,公私非便。 詠上言:「昨經利州,以銅錢一換鐵錢五,綿州銅錢 望依旬估折納銅錢。」 會韶川、陝

書,令異日以十之三與子,餘七與壻。 當仍舊法。」有民家子與姊壻訟家財。 禁。」詠曰:「錢塘十萬家,飢者八九,苟不以鹽自活,一旦蜂聚爲盜,則爲患深矣。 丞相 民多私鬻鹽以自給,捕獲犯者數百人,歐悉寬其罰而遣之。 大僚有酒 苟以七與子,則子死汝手矣。」亟命以七給其子,餘三給壻,人皆服其明斷。 眞宗卽位,加左諫議大夫。 (失者,)詠奏彈之。二年,同知貢舉。 威平初, 壻言妻父臨終,此子裁三歲,故見命掌貲產 詠覽之,索酒酹地,曰:「汝妻父,智人也,以子幼故託 入拜給事中、戶部使,改御史中丞。 是夏, 以工部侍郎出知杭州 官屬請曰:「不痛繩之,恐無以 承天節齋會, 知永興軍 俟秋成, 屬歲歉, 且有遺

撫西蜀,上因令傳諭試曰:「得卿在蜀,朕無西顧之憂矣。」歸朝,復掌三班,領登聞檢院 加 刑 部侍郎、樞密直學士,就遷吏部侍郎。轉運使黃觀上其治狀, 五年,馬知節自益徙延州,朝議擇可代者。眞宗以詠前在圖治行優異,復命知益州, 有詔褒美。 會遣謝濤巡

不得 祥符 <u></u>飲若啓上侈心之爲也。不誅死,無以謝天下。」章三上,出知陳州 命充昇、宣等十州安撫使,進禮部。 不當蒞小郡。 面 ·初,加左丞。 三年春,州民以

詠秩滿借留,就轉工部尙書,令再任。 詠 陳所蘊,乃抗論言:「近年虛國帑藏,竭生民膏血,以奉無用之土木,皆賊臣丁謂、王 中歲瘍生腦,頗妨巾櫛,求知潁州。 令中書召問,將委以青社或眞定,令其自擇。 上聞詠腦瘍甚,憫之,令薛映馳驛代還。 眞宗以其公直,有時望,再任益部,皆以政績聞 詠辭不就,遂命知昇州。 是秋,以江左旱歉, 以疾未見,恨

來報子 贈左僕射,諡忠定。 吏白 別子 初, 傅霖請見,詠責之曰:「傅先生天下賢士,吾尙不得爲友, 一世尙爾邪,是豈知世間有傅霖者乎?」詠問:「昔何隱,今何出? 爾。」詠曰:「詠亦自知之。」霖曰:「知復何言。」翌日別去。後一月而詠卒,年七十。 詠與青州傅霖少同學。 霖隱不仕。 詠旣顯, 求霖者三十年不可得,至是來謁。 汝何人,敢名之!」霖笑日 」霖曰:「子將 法矣,

麓中,斬之而還。 欲得其女爲妻,士人者不能制。 詠怒其悖,卽斬之。 該 剛 方自任,爲治尙嚴猛,嘗有小吏忤詠,詠械其頸。 嘗謂其友人曰:「張

詠幸生明時,讀典墳以自律,不爾, 少學擊劍,慷慨好大言,樂爲奇節。 試遇於傳舍,知其事,即陽假此僕爲馭,單騎出近郊,至林 有士人遊宦 更恚曰:「非斬某,此枷終不脫。」 遠郡,爲僕 則爲何人邪?」故 夫所持,且

其言曰:「事 急,病創甚, 拜不止,或倨坐駡之。 崖」不利物。 ,君者廉不言貧,勤不言苦,忠不言已效,公不言己能,斯可以事君矣。」性躁果卞 飲食則痛楚增劇,御下益峻,尤不喜人拜跪,命典客預戒止。 有集十卷。 眞宗嘗稱其材任將帥,以疾不盡其用。 弟詵,爲虞部員外郎。 自號乖崖,以爲「乖」則違衆, 有違者,詠卽連

憂。」其被獎與如此。然皆骯髒自信,道不諧偶,故不極於用云。 與夫容容嘿嘿, 禹偁制戎之策,厥後果符其言,而醇文奧學,爲世宗仰。 論 日 .傳云:「邦有道,危言危行。」三人者,躬骨鯁蹇諤之節,蔚爲名臣,所遇之時然也。 以持祿固位者異矣。 詠所至以政績聞。 錫身沒之後,特降褒命,以賁直操, 天子嘗曰:「詠在蜀, 吾無西顧之

校勘記

(1) 必先白錫 本傳,此語都作「必先白而後敢進」。謂必先白普,故錫「以爲失至公之體」。 邵晉涵南江札記卷四以爲「錫字乃普字之誤」。按隆平集卷一三、東都事略卷三九 邵說當是。

鲁 苟日新日日新又日新 「苟」原作「德」,據禮記大學所引湯之盤銘改。 記

(三) 乾德 原作「乾道」。按乾道是南宋年號,此不當有,據長編卷四二改。

(四) 國用未足 長編卷四二作「國用亦足」。 按文義,疑以長編爲是。

(岳) 裴垍 原作「裴洎」,據舊唐書卷一四八、新唐書卷一六九本傳和長編卷四二改。下同。

宋史卷二百九十四

列傳第五十三

趙師民 掌禹錫 張錫 蘇紳 張揆 王洙 子欽臣 楊安國 偃 柳植 聶冠卿 馮元

完。時議舉兵,再錫引周宣薄伐爲得,漢武遠討爲失;且建畫增步卒,省騎兵。舊法,薦舉邊 寺丞,累遷尙書屯田員外郎、通判幷州。 材武者孰從而進哉?」後途更其法。 吏,貪贓皆同坐。禹錫奏謂:「使貪使愚,用兵之法也。若舉邊吏必兼責士節,則莫敢薦矣。 掌禹錫字唐卿,許州郾城人。中進士第,爲道州司理參軍。 **擢知廬州,未行,丁度薦爲侍御史,上疏請嚴備** 試身言書判第一,改大理 西

支判官、 出提點河東刑獄。 列 判理欠司、同管勾國子監。 傳 第 Ŧī. + = 杜衍薦,召試,爲集賢校理,改直集賢院兼崇文院檢討。 掌 禹 錫 蘇 紳 歷判司農、太常寺。 數考試開封國學進士,命題皆奇 九八〇七 歷三司度

御史劾禹錫老病不任事,帝憐其博學多記,令召至中書,示以彈文。禹錫惶怖自請,遂以尙 奥, 士子憚之, 目爲「難題掌公」。 遷光祿卿, 改直祕閣。 英宗即位,自祕書監遷太子賓客。

書工部侍郎致仕,卒。

舉止多可笑,僚屬或慢侮之,過閭巷,人指以爲戲云。 軌析數推之, 卦得二十五少分, 三卦合七十五年約半, 祿秩算數, 盡于此 推直生日,年庚寅,日乙酉,時壬午,當易之歸妹、困、震初中末三卦。以世應飛伏納五甲行 王洙推其稽考有勞,賜三品服。 一卷,周易集解十卷。 禹錫 |矜愼畏法,居家勤儉,至自舉几案。嘗預修皇祐方域圖志、地理新書,奏對帝前, 好儲書,所記極博,然泛漫不能蓬其要。 及校正類篇、神農本草、載藥石之名狀爲圖經。 常乘駑馬,衣冠汚垢, 矣。 著郡國手鑑 喜命術,自 言語

揚州 良方 三司鹽鐵判官。 Ĕ 蘇紳字儀甫,泉州晉江人。進士及第。 科,擢尙書祠部員外郎、通判洪州,徙揚州。 州將盛度以文學自負,見其文,大驚,自以爲不及,由是知名。 時衆星西流, 抖代地大震, 方春而雷, 詔求直言, 紳上疏極言時事 歷宜、復、安三州推官,改大理寺丞。 歸,上十議,進直史館,爲開封府推官、 再遷太常博士, 母 喪,寓 舉賢

安化蠻蒙光月率衆寇宜州,敗官軍,殺鈴轄張懷志等六人。紳上言曰:

擾,非特恃其險絕,亦由往者守將失計,而國家姑息之太過也。 從事宜州, 國家 比以西北二邊爲意,而鮮復留意南方,故有今日之患,誠不可不慮也。 粗 知本末。 安化地幅員數百里,持兵之衆,不過三四千人。 然而敢肆侵 臣頃

至今言者猶惜之。使當時領兵者皆如玉,則蠻當殄滅,無今日之患矣。至使乘隙蹂邊, 深入,多所殺獲。 屠殺將吏,其損國威,無甚於此。 彼六臣者,雖不善爲馭,自致喪敗,然銜寃負恥,當有以刷除。 臣觀蠻情,所恃者地形險阨,據高臨下,大軍難以並進。然其壤土磽确,資蓄虛 向聞宜州吏民言,祥符中,蠻人騷動,朝廷興兵討伐。 知桂州曹克明害其功,累移文止之,故玉志不得逞。蠻人畏伏其名, 朝廷儻不以此時加兵,則無以創艾將來,而震疊荒 是時,唯安撫都監馬玉勒兵

進軍據其出路,轉粟補卒,爲曠日持久之計。同得便利,卽圖深入,可以傾蕩巢穴,杜 速發詣宜州策應,而以他兵代之。仍命轉運使備數年軍食,今秋、多之交,嵐氣已息, 東西發閱忠敢澄海、 乏,刀耕火種,以爲餱糧。其勢可以緩圖,不可以速取;可以計覆,不可以力爭。今廣 絕蹊逕。 縱使奔进林莽,亦且壞其室廬,焚其積聚,使進無鈔略之獲,退無攻守之備。 湖南北雄武等軍,皆慣涉險阻。 又所習兵器,與蠻人略同。

列傳

第五

+

=

蘇紳

スプー〇

然後 · 諭以國恩,許以送款,而徙之內郡,收其土地,募民耕種, 異時足以拓外夷爲屏

蔽也。

計岩出此,則不越一年,逆寇必就殄滅。况廣西溪峒、荆湖、川峽蠻落甚多,大抵好爲 騒 仍詔旁近諸蠻,諭以朝廷討叛之意,毋得相爲聲援; 因此一役,必皆震聾,可保數十年無俶擾之虞矣。 如獲首級, 即優賞以金帛。

朝廷施用其策,遣馮伸己守桂州經制之,蠻遂平。

又陳便宜八事:

之祥也。 漢世五侯同日封,天氣赤黃,及丁、傅封而其變亦然。楊宣以爲爵土過制, 如此而已,則又敗國傷政,納侮詒患。上干天氣,下戾人心,災異旣興,妖孽乃見。故 也、蓋官非其人、則不肖者逞。不妄賞人、非愛財也、蓋賞非其人、則徼幸者衆。非特 據高館,無功而食厚祿,非其人而受美名,非其才而在顯位者。不妄與人官,非情寵 一曰重爵賞。先王爵以褒德,祿以賞功,名以定流品,位以居才實。 未有無德而 傷亂土氣

朝臣則有升監司,使臣則有授橫行。不問人材物望,可與不可,並甄錄之。不三數年, 二曰愼選擇。今內外之臣,序年遷改,以爲官濫,而復有論述微效,援此希進者。

坐致清顯。如此不止,則異日必以將相爲賞矣。

業,陛下與執政大臣,參驗而擢之。試而有效,則先賞舉者,否則黜責之。 要官闞人,宜如祖宗故事,取班簿親擇五品以上清望官,各令舉一二人,述其才能德 今則舉一人。舊不以在任及所統屬皆得奏舉,今則須在任及統屬方許論薦。驅馳下 點刑獄率當三人,今止當一人。舊大兩省官歲舉五人,今才舉三人,升朝官舉三人, 僚,未免有賢愚同滯之歎也。 人得以自勸。又選人條約太嚴。舊制,三人保者,得選京官,今則五人。舊轉運使、提 三日明薦舉。 。今有位多援親舊,或迫於權貴,甚非薦賢助國,爲官擇人之道。若 如此,則人

豈朝廷待賢才、加禮遇之意? 宜加裁定,使采章有別,則人品定而朝儀正矣。 四日異服章。 朝班中執技之人與丞郎淸望同佩金魚,內侍班行與學士同服金帶,

權, 責成其選事。 議,置考課院以分中書之權,今審官是也,其職任豈輕也哉?宜擇主判官,付之以事 官院、流內銓,則古之吏部;三班院,古之兵部。不問官職之閉劇,才能之長短,惟以 資歷深淺爲先後,有司但主簿籍而已。欲賢不肖有別,不可得也。 太宗皇帝始用趙普 五曰適才宜。古者自黃、散而下,及隋之六品,唐之五品,皆吏部得專去留。今審 若以爲格例之設久,不可遽更。或有異才高行,許別論奏,如寇準判

列傳

鈴. 才實者並令罷選,十不取一是也 ,薦選人錢若水等三人,並遷朝官爲直館。 其非才亦許奏殿,如唐盧從愿爲吏部,非

舉,所得人不過授以三班官,使人監臨,欲圖其建功立事,何可得也?臣僚舉換右 防之寄,士若素養之,不慮不爲用也。 者,必人才弓馬兼書算策略,亦責之太備。 上,為刺史、團練、防禦、觀察、節度等使,皆是養將帥之道,豈嘗限以文武?比年設武 六日擇將帥。 漢制邊防有警,左右之臣,皆將帥也。 宜使有材武者居統領之任,有謀畫者任邊 唐室文臣,自員外、郞中以 職

聖者,莫如唐堯,然而四凶在朝,圮毀善類。好賢之甚者,莫如漢文,然而絳、灌在列, 之蔽明,明不蔽,則無以稔其慝而肆其毒矣。忠邪之端,惟人主深辨之。自古稱帝之 不容賢臣。願監此而不使譽毀之說得行,愛憎之徒逞志,則忠賢進而邪慝消矣。 七日辨忠邪。夫忠賢之嫉姦邪、謂之去惡、惡不去則害政而傷國。姦邪陷忠良、謂

利,富國而足食。欲民之安,則爲之擇守宰、明敎化、欲民之利,則爲之去兼丼、禁游 亡,不可勝數。幸而比年稍稔,流亡稍復,而在位未嘗留意於備預之道,莫若安民而 |可怪也。往者||明道初,蟲螟水旱,幾徧天下。始之以饑饉,繼之以疾疫,民之轉流死 八日修預備。 國家承平,天下無事將八十載,民食宜足而不足,國用宜豐而未豐, 厚

欲食之足,則省官吏之冗,去兵釋之蠹,絕奢靡之弊,塞凋僞之原,則國食足矣。民足 恤其疾苦,寬其徭役,則民安而利矣。欲國之富,則必崇節儉,敦質素,蠲浮費。

於下,國富於上,雖有災診,不足憂也。

書奏,帝嘉納之。進史館修撰,擢知制誥,入翰林爲學士。 再遷尙書禮部郞中。

亂,故其咎僭。」又曰:「庶位踰節茲謂僭。刑賞妄加,羣陰不附, 從,是謂不乂,厥咎僭,厥罰常暘。』蓋言國之號令,不專於上,威福之柄,或移臣下, 龍 而不思,雖禱于上下神祇,殆非天意。」紳意以指諫官。諫官亦言紳舉御史馬端非其人,改 今朝廷號令,有不一者,庶位有踰節而陵上者,刑賞有妄加於下者,下人有謀而僭上者。 圖閣學士、知揚州,復爲翰林學士、史館修撰、權判尙書省。 王素、歐陽脩爲諫官,數言事,紳忌之。會京師閔雨, 辨請對,言:「洪範五事,『言之不 則陽氣勝,故其罰常陽。 虚譁憤 此

匿其疏不下。遂出紳,以吏部郎中改侍讀學士、集賢殿修撰、知河陽,徙河中。 | 神銳於進取,善中傷人。陰中王德用,其疏至有「宅枕乾岡,貌類藝祖」之語,帝惡之,

爲醫者藥所誤,猶力疾答之,已而卒。

寬制舉科格,以收才傑;選命諫員,勿侵御史職事。 |神博學多知,喜言事。嘗請罷連日視朝,復唐制朔望喚仗入閣,間開便殿,延對輔臣; 趙元昊反,請詔邊帥爲入討之計,且

列

傳第五十三

蘇紳

王洙

永興爲關、隨根本,而戍者不及三千。宜留西戍之兵,壯關中形勢,緩急便於調發。郡縣備 鎭戎軍,皆當賊衝,而兵屯衆寡不均。或寇原州、鎭戎軍,則鄜、延能應援。 邊兵止備陝西,恐賊出不意窺河東,即麟、府不可不慮,宜稍移兵備之。 曰:「以十年防守之費,爲一歲攻取之資;不爾,則防守之備,不止於十年矣。」 廊、延二與原州、 陝西屯卒太多, 又曰:「今

| 紳與梁適同在兩禁,人以爲險詖,故語曰:「草頭木脚,陷人倒卓。」子頤,別有傳。

盜不謹,請增尉員,益弓手籍。」其論利害甚多。

冒祖 母禪,主司欲脫洙連坐之法,召謂曰:「不保,可易也。」、珠曰:「保之,不願易。」遂與假俱 王洙字原叔,應天宋城人。少聰悟博學,記問過人。初舉進士,與郭積同保。人有告假

馧。 再舉,中甲科,補舒城縣尉。 坐覆縣民鍾元殺妻不實免官。

閣、權同判太常寺。 校史記、漢書,擢史館檢討、同知太常禮院,爲天章閣侍講。專讀寶訓、要言於邇英閣。 太常博士、同管勾國子監,預修崇文總目成,遷尙書工部員外郎。 後調富川縣主簿。晏殊留守南京,厚遇之,薦爲府學教授。召爲國子監說書,改直講。 坐赴進奏院賽神與女妓雜坐,爲御史劾奏,黜知濠州,徙襄州 修國朝會要,加直 累遷

會貝卒叛,州郡皆恟恟,襄佐史請罷敎閱士,不聽。 又請毋給眞兵, 洙曰:「此正使人不

安也。」命給庫兵,教閱如常日,人無敢譁者。

者以餔流民,因募其壯者爲兵,得千餘人,盜賊衰息。有司上其最,爲原東第一,徙亳州。 徙徐州。 時京東饑,朝廷議塞商胡,賦楗薪,輸半而罷塞。 洙命更其餘爲穀栗,誘願輸

復爲天章閣侍講、史館檢討。

|) |) |) |) | () |) | () |) | () |) | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () | () 兵部員外郎,命撰大饗明堂記。 卒不復用。 帝將祀明堂,宋祁言:「明堂制度久不講,洙有禮學,願得同具其儀。」詔還洙太常,再遷 除史館修撰,遷知制誥。 韶諸儒定雅樂,久未決。|洙與胡

易諡 王溥爲文獻,章得象爲文憲,字雖異而音同,皆當改。」於是太常更諡竦文莊,而溥、得象皆 夏竦卒,賜諡文獻。 |珠當草制,封還其目曰:「臣下不當與|僖||祖同諡。」因言:「前有司諡

歸, 欲持至館中。 嘗 (使契丹, 至鞾淀。 珠曰:「此非瞻拜之地也。」六符言恐未得其真、欲遣防再往傳繪, 珠力拒 契丹令劉六符來伴宴,且言耶律防善畫,向持禮南朝,寫聖容以

之。

直官塡印紙,上議請用樂,朝廷從其說。禮官吳充、鞠直卿移文開封府,治禮直官擅發印紙 其助己,擢洙爲翰林學士。 皇儀殿,追册温成皇后。 知府蔡襄釋不問,而諫官范鎭疏禮院議園陵前後不一,請詰所以。御史繼論之不已, 言天下田 稅不均,請用郭諮、孫琳千步開方法,頒州縣以均其稅。 洙鈎撫非禮,陰與內侍石全彬附會時事 旣而温成卽園立廟,且欲用樂,詔禮院議。 陳執中、 禮官論未一,洙令禮 貴妃 劉沆 張氏薨,治喪 在 中書,喜

宰相意充等風言者,皆罷斥。

遣使問:「疾少間否,能起侍經席乎?」時不能起矣。 者,皆不興選。且士之飭身勵行,稍爲大臣所知,反置而不用,甚可惜也。」及得疾踰月,帝 月之期,而終償以實錢及山澤之物,以致三司財用之蹙。請借內藏庫禁錢,乘時和糴京東、 讀,前此 河北之粟,以供邊食,可以坐紓便糴之急。」又言:「近時選諫官、御史,凡執政之臣嘗所薦 旣 而洙以兄子堯臣參知政事, 【未嘗有也。是歲,京東、河北秋大稔。
洗言:「近年邊糴,增虛價數倍,雖復稍延日 改侍讀學士兼侍講學士。罷一學士,換二學士且兼講

制度,著易傳十卷、雜文千有餘篇。 賜 諡 日文,御史吳中復言官不應得諡三,乃止。 |洙汎覽傳記,至圖緯、方技、陰陽、五行、 子欽臣。 算數、音律、詁訓、篆隸之學,無所不通。及卒, 預修集韻、祖宗故事、三朝經武聖略、鄉兵

賜進 少監 哲宗曰:「章惇不喜。」乃以勰爲學士,欽臣領開封。改集賢殿修撰、知和州。 舉太平觀。 !士及第。歷陝西轉運副使。元祐初,爲工部員外郞。 奉使高麗,還,進太僕少卿,遷秘書 <u></u>欽臣字仲至,清亮有志操,以文贄歐陽脩,脩器重之。 用蔭入官,文彥博薦試學士院, 開封尹錢勰入對,哲宗言:「比閱書詔,殊不滿人意,誰可爲學士者? 徽宗立,復待制、知成德軍。卒,年六十七。 」勰以欽臣對。 徙饒州,斥提

欽臣平生爲文至多,所交盡名士,性嗜古,藏書數萬卷,手自讐正,世稱善本。

丞、知開封縣。 甲科,授大理評事、通判湖、舒二州,直集賢院、同判吏部南曹、 <u></u>
胥偃字安道,潭州長沙人。少力學,河東柳開見其所爲文曰:「異日必得名天下。」舉進 知太常禮院, 再遷太常

光化軍酒。 支勾院、修起居注。 與 御史高升試府進士,旣封彌卷首, 列 傳 第 起通判鄧州,復太常丞。 五 + 累遷尙書刑部員外郎,遂知制誥,遷工部郎中, 林特 輒發視, 知許州, 辟通 擇有名者居上。 判州事,徙 知漢陽軍。 入翰林爲學士,權知開 降祕書省著作佐 還判三司度 郎、

=

胥 偃

封府。

還,宜如祖宗制,閱其藝後殿次進之。」 使問其不臣狀,待其辭屈而后加兵。則其不直者在彼,而王師之出有名矣。」又奏:「戍兵代 陽不勝陰之效也。宜選將練師,以防邊塞。」趙元昊朝貢不至,偃曰:「遽討之,太暴。宜遣 忻州地震,偃以爲:「地震,陰之盛。今朝廷政令,不專上出,而後宮外戚,恩澤日蕃,此

帝使赦智誠三人,而文顯五人坐如法。 之咎,請從末減,奏可。西塞用兵,士卒妻子留京師者犯法當死,帝不忍用刑,或欲以毒置飲 食中,令得善死。 會有衞卒賂庫吏求揀冬衣,坐繫者三十餘人。時八月,霜雪暴至。偃推洪範「急,恆寒若」 偃極言其不可,帝亦悔而止。宦人程智誠與三班使臣馮文顯八人抵罪, 偃曰:「恤近遺遠,非政也,况同罪異罰乎?」詔幷釋

范仲淹尹京,偃數糾其立異不循法者。 屬偃者,偃不敢發視,巫焚之。 多以前後爲斷。 偃未仕時,家有良田數十頃,旣貴,悉以予族人。初,天下職田,無日月之限,而赴官者 偃請水陸田各限以月,因著爲令。嘗與謝絳受詔試中書吏,而大臣有以簡 歐陽脩始見偃,偃愛其文,召置門下,妻以女。 脩方善仲淹,因與偃有隙。 偃糾察刑獄,

未幾,卒。

子元衡,有學行,能自立,爲尙書都官員外郎,并其子茂諶咸早卒。偃妻,直史館刁約

與元衡婦韓、茂諶婦謝皆寡居丹陽,閨門有法,江、淮人至今稱之。

判滁州 求知蘇州,徙杭州,累遷尙書工部員外、郎中。召還,爲翰林學士,遷諫議大夫、御史中 柳植字子春,眞州人。少貧,自奮爲學,從祖開頗器之。 遷著作郎、直集賢院、知秀州。除三司度支判官,出知宣州。 舉進士甲科,爲大理評事 擢修起居注、 知制 通

既而以疾辭,改侍讀學士、知鄧州。

遷給事中、移潁州。

張得一落職,未幾,復其職如故。 時植領京西安撫使,坐賊發部中不能察,降右諫議大夫、知黃州。久之,復其官。 先是,張海、郭邈山叛京西,攻掠縣鎮,而光化卒邵興亦率其徒作亂,逐官吏,取庫兵而 歷知壽、毫、蔡、揚四州,分司西京,遂致仕。累遷吏部侍 。坐薦

植平居畏愼,寡言笑,所至官舍,蔬果不輒採,家無長物,時稱其康。

聶冠 卿字長孺,歙州新安人。 五世祖師道,楊行密版奏,號問政先生,鴻臚卿。 冠卿舉

列傳

第五十

進士,授連州軍事推官。 理寺丞,爲集賢校理、通判蘄州。 楊億愛其文章,於是大臣交薦,召試學士院,校勘館閣書籍。 坐嘗校十代興亡論謬誤落職

以聞,非所以矜愼刑罰之意。請自今罷覆答、杖罪,自徒以上雖不繫獄,亦奏覆。」從之。 判登聞鼓院,歷開封府判官、三司鹽鐵度支判官,同修起居注。累遷尚書工部郞中。 再遷太常博士,復集賢校理。 言:「天下旬奏獄,雖笞、杖並覆,而徒、流不繫獄者迺不

還,同知通進銀臺司、審刑院,入翰林爲學士。母亡,起復,判昭文館。未幾,**兼侍讀學士**。 奉道,子孫固有昌者。」嘗觀所著蘄春集,詞極淸麗,因自擊毬縱飮,命冠卿賦詩,禮遇甚厚。 直 一集賢院。 初,翰林侍講學士馮元修大樂,命冠卿檢閱事迹。又預撰景祐廣樂記,特遷刑部 以兵部郎中、知制誥判太常禮院,糾察刑獄。奉使契丹,其主謂曰:「君家先世 郎中、

十有五。」冠卿始見而惡之,至是,校所卒歲月及其享年,無少異者。 監延豊倉,掘地得古磚,有隸書字,半漫滅。其可辨者云:「公先世餌霞棲雲,高尙不仕,累 石於江濱。」又云:「昭王大丞相聶。」又云:「水龍夜號,夕雞駭飛。 其年九月十二日卒,年五 退,賜禁中湯劑。未幾,告歸葬親,至揚州卒。詔以其弟太常博士世卿通判宣州。 初,世卿

冠卿每進讀法氏春秋,必引尊王黜霸之義以諷。一日,墜笏上前,帝憫冠卿喪毀羸瘠,旣

冠卿嗜學好古,手未嘗釋卷,尤工詩,有蘄春集十卷。

愼也。 生之學。偃之恬正,植之廉介,冠卿之雅尚,其列侍從,庶亡愧焉。 論曰:學士大夫異於衆人者,以操行修爾。詩曰:「靡不有初,鮮克有終。」君子不可不 禹錫迂陋,不知止足之戒,取譏當世。紳急進喜傾。洙阿諛附會,晚節汙變,卒忘平

章正。元幼從崔頤正、孫奭爲五經大義,與樂安孫質、吳陸參、譙夏侯圭善,羣居講學,或 馮元字道宗。高祖禧,唐末官廣州,以術數仕劉氏。 傳三世至父邴,廣南平,入朝爲保

達旦不寢,號「四友」。進士中第,授江陰尉。

事,擢崇文院檢討兼國子監直講。 少,能盡通邪?」對曰:「達者一以貫之。」更問疑義,辨析無滯。補國子監講書,遷大理評 時詔流內銓取明經者補學官,元自薦通五經。謝巡笑曰:「古治一經,或至皓首,子尙 王旦聞其名, 嘗令說論語、老子, 羣子弟侍聽, 因薦之。

臣道至卑,惟上下相與,則可以輔相天地,財成萬化。」帝悅。 眞宗試進士殿中,召元講場。元進說曰:「地天爲泰者,以天地之氣交也。君道至尊, 未幾,遷太子中允、直龍圖閣,

列傳第五十三

馮元

韶預內朝,直龍圖閣預內朝自此始。

曹。 皇子爲壽春郡王,王旦又薦元宜講經資善堂。 天禧初,數與查道、李虚己、李行簡入講易於宣和門北閣。 帝以元少, 更用崔遵度。 遷太常丞兼判禮部、 會遵度卒, 吏部 擢 南

左正言兼太子右踰德。

後頗用公卿子弟,任均管庫。及與、元並命,士議悅服。 歷會靈觀副使、知通進銀臺司、判登聞檢院、 仁宗卽位,遷戶部員外郎,爲直學士兼侍講。 爲翰林學士、判都省三班院、史館修撰、判流內銓兼羣牧使,四遷給事 同判國子監。 與孫奭以經術並進講論,自是仁宗益嚮 同知貢舉,進龍圖閣學士,預修三 故事,國子監多宿儒典領 中。

褒答。 外。 而流泉沮 明道 卽召爲翰林侍講學士,遷禮部侍郎、知審官院,復判禮院、國子監。上金華五箴,賜書 修景祐廣樂記,書成,遷戶部侍郎。 一洳,言者以監護不職,罷翰林學士、知河陽。 元年,當監護宸妃葬事。及帝親政,追册宸妃爲莊懿皇后,改葬永定陵。 足疾氣煙,屬李淑、宋祁爲銘誌。卒,贈本部尚 王曾爲言元東朝舊臣,不宜以細 旣發擴 故棄

爲世俗齋薦,遇祭日,與門生對坐,誦說孝經而已。 元性簡 原,不治聲名,非慶弔未嘗過謁二府。 執親喪,自括髮至祥練,皆案禮變服,不 多識古今臺閣品式之事,尤精易

書,盜章靖

老,率三日一誦易。 無子,以兄之子譓爲後。

授以京秩。 師民學問精博,奭自以爲不及。夏竦尤所奇重,稱爲「盛德君子」,論其文行,願回兩子恩, 趙 師民字周翰,青州臨淄人。九歲能屬文,舉進士第,孫奭辟兗州說書,領諸城主簿。 除齊州推官、青州教授,更天平軍節度推官。

年五十來京師,近臣張觀、宋郊、王堯臣、龐籍、韓琦、明鎬列薦,爲國子監直講,兼潤

昊,內不能平。乃上言請任方面,以圖報效。 一次。明年春,帝遂御迎陽門,召近臣觀圖畫,復命講讀經史。師民見朝廷厭兵,屈意以招元 十一日謹財用,十二日不遺年,十三日容誹謗,十四日除忌諱,十五日愼出令。因獻勸講 日擇守宰,五日治軍旅,六日修邊防,七日求諫諍,八日延講誦,九日革貢舉,十日久官政, 會趙元昊反,罷進講。師民上書陳十五事:一日容輔相,二日命將帥,三日柬侍從,四

遷天章閣侍講、同知貢舉,進待制、同判宗正

故濁敗。賢 正不勝邪,雖有善人,不能爲治,亦將相牽而淪于污濁也。」帝曰:「水何以喻政?」對曰:「水 嘗講詩「如彼泉流」,曰:「水之初出,喻王政之發。順行則通,通故淸潔,逆亂則壅,壅 人用,則王政通而世淸平;邪人進,則王澤壅而世濁敗。 幽王失道,用邪絀

時變,火隨木色。 禮樂,皆必由之,此實至道之要。」復問「鑽燧改火」,曰:「古之聖王,舉動必順天時,所以四 接之以禮,講之以信,皆是。」帝曰:"「然其所先者,無若信也。」曰:「信者,天下之大本,仁義 子張所言交道孰勝?」曰:「聖哲之道,含覆廣大,與天地參。善者有以進德,惡者俾之改行。 者,順行而潤下,利萬物,故以喻政,此于比興,義最大。」 子張之言爲優。」 後講論語,問「修文德」,曰:「文者,經天緯地之總稱。 近世漸務苟簡,以爲非治具而遂廢之,至其萬事皆不如古。」又問:「子夏、 君人之道,撫之以仁,制之以義,

帝悅曰:「何其所記如此 他日讀漢記,問長安城,衆莫能知,共推師民。 ·」在經筵十餘年,甚見器異。 嘗盛夏屬疾家居,帝飛白書團 因陳自古都確年世,舊址所在,若畫諸

扇爲「和平」字,賜以寄意

累請補郡,除龍圖閣直學士、知耀州。 近覩太陽食于正朔,此雖陰陽之事,亦慮是天意欲以感動聖心。臣非瞽史,不知 帝自寫詩寵行,目以「儒林舊德」。將行,上 一疏日

謂以陰奸陽,失其敍也。又曰:「百川沸騰,山冢崒崩。高岸爲谷,深谷爲陵。」謂下陵 馬,楓維師氏。」謂大小之臣,有不得其人者也。宗周之間,時王失德。今而引喻,蓋事 上,侵其權也。又曰:「皇父卿士,潘惟司徒。」家伯維宰,中允膳夫。、聚子內史,蹶維趣 陰侵陽,下蔽上之象也。誤曰:「十月之交,朔日辛卯。」又曰:「彼月而微,此日而微。」 天道,但率愚意言之。其月在亥,亥爲水,水爲正陰。其日在丙,丙爲正陽。月掩日,

爲羣邪所蔽塞,則億兆之幸也。 縱放,不師古始。捨是,何失道之有?今聖心慈仁恭勤,儉約自檢,動循典禮,如此自 右近侍耳目之官。其忠而純者,與之愼柬內外百執事及州縣牧宰,使主恩究于下,不 非下蒙上、邪撓正,使主恩不下究,而誰之咎歟?望陛下朝夕容于丞弼心膂之臣,洎左 凡天之示象,由人君有失,不然,則下蔽其上。古人君之失,不過暴虐怠慢,奢侈

有所譬,固當不諱。

三遷刑部郎中,復領宗正,卒。

不豫而止。 讀 書爲事。 師民淳靜剛敏,舉止凝重。幼喪父,哀感,不畜婢妾,年四十四始婚。志尙淸遠,專以 常患近世官失其守,作正宜名,議多不載。有集三十卷。子彦居,試中書舍人。 性極慈恕,勤於吏治,政有惠愛。嘗奏蠲陝西旱租。又欲論権酤諸敞,會仁宗

列傳

第

五

十 三

趙師民

張錫

州,議還內地。 力、恃富、恃贖者,吾所先也。」歲中以治迹聞。 科,爲試祕書省校書郎、知南昌縣。 太常博士、監染院。 張錫字貺之,其先京兆人。曾祖山甫,嘗從唐僖宗入蜀,蜀平,徙家漢陽。 |錫疏謂:「姦邪弄國,本與天下共棄之;今復還,是違天下意。」由是止徙道 韶選能吏治畿縣, 乃以錫 遷著作郎、知新州。 知東明。 樞密直學士李及薦爲監察御史。丁謂貶崖 始至,令其下曰:「吾所治者三:恃 初建學于州,自是人始知學。 錫進 二十甲 再遷

閣 翰林侍讀學士、判太常寺、國子監。卒,贈尚書工部侍郎。 侍御史知雜事、判大理寺、權知諫院,安撫利、變路。歷度支、鹽鐵副使。喪母,起復,擢天章 地,收租絹歲二十餘萬,訟者亦息。 還判度支勾院,爲京康轉運使。淄、靑、齊、濮、鄆諸州人冒耕河壖地,數起爭訟。緣命籍其 待制、知河中府,累遷右司郎中,以龍圖閣直學士知滑州,遷右諫議大夫、知審官院。 獄遂解。 玉清昭應宮災,連繫甚衆。 錫言:「天災反以罪人,恐重天怒,願修德以應之。」會論者 遷殿中侍御史,權三司鹽鐵判官,出爲荆湖北路轉運使,改尚書兵部員外郎, 判鹽鐵勾院,爲河北轉運使,改江、准制置發運使,召象

第 一,及隨死,無子,錫屢賙其家。

宰相,國亡不能死,安得爲忠?」乃諡爲文康。 閣直學士、給事中、判太常寺。一日,進讀漢馬后傳,至服大練、抑止外家,因言:「今妃族 剛決陰柔,君子進、小人退之象。」仁宗悅。擢天章閣待制兼侍讀,累遷右諫議大夫,進龍圖 上所著太玄集解數萬言。 講,徙諸王府侍講。 以尙書度支員外郞直史館、荆王府記室參軍。 官,十年不出戶。讀易,因通揚雄太玄經。 太盛,不可不裁損,使保其家。」帝嘉納之。詔改王溥諡,有議欲爲文忠者,揆曰:「溥,周之 張揆字貫之,其先范陽人,後徙齊州。擢進士第,歷北海縣尉,改大理寺丞。以疾解 韶對邇英閣,令揲蓍,得斷首,且言:「斷首準易之夬,蓋以陽 陳執中安撫|京東,薦|揆經明行淳,召爲國子監直 加翰林侍讀學士、知審刑院,出知齊州。 府罷,權三司戶部判官。

揆性剛狷少容,闊於世務,然好讀書,老而不倦。 與弟掞相友愛,掞,爲龍圖閣直學士。

贈尙書禮部侍郎。

列傳第

五十

=

張

揆

楊安國

講,幷召光輔至。 助敎。 七十餘矣,而論說明暢。帝悅,欲留爲學官,固辭,以國子監丞老于家 楊 安國字君倚,密州安丘人。父光輔,居馬耆山,學者多從受經,州守王博文薦爲太學 孫 奭 知兗州,又薦爲太常寺奉禮郎, 仁宗命說過書,光輔曰:「堯、舜之事,遠而未易行,願講無逸一篇。」時年 州學講書。 既而奭與馮元薦安國爲 國子監直

部、太常寺,糾察在京刑獄,累遷給事中。 講、直龍圖閣,遂爲天章閣待制、龍圖閣直學士,皆兼侍講。 糧料院,入爲國子監直講。景祐初,置崇政殿說書,安國以國子博士預選。久之,進天章閣侍 安國五經及第,爲枝江縣尉,後遷大理寺丞。 年七十餘,卒,贈尚書禮部侍郎 光輔教授 亮州,請監 亮州 酒稅,徙監 益州 進翰林侍講學士,歷判尚書刑

緯書,則尊之與經等。 安國講說,一以注疏爲主,無他發明,引喻鄙俚,世或傳以爲笑。 在經筵二十七年,仁宗稱其行義淳質,以比先朝崔遵度。 尤喜緯書及注疏所引

故折足覆餗。 廩食,一切寬之,恐無以禁姦。」帝曰:「不然,天下皆吾赤子,迫於餓莩,至**起爲盗。州縣旣不** 至「大荒大札, 嘗講易至鼎卦,帝問:「九四象如何?」安國對:「九四上承至尊,下應初爻,任重 則薄征緩刑」,因進言曰:「古所謂緩刑,乃貰過誤之民爾。 亦猶任得其人,則雖重可勝,非其人,必有顚覆之患。」帝稱善。 。今衆持兵仗取民 又嘗講周官 非據,

能振恤,乃捕而殺之,不亦甚乎。」嘗請書無逸篇於邇英閣之後屏,帝曰:「朕不欲背聖人之

言」,命蔡襄書無逸、王洙書孝經四章列置左右。

非命哉! 其說,亡過人者。夫博習修潔之士,潛德隱行,不聞于世者多矣。繇是言之,士遇不遇,豈 先後執經勸講,庶有所補益矣。張錫淸愼斂晦,晚始見知。揆及安國父子俱侍經幄,考求 論曰:馮元質直博雅,有古君子之風,歐陽脩稱師民醇儒碩學,在仁宗時,並繇宿望,

校勘記

)鄜延 原作「麟延」,據下文「或寇原州、鎮戎軍,則鄜、延能應援」句和長編卷一二五改。

台 御史吳中復言官不應得證 「應得」二字原倒,據長編卷一八六和隆平集卷一 四本傳乙正。長編

「言」下並有「洙」字,當是。

= 道州 原作「雷州」,據歐陽修歐陽文忠公文集卷三〇張錫墓誌銘、長編卷一〇九改。

宋史卷二百九十五

列傳第五十四

尹洙 孫甫 謝絳子景溫 葉清臣 楊察

黨。 有能名。 曹參軍、安國軍節度推官、知光澤縣。舉書判拔萃,改山南東道節度掌書記、知伊陽縣〔1〕, 臣不可苟免。」宰相怒,落校勘,復爲掌書記、監唐州酒稅。 洙上奏曰:「仲淹忠亮有素,臣與之義兼師友,則是仲淹之黨也。今仲淹以朋黨被罪, 尹洙字師魯,河南人。少與兄源俱以儒學知名。 用大臣薦,召試,爲館閣校勘,遷太子中允。會范仲淹貶,敕牓朝堂,戒百官爲朋 舉進士,調正平縣主簿。 歷河南府戶

西北久安,洙作敍燕、息戍二篇,以爲武備不可弛。

級燕日:

列

傳第

五

十四四

尹

洙

戰國 世,燕最弱。 二漢叛臣,持燕挾虜,蔑能自固,以公孫伯珪之強,卒制於袁氏。

固不敵 備禦。 勢日 獨 然我衆負城,有內顧心,戰不必勝,不勝則事亟矣,故不戰未嘗咎也。 銳專力契丹,不能攘尺寸地。頃嘗以百萬衆駐趙、魏,訖敵退莫敢抗, 慕 熾 容 大。 王師伐蜀伐吳,泰然不以兩河爲顧,是趙、魏足以制之明矣。抖寇旣平,悉天下 乘石虎亂,乃幷趙。 唐三盜連衡百餘年,虜未嘗越燕侵趙、魏,是燕獨能支虜也。 顯德世,雖復三關,尚未盡燕南地。 雖勝敗異術,大概論其強弱,燕不能加趙。 國初,始與抖合,勢益張,然止命偏師 世多咎其不戰。 自燕入於契丹, 趙、魏一、則燕

說,五也;雖委大柄,不無疑貳,復命貴臣監督,進退皆由中御,失於應變,六也。兵分 則盡易其弊,是有六利也。 主之,三也;大衆儻北,彼遂長驅無復顧忌,四也;重兵一屬,根本虛弱,纖人易以干 勇以待戰,無他枝梧,一也;我衆則士怠,二也;前世善將兵者必問幾何,今以中才盡 固,騙民以守之,俾其兵頓堅城之下,乘間夾擊,無不勝矣。 原其弊,在兵不分。 設兵爲三,壁于爭地,掎角以疑其勢,設覆以待其進。 蓋兵不分有六弊: 使敵蓄 邊

是則 得專制,就使偏師挫衂,他衆尙奮,詎能繫國安危哉?故師覆于外而本根不搖者,善敗 制敵在謀不在衆。 勝敗兵家常勢。 悉內以擊外, 以趙、魏、燕南、益以山西、民足以守、兵足以 失則舉所有以棄之, 苻堅淝水、哥舒翰潼關是也。 戦。 分而 帥 之,將

妄者不談。然兵果廢則已,儻後世復用之,鑒此少以悟世主,故迹其勝敗云。 勝、項梁舉關東之衆,朝敗而夕滅,新造之勢也。 也。 而襲新造之勢,徼幸於一戰,庸非惑哉?兵旣久弭,士大夫誦習,謂百世不復用,非甚 昔者六國各有地千里,師敗於秦,散而復振,幾百戰猶未及其都,守國之固也。 陳 以天下之廣謀其國,不若千里之固,

貨,然無水漕之運,所輓致亦不過被邊數郡爾。 輯定,然屯戍之費,亦已甚矣。西戎爲寇,遠自周世,西漢先零,東漢燒當,晉氐、羌,唐 明,用裁五十四億,而剪滅殆盡。今西北涇原、邪寧、秦鳳、鄜延四帥,戍卒十餘萬。 億計。孝安世,羌叛十四年,用二百四十億。水和末,復經七年,用八十餘億。及段紀 禿髮,歷朝侵軼,爲國劇患。興師定律,皆有成功,而勞弊中國,東漢尤甚,費用常以 用二十億。 卒歲給,無慮二萬,騎卒與冗卒,較其中者,總廩給之數,恩賞不在焉,以十萬較之,歲 有他警,不可一日輟去,是十萬衆,有增而無損期也。 爣其 國家割棄朔方,西師不出三十年,而亭徼千里,環重兵以戍之。雖種落屢擾,卽時 乘我薦飢,我必濟師,饋饟當出於關中,則未戰而西垂已困,可不慮哉? 自靈武罷兵,計費六百餘億,方前世數倍矣。平世屯戍,且獨若是,後雖 歲不常登,廩有常給,頃年亦嘗稍匱 國家厚利募商入粟,傾四方之

九八三三

其統,專其任。分統則兵不重,專任則將益勵,堅其守備,習其形勢,積粟多,敎士銳,使 **虜衆無隙可窺,不戰而懾。**、浜志所謂「無恃其不來,恃吾有以待之」,其廟勝之策乎? 長、隊正,盛秋旬閱,常若寇至。以關內、河東勁兵傅之,盡罷京師禁旅,愼簡守帥,分 者不易以五穀,畜馬者又蠲其雜徭。民幸於庇宗,樂然隸籍。農隙講事,登材武者爲什 料京兆西北敷郡,上戶可十餘萬,中家半之,當得兵六七萬。 擬唐置府,頗損其數。 按)唐府兵,上府千二百人,中府千人,下府八百人。 爲今之計, 莫若籍丁民爲兵, 又今邊鄙雖有鄉兵之制,然止極塞數郡,民籍寡少,不足備敵。 質其賦無他易,賦以帛名

又爲述享曰、審斷、原刑、敦學、矯察、考績、廣諫,凡雜議共九篇上之。

詣闕 洙擅發兵,降通判濠州。 併栅壘,召募土兵,省騎軍,增步卒。又上鬻爵令。時詔問攻守之計,陳具二策,令琦與洙 兵,請便殿召對二府大臣議邊事,及講求開寶以前用兵故實,特出睿斷,以重邊計。 會任福 石元孫戰敗,朝廷以夏竦爲經略、安撫使,范仲淹、韓琦副之,復以洙爲判官。 洙數上疏論 奏之。 趙元昊反,大將葛懷敏辟爲經略判官。洙雖用懷敏辟,尤爲韓琦所深知。 敗于好水川,因發慶州部將劉政銳卒數千,趨鎭戎軍赴救,未至,賊引去。夏竦奏 帝取攻策,以洙爲集賢校理。洙遂趨延州謀出兵,而仲淹持不可。 當時言者謂福之敗,由參軍耿傅督戰太急。後得傅書,乃戒福使 頃之,劉平、 還至慶州, 又請減

持重,毋輕進。除以傅文吏,無軍責而死于行陣,又爲時所誣,遂作憫忠、辨誣二篇

未幾,韓琦知秦州,辟涨通判州事,加直集賢院。上奏曰:

臣之虜,北有彊大之鄰,非特閭巷盜賊之勢也。 威制四夷,孰與漢武?國家基本仁德,陛下慈孝愛民,誠萬萬於秦、隋矣。至於西有不 者十餘世。秦二世時,關東盜起。 徐樂、嚴安尙以陳勝亡秦、六卿篡晉爲戒。二帝不以危亂滅亡爲諱,故子孫保有天下 憂,乃悅。隋煬帝時,四方兵起,左右近臣皆隱賊數,不以實聞,或言賊多者,輒被詰。 二帝以危亂滅亡爲諱,故秦、隋宗社數年爲丘墟。陛下視今日天下之治,孰與漢文? 漢文帝盛德之主,賈誼論當時事勢,猶云可爲慟哭。孝武帝外制四夷,以彊主威, 或以反者聞,二世怒,下吏,或曰逐捕今盡,不足

甚。臣謂陛下不以宗廟爲憂、危亡爲懼者,以此。 與不節。此三者,戒之愼之,在陛下所行爾,非有難動之勢也。而因循不革,弊壞日 廟爲憂,危亡爲懼,此賤臣所以感憤於邑而不已也。何者?今命令數更,恩寵過濫,賜 禍源也。陛下延訪邊事,容納直言,前世人主,勤勞寬大,未有能遠過者。然未聞以宗 起。兵法所謂「雖有智者,不能善其後」。當此之時,陛下宜夙夜憂懼,所以慮事變而塞 自西夏叛命四年,並塞苦數擾,內地疲遠輸。兵久于外而休息無期,卒有乘弊而

列

終,頗自詘其謀,以爲無益,此命令數更之弊也。 又聞羣臣有獻忠謀者,陛下始甚聽之,後復一人沮之,則意移矣。忠言者以信之不能 然,相與竊語,以爲不久當更,旣而信然,此命令日輕於下也。命令輕,則朝廷不尊矣。 夫命令者,人主所以取信於下也。異時民間,朝廷降一命令,皆竦視之; 今則不

柄輕於上。 臣從之,則壞陛下綱紀;不從,則沮陛下德音。 威柄自出,外戚、內臣賢而才者,當與大臣公議而進之,何必襲「斜封」之弊哉。 且使大 謂之「內降」。臣聞唐氏政衰,或母后專制,或妃主擅朝,樹恩私黨,名爲「斜封」。今陛下 此恩寵過濫之弊也。 夫爵賞,陛下所持之柄也。近時外戚、內臣以及士人,或因緣以求恩澤,從中而下 且盡公不阿,朝廷所以責大臣。今乃自以私昵撓之,而欲責大臣之不私,難 壞綱紀,忠臣所不忍爲;沮德音,則威

行事感動爾。往歲聞邊將王珪,以力戰賜金,則無不悅服;或見優人所得過厚,則往 方宿兵,用度寖廣,帑藏之積,未必悉爲賜予所費,然下民不可家至而戶曉,獨見陛下 誠不能知內府豐匱之數,但見取於民者日煩,即知畜於公帑者不厚。 傳言,內帑金帛,皆祖宗累朝積聚。 夫賜予者,國家所以勸功也。 比年以來,嬪御及伶官、太醫之屬,賜予過厚。民間 陛下用之,不甚愛惜,今之所存無幾。 臣亦知國家自西 疎遠之人,

往憤歎。人情不可不察,此賜予不節之弊也。

謀漸進,紀綱漸舉,國用漸足, 忠言所以亡,遠法漢主不諱危亂所以存,日新盛德,於民更始,則天下幸甚。 朝政日弊而陛下不寤,人心日危而陛下不知。故臣願先正於內,以正於外。 臣所論三事,皆人人所共知,近臣從諛而不言,以至今日。 士心漸奮。 邊境之患, 庶乎息矣。 方今非獨四夷之爲患, 惟深察秦、隋惡聞 然後忠

仁宗嘉納之。

商爲洙言,乃追復故官,及官其子構。 以爲湜文致之也。徙監均州酒稅,感疾,沿牒至南陽訪醫,卒,年四十七。嘉祐中,宰相韓 提就鞫,不得他罪。而涨以部將孫用由軍校補邊,自京師貸息錢到官,亡以償。 洙惜其才 管,遣劉滬、董士廉城水洛,以通秦、渭援兵。洙以爲前此屢困于賊者,正由城砦多而兵勢 滬,不至;命張忠往代之,又不受。於是論狄青械滬、士廉下吏。 戩論奏不已,卒徙洙慶州 可用,恐以犯法罷去,嘗假公使錢爲償之,又以爲嘗自貸,坐貶崇信軍節度副使,天下莫不 分也。今又益城,不可,奏罷之。時) 已解四路,而奏滬等督役如故。洙不平,遣人再召 而城水洛。 改太常丞、知涇州。以右司諫、知渭州兼領涇原路經略公事。 又徙晉州,遷起居舍人、直龍圖閣、知潞州。會士康詣闕上書訟洙,詔遣御史劉 會鄭戬爲陝西四路都總

列

傳第

五

十四四

尹洙

孫甫

邊 間,故於西事尤 古文,洙與穆脩復振起之。其爲文簡而有法,有集二十七卷。自元昊不庭,洙未嘗不在兵 ·費,爲禦戎長久之策,皆未及施爲。 洗內剛外和 練習。 ,博學有識度,尤深於春秋。 其爲兵制之說,述戰守勝敗,盡當時利害。 而元昊臣,洙亦去而得罪矣。 自唐末歷五代,文格卑弱。至宋初,柳開始爲 又欲訓土兵代戍卒,以减

矣。」衍聞之,不復以小事屬甫。 究出身,爲察州汝陽縣主簿。再舉進士及第,爲華州推官。 丞、知絳州 孫甫字之翰,許州陽翟人。少好學,日誦數千言,慕孫何爲古文章。 翼城縣。 杜衍辟爲永興司錄,凡吏職,纖末皆倚辦甫。 衍與讌語,甫必引經以對,言天下賢俊, 轉運使李紘薦其材, 甫曰:「待我以此,可以去 歷評其才性所長 初舉進士,得同學 遷 人大理寺

鑄,私 錢,以便市易。 徙 鑄 知永昌縣,監益州交子務,再遷太常博士。 有犯,錢可廢乎。但嚴治之,不當以小仁廢大利。」後卒不能廢。 轉運使以僞造交子多犯法,欲廢不用。 **圖用鐵錢,民苦轉貿重,故設法書紙代** 甫曰:「交子可以偽造,錢亦可以私 行為樞密副使,薦

于朝:授秘閣校理。

前代 諷諫,名三聖政範。 者、盡出之、且裁節其恩、使無過分、此應天之實也。」時契丹、西夏稍強,後宮張修媛寵幸, 內制後宮。 救紓緩之失,莫若自主威福,時出英斷,以懾姦邪,以肅天下。 謁用事,大臣陰謀,宜制於未萌。其後武昭儀專恣,幾移唐祚。 地震,未有如此之久者。惟唐高宗本封于晉,及卽位,晉州經歲地震。 也。三者不可過盛,過盛則陰爲變而動矣。 以召亂也。 及經國遠圖,故招赤眚之怪,終致晉亂。 變驗,上疏曰:「赤雪者,赤眚也,人君舒緩之應。 是歲,詔三館臣僚言事。 謹戎備,則切責大臣,使之預圖兵防,熟計成敗; 制後宮,則凡掖庭非典掌御幸 晉太康中,河陰降赤雪。時武帝怠於政事,荒宴後宮。 改右正言。時河北降赤雪,河東地震五六年不止,甫推洪範五行傳及 庸進十二事,按祖宗故實,校當世之治有所不逮者,論述以爲 地震者,陰之盛也。 忻州趙分,地震六年。 舒緩則政事弛,賞罰差,百官廢職,所 陰之象,臣也,後宮也,四 救陰盛之變,莫若外謹戎備, 天地災變, 固不虛應, 每見臣下,多道常事,不 每震,則有聲如雷,前代 宰相張行成言,恐女 陛下 夷

爾。」甫曰:「世謂諫臣耳目官,所以達不知也。 宜過僭。自古寵女色,初不制而後不能制者,其禍不可悔。」帝曰:「用物在有司,朕恨不知 又言:「修媛寵恣市恩,禍漸已萌。 夫后者,正嫡也,其餘皆婢妾爾。 若所謂前世女禍者, 載在書史, 陛下可自知 貴賤有等,用物不

大臣專政,甫以此諫焉。

列傳第

五

法令紀 可省。 他時之患,不可救矣。 獲歲遺之厚,彼必專力以制二蕃,強大之勢,自茲爲始。 二也。 復出,方在講訓不懈,以張中國之威。一旦因議和弛備,復如曩 飭,及邊鄙有警,而用不習之將,不練之兵,故久無成功。 歲有割地之請,朝廷已增歲賂,若更有求,將安拒之?其爲害一也。 夏國乞盟,甫上一利、 綱,弛而 自元昊拒命,終不敢深入關中者,以唃廝囉等族不附,慮爲後患也。 其爲利 也。 不葺。 始, 其爲害四也。 及西戎累敗,王師始議更張,以救前弊。 契丹聲言,嘗遣使諭西人使臣中國。 四害曰:「宿兵以來,國用空耗。今若與之約和,則邊兵可減,科斂 凡利害之機,願陛下熟圖之。 其爲害三也。 然比來邊臣中材謀勇健者,往往 今和議旣成, 必恃其功。 日,緩急必不可用。 今見戎人請和, 自承平四十年,武 且朝廷恃久安之勢, 今中國與之和, 苟貪無事, 其爲害 事 去

放 求增歲給之數。 杜其意也。 又許其賣鹽,則與遺契丹物數相當。 行青鹽, 又言:「張子奭使夏州回,元昊復稱臣,然乞歲賣青鹽十萬石,兼欲就京師互市諸物,仍 先帝以其亂法, 不聽。 蓋鹽,中國之大利,又西戎之鹽,味勝解池所出,而出產無窮。 臣以)謂西鹽數萬石,其直不下錢十餘萬緡。 及請之不已,追德明弟入質而許之,是則以彼難從之事, 使契丹聞之,則貪得之心生矣。 况朝廷已許歲賜二十五萬,若 况自 既開其禁,則流 一德明之時,累乞

于民間,無以隄防矣。 **兼聞張子奭言,元昊自拒命以來,收結人心,鈔掠所得,旋給其衆,兵**

力雖勝,用度隨窘。 當此之時,尤宜以計困之,安得汲汲與和,曲狥其請乎?

中、 罪〔三〕,使,乃杜衍也。邊將劉滬城水洛于渭州,總管尹洙以滬違節度,將斬之。 議,甫以謂:「水洛通秦、渭,於國家爲利,滬不可罪。」由是罷決而釋滬。 下三等, 時 黜其最下者。保州兵變前, 有告者,大臣不時發之。 甫因言樞密使副當得 衍屢薦甫, 洙與甫 大臣稍主洗

鄧州,徙安州,歷江東、兩浙轉運使。 因 [對求進用,帝曰:「度未嘗請也。」度乞與||蔣幹,且指||爲宰相||杜衍門人。 甫嘗言參知政事陳執中不學亡術,不可用。 帝難之,由是求補外,不許。 乃以右司諫出知 其後奏丁度

素善者,而甫不少假借,其鯁亮不私

如此

河東轉運使(四)、三司度支副使,遷刑部郎中、天章閣待制、河北都轉運使,留爲侍讀。 切繩之以法,然退未嘗不稱其賢。 范仲淹知杭州,多以便宜從事。 再遷尚書兵部員外郎,改直史館、知陝州,徙晉州。 甫曰:「范公,大臣也。 吾屈於此,則不得伸於彼矣。」 爲

特贈右諫議大夫。

列 傳 第

五. +

四

孫 甫

譤 絳

甫 性勁果,善持論,有文集七卷,著唐史記七十五卷。 每言唐君臣行事,以推見當時治

秘

閣

亂,若 身履其間,而聽者曉然,如目見之。時人言:「終日讀史,不如一日聽孫論也。」,應史藏

謝 絳字希深,其先陽夏人。祖懿文,爲杭州鹽官縣令,葬富陽,遂爲富陽人。

之計。 象物。 師。」轉運使論以爲不可,詔從濤奏。嘗使蜀還,舉所部官三十餘人。 送,濤悉留不遣。奏曰:「江、淮漕運,日過睢陽,可取以餉軍。 **盗,而契丹聲言趨齊、軍,以濤知曹州。** 郎、知興國軍。還,以治行召對長春殿,命試學士院。會契丹入寇,眞宗議親征,時曹、濮多 與之,於是腴田悉爲豪右所占,流民至無所歸。 「有罪,願連坐之。」奉使舉官連坐,自濤始。久之,用馮拯薦,復召試,以尙書兵部員 父濤,以文行稱,進士起家,爲梓州権鹽院判官。 **遂兼侍御史知雜事。**真宗山陵靈駕所經道路,有司請悉壞城門、 賊平,以功遷觀察推官,權知華陽縣。 亂亡之後,田廬荒廢,詔有能占田而倍入租者 ·屬言:「先帝車駕封祀,儀物大備,猶不聞有所毀撤,且遺詔從儉薄。 今有司治明器 屬縣賦稅多輸雕陽助兵食,是歲霖潦,百姓苦於轉 濤收詔書,悉以田還主。 李順反成都,攻陷州 願留曹賦繇廣濟河以饋京 宰相疑以爲多,濤曰: 廬舍, 改秘書省著作佐 縣,濤嘗畫守禦 以過車 外郎直 輿

侈大,以勞州縣,非先帝意,願下少府裁損之。」進直昭文館,累官至太子賓客。

紹唐。 時事,嘗論四民失業,累數千言。天禧中,上疏謂宋當以土德王天下。時大理寺丞董行父,請 用天爲統,以金爲德。詔兩制議,皆言:「用土德,則當越唐上承於隋;用金德,則當越五代 絳以父任試秘書省校書郎、舉進士中甲科、授太常寺奉禮郎、知汝陰縣。善議論、喜談 而太祖實受終周室,豈可弗遵傳繼之序?」絳、行父議皆黜不用。

李維以爲不可。 用鄭氏經、唐故事議宣祖非受命祖,不宜配享感生帝,請以眞宗配之。 楊億薦絳文章,召試,擢祕閣校理、同判太常禮院。丁母憂,服除,仁宗卽位,遷太常博 尋出通判常州。 天聖中,天下水旱、蝗起,河決滑州,絳上疏曰: 翰林學士承旨

苦,思有以上塞時變,固宜策告殃咎,變更理化,下罪已之詔,修順時之令,宣羣言以 茲謂張,厥災荒;上下皆蔽,茲謂隔,其咎旱: 令逆時,水失其性,則壞國邑,傷稼穡,顓事者知,誅罰絕理,則大水殺人; 導壅,斥近倖以損陰。 秋成絕望:此皆大異也。按洪範、京房易傳皆以爲簡祭祀,逆天時,則水不順下;政 去年京師大水,敗民廬舍,河渠暴溢,幾冒城郭; 今年苦旱,百姓疫死,田穀焦槁, 而聖心優柔,重在改作,號令所發,未聞有以當天心者。 天道指類示戒,大要如此。 陛下夙夜勤 欲德不用,

風雨、寒暑之於天時,爲大信也;信不及於物,澤不究於下,則水旱爲沴。近日

九八四三

列

倖,上下皆蔽,其應不虛

制命,有信宿輒改,適行遽止,而欲風雨以信,其可得乎。天下之廣,萬幾之衆,不出 房屬,豈能盡知?而在廷之臣,未聞被數刻之召,吐片言之善,朝夕左右,非恩澤即佞

欲德不用之應,又可驗矣。 門,俗喜由徑。 心責成,以極其效;謂之不然,則更選賢者。比來奸邪者易進,守道者數窮,政出多 之選,而政道未茂,天時未順,豈大臣輔佐不明邪?陛下信任不篤邪?必若使之,宜推 昔兩漢日食、地震、水旱之變,則策免三公,以示戒懼。陛下進用丞弼, 聖心固欲盡得天下之賢能,分職受業;而宰相方考資進吏,無敢建白。 極一時

膳,避路寢之朝,許士大夫斥諱上聞,譏切時病。罷不急之役,省無名之斂,勿崇私恩, 更進直道,宣德流化,以休息天下。至誠動乎上,大惠狹于下,豈有時澤之艱哉! 今陽驕莫解,蟲孽漸熾,河水妄行。循依違之迹,行尋常之政,臣恐不足回靈意、 古者,穀不登則虧膳,災屢至則降服,凶年不塗壁。 願下韶引咎,損太官之

仁宗嘉納之。

便養,通判河南府。又論:「唐室麗正、史官之局,並在大明、華淸宮內。太宗皇帝肇修三 會修國史,以絳爲編修官,史成,遷祠部員外郎、直集賢院。時濤官西京,且老矣,因請

前。 帝益以內帑四庫。 館,更立祕閣于昇龍門左,親爲飛白書額,作贊刻石閣下。 翠華、降玉趾,寥寥册府,不聞興馬之音,曠有日矣。 議者以謂慕道不篤於古,待士少損於 別建外館,直舍卑喧,民櫚叢接。大官衞尉,供儗滋削,虧體傷風,莫茲爲甚。 文,知天子尊禮甚勤,而名臣高位,繇此其選也。往者遭遘延燔,未遑中葺,或引兩省故事, 士無延訪之勤,而因循相尚,不自激策,文雅漸弊,竊爲聖朝惜之。願闢內館,以恢景 二聖數嘗臨幸,親加勞問,遞宿廣內者,有不時之召。人人力道術、究藝 景德中,圖書寖廣至,眞宗皇 陛下未嘗迂

內結權倖, 外走州邑, 絳 雖在外,獨數論事。 甚者矯誣詔書, 傲忽官吏。 奏言:「近歲不逞之徒,託言數術,以先生、處士自名,禿巾短 請嚴禁止。 嘗以墨敕賜封號者,追

德之制。

言詔

印。

還權開封府判官,言:

還之。」

於民。 民,有颛方面之埶: 書,畏首與尾。 蝗亘 朝廷斂弛之法, 田野,全入郛 二者政殊,而同歸於弊。 才者掠功取名,以嚴急爲術,或辯僞無實,數蒙獎錄; 郭,跳擲官寺,井匽皆滿。 近於廉平, 以臣愚所聞, 魯三書螟,穀梁以爲哀公用田 似吏不甚稱而 召其變。 愚者期會簿 凡今典城牧 賦虐 取

備 敕計臣,損聚斂之役。勿起大獄,勿用躁人,務靜安,守淵默。傾曰:「大侵之禮,百官 時,詔問京房災異可息之術,房對以考功課吏。 便宜從事。 公卿以下,舉任州守者,使得自辟屬縣令長,務求術略,不限資考。 而不制。 國在養民,養民在擇吏,吏循則民安,氣和而災息。 期年條上理狀,或徙或留,必有功化風迹,異乎有司以資而任之者焉。 言省事也。」如此而沴氣不弭,嘉休不至,是靈意滿瀾,而聖言罔惑歟。 臣願陛下博訪理官,除煩苛之命; 願先取大州邑數十百,詔 然後寬以約束,許

存,則無所措置。臣以謂不若推近及遠,遞考歲用而裁節之,不必咸平、景德爲準也。」 今春至四月,已及二十餘萬。比詔裁節費用,而有司移文,但求咸平、景德簿書。簿書不 遷兵部員外郞。上言:「邇來用物滋侈,賜予過制,禁中須索,去年計爲緡錢四十五萬。 會郭皇后廢,絳陳詩白華,引申后、褒姒事以諷〔云〕, 初,詔罷織密花透背,禁人服用,且云自掖庭始。 旣而內人賜衣,復取於有司。 又後苑 辭甚切至。徙三司度支判官,再 自

令數變則虧 作製玳瑁器,索龜筒於市。龜筒,禁物也,民間不得有,而索不已。上絳皆論罷之。又言:「號 令皆由 中書、樞密,然後施行。」因進聖治箴五篇 [國體,利害偏聽則惑聰明。請者務欲各行,而守者患於不一。請罷內降,凡詔

以父憂去,服除,擢知制誥,判吏部流內銓、太常禮院。 吏部擬官,舊視職田有無,不問

多寡,以是不均。 絳爲覈其實,以多寡爲差,其有名而無實者皆不用,人以爲便。 初改判禮

院爲知禮儀事,自絳建請。

田 時其急,往往盜決堰墩,百姓苦之。 及民 至三萬頃。 ,濱堰築新土爲防,俗謂之墩者,大小又十數,歲數壞,輒調民增築。 使契丹,還,請知鄧州。 請復修之,可罷州人歲役,以水與民,未就而卒,年四十六。 距州百二十里,有美陽堰,引湍水溉公田。 絳按召信臣六門堰故迹,距城三里,壅水注鉗廬陂,溉 水來遠而少,利不 奸人蓄薪茭,以

子景初、景温、景平、景回。 教諸生,自遠而至者數百人。 絳以文學知名一時,爲人修潔醞藉,所至大興學舍,嘗請諸郡立學。 景平好學,著詩書傳說數十篇,終秘書丞。 好施宗族,喜賓客,以故,卒之日,家無餘貲。 景回 在河南修國子學, 早卒。 有文集五十卷。

降 通 判、 景温字師直。 知漣水軍。 中進士第,通判汝、莫二州,江東轉運判官。興宣城百丈好,議者以爲罪, 神宗初,知諫院邵亢直其前事,徙眞州,提點江西刑獄。 歷京西、淮南

運使。

安石 方惡蘇軾,景温劾軾向丁憂歸蜀,乘舟商販。 景温 平生未嘗仕中朝,王安石與之善,又景温妹嫁其弟安禮,乃驟擢爲侍御 朝廷下六路捕逮篙工、水師窮其事,訖無 史 知 、雜事。

列

傳第

云定當追 實。 蘇碩等論李定不持母服,景温察安石指,爲辨於前。 服 又言薛向不當得侍從, 王韶邊奏誣罔, 寖失安石意, 然獨以嘗助己, 但改直 已而事下臺,景温難違衆議,始

史館兼侍讀。 踰年,進陝西都轉運使,以不奉司農約束,改知鄧、襄、澶三州,加直龍圖閣,判將作監。 不敢拜,出知鄧州。

轉右諫議大夫、知潭州。 章惇開五溪,景温協力拓築,論功進官,召拜禮部侍郎。 復出知洪

州、應天府、瀛州。

妾之弟,醉歐市人。爲政若此,尙何惜而不加譴。」於是罷知蔡州 厚,遣十兵挈之入京。 王覿言:「瀛州妖婦李自稱事九仙聖母, 能與人通語言, 談禍福。 元祐初,進寶文閣直學士、知開封府。 數遣子慥至其處,補李壻爲小史,使出入官府,崇大聲勢,至縱嬖 未满歲, 御史中丞劉摯言其非撥煩吏。 景温在郡爲所惑,禮餉甚 右司 諫

惇用其說,徙知河陽,卒,年七十七。 相,景温言元祐大臣改先帝之政,并西夏人偃蹇終未順命,宜罷分畫,以馬跡所至爲境。 三年初,置權六曹尙書,以爲刑部。 劉安世復論之,改知鄆州,再歷永興軍。 時章惇爲

舉進士,知舉劉筠〔七〕奇所對策,擢第二。宋進士以策擢高第,自清臣始。授太常寺奉禮 郎、簽書蘇州觀察判官事。還爲光祿寺丞、集賢校理,通判太平州、知秀州。 葉清臣字道卿,蘇州長洲人。父參,終光祿卿。清臣幼敏異,好學善屬文。天聖二年, 入判三司戶部

勾院,改鹽鐵判官。

常丞,同修起居注,判三司鹽鐵勾院,進直史館 弟補 之喪;罷度僧;廢讀經一業;訓兵練將,愼出令,簡條約。 !學生;重縣令;諸科舉人取明大義,責以策問;省流外官,無得入仕; 上言九事:請遣使循行天下,知民疾苦,察吏能否;興太學,選置博士,許公卿大臣子 詞多不載。 出知宣州,累遷太 聽武臣終三年

熒惑犯南斗,治曆者相顧而駭。陛下憂勤庶政, 方夏泰寧, 而一歲之中, 災變仍見。 尊臣卑。易此則亂, 事,修道科,非所謂消復之實也。頃范仲淹、余靖以言事被黜,天下之人,齰舌不敢議朝政 下失民望、上戾天意者,故垂戒以啓迪淸衷。 五 日不止,壞廬寺,殺人畜,凡十之六。大河之東,彌千五百里而及都下,誠大異也。 是多,京師地震,上疏曰:「天以陽動,君之道也; 地以陰靜,臣之道也。 願陛下深自咎責,許延忠直敢言之士,庶幾明威降鑒,而善應來集也。」書奏 地爲之震。乃十二月二日丙夜,京師地震,移刻而止, 而陛下泰然不以爲異,徒使內侍走四方,治佛 定襄同日震,至 天動地靜,主 必有 屬者

臣

數日,仲淹等皆得近徙。

太湖 有民田,豪右據上游,水不得泄,而民不敢訴。 會韶求直言,清臣 . 復上疏言大臣專政,仁宗嘉納之。 **嘗建請疏盤龍匯、滬瀆港入于海,民賴** 清臣請外,為兩浙轉運副使。 並

其利。以右正言知制誥,知審官院,判國子監。

重兵。 泰然自處,則後日視今,猶今之視前也。」 以孜孜憂大瓠之穿也。今羌戎稍却,變詐亡窮,豈宜乘卽時之小安,忘前日之大辱?又將 資糧不充,窮年畜兵,了不足用,連監牧馬,未幾已虛。 使蚩蚩之甿無所倚而安者,此臣所 腹內諸城,非可以計術守也。自元昊僭竊,因循至于延州之寇,中間一歲矣。 時 舉西北二垂觀之,若濩落大瓠,外示雄壯,其中空洞,了無一物。 陝西用兵,上言:「當今將不素蓄,兵不素練,財無久積。 小有邊警,外無驍將, 脫不幸戎馬猖突, 而屯 戍無術, 內無

守懃 思倉卒之言,一旦爲人所發,則禍在不測。遂反覆前議,移過於人,先爲奏陳,冀望取信。 對范雍號泣,謀遣李康伯見元昊,爲偷生之計。計用章以爲事急,不若退保鄜州,李康伯遂 有『死難,不可出城見賊』之語。 游說,朝廷議薄守懃罪,而流用章嶺南。清臣上疏曰:「臣聞衆議,延州之圍,盧守懃首 元昊圍延州, 旣解去, 鈴轄內侍盧守懃與通判計用章更訟于朝。 時內侍用事者, 多爲 自元昊退,守懃懼金明之失、二將之沒,朝廷歸罪邊將;又

輕,望詔彥博鞫正其獄。苟用章之狀果虛,守懃之罪果白,用章更寘重科,物論亦允。 望 輕起大獄 曲 正 不容?設用章有退保之言,止坐畏懦;而守懃謀見賊之行,乃是歸款。二者之責,孰重孰 |不出,恣縱羌賊,破一縣, 直 如黄德和誣奏劉平,欲免退走之罪。 ,而遽罪用章、康伯,特赦守懃。 臣觀前 上,魏尚、陳湯雖有功,尙不免削爵,罰作案驗吏士。 擒二將。 此必有議者結中人、感聖聽,以爲方當用師邊陲,不可 大罪未戮,又自蔽其過, 尋聞計用章亦疏斥守懃事狀,詔文彥博置劾,未分 矯誣上奏,此而 何况 擁 不按, 兵自固,觀 何罪

偏聽一辭,以虧王道無黨之義。」其後獄具,守懃纔降湖北兵馬都監。

清臣 擢爲起居舍人、龍圖閣學士、權三司使公事。 興軍,浚三白渠,溉田踰六千頃 除翰林侍讀學士、知邠州。 司、勾當三班院。 一切删去。 與宋庠、鄭戩雅相善,爲呂夷簡所惡,出知江寧府。 時 ·西師未解,急於經費,中書進擬三司使,清臣初不在選中。帝曰:「葉清臣才可用。」 內東門、御廚皆內侍領之,凡所呼索,有司不敢問,乃爲合同以檢其出入。 丁父憂,言者以淸臣爲知兵,請起守邊。及服除,宰相陳執中素不悅之,卽 道由京師,因請對,改澶州,進尙書戶部郞中、知青州。 始奏編前後詔敕,使吏不能欺,簿帳之叢冗 踰年,入翰林爲學士,知通進銀臺 徙知永

仁宗御天章閣,召公卿,出手詔問當世急務。 列 傳 第 五 + 四 莱 淸 臣 清臣聞之,爲條對,極論時政闕失,其言

中畜 宮闡 是長奔競也。」其他所列利害甚衆。 轉運使,所至苛虐,誅剝百姓,徒配無辜,特以宰相故舊,不次拔擢,遂有河北之行。 取 止 而 天子耳目,今則不然,盡爲宰相肘腋。 多 一競 街 鄭 足; 唱和,爲之先容。 「犬設棘,以爲守衞。 小 談 踵 切 事,卽 宰相 此 巷言,以資耳目; 權 貴 風,出入權要之家,時有『三尸』、『五鬼』之號。 用險佞之士,則貪榮冒進,激成 極言過當,用爲訐直。 且 日 :「陛下欲息奔競,此繫中書。 中書政令不平,賞罰 出 削弱朝體,取笑四夷,不加訶譴, 「則竊廟謨朝論 供職未逾歲時,遷擢已加常等。 宰相所惡,則捃以微瑕, 不當,則箝口結舌,未嘗敢言。 ,以驚流輩。 (渾波。 若宰相裁抑奔競之流, 向 有 職在管庫, 乃列館職,或置省曹。 旦皆擢 擢為諫官。 公行擊搏; 職司, 日趨 宋禧爲御史,勸陛下宮 王達 。人主纖微過差, 以酬 走時 則風 宰相 兩爲湖南、江西 植 所 俗惇厚, 之門。 且臺諫 任。 所善, 比 官 則 日 知

臣 .所除,止言「權使」,自是分三等焉。 便殿,訪近臣以備邊之策。 會 河決商胡,北道艱食,復以爲翰林學士、權三司使。 清臣上對,略日 以戶部 副使向傳式不職,奏請出之。 舊制,有三司使、權使公事,而清 皇祐元年春,帝

相大臣,不得其人,不能爲陛下張威德而攘四夷乎? 臨御天下,二十八年,未嘗一日自暇自逸。 而 昔王商在廷,單于不敢仰視。 西夏、契丹頻歲爲患者,豈非將 到

疑大國之有人,藏奸計而未發。 都臨代,匈奴不敢犯邊。今內則輔相寡謀,綱紀不振,外則兵不素練,將不素蓄。此外 寇得以內侮也。 慶曆初,劉六符來,執政無術略,不能折衝罇俎,以破其謀。 既見表裏,遂肆陸梁。 只煩一介之使,坐致二十萬物, 六符初亦

永匱膏血,以奉腥羶。此有識之士,所以爲國長太息也。

無求。 我助,奸盟違約,不亦甚乎。若使辯捷之人,判其曲直,要之一戰,以破其謀,我直彼 擊首尾,若不就禽,亦且大敗矣。 入,其能久居?旣無所因之糧,則亟當遁去。然後選擇聽勇,遏絕歸師,設伏出奇,邀 曲,豈不憚服。 今韶問:「北使詣闕,以伐西戎爲名,卽有邀求,何以答之。」臣聞誓書所載,彼此 況元昊叛邊,累年致討,契丹坐觀金鼓之出,豈有毫髮之助?今彼國出師,輒求 荷不知咎,或肆侵陵,方河朔災傷之餘,野無廬舍,我堅壁自守,縱令深

莫如孫沔。 范仲淹。 者,莫如韓琦。臨大事能斷者,莫如田況。 人, 患有人而不能用爾。今輔翊之臣, 抱忠義之深者, 莫如富弼。爲社稷之固者, 莫如 詔問:「輔翊之能,方面之才,與夫帥領偏裨,當今孰可以任此者。」臣以爲不患無 語古今故事者,莫如夏竦。 至於帥領偏裨,貴能坐運籌策,不必親當矢石,王德用素有威名,范仲淹 議論之敏者,莫如鄭戩。方面之才,嚴重有紀律 剛果無顧避者,莫如劉渙。宏達有方略者,

列 傳

第

五

+

匹

薬 凊 臣

深練 **儻有膽勇,劉貽孫材武剛斷,王德基純慤勁勇,此可補偏裨者也。** 軍 政 ,龐籍久經邊任,皆其選也。 狄青、范全頗能馭衆,蔣偕沉毅有術略, 張亢倜

獲寬弛 我,緩急不以爲備,則臣不知其所爲也。 異議,仲春尙未與奪,財賦何緣得豐?先朝置內帑,本備非常。 事,一與賈昌朝違戾,遂被移徙,軍儲何由不乏?自去年秋八月,計度市糴,而昌朝執 觀察使便占留後之封,倖門日開,賜予無藝。若令有司執守,率循舊規,庶幾物力亦 德音及此,天下之福也。比日多以卑官躐請厚奉,或身爲內供奉而有遙刺之給,或爲 均萬數,豪民詿誤,使得入粟;以免杖笞,必能速辦。 固已不咎,來者又復不追,臣未見其可也。 詔謂:「朔方災傷,軍儲缺乏。」此則三司失計置,轉運使不舉職,固非一日。 '至如粒食之重,轉徙爲難,莫若重立爵等,少 且如施昌言承久弊之政,方欲竭思慮、辦職 夫能儉嗇以省費, 漸致於從容。 。今爲主者之吝,自分彼 旣往

歲費錢百 如此,則坐致戰馬二十萬匹,不爲難矣。 賦馬於河 詔 問:「戰馬乏絕,何策可使足用?」臣前在三司,嘗陳監牧之弊,占良田九萬餘頃, 北、河東、 萬 緡。 天開之數,纔三四萬,急有征調,一不可用。今欲不費而馬立辦,莫若 陝西、京東 西五路。 上戶一馬,中戶二戶一馬,養馬者復其一丁。

邊 糴 時清臣以河北乏兵食,自汴漕米繇河陰輸北道者七十餘萬;又請發大名庫錢, 而安撫使賈昌朝格詔不從,清臣固爭,且疏其跋扈不臣。宰相方欲兩中之,乃徙昌 ,以佐

|朝鄭州,罷淸臣爲侍讀學士、知河陽。 卒,贈左諫議大夫。

殿前 要、五利,皆當世可行者。有文集一百六十卷。子均,爲集賢校理。 女,當優之。」清臣曰:「是終爲徼幸。」遂卷其奏置懷中,不行。數上書論天下事,陳九議、十 ·副都指揮使,妻以不加封,請增月給,清臣執奏不可。|仁宗曰:「承祐管軍,妻又諸王 清臣天資爽邁,遇事敢行,奏對無所屈。郭承祐妻舒王元偁女,封郡主,給奉; 及承祐爲

簡,仕眞宗時,至尙書都官員外郞,嘗官廬州,遂爲合肥人。 楊察字隱甫。其先晉人,從唐僖宗入蜀,家于成都。 至其祖鈞,始從孟昶歸朝。 鈞生居

使。 議之,察曰:「此按察職也,苟掎拾羨餘,則俗吏之能,何必我哉!」召爲右正言、知制誥,權 院,出知潁、壽二州,入爲開封府推官,判三司鹽鐵、度支勾院,修起居注, 屬更以察年少,易之。 居簡生際,景祐元年,舉進士甲科,除將作監丞、通判宿州。 及行部,數擿奸隱,衆始畏伏。 察在部,專以舉官爲急務。 遷秘書省著作郎、直集賢 歷江南 東路轉運

列傳

宋

判 八禮部貢 潰, 則 奔競復起。 時上 封者請罷有司糊名考士,及變文格,使爲放軼以襲唐體。 且文無今昔,惟以體要爲宗,若肆其澶漫,亦非唐氏科選之法。」前議 察以謂:「防禁

遂

緊朝廷采擇。 所遺。」御史何郯以論事不得實,中書問狀。 開 糾 不法,必得通古今治亂良直之臣。今舉格太密,公坐細故,皆置不取,恐英偉之士,或有 封府、擢右諫議大夫、權御史中丞。 晏殊執政,以妻父嫌,換龍圖閣待制。 今以疑似之間,遽被詰問,臣恐臺諫官畏罪緘默,非所以廣言路也。」 論事 無所避。 母憂去職,服除,復爲知制誥,拜翰林學士、權 察又言:「御史,故事許風聞; 會詔舉御史,建言:「臺屬供奉殿中, 縱所言不當, 知

殿學士、知益州。 罪, 雖去官,猶罷 又 《數以言事忤宰相陳執中。 知信州。 再遷禮 部侍郎,復權 徙揚州,復爲翰林侍讀學士,又兼龍圖閣學士、 未幾,三司戶部判官楊儀以請求貶官,察坐前 知開封府,復爲 翰林學士、權三 司 使。 知 永興軍 在府失出答 一, 加 端明

由 餌 鍾乳 是 之七罷 內 過 劑 三司,乃遷 病病 癰卒。 戶部侍 贈 禮部尙書,諡 愈兼三學士,提舉集禧觀, 有獄,辭 宣 懿 連衞 士,皇城 司不卽遣,而 進 承旨。 踰年, 有詔移開封府鞫 復以本官充三司使。 之。

察美風儀。 幼孤,七歲始能言,母頗知書,嘗自敎之。 敏於屬文, 其爲制誥, 初若不用

意 對,商畫財利,歸而大頓,人以爲用神太竭云。有文集二十卷。 ,及稿成,皆雅緻有體,當世稱之。 弟寘,舉進士第一,通判潤州,以母憂不赴,毀瘠而卒。時人傷之。 遇事明决,勤於吏職,雖多益喜不厭。 無子,以兄子庶爲嗣。 癰方作, 猶入

從,立朝謇謇,無所附麗,爲一時名臣。豈非出於上之所自擢,故奮勵不撓,以圖報稱哉? 出。尹洙崎嶇兵間,亦頗論天下之事。孫甫馳騁言路,咸以文學、方正知名。 尤爲儒林所宗。 自西陲用兵,關中困擾,天子憫勞元元,奮然欲因羣材以更內外之治,于時俊傑輩 論曰:當仁宗在位時,宋興且百年,海內嘉靖,上下安佚。然法制日以玩弛,徼倖之弊 朝廷方欲倚用之,不幸死矣。 最後,清臣、察繇進士高等, 不數年致位侍 絳文詞議論,

校勘記

伊陽縣 「陽」原作「楊」。據歐陽修歐陽文忠公文集卷二八尹師魯墓誌銘、尹洙河南先生文集卷

二八韓琦撰尹師魯墓表改。

3 述享 原作「迷亨」。按河南先生文集卷二載有此議,題爲述享,據改。

傳第五十四 校勘記

列

宋

九八五八

甫因言樞密使副當得罪 所責者爲樞密院,並非獨言「樞密副使當得罪」;下文:「使,乃杜衍也。」亦可證。 「使副」 原作「副使」。 按會鞏南豐先生元豐類稿卷四七孫甫行狀, 東都事略卷六 甫

四孫甫傳作「樞密使副」,據改。

河東轉運使 「河東」原作「江東」, 據南豐先生元豐類稿卷四七孫甫行狀、歐陽文忠公文集卷

三三孫甫墓誌銘改。

公 至 絳陳詩白華引申后褒姒事 圖書簑廣 「圖」原作「國」, 以諷 據東都事略卷六四本傳改。

詩白華 引申后、褒姒事以爲戒」。王安石臨川先生文集卷九〇謝絳行狀作「稱詩白華以諷」。「陳」 「陳」原在「白」下。按歐陽文忠公文集卷二六謝絳墓誌銘 作用

字應置「詩白」前。據改。

(十) 劉筠 原作「劉均」,據本書卷三〇五劉筠傳、宋會要選舉三之一四改。

宋史卷二百九十六

列傳第五十五

韓丕 師頏 呂祐之 張茂直 潘愼修 梁顥 杜鎬 子固 查道 從兄陶 楊徽之 楊澈 呂文仲

氏。 都,劉熙古延置門下,掌書奏,以孫女妻之。 甚貧,處之晏如。年長,始學文。開寶中,鄭牧知文州,與之偕行,遂薄遊兩川。 不幼孤貧,有志操,讀書于驪山、嵩陽,通周易、禮記,爲人講說。常有山林之志,家雖 韓丕字太簡,華州鄭人。父杲,晉開運中,爲曲陽主簿,契丹攻城,陷沒焉。 及牧知成 母改適他

緋魚。 解褐大理評事、通判衡州。 太平興國三年舉進士,聲名籍甚,公卿多薦之者。嘗著孟母碑、返魯頌,人多諷誦之。 未幾,改左拾遺。 八年,遷職方員外郎、知制誥。 石熙載薦其文行,代還,以文學試中書,擢著作佐郎、直史館,賜 雅熙初, 加虞部郞中。 二年,與賈

列

傳第五

十五

韓

丕

師旗

九八五九

黄中、 申以諧謔,丕不能平。 徐鉉同知 貢 學。 |丕| 又舍人王祐以前輩負氣,每陵轢面折之。 思艱澀,及典書命,傷於稽緩。 宰相宋琪性編急,常加督責,或 不乃表求外郡,出知號州,

就改職方郎中。

端拱初,拜右諫議大夫,賜金紫,知河陽、濠州

還,充史館修撰,又出知滁州,就加禮部。 終以遲鈍不敏於用。俄罷職,充集賢殿修撰、知均州。 丕 [起寒素,以沖澹自處,不奔競於名宦,太宗甚嘉重之。淳化二年,召入爲翰林學士, 大中祥符二年,卒。 就遷給事中、工部侍郎,徙金州。

|丕純厚畏愼,似不能言者。 歷典州郡,雖不優於吏事,能以淸介自持,時稱其長者云。

授乾州 公累去官,復爲殿中侍御史,知資、眉二州。 頗所至,以簡靜爲治,閩人便之。 代還,遷侍御 轉運判官,就改著作佐郎。秩滿,遷監察御史、通判永興軍府。坐秦王廷美假公帑緡錢,左 官,以疾解,久不赴調。開寶中,復爲解州推官。太平興國初,召還,遷大理寺丞、陝西河 師頗字霄遠,大名內黃人。父均,後唐長興二年進士,終永興節度判官, 團練副使,尋復舊官。六年,改殿中侍御史、通判邠州。 徙知簡州,轉起居舍人。以 因家關右

史、知安州,賜緡錢二十萬。移朗州,超拜工部郎中,命知陝州,賜金紫。

年,召入翰林爲學士。 上益嘉之。翌日,命以本官知制誥,兼史館修撰。咸平二年,與温仲舒、張詠同知貢舉。 郎中,未幾召還。」眞宗以其舊人,素負才望,而久次于外,累召對,詢其文章。」頗謙遜自晦, 時西鄙用兵,餫道所出,軍士多亡命,嘯聚山林爲盜。頑嚴其巡捕,盜越他境。改刑部 五年,復與陳恕同典貢部,又知審官院、通進銀臺封駮司。俄卒,年 明

博士;仲宰,國子博士;仲說,殿中丞。 有集十卷。 子三人:仲回,端拱元年進士及第,至太常

詔遣官護葬,給其子仲回秘書丞奉終喪。

頸血所汚,可先斷之。」茂直許焉。 城,驅之守陴。 張茂直字林宗,兗州瑕丘人。父延昇,以經術敎授鄉里。 及周師破敵,擁城守者列坐,將斬之。 刃未及髮,會得釋。 有卒挾刃謂茂直曰:「汝髮甚鬒,惜爲 後勵志於學。 茂直方弱冠,慕容彥超據州

官, 開寶中,州將器其爲人,首薦之,且給錢五萬,以助其裝。 進司農寺丞、 通判泰州。 爲轉運使韋務昇誣奏,徙監梓州富國監。 二年,登進士第,解褐海州推 代還,自陳得雪,

列

第五

+

Ŧ.

張茂直

粱

顥

復通 判靜安軍。 軍不領縣,城闉之外,即深州之下博,茂直奏割下博隸焉。 進秩著作佐郎。

九八六二

扈蒙薦其才,改秘書丞。

爲記室參軍。 會福州民訟田,命茂直按之,將行,留不遣。 王好學,多爲詩什,遇茂直甚厚。 雖受時果之賜,亦分餉焉。王嘗遣使徵詩, 參知政事李至稱其端實,命入益王元傑府

茂直援筆而就,甚稱賞之。

輩相繼知制誥。 昂 並在諸王府,每預宴集,屢因酬唱識其名。 端拱元年,召對,賜金紫。數日,改度支員外郎,三遷本曹郎中。 茂直旣入西閣,會元傑生旦,遣持禮幣爲賜,復至舊府,時人榮之。 即位,選用舊臣,得茂直及昂,與梁周翰、師頗 眞宗居藩時,茂直與朱

七十五。子成列,端拱二年進士及第,成務,比部員外郎。 茂直淳至寡言,晚年多疾,才思梗澀不稱職。改秘書少監,出知潁州。咸平四年,卒,年

解拒之不答。
顧發憤讀書,不期月,復有所質,禹偁大加器賞。
初舉進士,不中第,留闕下。 度判官。父文度早世,顯養於叔父。王禹偁始與鄉貢,顯依以爲學,嘗以疑義質于禹偁,禹 梁顥字太素,鄆州須城人。曾祖涓,成武主簿。祖惟忠,以明經歷佐使府,至天平軍節

科之選,逾四十等。當時秉筆之士,彬彬翔集,表著所以。 臣 [歷觀史籍,唐氏之御天下也,列聖間出,人文闡燿,尙且渴於共治,旁求多彥,設 左右前後,有忠有良,導化

原、樹治本者,享三百年,得人之由也。

妄進,濫廁科場者,間亦有之。 林,趨選者如雲。 貢於諸侯,考於春官,陛下躬臨愼擇,必盡至公。 奈何所取不出於詩 賦、策論,簡於心者援而陟之,咈於心者推而黜之,寧無濫陟枉黜之失耶?其間關茸 五代不競,茲制日淪。 國家興儒,追風三代。方今科名之設,俊造畢臻,秉筆者如

論。蓋聖人在上,則內君子而外小人。若薰蕕同器,甚非所以正人倫、厚風俗也。况丘 得失、生民之休戚、賢愚之用舍,庶幾有益於治,不特詩賦、論策之小技,以應有司之 園之下,豈無宏才茂德之士。陛下誠能設科以擢異等之士,俾陳古今之治亂、君臣之 若日陛下嘉惠孤寒沉滯之士,罔計賢否,悉拔而登之,一視同仁。臣竊謂此非確

疏上,不報。

求而已。

雍熙二年,復舉進士,廷試,方禹中獻賦。 太宗召升殿,詢其門第,賜甲科,解褐大名府

令赴職,改右司諫。 還,遷殿中丞。頃之,復直史館,歷開封府推官、三司關西道判官,轉太常博士。 觀察推官 昌言入掌樞密, 四年,與梁湛並召爲右拾遺、直史館,賜緋。 會翟馬周事,顥坐貶號州司戶參軍。 判鼓司、登聞院。 起知魚臺縣, 就加大 顯在大名佐趙昌 丁內艱,起

楊勵 、李若拙、朱台符同知貢舉。 眞宗初,韶羣臣言事 ,顯時使陝西,途中作聽政箴以獻。 時韶錢若水重修太祖實錄,表願參其事, 還爲度支判官。 又同修起居注。 咸平元. 年,與

扈蹕大名,詔訪羣臣邊事,顯上疏曰:

敵逐 益時 法日:「罰之不行,譬如驕 退。 '者,雖讎必賞; 臣聞自古用兵之道,在乎明賞 以此 言之,兵法不 犯法敗 湯子之不 可 事 不正 者, 可用。」又曰:「善爲將 雖親 也 罰而已。 必罰。」故孫武斬隊長而兵皆整, 然而賞不可以獨任,罰不 者, 威振 敵 國 令行 可以少 穰苴斬監 失。 軍。 軍而 故兵 虚

不用。 臘 妖 而 未 不戮,則何以恢用兵之略。 昨 ,鑾輅親征, 以至蕃馬南 者命將出師,乘秋備塞,而傅潛奉明詔,握重兵,逗撓無謀,守陴翫 牧,邊 此所謂以賊遺君父者也。 塵畫驚, 以軍法論之,固合斬潛以狗軍中,降詔以示天下。 河朔之民,流移失所, 乃或赦而 不問, 魏博以北,蹂賤一空。 則何以謝橫死之民; 寇,老精兵於 遂至殘

則協前古之典章,戒後來之將帥,然后擇邊臣之可用者,就委用之。

寇攘。 望,交相救應。 爲游騎,不齎軍糧,隨逐水草,遇敵則殺,當時以爲得策。 甲援救。 水草以爲利,往復扞禦。不令入郡邑,不許聚處,遇有寇兵,隨時掩捕。 但擇其武勇謀略素爲衆所推服者,取十人焉。 自衞,遠於斥候,未嘗遇害,而廣終爲名將,士卒樂用。 臣嘗讀漢史,李廣之屯兵行師也,無部伍行陣,就善水草,人人自便,不擊刁斗以 雖匪良籌,且殊膠柱。 如此,則乘城者不堅閉壘門,免坐觀於勝負;捍邊者不苟依郡郭,可行備於 **緣邊州郡守城兵帥,即堅壁以待之。遇游騎近城,掩殺邊寇,內量** 人付騎士五十,器甲完備,輕齎糧糗,逐 又唐高祖之備北 願於邊將中,不以名位高卑, 邊也,選勁兵 仍令烽候相 出兵

時論頗稱之。

三年,與李宗諤、趙安仁並命知制誥,賜金紫。 韓國華判大理,以斷刑失中,乃選顥以代之。四年,張齊賢使關右安撫,以顥爲之 是年冬,王均平,命爲峽路安撫使。

多,以河北饑盜,命與映分爲東、西路巡檢使。 願有吏才,每進對,詞辯明敏,真宗嘉賞之。 凡羣臣上封者,悉付顯洎薛映(1)詳閱可 還,拜右諫議大夫,充戶部使。 會罷三

列

傳

第

五

十五

梁顥

楊徽之

部使,以顥爲翰林學士同知審官院、三班。景德元年,權知開封。

十二回。上甚軫惻,賜贈加等。所著文集十五卷。 |顏美風麥,強力少疾,閨門雍睦。 與人交久而無改,士大夫多之。 六月,暴病卒,年九 子固、述、適。適相仁宗,別有傳。

同 登聞院讓前命,願赴鄉舉,許之。大中祥符元年,舉服勤詞學科,擢甲第。 撫其曠闕之狀,屢請對條奏。 1判密州,就遷著作佐郎。 固字仲堅。 爲 人 有集十卷。 氣調俊爽,善與人交,疏財慷慨,尙氣義,明於吏道。 幼有志節,嘗著漢春秋,顯器賞之。初,以顯遺蔭,賜進士出身。 歸朝,改著作郎、直史館,賜緋。 嘗詔鞠獄,時稱平審。 天禧大禮成,奏頌甚工。 歷戶部判官、判戶 馬元方領三司,臨 解褐將作監丞、 部勾 無幾卒,年三 事 服闋,詣 麤 率,固

城令。 潯陽廬山,時李氏據有江表,乃潛服至汴、洛,以文投竇儀、王朴,深賞遇之。 楊徽之字仲猷,建州浦城人。祖郜,仕閩爲義軍校。 徽之幼刻苦爲學,邑人江文蔚善賦,江爲能詩,徽之與之遊從,遂與齊名。 家世尙武,父澄獨折節爲儒,終浦 嘗肄業於

與李覃、何曮、趙隣幾中選。 周 顯德中,舉進士,劉温叟知貢部,中 解褐校書郎、集賢校理。 一甲科。 同時登第者十六人,世宗命覆試,惟徽之 宰相范質深器重之。 歷著作佐郎、右

拾遺。竇嚴纂禮樂書,徽之預焉。

嘗屬疾,造尙醫診療,賜錢三十萬。轉庫部員外郎,賜金紫,判南曹,同知京朝官差遣。會 還。太宗素聞其詩名,因索所著。徽之以數百篇奏御,且獻詩爲謝,其卒章有「十年流落今 宋白宰玉津,多以吟詠酬答。復爲著作佐郎、知全州,就遷左拾遺、右補闕。太平興國初,代 兵二部郎中。獻雍熙詞,上賡其韻以賜。 詔李昉等采緝前代文字,類爲文苑英華,以徽之精於風雅,分命編詩,爲百八十卷。歷遷刑、 何幸,叨遇君王問姓名」語。」太宗覽之稱賞,自是聖製多以別本爲賜。遷侍御史、權判刑部。 乾德初,與鄭旺並出爲天興令,府帥王彥超素知其名,待以賓禮。 蜀平,移峨眉令。

道,亦已至矣。 繇內及外之道 鴻 端 且京師四方之會,太學首善之地。 ·,闡揚文治,廢墜修舉,儒學嚮臻,乃至周嚴野以聘隱淪,盛科選以來才彥,取士之 |拱初,拜左諫議大夫,出知許州。入判史館事,加修撰。 也。 然擅文章者多超遷,明經業者罕殊用,向非振舉,曷勸專勤,師法不傳,祖述 伏望濬發明韶,博求通經之士,簡之朝著,拔自草萊,增置員數,分教胄 今五經博士,並闕其員,非所以崇教化、獎人材、 因次對上言, 曰:「自陛下嗣

列傳第五

十五.

矣。」未幾,改判集賢院。嘗詔預觀燈乾元樓,上嘉其精力不衰。 子,隨其所業,授以本官, 廩稍且優, 旌別斯在。淹貫之士, 旣蒙厚賞, 則天下善類知所勸 無使唐、漢專稱得人。」太宗嘉納之,顧謂宰相曰:「徽之儒雅,操履無玷,置於館閣宜

通判朗州。 遣熙構飛語中傷已,遂白上。上怒,召昌言質其語。 者,與昌言厚善,詣徽之,徽之語次及之。熙遽以告昌言,昌言以告洎。 使(三),欲傾昌言代之,嘗謂徽之曰:「上遇張洎、錢若水甚厚,旦夕將大用。」有直史館錢熙 時劉 ?昌言拔自下位,不踰時參掌機務,懼無以厭人望,常求自安之計。 徽之未行,改鎭安軍行軍司馬。 出徽之爲山南東道行軍司馬,熙落職 泊方固寵,謂徽之 董嚴爲右計

秋,特置翰林侍讀學士,命與夏侯嶠、呂文仲並爲之,賜宴秘閣,且褒以詩。 職,改兵部,仍兼秘書監。 位,拜工 輔導意。 真宗尹京,妙選僚佐,驛召爲左諫議大夫,與畢士安並充開封府判官,召對便殿, 部侍郎、樞密直學士,俄兼秘書監。 東宮建屬,以徽之兼左庶子。 入謝,命坐,勞之曰:「圖書之府,淸淨無事,俾卿得以養性也。」是 嘗出巡田,眞宗作詩言懷,因以寄之。 咸平初, 加禮部侍郎。 二年春, 以衰 遷給事 疾求解近 中。 諭以 卽

力疾辭於苑中。 未幾,以足疾請告,上取名藥以賜。 上顧謂曰:「卿勉進醫藥,比見,當不久也。」及駐蹕大名,特降手詔存諭 郊祀不及扈從,錫賚如侍祠之例。 車駕北巡,徽之

明 7年春正月,車駕還,又遣使臨問。 卒,年八十。 贈兵部尚書,賜其家錢五十萬,絹五百匹。

錄其外孫宋綬太常寺太祝,姪孫偃、集並同學究出身。

位, 家,上令夏侯嶠取之以進。 室以來士族人物,悉能詳記。 石熙載、李穆、賈黃中爲文義友。 使後輩務習趨競,禮俗寖薄。」世謂其知言。 徽之純厚清介,守規矩,尙名教,尤疾非道以干進者。 徽之無子。 酷好吟詠,每對客論詩,終日忘倦。 自爲與官、御史,朝廷即待以舊德。 後徽之妻王卒,及葬,復以緡帛賜其家。 徽之寡諧於俗,唯李昉、王祐深所推服, 嘗言:「温仲舒、寇準用搏擊取貴 旣沒, 善談論,多識 有集二十卷留於 典故,唐 賏

急。 異之。 佐使幕。 澈部徒數千,徑大澤中,多蘆葦,令采刈爲筏,順流而下。 澈字晏如,徽之宗人也,世家建陽。 年十六,思進爲鎭趙從事 澈幼聰警,七歲讀春秋左氏傳,即曉大義。 ,會昭慶令缺,使府命澈假其任。 父思進,晉天福中北渡海,因家於青州之北海,累 周宰相李穀召令默誦,一無遺誤,穀 既至,執事者訝以後期,俄而 時河決鄰郡, 府督役甚 甚

青州 建隆 司戶參軍。 一初,舉進士,時竇儀典貢部,謂澈文詞敏速, 知州張全操多不法,澈鞫獄平允,無所阿畏。 可當書檄之任。 太祖知其名,召試禁中,改著 調補河內主簿,再遷

列

傳

第五十

五

楊徽

之

呂

文仲

葦筏繼至,

竅而問之,

澈以狀對,

乃更嗟賞。

作佐郎,出知渠州。 五 兵自固 百 人爲一 ,澈單騎直趨其壘,諭以朝廷威信,再興卽奉符以代。 綱, 部送京師。 江南平,改通判虚州,令就大將曹彬分兵以行。 土豪黎、羅二姓,聚衆依山謀亂,澈率兵平之,擒二豪,械送闕 澈悉料城中軍士之勇壯者,凡 旣入境,僞帥郭再興擁

淄州,又知舒州,累轉祠部郎中。 加度支郎中。 遷右贊善大夫、知淄州。 事親以孝聞,求便侍養,徙同判靑州。 咸平初,遴選王府僚佐,以潵為雅王府記室參軍,賜金紫, 三遷祠部員外郎,復知

子巒,淳化進士,職方員外郎。 感疾,及薨,又得閨門殘忍之狀,坐輔導不善免官。 景德初,車駕幸澶淵,王爲東京留守,澈遷兵部郎中,充留守判官。 未幾,起爲祠部郎中。卒,年七十四。 軍巡囚逸, 王驚而

呂文仲字子臧,歙州新安人。父裕,偽唐歙州錄事參軍。 文仲在江左、舉進士、調補臨

川尉,再遷大理評事,掌宗室書奏。

入朝,授太常寺太祝,稍遷少府監丞。 預修太平御覽、廣記、 文苑英華, 改著作佐郎。

葛湍 繼又令讀江海賦,皆有賜賚。 太平興國中,上每御便殿觀古碑刻,輒召文仲與舒雅、杜鎬、吳淑讀之。 亦直禁中,太宗暇日,每從容問文仲以書史、著以筆法、湍以字學。 以本官充翰林侍讀,寓直御書院,與侍書王著更宿。 雍熙初, 文仲遷著 嘗令文仲讀文選, 時書學

作佐郎,副王著使高麗。

復命改左正言,巡撫福建。未幾,賜金紫,加左諫議大夫。

六年,授御史中丞。 平三年,拜工部郎中,充翰林侍讀學士,受詔集太宗歌詩爲三十卷,詔書加獎,又知審刑院。 軸,詔模刻于石。遷起居舍人、兵部員外郎、同判吏部銓,知銀臺通進封駁司、審官院。」咸 太宗知其由,復令直秘閣,踰月,再爲侍讀。 訟,下御史驗問。 變易舊法,訟其掊克者甚衆。 淳化中,與陳堯叟並兼關西巡撫使。 文仲所坐皆細事,而素巽懦,且恥與保吉辯對,因自誣伏,遂罷職。 文仲等具奏其實,太宗怒甚。 時內品方保吉專幹權酤,威制郡縣。 一日,召於崇政殿,讀上草書經史故實數十 。亟召保吉,將劾之,反爲保吉所 民疲吏擾, 旣 而

仲 狀,以陛下之慈仁,必不盡戮,不過廢棄而已。 黨庇邪?」文仲頓首曰:「中司之職,非徒繩 請對,言逮捕者衆,或在外郡,苟悉索之,慮動人聽。上曰:「卿執憲,當嫉惡如讎,豈公行 景德中,鞫曹州奸民趙諫獄。諫多與士大夫交遊,內出姓名七十餘人,令悉窮治。 糾愆違,亦當顧國家大體。 但籍其名,更察其爲人,置於冗散,或舉選對 今縱七十人悉得奸

傳第五十

ŦĹ

몸

文仲

王著

敭之日擯斥之,未爲晚也。」上從其言。三年,遷工部侍郎,復爲翰林侍讀學士。

文仲久居禁近,頗周密兢愼。一日早朝,暴得風疾,請告踰百日,詔續其奉。 明年,改

刑部侍郎,充集賢院學士,未幾卒,錄其子永爲奉禮郎。

者,必詢其出處。 文仲富詞學,器韻淹雅。其使高麗也,善於應對,清淨無所求,遠俗悅之。 然性頗齷齪,不爲時論所許。 有集十卷。 後有使高麗

從僖宗入蜀,遂爲成都人。 賁仕王建,爲雅州刺史。 父景瓌,萬州別駕 王著字知微,文仲同時人。自言唐相石泉公方慶之後,世家京兆渭南。 祖實,廣明中

|著善攻書,筆迹甚媚,頗有家法。||太宗以字書訛舛,欲令學士删定,少通習者。 著,僞蜀明經及第,歷平泉、百丈、永康主簿。 蜀平赴闕,授隆平主簿,凡十一年不代。 太平興國三

年,轉運使侯陟以著名聞,改衞寺丞、史館祗侯,委以詳定篇韻。六年,召見,賜緋,加著作

佐郎、翰林侍書與侍讀,更直于御書院。

示潛,潛曰:「未盡善也。」太宗臨學益勤,又以示潛,潛答如前。一仁睿詰其故,潛曰:「帝王始 太宗聽政之暇,嘗以觀書及筆法爲意,諸家字體,洞臻精妙。嘗令中使王仁睿持御札

攻書,或驟稱善,則不復留心矣。」久之,復以示害。潛曰:「功已至矣,非臣所能及。」其後眞

宗嘗對宰相語其事,且嘉潛之善於規益,於侍書待詔中亦無其比。 雍熙二年,遷左拾遺,使高麗。端拱初,加殿中侍御史。二年,與文仲同賜金紫。明年,

卒,特加赗賜,錄其子嗣復爲奉禮郎。

褐大理評事、通判洋州。 改右贊善大夫,出爲泰寧軍節度判官,移天雄軍。 貨沉之,卽止。復獻海外覃皇澤詩十九首,太宗嘉之,仍蠲其所貸。淳化初,判戶部勾院, 會分備三館職,以祐之與趙昂、安德裕並直昭文館。俄以本官知制誥,賜金紫,同知貢 史,决獄西蜀。還知見州,換右補闕、直史館、同判吏部南曹,遷起居舍人。 端拱中,副呂端使高麗,假內庫錢五十萬以辦裝。還,遇風濤,舟欲覆,祐之悉取所得 呂祐之字元吉,濟州鉅野人。父文贊,本州錄事參軍。祐之,太平興國初,舉進士,解 召拜殿中侍御

直史館。 未幾,復知制誥。太宗嘗閱班簿,擇近臣舉官,覩祐之姓名,宰相因言其前坐舉無

列

傳

第五十五

呂祐之

潘愼修

狀。上曰:「此正可令贖過矣。」卽取祐之焉。

侍 復 郎、翰林侍讀學士。 知襄州,移昇州 至道 初,拜右諫議大夫,賜金紫,知審官院。 歲餘,又典襄陽。 自置侍讀、侍講,甚艱其選,至是裁七人。 歸,掌吏部選事 出 知 , 襄州,徙壽州 知通 進、銀臺 祐之第其名氏, 司,與呂文仲 眞宗卽位,轉給 刻石于秘 並 拜 事 工 部

|祐之亦出爲集賢院學士,仍並遷刑部侍郎。 祐之純謹長者,不喜趨競,所至無顯譽,備顧問,不能 景德四年,卒,年六十一。 有所啓發。 會文仲以疾罷近職 有集三十卷。

閣

順修少以父任爲秘書省正字,累遷至水部郎中兼起居舍人。 潘愼 修字成德,泉州莆田縣人。父承祐,仕閩,後歸江南,仕李景,至刑部尚書致仕。

夫。 開寶末, 煜表求慎修掌記室,許之。 太祖嘉其得禮,遣中使慰諭,供帳牢餼悉加 吏督從鎰入賀。 王師征江南,李煜遣隨其弟從鎰入貢買宴錢,求緩兵。 慎修以爲國且亡,當待罪,何賀也? 自是每羣臣稱賀,從鎰 煜卒,改太常博士。 優給。 歷膳部、倉部、考功三員外,通判壽州, 煜歸朝,以愼修爲太子右贊善大 留館懷信驛。 旦夕捷 卽 奉表

知開封縣,又知湖、梓二州。

六十九。 月,擢爲右諫議大夫、翰林侍讀學士。 與直昭文館韓援使淮南巡撫,累遷倉部、考功二部郎中。 以獻。大抵謂:「棋之道在乎恬默,而取舍爲急。仁則能全,義則能守,禮則能變,智則能 俄同修起居注。 **兼**,信則能克。 淳化中,秘書監李至薦之,命以本官知直秘閣。 賻錢二十萬,絹一百匹。 君子知斯五者,庶幾可以言棋矣。」因舉十要以明其義,太宗覽而稱善。 景德初,上言衰老,求外任。 從幸澶州,遘寒疾,詔令肩輿先歸。 眞宗以儒雅宜留秘府,止聽解記注之職。數 愼修善弈棋,太宗屢召對弈,因作棋說 咸平中,又副邢昺爲兩浙巡撫 明年正月,卒,年

之,錄其子汝士爲大理評事,汝礪爲奉禮郎。令有司給舟載其柩歸洪州 慎修疾雖亟,精爽不亂,託陳彭年草遺奏,不爲諸子干澤,但以主恩未報爲恨。 上憫

實。 特前輩,待後進倨慢,人以此少之。有集五卷。 且言慎修温雅不忘本,得臣子之操,深嘉獎之。 真宗一日以問慎修,對曰:「煜或懵理若此, 慎修風度醞藉,博涉文史,多讀道書,善淸談。 何以享國十餘年? 當時士大夫與之遊者,咸推其素尚。 先是,江南舊臣多言李煜醫儒,事多過 一他日, 對宰相語及之, 然頗

汝士至工部員外郎,直集賢院。

列

傳第五

+

五.

潘愼修

杜鎬

官,嘗有子毀父畫像,爲旁親所訟, 杜鎬字文周,常州無錫人。 父昌業,南唐虞部員外郎。 疑其法不能决。 鎬曰:「僧道毀天尊、佛像,可比 編幼好學,博 貫經史。 兄爲法 也。」兄

甚奇之。舉明經,解褐集賢校理,入直澄心堂

祕閣校 籍,虞部郎中印,事畢,賜金紫,改直秘閣。 嘗召問天寶梨園事, 數奏詳悉。 漢賜與悉用黃金,而近代爲難得之貨,何也?」鎬曰:「當是時,佛事未興, 于上, 卽罷 將 祀 南郊,彗星見,宰相趙普召鎬問之。鎬曰:「當祭而 江南平,授千乘縣主簿。太宗卽位,江左舊儒多薦其能,改國子監丞、崇文院檢討。 理。 其禮。 太宗觀書祕閣,詢鎬經義,進對稱旨,即日改虞部員外郎,加賜 翌日,遷著作佐郎,改太子左贊善大夫,賜緋魚。 再遷駕部員外郎,判太常禮院,與朱昂、劉承珪編次館閣 會修太祖實錄,命鎬檢討故事,以備訪問。 日 食,猶廢;况謫見如此乎?」普言 歷殿中丞、國子博士,加 金帛。 故金價甚賤。」又 又問:「西 會

中鼓吹之禮,時寫先還備儀仗,命馳騎問之。寫以武王載木主伐尉,前歌後舞爲對。 册府元龜,改司封郎中。 景德初,置龍圖閣待制,因以命錫鎬,加都官郎中。從幸澶淵,遇懿德皇后忌日, 四年,拜右諫議大夫、龍圖閣直學士,賜襲衣、金帶,班在樞密直學 預修 疑

土下。 時特置此職、儒者榮之。

職。上日,賜宴秘閣,上作詩賜之,進秩禮部侍郞。六年冬,卒,年七十六。 大中祥符中,同詳定東封儀注,遷給事中。 三年,又置本閣學士,遷鎬工部侍郎,充其 錄其子渥爲大

理寺丞及三孫官。

僻陋,僅庇風雨,處之二十載,不遷徙。 卑品請益,應答無倦。 得異書,多召問之,歸必手疏本末以聞,顧遇甚厚。士大夫有所著撰,多訪以古事,雖晚輩、 行,士類推重之。 [鎬博聞強記,凡所檢閱,必戒書吏云:「某事,某書在某卷、幾行。」 覆之,一無差誤。 年踰五十,猶日治經史數十卷,或寓直館中,四鼓則起誦春秋。 燕居暇日,多挈醪饌以待賓友。 性和易,清素有懿 所居

每

爲,優獎之。拜殿中侍御史、知泉州,卒。 察判官。王師平金陵,盧絳據歙州,遣使傳檄至郡,元方斬其使。及絳擒,太祖聞元方所 查道字湛然,歙州休寧人。祖文徽,仕南唐至工部尚書。父元方,亦仕李煜,爲建州觀

道幼沉嶷不羣,罕言笑,喜親筆硯,文徽特愛之。未冠,以詞業稱。侍母渡江,奉養以

列 傳 第 五. + 五.

查 道

孝 刲 臂 聞。 血 母嘗 寫佛經, 「病,思鱖羹,方冬苦寒,市之不獲。 母疾尋愈。 後數年,母卒,絕意名宦,遊五臺,將落髮爲僧。 道泣禱于河,鑿冰取之,得鱖尺許以饋。 一夕,震雷破 又

柱,道坐其下,了無怖色,寺僧異之,咸勸以仕

官。 徙 課,給以實奉。 知果州 端拱初, 寇準薦其才,授著作佐郎。 舉進士高第,解褐館陶尉。 至道二年,有使兩川者,得道公正淸潔之狀以聞,優詔嘉獎。 淳化中,蜀寇叛,命道通判遂州。 曹彬鎭徐州,辟爲從事,深被禮遇。 召對, 出御 改興元觀察推 書歷, 遷秘書丞,俄 俾錄

刃。 無註 相率投兵羅拜,號呼請罪,悉給券歸農。 |誤邪?」 塗微服單馬數僕,不持尺刃,間關林壑百里許,直趨賊所。 道神色自若,踞胡床而坐,諭以詔意。或識之曰:「郡守也,嘗聞其仁,是寧害我者。」即 韶書招諭之,未下,咸請發兵殄之。道曰:「彼愚人也,以懼罪,欲延命須 時寇黨尚有伏巖谷依險爲栅者,其酋何彥忠集其徒二百餘,止西充之大木槽, 加賜袍帶驛奏,璽書褒諭 初悉驚畏, 臾 持滿 其黨豈 彀弓露

日,先令具任內曾薦舉才識者若干,奏絀貪猥者若干,朝廷議其否臧,以爲賞罰。」從之。 庶臻治平,以召和氣。今觀所至,或匪盡公,蓋無懲勸之科,致有因循之弊。 咸平四年代歸,賜緋魚。上言曰:「朝廷命轉運使、副,不惟審度金穀, 蓋以祭廉郡縣, 望自今每使回 俄

出 知寧州。 會舉賢良方正之士,李宗諤以道名聞,策入第四等,拜左正言、直史館。未幾,出

「京轉 道 儒 雅迂緩,治劇非所長。 運副使。 六年,始令三司使分部置副,召入,拜工部員外郎、充度支副使,賜金紫。 **卞袞爲鹽鐵副使,與道同候對,將升殿,遽出奏牘請道同**

待制 ,與張知白、孫奭、王曙並命焉。 大中祥符元年,歸直史館,遷刑部員外郎,預修册府元龜。 及上詢問 事本,道素未省視,不能對,遂以本官罷,出知襄州。卒不能自辯,亦無愠色。 加刑部郎中、判吏部選事,糾察在京刑獄。奉使契丹, 三年,進秩兵部,爲龍圖閣

以久次,進右司郎中。 真宗退朝之暇,召馮元講易便坐,惟道與李虚己、李行簡預焉

災民歉,道不候報,出官廩米賑之,又設粥糜以救饑者,給州麥四千斛爲種於民,民賴以濟, 所全活萬餘人。 二年五月,卒。 天禧元年,以耳聵難於對問,表求外任,得知虢州。 計聞, 眞宗軫惜之。 韶其子奉禮郎循之乘傳往治喪事,遷 將行,上御龍圖閣飲餞之。 秋,蝗

大理評事,賦祿終制。

盡,不以屑意。 地爲大第,曰:「此當分贍孤遺。」及居京師,家甚貧,多聚親族之惸獨者,祿賜所得,散施隨 以是頗不治。 道性 [淳厚,有犯不較,所至務寬恕,胥吏有過未嘗笞罰,民訟逋負者,或出己錢償之, 管出按部,路側有佳棗,從者摘以獻,道即計直掛錢於樹 與人交,情分切至,廢棄孤露者,待之愈厚,多所周給。 而去。 兒時嘗戲畫

四,論者以爲積善所延也。 或止一食,默坐終日,服玩極於卑儉。嘗夢神人謂曰:「汝位至正郎,壽五十七。」而享年六十 質女婢於人。 葬,其母兄將鬻女以襄事。 初,赴舉,貧不能上,親族哀錢三萬遺之。道出滑臺,過父友呂翁家。 道爲贖之,嫁士族。 搢紳服其履行。 有集二十卷,從兄陶。 道傾褚中錢與之,且爲其女擇壻,別加資遣。又故人卒,貧甚, 好學,嗜弈棋,深信內典。平居多茹蔬, **翁喪,貧窶無以**

寺丞,遷大理正,歷侍御史、權判大理寺,賜緋。斷官仲禹錫訟|陶用法非當,陶抗辯得雪。 者。景德三年,卒,年七十。子撰之,淳化三年進士,後爲都官郎中,慶之,太子中舍。 失,又命代之,賜金紫。陶持法深刻,用刑多失中,前後坐罰金百餘斤,皆以失入,無誤出 代。眞宗曰:「聞陶亦深文,當加戒勗。」卽遷秘書少監、判寺事。時楊億知審刑,陶屢攻其 遷工部郎中,俄知台州,累遷兵部。咸平五年,朱博爲大理,議趙文海罪不當,宰相請以陶 胸字大均,初事字煜,以明法登科,補常州錄事參軍。 歸朝,詔大理評事,試律學,除本

論曰:典誥命者,以詞章典雅爲先;侍講讀者,以道德洽聞爲貴。 自昔皆難其人,至宋

若祐之不喜趨競,徽之深疾幸進,風采凝峻,又其卓然者也。 藉該貫,杜鎬之博聞強識,查道之純孝篤義,置諸左右,啓沃尤多,豈直講論文義而已哉。 擊取貴位,使後輩務習趨競,禮俗寖薄。」君子以爲名言云。 介,頑之和豫,顥之明敏,茂直之淳厚,俾領詞職,固無忝矣。若文仲之器韻淹雅,愼修之醞 先志,兼置侍講學士,且因內閣以設職名,俾鴻碩之士更直迭宿,相與從容講論。 尤重其選。 太宗崇尙儒術,聽政之暇,以觀書爲樂,置翰林侍讀學士以備顧問。 徽之嘗謂:「温仲舒、寇準以搏 以丕之清 眞宗克紹

校勘記

(一) 薛映 原作「薛暎」,據本書卷三〇五薛映傳、長編卷五〇、編年綱目卷六改。

(三) 年九十二 東都事略卷四七本傳作「年四十二」。據洪邁容齋四筆卷一四梁狀元八十二歲條、偷

董儼爲右計使 卷三〇七有傳,太宗時「拜右諫議大夫,充右計使」。 正變癸巳存稿卷八書宋史梁灝傳後條考證,皆以「年九十二」爲非。「九」乃「四」字之誤。 「董儼」,原作「童儼」。 按本書卷二六七張消傳記此事時作「董儼」。董儼,本書 據改。

(11) 虞部郎中 此處疑有誤

列

傳

宋史卷二百九十七

列傳第五十六

孔道輔 子宗翰 鞠詠 劉隨 曹修古 郭勸 段少連

仕。 獻,皆慰遣之。 行,即召對,以爲太常博士、知曲阜縣。 中丞通判廣州。 後道輔卒,年八十九。 孔道輔字原魯,初名延魯,孔子四十五代孫也。父勖,進士及第,爲太平州推官,以殿 後爲御史臺推直官,累遷秘書監、分司南京,管勾祖廟,以尚書工部侍郎致 會眞宗東封, 躬詣孔子祠。 初,勖在廣州,以淸潔聞,及被召,蕃酋爭持寶貨以 帝問宰相:「孔氏今敦爲名者?」或言勖有治

不歎服。 郡以爲神,州將帥官屬往奠拜之,欲上其事。 道輔幼端重,舉進士第,爲寧州軍事推官,數與州將爭事。 遷大理寺丞、知仙源縣,主孔子祠事。孔氏故多放縱者,道輔一繩以法。 道輔徑前以笏擊蛇,碎其首,觀者初驚,後莫 有蛇出天慶觀眞武殿中,一 上言廟制

列

傳

第

五

+

孔道

輔

宋

庳 陋 利 '',請 尚御藥羅崇勳竊弄威柄,宜早斥去,以淸朝廷。 加修崇,韶 則。 再遷太常博士。 章獻太后臨朝,召爲左正言。 立對移刻,太后可其言,乃退。 受命日 論 奏樞密使

幾,爲直史館、判三司理欠憑由司。

今俳優之徒,慢侮先聖而不之禁,北朝之過也。 還判流內銓,遷尙書兵部員外郞,復出知餘、許二州,徙應天府。 仁宗問其故,對曰:「契丹比爲黑水所破,勢甚蹙。 益慢中國。」 曰:「方天寒,飲此,可以致和氣。」道輔曰:「不和,固無害。」旣還,言者以爲生事,且開爭端。 契丹使主客者邀道輔還坐,且令謝之。 奉使契丹,道除右司諫、龍圖閣待制。 帝然之。 歷判吏部流內銓、糾察在京刑獄。坐糾事不當,出知鄆州,徙青州。 契丹宴使者,優人以文宣王爲戲,道輔艴然徑 道輔正色曰:「中國與北朝通好,以禮文相接。 道輔何謝!」契丹君臣默然,又酌大巵謂 平時漢使至契丹,輒爲所侮,若不較,恐

宋郊 乎?」夷簡曰:「廢后有漢、唐故事。」道輔復曰:「人臣當道君以堯、舜,豈得引漢、唐失德爲 跳組廢。 、劉渙,御史蔣堂、郭勸、楊偕、馬絳、段少連十人,詣垂拱殿伏奏:「皇后天下之母,不當 道輔語夷簡曰:「大臣之於帝后,猶子事父母也;父母不和,可以諫止,奈何順父出母 明道二年,召爲右諫議大夫、權御史中丞。會郭皇后廢,道輔率諫官孫祖德、范仲淹、 願賜對,盡所言。」帝使內侍諭道輔等至中書,令宰相呂夷簡以皇后當廢狀告

法邪? 漏, 聞 有詔,亟馳出城。 」夷簡不答,即奏言:「伏閣請對,非太平美事。」於是出道輔知泰州。 頃之,徙徐州,又徙兗州,進龍圖閣直學士,遷給事中。 明日晨,入至待

復入爲御史中丞。

與其父里中僦郭贄舊宅居之,有言於帝者曰:「道輔家近太廟,出入傳呼,非所以尊神明。」 私第舍,謂不須避。 卽詔道輔他徙。 道輔性鯁挺特達,遇事彈劾無所避,出入風采肅然,及再執憲,權貴益忌之。 集賢校理張宗古上言,漢內史府在太廟堧垣中,國朝以來,廟垣下皆有官 帝出宗古通判萊州。 道輔歎曰:「憸人之言入矣! 初,道輔

輔,仁宗思其忠,特贈尙書工部侍郎。 惋。 言琳罪薄不足深治。 察帝有不悅琳意,卽謂道輔:「上顧程公厚,今爲小人所誣,見上,爲辨之。」道輔入對, 時大寒上道,行至韋城,發病卒,天下莫不以直道許之。 會受詔鞠馮士元獄,事連參知政事程琳。 帝果怒,以道輔朋黨大臣,出知即州。 子宗翰。 宰相張士遜素惡琳,而疾道輔不附已,將逐 已而道輔知爲士遜所賣,頗憤 皇祐三年,王素因對語及道

司馬光皆上章論薦,由通判陵州爲夔峽轉運判官,提點京東刑獄、知虔州。 宗翰字周翰。 登進士第, 知仙源縣,而爲治有條理,遇族人有恩,不以私故骫法。 城濱章、貢

列傳

第五十六

孔

道輔

瓣 詠

治聞。 兩江,歲爲水齧 哲宗初立求言,吏民上書以千數,詔司馬光采閱其可用者十五人,獨稱獎其二,乃宗 宗翰 :伐石爲址,冶鐵錮之,由是屹然,詔書褒美。 歷陝、揚、洪、兗州,

|翰

與王鞏也

不領 皆賜實封或縑帛,以奉先祀。 領他官,不在故郡,於名爲不正。 文閣待制知徐州,未拜而卒。 他職,給廟學田萬畝,賜國子監書,立學官以誨其子弟。 元 站 初,召爲司農少卿,遷鴻臚卿。 至于國朝,益加崇禮。 請自今襲封之人,使終身在鄉里。」詔改衍聖公爲奉聖公, 言:「孔子之後,自漢以來有褒成、奉聖、宗聖之號, 眞宗東封臨幸,賜子孫世襲公爵,然兼 進刑部侍郎,屬疾求去,以實

舉進士,試秘書省校書郎、知錢塘縣,改著作郎、知山 鞠詠字詠之,開封人。父勵,尚書膳部員外郎、廣南轉運使。 陰縣。 歐十歲而孤,好學自立。

相,必大失天下望。」太后遣內侍持奏示之,惟演猶顧望不行。 險,嘗與丁謂爲婚姻,緣此大用。後揣知謂奸狀已萌,懼牽連得禍,因此力攻謂。今若遂以爲 仁宗卽位,以太常博士召爲監察御史。 錢惟演自亳州來朝, 詠語諫官劉隨曰:「若相惟 圖入相。 詠言:「惟演

演,當取白麻廷毀之。」惟演聞,乃亟去。

大安殿柱生芝草,召羣臣就觀。詠言:「陛下新卽位,河決未塞,霖雨害稼,宜思所以應 臣願陛下以援進忠良、退斥邪佞爲國寶,以訓勸兵農、豐積倉廩爲天瑞。草木之怪,

何足尚哉!」

用貶死,利用嘗所薦擢者多領兵守邊,朝廷欲罷去之,詠請一切毋治。 陳絳獄失實,徙邵州。 入朝失儀,詠言崇俊少在邊,今老矣,此不足罪。 時王欽若復相,詠嫉」欽若阿倚,數睥睨其短,欽若心忌之。會詠兼左巡使,率府率崇俊 欽若卒,御史中丞王臻奏還詠殿中侍御史,爲三司鹽鐵判官。 欽若奏詠廢朝廷儀,出通判信州。 又坐鞠

部流內銓,爲三司鹽鐵副使。 貴。詠請御史臺劾狀,帝面論瑾亟還所部。以尚書禮部員外郎兼侍御史知雜事、權同判吏 京師旱饑,奏請出太倉米十萬石振饑民。 有器識,宜蒙訪對,其必有補。」又言:「三司使胡則,丁謂黨也,性貪巧,不可任利權。」河北、 天聖六年夏,大星晝隕,有聲如雷,詠條五事上之。因言:「太子少保致仕晁迥,雖老而 江、准制置使鍾離瑾因奏計,多致東南物以路權

冀得再用。 八年, 特置天章閣待制,以詠及范諷爲之。 詠奏曰:「曹利用擅威福,士遜與之共事,相親厚,援薦以至相位。 判登聞檢院。 定國軍節度使張士遜入觀, 陛下以東宮

列

篇,別搆淨室以居,自號深寧子。 僚屬用之,臣願割舊恩,伸公義,趣使之藩。」土遜乃赴鎭。 明年詠卒。嘗著道釋雜言數十

擾。 歸,不得調。 壞輒以他木易之, 「吾父何在?」事聞,乃得調。 屬縣令受財鬻獄,轉運使李士衡託令於隨,不從。士衡憤怒,乃奏隨苛刻,不堪從政,罷 劉隨字仲豫,開封考城人。以進士及第,爲永康軍判官。軍無城堞, 初,西南夷市馬入官,苦吏誅索,隨爲繩按之。 頗用民力。隨因令環植楊柳數十萬株,使相連屬,以爲限界,民遂得不 旣罷,夷人數百訴於轉運使曰: 每伐巨木爲栅,

坐嘗爲開封府發解巡捕官,而不察舉人,私以策辭相授,降監濟州稅, 卒抵溥罪。 後改大理寺丞,爲詳斷官。 晁迥薦通判益州,呂夷簡安撫川峽,又言其材,以太常博士改右正言。 李溥以贓敗,事連權貴,有司希旨不窮治, 稍徙通判晉州 隨請再劾之, 數月,

直。」又因星變言:「國家本支蕃衍,而定王(己之外,封策未行。 餘守常安靖而已。」又奏:「頻年水旱,咎在執事大臣忿爭不和。 請察王欽若等所爭,爲辨曲 還朝,遷右司諫,爲三司戶部判官。 隨在諫職數言事,嘗言:「今之所切,在於納諫,其 望擇賢者,用唐故事,增廣

內地; 奏江 隨言:「欽|若贓汚無忌憚,考其行,豈神仙耶?宜察其妄。」又言:「李維以詞臣求換武職,非 嗣 主、郡王之封,以慰祖宗意。」時下韶圖中,選優人補敎坊,隨以爲賤工不足辱詔書。 · 准發運使

鍾雕

運載

奇花怪石

數十艘

,納禁中

及略權貴。 胡則,謂之黨,既以罪出陳州,不當復進職。 王欽若既死,詔塑其像茅山,列於仙官。 累疏論丁謂 姦邪,不宜還之 又劾

所以勵廉節。」前後所論甚衆。

雜事。 名,以巧詐爲賢,以恬退爲拙。 家,太后不悦。 朝廷爲下詔戒中外。 翰之臣,位尊職重,表章不遜,請求靡厭。 帝旣益習天下事,而太后猶未歸政,隨請軍國常務,專稟帝旨,又諫太后不宜數幸外 上言:「比年庶官僥倖請託,或對見之際,涕泗祈恩,或績效甚微,衒鬻要賞。 會隨請外,出知濟州,改起居郞。 以至貪殘者瀆于貨財,老疾者不知止足。請行申儆之法。」 按察之司,燕安顧望,以容奸爲大體,以舉職爲近 久之,遷尙書刑部員外郎,入兼侍御史知 亦有藩

府。 病足痺,辭不能拜。 召爲戶部副使,改天章閣待制,不旬日卒。 未幾,權同判吏部流內銓,以長定格從事,吏不得爲奸。改三司鹽鐵副使。 及還,爲有司劾奏,奪一官,出知信州,徙宜州,再遷工部郎中、知應天 使契丹,以

隨與孔道輔、曹修古同時爲言事官,皆以淸直聞。 隨臨事明銳敢行,在閩,人號爲「水

列傳第五

十六

劉晴

曹

修古

宋

晶燈籠」。初,使契丹還,會貶,而官收所得馬十五乘。 既卒,帝憐其家貧,賜錢六十萬。

制,卽宿德勳賢,自如故事。」因著爲令。 貞觀中,嘗下詔令致仕官班本品見任上,欲其知恥而勇退也。 力旣衰,官事何補。請下有司,敕文武官年及七十,上書自言,特與遷官致仕,仍從貞觀舊 太常博士爲監察御史。上四事,曰行法令、審故事、惜材力、辨忠邪,辭甚切至。 曹修古字述之,建州建安人。進士起家,累遷秘書丞、同判饒州。宋綬薦其材,召還,以 比有年餘八十,尙任班行,心 又奏:「唐

所法, 請付所司劾治。」帝聞,立命笞之。晏硃以笏擊人折齒。修古奏:「硃身任輔弼, 修古奏:「前史稱, 修古嘗偕三院御史十二人晨朝,將至朝堂,黃門二人行馬不避,呵者止之,反爲所 而忿躁亡大臣體。古者,三公不按吏,先朝陳恕於中書榜人,卽時罷黜。請正典 御史臺尊則天子尊。故事,三院同行與知雜事同,今黃門侮慢若 百僚

順不相犯;太白晝見,日未過午。舜臣等坐妄言災變被罰。修古奏言:「日官所定,希旨悅 司 '天監主簿苗舜臣等嘗言,土宿留參,太白晝見,詔日官同考定。及奏,以謂土宿留參, 刑,以允公議。」

告,所損至大。」禁中以翡翠羽爲服玩,詔市於南越。修古以謂重傷物命,且眞宗時嘗禁採 上,未足爲信。 今罰舜臣等,其事甚小,然恐人人自此畏避,佞媚取容,以災爲福,天變不

狨毛,故事未遠。命罷之。時頗崇建塔廟,議營金閣,費不可勝計,修古極陳其不可。 歷殿中侍御史,擢尚書刑部員外郎、知

龍 雜司事、權同判吏部流內銓。未踰月,會太后兄子劉從德死,錄其姻戚至於廝役幾八十人, 圖 閣直學士馬季良、集賢校理錢曖皆緣遺奏超授官秩,修古與楊偕、郭勸、段少連交章論 久之, 出知 <u>歙</u>州, 徙 南 劍州, 復 爲 開 封 府 判 官 。

列。 太后怒,下其章中書。大臣請黜修古知衢州,餘以次貶。 太后以爲責輕,命皆削一官,

以修古爲工部員外郎、同判杭州,未行,改知興化軍。 會赦復官,卒。

修古立朝,慷慨有風節。當太后臨朝,權倖用事,人人顧望畏忌,而修古遇事輒言,無

累吾先人也。」卒拒不納。太后崩,帝思修古忠,特贈右諫議大夫,賜其家錢二十萬,錄其壻 所回撓。 既沒,人多惜之。家貧,不能歸葬,賓佐賻錢五十萬。季女泣白其母曰:「奈何以是

劉勳爲試將作監主簿。修古無子,以兄子觀爲後。

鄕 郎,出知壽州,徙泉州。 里,累官尙書都官員外郎、知邵武軍。御史中丞杜衍薦以爲侍御史。歲餘,改司封員外 觀知封州,儂智高亂,死之,見忠義傳。弟修睦,性廉介自立,與修古同時舉進士,有聲 坐失舉,奪一官罷去。後以知吉州,不行,上書請老,不聽,分司南

列

第 五

十六

曹

修 古

郭 勸

京,未幾致仕,年五 十一。 章得象表其高,詔還所奪官,卒。

曹氏自修古以直諒聞,其女子亦能不累於利,至觀,又能死其官,而修睦亦恬於仕進,

不待老而歸,世以是賢之。

書屯 田員外郎、梓州路轉運判官。 郭勸字仲褒,鄆州須城人。 舉進士,授寧化軍判官,累遷太常博士、通判密州。 以母老固辭,復爲博士、通判萊州。 州民霍亮為仇 特遷尙

罪死,吏受賕傅致之,勸爲辨理得免。 擢殿中侍御史。

則以罪罷三司使,乃遷工部侍郎、集賢院學士。 節度使錢惟演遷延不赴陳州,覬望相位; 時宋綬出知應天府,杜衍在荆南,勸言:「綬有辭學,衍清直,不宜處外。」又言:「武勝軍 ;弟惟濟任觀察使、定州總管, 請趣惟演上道,罷惟濟兵權,追則除命。」又 自請就遷留後,胡

論劉從德遺奏恩濫,貶太常博士、監濰州稅口。

氏, 勸進諫曰:「正家以正天下, 自后妃始。 改祠部員外郎、知萊州。 月餘,復爲侍御史、判三司鹽鐵勾院。 郭氏非有大故,不當廢。 陳氏非世閥,不可以儷 郭皇后廢, 議選 納陳

宸極。」疏入,后已廢,而陳氏議途寢。

所以)待賢者,豈負罪貶黜之人可得,請追還敕誥。」又言:「發運使劉承德獻輪扇浴器,大率 遷 [兵部員外郎兼起居舍人、同知諫院。 馬季良自貶所求致仕,朝廷從之。 勸

以媚上也。請付外毀,以戒邪佞。」

以禮屈之,願與大臣熟議。」遂落職知齊州,改淄州,數月,移磁州。 銓,遷工部郎中、度支副使,拜天章閣待制、知延州。 攘,言者猶指勵不當絕山遇事,又降兵部員外郎。丁母憂,起復,知鳳翔府,尋復待制 反, 遣其使稱僞官來。 反。 勸與兵馬鈴轄字消議,自德明納貢四十年,有內附者未嘗留,乃奏卻之。 趙元昊襲父位,以勸爲官告使,所遺百萬,悉拒不受。 勸視其表函猶稱臣,因上奏曰:「元昊雖僭中國名號,然尙稱臣,可 元昊將山遇率其族來歸, 還, 兼侍御史知雜事、 元昊益侵邊,關陝擾 。是多,元昊果 且言元昊將 權判流內 漸

陵,徙鄆州。 召爲翰林侍讀學士,復判流內銓,改左諫議大夫、權御史中丞。遷給事中,辭不受,而請贈 召權戶部副使,以龍圖閣直學士知滑州,再遷兵部郎中,徙滄州,又徙成德軍。 既而知成德軍韓琦言,勸所遣將張忠、劉遵,平賊功皆第一,特詔獎諭。 盗 起 甘

其祖萊陽令寧,遂以爲尙書祠部員外郎。

隱 不 ·以聞。 衞 士有相惡者,陰置刃衣篋中,從勾當皇城司楊景宗入禁門,旣而爲閽者所得, 勵請先治景宗罪, 章再上, 不聽, 又廷爭累日, 卒貶景宗。 祀明堂,將加恩中外 景宗

列傳

第

五十六

郭勸

段少連

官,樹就齋次,帥羣御史求對,不許,又極論之。 是年,復爲侍讀學士、 同知通 進銀臺 司。

矣。』」及再爲侍讀,曰:「吾起諸生,志不過郡守,今年七十,列侍從,可以歸矣。」遂用元日 勸性廉儉, 居無長物。 嘗謂諸子曰:「顏魯公云,『生得五品服章紱, 任子為齋 郎, 足

章,三上不得謝,賜銀使市田宅。

後二年卒。

單州,卒。

是,被 子源明,治平中,爲太常博士。 心黜,以 源明補監察御史裏行。 會御史知雜事呂誨等奏彈中書議追崇濮安懿王典禮非 源明乞免除命,請追誨等,遂聽免。 後以職方員外郎知

連能 度。 繼 舉服 段 其風 少連字希逸, 勤 迹。 詞學,爲試祕書省校書郎、知崇陽縣。 權杭州觀察判官。 開封人。 其母嘗夢鳳集家庭,寤而生少連。 預校道經,改秘書省著作佐郎,歷知蒙城、名山、 崇陽劇邑,自張詠爲令有治狀,其後惟少 及長,美姿表, 倜儻有 金華三

博士。 縣,以本省丞爲審刑院詳議官。 論劉從德遺奏恩濫,降祕 書 張士遜守江寧,辟通 丞、監連水軍 酒稅。 判府事。 復爲博士、通 還爲: 御史臺推 判 天 雄 軍 直官 遷太常

太后崩,召爲殿中侍御史,與孔道輔等伏閤言郭皇后不當廢, 少連坐贖。 復上疏曰:

以爲美事。 復有大事, 『自今有章,宜如故事密上,毋得羣詣殿門請對。』且伏閣上疏,豈非故事,今遽絕之,則國家 中外皆以爲非陛下意。蓋執政大臣,假天威以出道輔、仲淹,而斷來者之說也。 「陛下親政以來,進用直臣,開闢言路,天下無不歡欣。一旦以諫官、御史伏閣,遽行黜責, 今陛下未忍廢黜皇后,而兩府列狀議降爲妃,諫官、御史,安敢緘默。 陛下深惟 誰敢旅進而言者。昔唐陽城王仲舒伏閤雪陸贄,崔元亮叩殿陛理宋申錫,前史 竊覩戒論:

又上疏曰:

道輔等所言爲阿黨乎?爲忠亮乎?」疏入不報。

復。 者,君之體也。 人,敢貢狂瞽。竊痛陛下履仁聖之具美,乏骨鯁之良輔,因成不忍之忿,又稽不遠之 而氛祲蔽翳,偶差晦明,以累聖德者,由大臣懷祿而不諫,小臣畏罪而不言。臣獨何 臣是以瀝肝膽,披情愫,爲陛下廓淸氛祲蔽翳之累。 高明粹淸,凝德無累者,天之道也。氛祲蔽翳,晦明偶差,乃陰陽之沴爾。 治陰陽者,臣之職也。陛下秉一德、臨萬方,有生之類,莫不浸涵德澤。 象天德

然,則君天下修化本者,莫不自內而刑外也。况聞入道降妃之議,出自臣下。且后妃 有罪,黜則告宗廟,廢則爲庶人,安有不示之於天下,不告之於祖宗,而陰行臣下之議 湯日:「夫夫婦婦而家道正,正家而天下定。」詩云:「刑于寡妻,以御于家邦。」若

列

儜

五十六

段少連

乎 ? 賜召 職 置別館,爲后爲妃?詔書不言,安所取信。况皇后事陛下一紀有餘,而輔臣倉卒以降 掖庭具知,特示涵容,未行遽黜,置之別館,俾自省修,供給之間,一切如故。」臣未審黜 外之議,以爲未可。 入道,終降爲妃。 黜之議, 有曠 ,豈非奸邪之臣,離間陛下耶?臣等赴中書,時執政之臣,謂后有妬忌之行, 且皇后以小過降爲妃,則臣下之婦有小過者,亦當降爲妾矣。 惑於宸聽,晉紳循默,無敢爲陛下言者。臣所謂氛祲蔽翳,以累聖德者,蓋臣 兼云有上封者,慮后不利於聖躬,故築高垣,置在別館。 願速降明詔,復中宮位號,以安民心。 翌日韶出,乃云「中宮有過, 比抗章請對,不蒙 臣等備言中 始議

不足 間 省察,臣恐高宗王后之在,必見於他日 恐懼修省, ,待之如初。 踵 臣 其行 [竊恐奸邪之人,引漢武幽陳皇后故事,以諂惑陛下。 且漢武驕奢淫縱之主, 陛下仁恕之德,施於天下,而獨不加於中宮乎?願詔復中宮位號,杜絕非 事。 天地以正,陰陽以和,人神共懽 而爲人臣者,思致君 如薦、舜,豈致君如漢武哉!今皇后置於別館,必 ,宮闈不正之亂,未測於將來,惟聖神慮 ,豈不美哉。 陛下苟爲邪臣所蔽,不加 焉。 固

使行。 未幾 、除開 舊使者所至郡縣,索簿書,不暇殫閱,往往委之吏胥,吏胥持以爲貨。 封府判官,改尚書刑部員 (外郎、直集賢院,爲三司 度支判官, 出爲 兩浙 少連命郡 轉運

劏

告我,我容汝自新; 苟以爲無,吾不使善人被謗,卽爲汝辨明矣。」 吏不敢欺,皆以實對。 少 縣上 連每得其情,諄諄戒飭使去,後有能自改過者,猶保任之。 東不能爲奸,而州縣簿書莫敢不治矣。 部東有過,召詰曰:「聞子所爲若此, 一簿書悉緘證,遇事間指取一二自閱,擿其非是者按之,餘不及閱者,全緘識以還。 。秀州獄死無罪人,時少連在杭, 有之乎?有當 由是

是時,鄭向守杭,無治才。 吏畏恐聚謀,僞爲死者服罪款,未及綴,屬少連已拏舟入城,訊獄吏,具服請罪,以爲神明。 訟者不服,往往自州出,徑趨少連,少連一言處決,莫不盡其理。

所屈。 安撫。 閣直學士、知涇州,改渭州,命未至而卒。少連通敏有才,遇事無大小,決遣如流,不爲權勢 撓民,少連入境,劾奏之。 入兼侍御史知雜事,踰月,爲三司度支副使(B)。 河東地震,奉使 徙使淮南,兼發運司事,加兵部員外郞。 還,擢工部郞中、天章閣待制、知廣州。 旣卒,仁宗歎惜之。 又徙陝西。 時元昊反,范仲淹薦少連才堪將帥,遷龍圖 駙馬都尉柴宗慶知陝州, 縱其下

制,而內外肅然,紀綱 論 曰:古人有言:「山有猛獸,藜藿爲之不採。」當天聖、明道間,天子富於春秋,母后稱 具舉,朝政 一、亡大闕失,奸人不得以自肆者,繇言路得人故也。 是時,孔

列傳第五十六

段

少連

校勘記

九八九八

斥逐,不更其守。 臣,其氣益壯,遺風餘烈,天下至今稱之。詩所謂「邦之司直」,其庶幾數 道輔、鞠詠、劉隨、曹修古迭爲諫官、御史,郭勸、段少連繼之,皆侃侃正色,遇事輒言, 及帝旣親政,道輔、勸、少連復任言責,郭后之廢,引議慷慨,犯人主,責大 雖被

校勘記

(1) 定王 即位,拜太尉、尚書令無中書令,徙節鎮安、忠武,封定王」。劉所說的就是此事,定王是指元儼, 原作「安定王」,長編卷一〇六載劉隨此疏無「安」字。本書卷二四五周王元儼傳,「仁宗

 Ξ 監維州稅 「維州」 原作「維州」,據長編卷一一〇、宋會要職官六四之三二改。

「安」字衍,據刪。

3 出爲 兩浙轉運副使 東都事略卷六〇本傳、范仲淹范文正公集卷一 四段少連墓表都作「出爲兩

(三) 三司度支副使 「三司」、「度支」原倒置,據同上書同卷同篇乙丘。

浙

轉運

使」。

宋史卷二百九十八

列傳第五十七

彭乘 燕肅 子度 嵇穎 孫瑛 梅摰 蔣堂 司馬池 劉夔 子旦 馬亮 從子里 陳希亮 曾孫朴 李及

校勘。 翌日,奏乞侍養。 膽 [顧鄉關,有從宦之樂,乘獨西望,悵然日:「親老矣,安敢舍晨昏之奉,而圖一身之榮乎! 彭乘字利建, 益州華陽人。少以好學稱州里, 進士及第。 嘗與同年生登相國寺閣, 皆 固辭還家,後復除鳳州團練推官。 居數日,授漢陽軍判官,遂得請以歸。久之,有薦其文行者,召試,爲館閣

作佐郎,遷本省丞、集賢校理。懇求便親,得知普州,蜀人得守鄉郡自乘始。普人鮮知學, |乘爲興學,召其子弟爲生員敎育之。 |乘父卒,旣葬,有甘露降于墓柏,人以爲孝感。服除,知 天禧初,用寇準薦,爲館閣校勘,改天平軍節度推官。預校正南北史、隋書,改秘書省著

列

傳

第五十七

彭乘

秘剝

九八九九

兩。 吏部流內銓、三班院,爲羣牧使。 遣人間之,其黨斬忠霸,夷其家。 會土賊田忠霸誘下溪州蠻將內寇,乘適按郡至境,大集邊吏,勒兵下山以備賊,賊遁去。因 荆門軍,改太常博士。召還,同判尙書刑部,出知安州,徙提點京西刑獄,改夔州路轉運使。 御史知雜何郯論請贈官,不許,詔一子給奉終喪。 。 召修起居注,擢知制誥,累遷工部郎中,入翰林爲學士,領 旣病,仁宗勅太醫診視,賜以禁中珍劑。 卒,賜白金三百

所傳書,多出於乘。晚歲,歷典贊命,而文辭少工云。 過有所望。」帝頗嘉之。一乘質重寡言,性純孝,不喜事生業。 之。」及召見,諭曰:「卿先朝舊臣,久補外,而未嘗自言。」對曰:「臣生孤遠,自量其分, 初,修起居注缺中書舍人,而乘在選中,帝指乘曰:「此老儒也,雅有恬退名,無以易 聚書萬餘卷,皆手自刊校,閩中

父於法,而子獲免;父死,假人言曰:「主簿,仁人也,行且生賢子,後必大。」明年類生。 |嵇穎字公實,應天|宋城人。父適,嘗爲石首主簿。民有父子坐重繫,府檄適按之,抵其

薦,遷太子中允,爲集賢校理。歷開封府推官、三司度支判官、同修起居注,擢知制誥,累遷 天聖中,進士及第,授蔡州團練判官。王曾知青州、徙天雄軍,皆辟爲從事。後用曾

尚書兵部員外郎。 召入翰林爲學士,未及謝,卒。 詔以告敕、襲衣、金帶、鞍勒馬賜其家。

化基詣穎,求編次其父稿,爲序以獻之。穎不答,亦不以獻。 也。」張堯封嘗從潁學,所爲文,多留穎家。其後堯封女入禁中,爲修媛,甚被寵幸,令其弟 穎舉進士,時王曾、張知白相繼爲南京留守,見類謹厚篤學,謂其子弟曰:「若曹師表

一浙饑,官貸種食,已而督償頗急,擊言借貸本以行惠,乃重困民,詔緩輸期。 梅擊字公儀,成都新繁人。進士,起家大理評事、知藍田上元縣,徙知昭州,通判蘇州。

盗埽,所謂『水不潤下』。陛下宜躬責修德,以回上帝之眷佑。 以陛下省職未至,而丁寧戒告也。 歲,四時有不順,則省其職。 德日起矣。」 慶曆中,擢殿中侍御史。 今日食于春,地震于夏,雨水于秋。 。時數有災異,引洪範上變滅曰:「『王省惟歲』,謂王總羣吏如 伊、洛暴漲漂廬舍,海水入台州殺人民,浙江潰防, 陰不勝陽,則災異衰止,而盛 一歲而變及三時,此天意 黄河

|擎請悉杖配之。 徙開封府推官,遷判官。 改度支判官,進侍御史。 僧常瑩以簡札達宮人,輦官鄭玉醉呼,歐徼巡卒,皆釋不問, 論石元孫「不死行陳,係縲以還,國之辱也,不斬

列傳第五十

七

梅驇

以進,恐上累聖德。」及奏減資政殿學士員,召待制官同議政,復百官轉對。 功。」以戶部員外愈兼侍御史知雜事、權判大 帝舅也,官止大將軍; 無 「梅摯言事有體。」以爲戶部副使。 以厲邊 臣。 」再奏不報。 李繼隆累有戰功, 李用和除宣徽使,加同中書門下平章事。 晚年始拜使相。 、理寺。 言:「權陝西 祖宗愼名器如此,今不宜 轉運使張堯佐非才,繇宮掖 擊言:「國初,杜審瓊亦 帝謂. 大臣

歲饑,三司益漕江、准米餉河北。 止殿門外爾。 會宴契丹使紫宸殿,三司副使當坐殿東廡下。 因不即坐,與劉提、陳洎趨出。 後江、准饑,有司尚責其數,擊奏減之。 降知海州,徙蘇州,入爲度支副使。 同列有謂曲宴(三例坐殿上, 而大宴當

調 詔獎其勞。 丁壯伐灘葦,擊以疲民,奏用州兵代之。河大漲,將決,夜率官屬督工徒完隄,水不爲患, 擢天章閣待制、陝西都轉運使。 勾當三班院、同知貢舉。 還判吏部流內銓,進龍圖閣學士、知滑州。 請知杭州,帝賜詩寵行。 累遷右諫議大夫,徙江寧府, 州歲 備河,

擊性淳靜,不爲矯厲之行,政迹如其爲人。平居未嘗問生業,喜爲詩,多警句。 有奏議

又徙

河中,卒。

加

- 餘篇。

司 馬池字和中, 自言晉安平獻王孚後,征東大將軍陽葬安邑瀾洄曲,後魏析安邑置夏

路官運鹽回遠聞,乃開焓口道,自聞喜逾山而抵垣曲,咸以爲便。池謂人曰:「昔人何爲捨逕 縣,遂爲縣人。 池少喪父,家貲數十萬,悉推諸父,而自力讀書。 時議者以蒲坂、竇津、大陽

而就迂,殆必有未便者。」衆不以爲然。 未幾,山水暴至,鹽車人牛盡沒入河,衆乃服。

丘夢松假他事上府,主簿稱疾不出,池攝縣事。會上元張燈,乃縱民遊觀,凡三夕,民心遂 不爲少屈。 永寧主簿。 有異乎?」行至宮城門,徘徊不能入。因語其友,而友止以母疾告,遂號慟而歸。後中第,授 舉進士,當試殿庭而報母亡,友匿其書。 出入乘驢。與令相惡,池以公事謁令,令南向踞坐不起,池挽令西向偶坐論事, 歷建德、鄭縣尉。圖人妄言戍兵叛,蠻將入寇,富人爭瘞金銀逃山谷間。令闆 池心動,夜不能寐,曰:「吾母素多疾,家豈無

產大竹,轉市歐、黃,非三日可致,乃更與民自爲期,約過不輸者罪之,旣而輸竹先諸縣。 調鄭州防禦判官、知光山縣。禁中營造,詔諸州調竹木,州符期三日畢輸。 池以土不

參軍 事,歲餘,通判留守司。樞密使曹利用奏爲羣牧判官,辭不就,朝廷固授之。利用嘗委括 盛度薦於朝,改秘書省著作佐郎、監安豐酒稅,徙知小溪縣。 劉燁知河南府,辟知司錄

列傳

第

五

十七七

司馬池

大臣 日:「吏紿 所負進馬價,池曰:「令之不行,由上犯之。公所負尙多,不先輸,何以趣他人。」利用驚 我已輸矣。」亟命送官,數日而諸負者皆入。 利用貶,其黨畏罪,從而毀短者甚衆,

池獨颺言于朝,稱利用任,朝廷卒不問。

使、知鳳翔府。 附會爲奏,池獨 馬司,自言估馬有羨利,乞遷官。 之名,而詔書一切自中書以下,非所以防過舉也。」內侍皇甫繼明給事章獻太后閤, 會詔百官轉對,虺言:「唐制門下省,詔書之出,有不便者得以封還。今門下雖有封 不 可。 除開封府推官,敕至閤門,爲繼明黨所沮,罷知耀州。 事下羣牧司、閱無羨利。 繼明方用事,自制置使以下皆欲 擢利州路 兼 領 估 駁

乃獨 復 後釋其縛; 知鳳翔。 承其罪,有詔勿劾。 召知諫院,上表懇辭。 有疑獄上讞,大理輒復下,掾屬惶遽引咎。池曰:「長吏者政事所繇,非諸君過。」 池捕首惡誅之,巡檢亦坐廢。 岐陽鎭巡檢夜飲富民家,所部卒執之,俾爲約,不敢復督士卒,而 仁宗謂宰相曰:「人皆嗜進,而池獨嗜退,亦難能也。」加直史館,

官者。」擢天章閣待制、知河中府,徙同州,又徙杭州 智謀,必誤大事。」後平果敗。 累遷尙書兵部員外郎,遂兼侍御史知雜事。 更戶部度支、 鹽鐵副使。 嘗言:「陝西用兵無宿將, 歲滿,中書進名,帝曰:「是固辭諫 劉平好自 用而 少

州獄 謂池 革劾池決事不當十餘條,及稽留德音,降知號州。 ,自陳爲鈞掌私廚,出所賣過半;又越州通判載私物盜稅,乃從革之姻,遣人私請。 可舉劾以報仇,池曰:「吾不爲也。」人稱其長者。 池性質易,不飾廚傳,剸劇非所長,又不知吳俗,以是謗譏聞朝廷。 初,轉運使旣奏池,會吏有盜官銀器,械 徙知晉州,卒。 子旦、光,光自有傳。 轉運使江鈞、張從

從子里。

主簿。 患亦弭 室至以兵自備。 爲令。丁內外艱,服除,監饒州永平鑄錢監。 少,上下易之,自是驚服。 僞立見, 旦字伯康。 鄭有婦櫃訟奪人田者,家多金錢,市黨買吏,合爲奸謾,十年不決。 黜吏十數輩,寃者以直。 旦召富者開以禍福,於是爭出粟,減直以糶,猶不失其贏, 清直敏強,雖小事必審思,度不中不釋。 吏捕蝗,因緣搔民。 又井元慶豪欺鄉里, 莫敢誰何, 旦擒致于法。 知祁縣,天大旱,人乏食,羣盜剽敚,富家巨 旦言:「蝗,民之仇,宜聽自捕,輸之官。」後著 以父任,爲秘書省校書郎,歷鄭縣 旦取案一閱,情 飢者獲濟, 時旦年尚

知宜興縣,其民囂訟,且每獄必窮根株,痛繩之,校繫縣門,民稍以詆冒爲恥。 舉監在京百萬倉,時祁隸太原,以太原留,不召。通判乾州,未行,舉監在京雜物庫。 市貫大溪,賈

列

傳

第五

+

-ti

司

馬池

宋

昌朝所作長橋,壞廢歲久,旦勸民葺復,不勞而成。

知梁山軍、安州。 請令諸縣歲遞一役,雖緩必成。」安石不聽。秋,大霖雨,民苦之,多自經死,役竟罷。歷 歷官十七遷,至太中大夫。元祐二年,卒,年八十二。 時王安石守常州、開運河、調夫諸縣。旦言:「役大而亟,民有不勝,則其患非徒不可就 旦治郡有大體,所施設,取於適理便事。 再監鳳翔太平宮,以熙寧八年致 m

仕。

焉。 可而違,非進退之正也。」光幡然就位。方是時,天下懼光之終不出,及聞此,皆欣然稱旦日: 及光被門下侍郎召,固辭不拜。旦引大義語之曰:「生平誦燒、舜之道,思致其君,今時 皆有園沼勝概。光歲一往省旦,旦亦間至洛視光。凡光平時所與論天下事,旦有助 旦澹薄無欲,奉養苟完,人不見其貴。與弟光尤友愛終始,人無間言。光居洛,旦居夏

長者之言也。」

妾。旦驚謝之,亟出妻奩中物使嫁之。旦生於丙午,與文彥博、程公珣、席汝言爲同年會, 與人交以信義,喜周其急。嘗有以罪冤官貧不能存者,月分俸濟之,其人無以報,願以女爲 賦詩繪像,世以爲盛事,比唐九老。三子:良,試將作監主簿; 富永,承議郎、陝州通判; 英宗即位,例以親屬入賀得官,時旦在梁山,諸孫未仕者皆不遣,惟遣其從兄子凜。

宏,陳留令。

宏子朴。

州 每罷官,至京師,未嘗有所謁視。審官榜久闕,人所不取者,乃受之而去。 將武人,不法,里平居與之聽甚,臨事正色力爭,不少假借。 里字昭遠。 進士釋褐,授威勝軍判官,改大理寺丞。 龐籍為鄭延經略使,奏通判鄭州。 性廉靜質直, 所至有惠政。 後知乾州,爲太常

少卿而卒。

明, 死,徒跣負柩還。調晉寧軍士曹參軍。通判不法,轉運使王似諷朴伺其過,朴不可,日:「下 更而陷長官,不唯亂常,人且不食吾餘矣,死不敢奉敎。」似賢而薦之。 客至,必令|朴導以見。時方七歲,進揖應對如成人,客皆驚歎。以|純仁遺恩爲官。|宏 朴字文季,少育于外祖范純仁。 紹聖黨事起,父宏上書論辨得罪。純仁責永州,疾失

<u></u>欽宗思|朴之言,以爲兵部侍郎。二帝將北遷,又貽書請存立趙氏,金人憚之,挾以北去,且 「賢者之後也。」待之加禮,乃吐腹心,諭以亟求講解。|朴復命,任事者疑不決。都城陷, 喜

其孥。 開封儀曹趙鼎、爲匿其長子悼於閩,故得免。

建炎登

列 慷

第 五 +

七

司 馬 池

極,赦至燕,朴私令齎詣徽宗,爲人所告。 李 及 金主憐其忠,釋之。 九九〇七 徽宗崩,朴與奉

許,奈何?」遂服斬衰,朝夕哭。 計 因王倫出使,持黃 使朱弁在燕共議制服, 聞,詔稱其忠節顯著,贈兵部尙書,諡曰忠潔。 金賜朴。 **)** 弁欲先請,朴曰:「爲臣子聞君 倫還, 金人亦義 言金命朴爲行臺左丞,朴辭而止,益重之。 而 不問。 又遣朱松年間行,以金人 父喪, 當致其哀, 尙 何 情 請 後卒於眞定。 實 歸 設 報 請 而

縱爲 寇 都 會上 準 市,及由是知名 好利 封 薦其才,擢大理寺丞、知興化軍。以殿中丞通判曹州。州民趙諫者,素無賴,持郡短 李及字幼幾,其先范陽人,後徙鄭州。父覃,左拾遺。 者 發 諫 及受命,諫在京師,乃謁及,及不之見,慢駡而去,投匿名書誣及,因以 事,命 轉運使與及祭其狀。 擢 知 隴州 及條上諫前後所爲不道,詔御史劾得其實, 及舉進士,再調昇州觀察推官。 一毀朝 斬於 政。 長,

卿、 官。 (金釵於市, 吏執以來。 知秦州 還判 初, 置提 二司司 議者 點 磨勘 刑 以及 一獄,內出及與陳綱二人名付中書。 司 出 謹 知鳳 及方坐觀書,召之使前,略加詰問,其人服罪 厚,非守邊才。 翔 府,徙延州,除三司 及至秦州, 戶部副 州將吏亦頗易之。 明日,以綱使河北,及使陝西,特遷 使,爲淮南轉運使,累遷太常少 會有禁卒白晝 及亟命斬之, 觀 攫婦

尚書工部侍郎, 如故,於是將士皆驚服。 歷知杭州鄆州、應天河南府,召拜御史中丞。 改左司郎中、樞密直學士,以右諫議大夫召還,勾當三班院, 卒,年七十。 特贈禮部尚書, 再遷

諡 恭 惠

中物。 游。 保養之,乃會親屬,以子擊堂柱,碎其首。 貴人用事者至,亦無加品,衍歎其淸德。 及資質清介,所治簡嚴,喜慰薦下吏,而樂道人之善。 一日,冒雪出郊,衆謂當置酒召客,乃獨造林逋淸談,至暮而歸。 比去,唯市,白樂天集。 在河南,杜衍爲提點刑獄,間與衍會,而具甚疏薄。 娶張氏,性嫉悍。 及遂無子,以弟之子爲後。 及嘗生子,鞠之外舍,張固請歸 在杭州, 惡其風俗輕靡, 居官數年,未嘗市吳 他日,中 不事宴

城縣,通判河南府。 肅少孤貧,游學。 縣民嘗苦吏追擾,肅削木爲牘,民訟有連逮者,書其姓名,使自召之,皆如期至。 燕肅字穆之,靑州益都人。父峻,慷慨任俠,楊光遠反時,率其屬迎符彥卿,遂家曹州。 舉進士,補鳳翔府觀察推官。寇準知府事,薦改秘書省著作佐郎、知臨邛 召爲監察御史,準方知河南,奏留之。 知考

遷殿中侍御史〔三、提點廣南西路刑獄,遷侍御史,徙廣南東路。 還,爲丁謂所惡,出知

九九〇九

列傳第五十

ti

燕

由

所駁,乃得不應奏之罪。 越州 判尙書刑 徙明州,俗輕悍喜門,肅下令獨罪先毆者,於是鬥者爲息。 部。 建言:「京師大辟一覆奏,而州郡之獄有疑及情可憫者上請, 願 如京師,死許覆奏。」遂韶疑獄及情可憫皆上請,語在刑法志。其 直昭文館,爲定王府記室 多爲法司

後 照、宋祁同按王朴律,即剗滌考擊,合以律準,試於後苑,聲皆協。 言:「舊太常鐘磬皆設色,每三歲親祠,則重飾之。 大辟上請者多得貸,議自肅 知亳州,徙青州 擢龍圖 閣待制、權知審刑院、知梓州,還,同糾察在京刑獄,再判刑部,累遷左諫議 (三)。 屬歲歉, 始 命兼京東安撫使。 歲旣久,所塗積厚,聲益不協。」乃詔 入判太常寺 兼大理寺, 又韶與章得象、馮元詳刻 復 知 審 刑。 |與||李 肅

進龍圖閣直學士、知潁州,徙鄧州。 官至禮部侍郎致仕,卒。

古木折竹。 云不與崇天曆合。 肅喜爲詩,其多至數千篇。 **嘗造指南、記里鼓二車及欹器以獻,又上蓮花漏法。** 然肅所至,皆刻石以記其法,州郡用之以侯昏曉,世推其精密。 性精巧,能畫,入妙品,圖山水罨布濃淡,意象微遠,尤善爲 詔司天臺考於鐘 一鼓樓下, 在明州,

爲海潮圖,著海潮論二篇。子度,孫瑛。

度字唐卿。 登進士第,知陳留縣。 京東蝗,年飢盜發,度勸邑豪出粟六萬以濟民,又行

保伍法以察盜,善狀日聞。 通判永興軍。 三司使王堯臣舉爲戶部判官, 以伐闊淺,始命權

發遣,遂爲故事。

轄。 本, 運副使,六塔河決,坐貶秩知蔡州,徙福州 言:「歲在甲午,閩再亂,今又值之,民爲戚戚。」乃命度出使備不虞,還奏無足慮。 不可坐視 入爲戶部副使,以右諫議大夫知潭州。 出 知滑。 成敗。」悉以所儲茭楗禦之,埽賴以不潰。 滑與黎陽對境,河埽下臨|魏都,霖潦暴至,薪芻不屬。 卒,年七十。 閩故多盜, 度請假 復爲戶部判官。 事權制攝一道,遂加兵馬鈴 度曰:「魏實爲河朔根 歲皇祐甲午,益州 權 河北 轉

此祖宗順民俗,不易之制也,權之非是。」會張方平亦論之,議遂寢。 度有心計,凡六佐大農。 慶曆中,三司請権河北鹽。 度言:「川峽不権酒,河北不禁鹽

教, 瑛言:「守臣任滿考課,乞以興崇教法、 拯葺道宮爲善最。」從之。 乃舍耕稼本業,爲人所不肯爲者。 感悟,爲稍弭。 累遷太府丞、開封少尹。 縣人習爲盜,漢榜論曰:「今平民或呼以盜,必怒見詞色,顧 及陷於罪,則終身不齒於鄉閭,尉不忍以是待汝。」 歷廣東轉運判官,進副使,加直秘閣 連進直 龍 時方尚老氏 圖 畧 盜

時」英在嶺嶠七年,括南海犀珠、香藥,奉宰相內侍,人目之爲「香燕」。 遂以徽猷閣待制 列 第 五 + 1: 燕 蔣 堂

傳

肅

九九一二

語 提舉體泉觀 也。 轉開封尹 ,拜戶部侍郎。 **、,賜進士出身,兼侍讀,** 徽宗賜書「仁人義士之家」以表之,蓋取王安石頌其曾大父肅詩 且將大用。 後以御史言瑛不能撥煩戢奸吏, 致賊

銳攻城,瑛不能禦,將出奔,爲亂兵所害,年五十。建炎初,賜端明殿學士 靖康初,以龍圖閣學士知河陽。 金兵入寇,三城當兵衝,瑛至,未及備,而兵騎大集,乘 殺不辜,罷爲龍圖閣直學士。未數月,爲戶部尙書。

判, 州以兵索其家,得僭乘興物,置于死 善之,特授大理寺丞、知臨川縣。 蔣堂字希魯,常州宜興人。 擢進士第,爲楚州團練推官。 縣富人李甲多爲不法,前令莫能制,堂戒諭不悛,自 滿歲,吏部引對,**真宗覽所試**

侍御史、判三司度支勾院,出爲江南東路轉運使,徙淮南,兼江、淮發運事 以之屬吏,何求不可,而遂賜之死,是重天譴也。」詔原之。論奏郭皇后不當廢,坐贖。 多引宮人屬吏。堂言:「火起無迹,安知非天意也,陛下宜修德應變。有司乃欲歸咎宮人, 歷通判眉、許、吉、楚州,以太常博士知泗州,召爲監察御史。 禁中火,有司請究所起,

時廢發運使,上封者屢以爲非便。堂言:「唐裴耀卿、劉晏、第五琦、李巽、裴休,皆嘗爲

越州 而歲 且得罪,何以多爲?」堂曰:「十得二三,亦足報國。」坐失按蘄州王蒙正故入部吏死罪,降知 江 准、河南轉運使,不聞別置使名。 《輸京師常足。」 時雖用其議,後卒復。 州之鑑湖, 馬臻所爲,溉田八千頃,食利者萬家,前守建言聽民自占,多爲豪右所 國朝卞袞、王嗣宗、劉師道,亦止爲轉運兼領發運 在江、淮,歲薦部吏二百人。 或謂曰:「一有謬舉, 司事

徙蘇州,入判刑部,徙戶部勾院,歷戶部、度支、鹽鐵副使,安撫梓變路,擢天章閣待制、

侵,堂奏復之。

爲 江 此, 准制置發運使。 歲入自可附驛奏也。」前後五年,未嘗一至京師 先是,發運使上計,造大舟數十,載江、湖物入遺京師權貴, 就除河東路都轉運使,未行, 堂曰:「吾豈 知洪

州。 改應 天府,累遷 左司 郎中、知 杭州,以樞 密直 學士 知 益州

日嚴 叉 上 / 毀后 人翕然稱之。 之政 慶曆 -1: 及 初 劉 污詔 又建 禪 天下建學。 楊日嚴 祠 銅)蜀 |壺閣,其制宏敞,而材不預具,功旣半,乃伐喬木于||蜀 郎致仕,卒,特贈 人浸不悅,獄 在蜀, 漢文翁石室 有能 名, 吏部 訟滋 堂素不樂之。 一在孔子廟中,堂因廣其舍爲學宮,選屬官以敎諸生, 多。 久之,或以爲私官妓,徒河中府,又徙杭州 於是節 遊宴,減廚傳, 先 主惠陵、江瀆祠 專尙寬縱 ,頗變

堂為 列 八清修 第 Ŧī. !純飭,遇事毅然不屈,貧而樂施。 七 蔣 劉 好學,工文辭,延譽晚進, 至老不倦、 力

州。

以

尚

傳

+

書禮部

侍

侍

郞

嗜作詩,有吳門集二十卷。

劉夔字道元,建州崇安人。進士中第,補廣德軍判官, 李照改製大樂鐘磬,變以爲三樂之大本,與政化通,不當輕易其器。 累遷尚書屯田員 願擇博學之士以 外郎, 權侍御

補卿、丞,凡四方妄獻說以要進者,請一切罷之。」帝善其言。

直學士知潭州,兼湖南安撫使。 卿、 破其巢穴,蠻逃遁遠去。前將以帛購蠻首, 而 罷購,州境獲安。 知廣州。 歷三司戶部判官,判度支勾院,江西、兩浙、淮南轉運使,加直史館、知陝州,改太常少 所至有廉名。權三司度支副使。桂陽監蠻唐和寇邊,以右諫議大夫、龍圖 還,權判吏部流內銓、知審刑院。 初至, 遺人諭蠻酋使降, 不從, 乃舉兵擊敗和于銀江源, 進 至是有持首取購者,按問,乃輒殺平民,誅之 閣

修復河 中、 知建州,尋告老,遂以戶部侍郎致仕。 樞密直學士以往。 河北 故道, 大水, 變極言其不可,遂罷。 民流入京東爲盜、詔增京東守備。 至鄭,發廩振飢,民賴 遷工部侍郎、 英宗卽位、遷吏部。 全活 者甚衆,盜賊衰息, 知 福州。 帝問誰可守軍者,宰相 卒,年八十三。 請 解官入武夷山爲道士,弗許。 賜書褒論。 以變對,進給事 大臣議欲

朝,釋之,後果得眞盜。嘗遇隱者,得養生術,遂蔬食及獨居,退處一閣,家人罕見其面。 自作遺表,以祿賜所餘分親族。告其家人曰:「某日,吾死矣。」如期而死。無子。 老,手足耳目強明,如少壯時。 變嘗過江東,見二囚繫累年矣。 問之,曰:「前此殺<u>吉州掾徐咸,疑二人者。」</u>變爲言於 不治財產,所收私田有餘穀,則以振鄉里貧人。 前死數日,

月,盡輸所負。 吏民有因緣亡失官錢,籍其貲猶不足以償,妻子連逮者至數百人。 馬亮字叔明,廬州合肥人。舉進士,爲大理評事、知蕪湖縣,再遷殿中丞、通判常州。 羅處約使江東,以亮治行聞,擢知濮州 亮縱去,緩與之期,不踰

州縣逋負,而有 白氏多執吏短長,嘗殺人,以赦免,愈驚橫,爲閭里患,亮發其奸,誅之,部中畏懾。 錢監,匠多而 知 福州。蘇易簡薦亮才任繁劇,召還,同提點三司都勾院、磨勘憑由司。久之,出知饒州。州豪 眞宗 會諸路轉運司置糾察刑獄官,以福建路命虎,覆訊寃獄,全活者數十人。 即位,上書言:「陛下初政,軍賞宜速,而所 銅錫 司趣賣愈急,宜如赦推恩以寬民。故事,以親王尹開封,地尊勢重,嫌隙易 不給,亮請分其工之半,別置監于池州,歲增鑄緡錢十萬。遷殿中侍御史。 在不時給,請遣使分督之。 遷太常博士、 又赦書蠲 州有鑄 除

列

願鑒其繇,以示保全親愛之道。 契丹仍歲南侵,河朔蕭然,請修好以息邊民。」帝善其

言,以亮爲可用。

錢,亮出廩米裁其價,人賴以濟。 唱再起,是滅一均、生一均也。」帝悟,悉宥之。 亮曰:「愚民脅從,此特百之一二,餘竄伏山林者衆。今不貸之,反側之人,聞風疑懼, |均反,以爲西川轉運副使。 賊平,主將邀功,誅殺不已,亮全活千餘人。城中米斗千 召問蜀事,會械送賊詿誤者八十九人至闕下,執政欲盡誅 加直史館,復遣還部

法當 更不之救,願罷官糴,令民轉粟以相賙。」 屬歲早民飢,湖湘漕米數十舟適至,亮移文守將,發以振貧民。 除 屬部舊逋官物二百餘萬。 死者四 時諸州鹽井,歲久泉涸,而官督所負課,繫捕者州數百人。一亮盡釋繫者,而奏廢其井,又 人,亮咸貸之,曰:「爲民去害,而反坐以死罪,非法意 還知潭州 ,屬縣有亡命卒剽攻,爲鄕閭患, 因奏:「瀕江諸郡皆大歉,而 也。 徙昇州。 人共謀殺之。 行次江州, 事覺,

年,至者倍其初,珍貨大集,朝廷遣中使賜宴以勞之。 隸,亮悉置不 以 諫議大夫知廣州。 問。 鹽戶 、逋課,質其妻子於富室,悉取以還其家。 時宜州 陳進 初平, 而澄海兵從進反者家屬二百餘人, 是歲東封,亮敦諭大食陀婆離、蒲含 海舶 久不 至, 使招來之, 法當 明 配

沙貢方物泰山下。

輒析。」明年,改兵部侍郎、知廬州,徙江陵,又徙江寧府。 仁宗初,拜尚書右丞,復知廬州, 出橫沙數里,隄遂成。入爲御史中丞。建言:「士民父祖未葬而析居,請自今未葬者,毋得 判尚書都省兼知審刑院,遷工部尚書、知亳州,又遷江寧府,以太子少保致仕,卒,贈尚書 濤 大溢,調兵築堤而工未就,詔問所以捍江之策。亮褱詔禱伍員祠下台,明日,潮爲之却, 歷 一知虔洪二州、江陵府,再遷尙書工部侍郎,復知昇州,徙杭州,加集賢院學士。 先是,

簡在相位,有司諡曰忠肅,人不以爲是也。子仲甫,爲天章閣待制。 之,妻以女。妻劉恚曰:「嫁女當與縣令兒邪?」亮曰:「非爾所知也。」陳執中、梁適爲京官, 田况、宋庠及其弟祁爲童子時,亮皆厚遇之,曰:「是後必大顯。」世以亮爲知人。院卒,時唐 亮有智略,敏於政事,然其所至無廉稱。 呂夷簡少時,從其父蒙亨爲縣福州,亮見而奇 右僕射

兄子庸、諭使學,遂俱中天聖八年進士第,里人表其閭曰「三儁」。 六,將從師,其兄難之,使治錢息三十餘萬,希亮悉召取錢者,焚其券而去。 陳希亮字公弼,其先京兆人。唐廣明中,違難遷眉州青神之東山。 希亮幼孤好學,年 業成,乃召

列

地, 悔法,以希亮年少,易之。 希亮視事,首得其罪。 腆叩頭出血,願自新,希亮戒而捨之,卒爲 善吏。巫 戶當死, 不敢犯,火亦不作。 「公去我,緋衣老人復出矣。」遷太常博士。有言概獄活人死罪,賜五品服。 人莫敢正視,希亮捕治寘諸法,一縣大聳。郴州竹場有僞爲劵給輸戶送官者,事覺,輸 覡歲斂民財祭鬼,謂之春齋,否則有火災; 民訛言有緋衣三老人行火。希亮禁之,民 希亮察其非辜,出之,已而果得其造僞者。再遷殿中丞,徙知鄠縣至。老吏曹腆 大 理 ·評事、知長沙縣。有僧海印國師,出入<u>章獻皇后</u>家,與諸貴人交通,恃勢據民 毁淫祠數百區,勒巫爲農者七十餘家。及罷去,父老送之出境,泣曰:

徐州 所部,不受,亡至京自理,宰相怒,下開封獄。一希亮言禹可賞不可罪,爭不已。上釋禹,賞爲 服除,爲開封府司錄司事。 餹 訴之,詔御 軍。」詔罷之。 推官,且欲以希亮爲御史。會外戚沈元吉以奸盜殺人,希亮一問得實,自驚仆死,沈氏 初,蜀人官蜀,不得通判州事。希亮以母老,願折資爲縣侍親,於是知臨津縣。 史劾希亮及諸掾吏。 青州民趙禹上書,言趙元昊必反,宰相以禹狂言,徙建州,元昊果反。 福勝塔火,官欲更造,度用錢三萬,希亮言:「陝西用兵,願以此 希亮曰:「殺此賊者獨我耳。」遂引罪坐廢 禹

院以牢城卒雜山河戶,得數百人。日夜部勒,聲振山南,民恃以安。殿侍雷甲以兵百餘人 期年,盜起京西,殺守令,富弼薦希亮可用,起知房州 州素無兵備,民凛凛欲亡去,浠

命持滿無得發, 竹山 甲不能戢, ,士皆植立如偶人。|甲射之,不動,乃下馬拜請死, 所至爲暴。 或疑爲盜,告希亮盜入境,且及門。 日:「初不知公官軍 希亮即勒兵阻水拒

東士皆欲斬甲以狗,希亮獨治爲暴者十餘人,使甲以捕盜自贖

謀臣 爲國者終不顧家,徒堅其爲賊耳。此又皆其疏屬,無罪。」乃密以聞,詔釋之。老幼哭希亮庭 服。 下曰:「今當還故鄉,然奈何去父母乎?」遂畫希亮像祠焉 舍者曰向氏,殺父子三人,梟首南陽市。 党軍子獲於商州,詔賜向氏帛,復其家,流德贇通州。或言華陰人張元志夏州,為元昊 時劇賊党軍子方張,轉運使使供奉官崔德贇捕之。 韶徙其族百餘口於房,幾察出入,飢寒且死。|希亮曰:「元事虛實不可知,使誠有之, 曰:「此党軍子也。」希亮察其冤,下德贇獄,未 德贇既失党軍子,途圍竹山民賊所

州 下其法,自畿邑至于泗州,皆爲飛橋 州 代還,執政欲以爲大理 跨汴爲橋,水與橋 爭,常壞舟。 一少卿,希亮曰:「法吏守文,非所願,願得一郡以自效。」乃以爲宿 希亮始作飛橋,無柱,以便往來。 詔賜縑以褒之,仍

便糴 旣 站 對,仁宗直希亮,奪瓘職知 元 都 年,移滑州 轉運使魏 瓘劾希亮擅 奏事 ·殿上,仁宗勞之曰:「知 越州,且欲用希亮。 增損物價。 已而 瓘 除 龍 卿疾惡,無懲沈氏子事。」未行,詔提 希亮言:「臣與轉運使不和,不得爲無 圖 閣學士、知開 封 府 希亮 乞 廷

列

傳

第五

十七七

陳

希

亮

罪。」力請還滑。 會河溢魚池埽,且決,希亮悉召河上使者,發禁兵捍之。廬於所當決,吏民

涕泣更諫,希亮堅臥不動,水亦去,人比之王尊。

對,仁宗曰:「朕得之矣。」乃以希亮爲曹州。不逾月,悉擒其黨。 是歲,盜起宛句,畫劫張郭鎭,執濮州通判井淵。 仁宗以爲憂,問執政可用者。 未及

淮南飢,安撫、轉運使皆言壽春守王正民不任職,正民坐免, 韶希亮乘傳代之。

使調里胥米而蠲其役,凡十三萬石,謂之折役米。米翔貴,民益飢。 希亮至,除之,且表其

事,旁郡皆得除。又言正民無罪,職事辦治。詔復以正民爲鄂州

使令,且以守倉庫。人爲之懼,希亮益加親信,皆感德,指心誓爲希亮死。改提點刑獄江 安。一日, 久之,徙知廬州。 有竊入府舍將爲不利者。希亮笑曰:「此必醉耳。」貸而流之,盡以其餘給 虎翼軍士屯壽春者,以謀反誅,遷其餘不反者數百人於廬,皆自疑不 左右

東,遷度支郎中,徙河北。

一院又兼開拆司。榮州醫鹽凡十八井,歲久澹竭,有司責課如初,民破產籍沒者三百餘家。 道以來,生事二百一十二萬,希亮日夜課吏,凡九月,去其三之二。 度支吏不時勾,希亮杖 希亮爲言,還其所籍,歲蠲三十餘萬斤。三司簿書滯留者,自天禧以來,末帳六百有四,明 嘉祐二年,入爲開封府判官,改判三司戶部勾院。 朝廷以三司事冗,簿書留滯,乃命浠

之。副使以希亮擅決罰,由是事復滯。

不敢隱,乃斬远以狗,流軍校一人,餘悉遣赴役如初。 老兵押之,曰:「以是付葉縣,聽吾命。」旣至,令曰:「汝以自首,皆無罪,然必有首謀者。」衆 四人道遇希亮,以希亮輕出,意色閑和,不能測,遂相與列訴道周。希亮徐問其所苦,命一 [稱周大王,震動汝、洛間。希亮聞之,即日輕騎出按,東請以兵從,希亮不許。 會接件契丹使還,自請補外,乃以爲京西轉運使,賜三品服。 石塘河役兵叛,其首周元 其賊二十

籍民產數十家,獲小盜,使必自誣抵死。希亮言其狀,卒以廢去。 死, 吏不敢問。 希亮移捕甚急, 卒流海島; 又劾吏故縱, 坐兎者數人。 遷京東轉運使。濰州云多軍王康赴官,道博平,大猾有號「截道虎」者,毆康及其女幾 徐州守暴苛,以細過

吾且斬若。」取軍令狀以還。使者至,羅拜庭下,希亮命坐兩廊飲食之,護出其境,無一人 者懼,其使不敢動矣。 况此小國乎?」乃使教練使持符告譯者曰:「入吾境,有秋毫不如法, 閉。 秦州,經略使以客禮享之。使者驕甚,留月餘,壞傳舍什器,縱其徒入市掠飮食,民戶皆晝 石貸民。有司懼爲擅發,希亮身任之。是秋大熟,以新易舊,官民皆便。于闐使者入朝,過 希亮聞之曰:「吾嘗主契丹使,得其情。 使者初不敢暴横,皆譯者敎之,吾痛繩以法,譯 數上章請老,不允,移知鳳翔。倉粟支十二年,主者以腐敗爲憂,歲飢,希亮發十二萬

列傳

第五十

陳希亮

譁者。

告之年,至是果然。贈工部侍郎。 借此上書自劾,求去不已,坐是分司西京。未幾致仕,卒,年六十四。 餉, 前議讞于朝,而希亮之議是。 例皆私有之,而法不可。 英宗卽位、遷太常少卿。 希亮以遺游士之貧者,既而曰:「此亦私也。」以家財償之。 僚官懼,欲以事中希亮,希亮自顧無有其事。 獄有盜,法當死,僚官持不可。久之,盜殺守吏遁去。 希亮嘗夢異人按圖 始,州郡 希亮以 以酒 相 而

至,奸民猾吏,易心改行,不改者必誅。然出於仁恕,故嚴而不殘。少與圖人宋輔游,輔卒 希亮爲人清勁寡欲,不假人以色,自王公貴人,皆嚴憚之。 見義勇發,不計禍福。 所

鵲起於前,使騎逐而射之,不獲,乃怒馬獨出,一發得之。 因與賦馬上論用兵及古今成敗, 中,妻子奴婢皆有自得之意,不與世相聞,人莫識也。 自謂一世豪士。稍壯,折節讀書,欲以此馳騁當世,然終不遇。 於京,母老,子端平幼,希亮養其母終身,以女妻端平,使同諸子學,卒登進士第。 河北有田歲得帛千匹,晚年皆棄不取。遯於光、 財如糞土,慕朱家、郭解爲人,閭里之俠皆宗之。在岐下,嘗從兩騎挾二矢與蘇軾遊西山。 四子。忧(+),度支郎中。恪,滑州推官。恂,大理寺丞。慥字零常,少時使酒好劍,用 黄間,日岐亭。 見其所著帽方屋而高,曰:「此豈古方 洛陽園宅壯麗與公侯等, 庵居蔬食, 徒步往來山

山冠之遣像乎?」因謂之「方山子」。及蘇軾謫黃,過岐亭,識之,人始知爲慥云。

恕,及、堂、夔淸修自守,蓋侍從之選也。 廉稱,士論以此惜之。 論曰:乘雅恬退,穎不阿貴戚, 有儒者之風。 希亮為政嚴而不殘,其良吏與。 擊淳靜而不矯,池質易而長厚,肅議法平 馬亮饒才智而寡

校勘記

(二) 曲宴 之曲宴,與大宴不同之義也。」作「曲宴」是。 原作「典宴」,長編卷一六〇作「曲燕」;趙升朝野類要卷一說:「有旨內苑留臣下賜宴,謂 據改。

- \exists 殿中侍御史 「殿」字原脫,據本書卷一六四職官志、東都事略卷六〇本傳補。
- 徙靑州 治所,見本書卷八五地理志。宋繪要職官四一之七九:「凡諸路安撫之名,並以逐州知州充。」本 傳下文有「屬歲歉,命兼京東安撫使、」則燕肅所徙當是靑州無疑。 「靑州」原作「淸州」。宋代淸州在河北路,而於京東路置有靑州,爲京東東路安撫使 據改。
- 人国 褏 原作「森」。 按琬琰集中編卷一晏殊馬亮墓誌銘記此事,作「公至部,例謁伍員之廟,躬袖詔

列

熚

第

五

十七

校勘記

九九二四

檢示於醉像」。「寝」當是「褏」之誤寫,漢書卷九三董賢傳顏師古注:「褏古袖字。」今改。

鄠縣 當作「雩都」。 按蘇軾蘇東坡集前集卷三三陳公弼傳、 **琬琰集中編卷三** 陳希亮墓誌銘

地理志。此誤。 都作「雩都」,後者並明載是「虔州雩都」。 鄠縣屬京兆府,雩都屬虔州,分別見本書卷八七、八八

維州 州。 原作「維州」, 蘇東坡集前集卷三三陳公弼傳、琬琰集中編卷三一陳希亮墓誌銘都作 據改。

(中) 忱 原作「悅」,據蘇東坡集前集卷三三陳公齊傳、琬琰集中編卷三一陳希亮墓誌銘改。 按本書卷八五地理志,維州屬京東路,和陳希亮當時任職地區相符,

来史卷二百九十九

列傳第五十八

孫 狄 棐 冲 垂 子遵度 寉 張 嶧 洞 郎簡 田瑜 李仕 衝 孫祖德 施昌言 李溥 張若谷 胡則 薛顏 石揚 休 許 元 祖 士衡 鍾離瑾

內銓, 聞,命侍御 通判益州。 科,以大理評事知分宜縣。 直昭文館。 狄棐字輔之,潭州長沙人。 出知滑州,進給事中,徙天雄 擢開 史劉夔按視,未及境,衆不自安。 代還,不以南海物自隨,人稱其廉。 封府判官,歷京西益州路轉運、江淮制置發運使,累遷太常少卿、知廣州, 歷開封府司錄, 少隨父官徐州,以文謁路振,振器愛之,妻以女。 軍。 會給郊賞帛不善,士卒譁譟趣府門, 建不能治。 知壁州。 拜右諫議大夫、龍圖閣直學士、權判吏部 道長安,爲寇準所厚,準復 變至, 與轉運使李 入相,乃薦 聚進士 流 加 事 H

列

傳

第

五

-|-

八

狄

赻

圆

簡

九九二五

絳 洪誅首 惡數人。 棐坐罷 懦 ,降知隨州 ,徙同州 勾當三班院, 進樞密直學士, 歷知陝鄭州、

河中河南府,復判流內銓。出知揚州,未行,卒。

官侍從,可以老而自汚耶?」其爲政愷悌,不爲表襮,死之日,家無餘貲。 在 河中時,有中貴人過郡,言將援謀於上前。 有狄國賓者,仁傑之後,分仁傑告身與棐,棐奏錄國賓一官,而自稱仁傑十四 **棐答以他語,退謂所親曰:「吾湘潭一寒士,今** 一世孫。

春秋 尤嗜 也。 城篇 杜甫 雜說,多所發明。嘗患時學靡敞,作擬皇太子册文、除侍御史制、裴晉公傳,人多稱之。 少舉進士,一斥於有司,恥不復爲。以父任爲襄縣主簿,居數月,棄去。 子瓊度,字元規。少穎悟,篤志於學。 詩,嘗讚其集。 後數月卒。 有集十二卷。 一夕,夢見甫爲誦世所未見詩,及覺,纔記十餘字,遵度足成之,爲 每讀書,意有所得,即仰屋瞪視,人呼之, 好爲古文,著 弗聞

鄓 知寧國縣,徙福淸令。 郎簡字叔廉,杭州臨安人。幼孤貧,借書錄之,多至成誦。 縣有石塘陂,歲久湮塞,募民浚築,溉廢田百餘頃,邑人爲立生 進士及第,補試秘書省校書

調隨州推官。及引對,眞宗曰:「簡歷官無過,而無一 郎 知分宜縣,徙知竇州。 縣吏死,子幼,贅壻僞爲劵冒有其貲。 人薦,是必恬於進者。」特改秘書省 」曰:「然。」又取僞劵示之,弗類 及子長, 屢訴不得

祠。

直, 作佐 乃訟于朝。 下簡劾治,簡示以舊牘曰:「此爾翁書耶?

也,始伏罪。

入判大理寺,出知越州,復歸判尚書刑部,出知江寧府,歷右諫議大夫、給事中、知揚州,徙 罷,知泉州。 徙藤州 以尚書工部侍郎致仕。祀明堂,遷刑部。 興學養士,一變其俗,藤自是始有舉進士者。 累遷尚書度支員外郎、廣南東路轉運使,擢秘書少監、知廣州,捕斬賊馮佐臣。 卒,年八十有九,特贈吏部侍郎 通判海州,提點利州路刑獄。 官

明州。

仕, 均奉資之。後二人亡, 又訪其子孫, 為主婚嫁。平居宴語, 惟以宣上德、救民 思爲意。 好醫術,人有疾,多自處方以療之,有集驗方數十,行于世。 孫沔知杭州,榜其里門曰德壽坊。 五. 一年,未嘗小不懌,今意倦,豈不逝歟?」就寢而絕。 簡性和易,喜賓客。 即錢塘城北治園廬,自號武林居士。 然在廣州無廉稱,蓋爲潔所累。 幼從學四明朱順,長學文於沈天錫,旣 一日,謂其子絜曰:「吾退居十 道引服餌,晚歲顏如丹。 潔,終尚書都官員外郎。 尤

以尚 校勘 書 館閣 孫 祖 屯 書籍。時校勘官不爲常職,滿歲而去。 德字延仲,潍州北海人。 田 員外郎通判西京留守司。 父<u>航</u>,監察御史、淮南轉運。祖德進士及第,調濠州推官、 方冬苦寒, 詔罷內外工作, 而錢惟演督修天津橋, 格 改大理寺丞、知楡次縣, 上書言刑法 重輕。

徳大恐。 郭皇后不當廢,獲罪,以贖論。久之,遷天章閣待制 入爲殿中侍御史,遷侍御 及太后崩, 諸嘗言還政者多進用,遂擢尚書兵部員外郎兼起居舍人、知諫 ...史。 章獻太后春秋高,疾加劇,祖德請還政。 已而疾少間, 院。 旭 詔

不下。

祖德

日:「詔書可稽留耶?

」卒白罷役。

龍 法所禁而官自爲,是敎民欺也。」固爭之,出知克徐蔡州、 潁州,除吏部侍郎 圖 閣直學士、知梓州,累遷右諫議大夫、知河中府。 時三司判官許申因宦官閻文應獻計,以藥化鐵成銅,可鑄錢, 致仕,卒。 有論事七卷。 歷陳許蔡路耶亳州、 永興軍。 裨 徙鳳翔府, 請置鄉 .國用。 應天府, 祖德言:「偽 以疾得 兵。 改

祖德少清約,及致仕,娶富人妻,以規有其財。 已而妻悍,反資以財而出之。子珪,江

東轉運使。

乃以命若谷。 賊者耶?」特改大理寺丞、知濛陽縣。三司言:「廣寧監歲鑄緡錢四十萬,其主監宜擇人。」 事,率衆爲守禦備,賊乃引去。 張若谷字德繇,南劍沙縣人。進士及第,爲巴州軍事推官。 歲餘,所鑄贏三十萬緡。擢知處州,歷江湖淮南益州路轉運、江淮制置發運 調全州軍事推官。入見,眞宗證其名,顧曰:「是嘗在巴州禦 會蜀寇掠鄰郡,若谷攝州

使。 入爲三司度支、鹽鐵副使,累遷右諫議大夫、知丼州。

銀臺司、應天府。改龍圖閣學士,徙杭州。 理寺,進樞密直學士,歷知澶州、成德軍、揚州、江寧府,入知審官院,糾察在京刑獄,知通進 且中國得戰馬; 先是,麟、府歲以繒錦市審部馬,前守輒罷之。若谷以謂:互市,所以利戎落而通邊情, 亟罷之,則猜阻不安。奏復市如故,而馬入歲增。提舉諸司庫務,權判大 會歲飢,斥餘廩爲糜粥賑救之。權判吏部流內

銓、知洪州,累官至尚書左丞致仕。

若谷素爲宰相張士遜引拔,然所至亦自有循良跡,不激訐取名云。

大將 軍,明於曆數,嘗召家 石揚休字昌言,其先江都人。 人謂曰:「天下將有變,而蜀爲最安處。」乃去依其親眉州刺史李 唐兵部郎中仲覽之後,後徙京兆。 七代祖 藏用,右羽林

九九二九

列傳第

稿,遂爲眉州人。

判官。坐前在開封嘗失盜,出知宿州 請悉罷之。改秘書丞,爲秘閣校理、開封府推官,累遷尙書祠部員外郎,歷三司度支、鹽鐵 冠往來之衝也,地瘠民貧,賦役煩重,富人隸太常爲樂工,僥倖免役者凡六十餘家。 揚休少孤力學,進士高第,爲同州觀察推官,遷著作佐郎、知中牟縣。 縣當國西門,衣 揚休

當三班院,爲宗正寺修玉牒官。遷工部郞中,未及謝,卒。 內出香祠温成廟,帝誤書名稱臣,楊休言:「此奉宗廟禮,有司承誤不以聞。」帝嘉之。兼勾 奏:「史官記言動,當立以侍。」從其言。判鹽鐵勾院,以刑部員外郎知制誥、同判太常寺。初, 頃之,召入爲度支判官,修起居注。 初,記注官與講讀諸儒,皆得侍坐邇英閣。

默,世未嘗以能言待之也。至於誥命,尤非所長。 道以防壅蔽,復齒胄之禮以強宗室,擇守令,重農桑,禁奢侈,皆有補於時者。然揚休爲人愼 所得上封事十餘章,其大略:請增諫官以廣言路,置五經博士使學者專其業,出御史按察諸 揚休喜閑放,平居養猿鶴,玩圖書,吟詠自適,與家人言,未嘗及朝廷事。 及卒,發楮中

不足,徒步去家十八年。後以從官還鄉里,疇昔同貧窶之人尚在,皆曰:「昌言來,必賙我 平生好殖財。因使契丹,道感寒毒,得風痺,謁告歸鄉,別墳墓。揚休初在鄉時,衣食

知制誥,爲史館修撰,糾察在京刑獄,同知通進、銀臺司。 集賢院,改右正言、戶部判官。未幾,提舉在京諸司庫務,遷起居舍人、注釋御集檢閱官,遂 曰:「祖士衡辭學日新,後生可畏也。」舉進士甲科,授大理評事、通判歐州,再遷殿中丞、直 祖士衡字平叔,蔡州上蔡人。少孤,博學有文,爲李宗諤所知,妻以兄子。 楊億謂劉筠

外家,有僧善相,見之,語人曰:「是兒神骨秀異,他日有名于時,若年過四十,當位極人臣。」 年三十九,卒于官。 天聖初,以附丁謂,落職知吉州。 言者又以在郡不修飭,復降監江州稅。 士衡兒時過

注。 校勘,累遷著作郎、館閣校理。上導河形勝書三卷,欲復九河故道,時論重之。又累修起居 丁謂執政,垂未嘗往謁。 李垂字舜工,聊城人。咸平中,登進士第,上兵制、將制書。 列 傳 第五 十八 궲 + 衡 或問其故, 垂曰:「謂爲宰相, 不以公道副天下望, 而恃權怙 李 垂 張 洞 自湖州錄事參軍召爲崇文

道中, 以舜工未嘗相識,盍一往見之。」垂曰:「我若昔謁丁崖州, 已老大,見大臣不公,常欲面折之,焉能趨炎附熱,看人眉睫,以冀推輓乎?道之不行, 觀其所爲,必遊朱崖,吾不欲在其黨中。」謂聞而惡之,罷知亳州,遷潁、晉、絳三 還朝, 閣門祗 ·候李康伯謂曰:「舜工文學議論稱於天下,諸公欲用爲 則乾興初已爲翰林學士矣。 知制誥, 但宰相 州。 命 明

五子,仲昌最知名,銳於進取,嘗獻計修六塔河無功,自殿中丞責英州文學參軍

也。」執政知之,出知

均州。

卒,年六十九。

邊、關、隴蕭然、困於飛輓,且屢喪師。 旣誦書,日數千言,爲文甚敏。 張洞字仲通,開封祥符人。父惟簡,太常少卿。 惟簡異之,抱以訪里之卜者。 未冠, 曄然有聲, 仁宗太息,思聞中外之謀。 曰:「鄭君生甚奇, 遇事 洞爲 慷慨, `必在策名,後當以文學政事顯。」 人長大,眉目如 自許以有爲。 洞以布衣求上方略,召試 畫, 時,趙元昊叛擾 自幼開 悟,

婦,旣而投杖,夫婦相持而泣。 **尋舉進士中第,調漣水軍判官,** 甲怒,逼柳使再鞭之,婦以無罪死。 遭親喪去,再調潁州推官。民劉甲者,強弟柳使鞭其 吏當夫極法, 知州歐陽

含人院,擢試將作監主簿。

脩欲從之。 洞曰:「律以教令者爲首,夫爲從,且非其意,不當死。」衆不聽,洞卽稱疾不出,

不得已識於朝,果如洞言,脩甚重之。

飲酒,傾倒無不至,當事有官責,持議甚堅,殊爲沮止,洞亦自以不負其知 丞、知鞏縣。會殊留守西京,復奏知司錄。 殊晚節驟用刑,幕府無敢言。 洞不居與殊賦詩 晏殊知永興軍,奏管勾機宜文字。 殊儒臣,喜客,游其門者皆名士,尤深敬洞。 改大理

|扑等復議,改曰恭。||寂奏:「執中位宰相,無功德而罪戾多,生不能正法以黜之,死猶當正 當依古給戶守冢,禁毋樵採而已。今祠部帳至三十餘萬僧,失不裁損,後不勝其弊。」朝廷 用其言,始三分減一。知太常禮院,宰相陳執中將葬,洞與同列諡爲榮靈,其孫訴之,詔孫 名以誅之。」竟從抃等議。 一人,後率百人度一人;又文武官、內臣墳墓,得置寺撥放,近歲滋廣。若以勳勞宜假之者, 時天下戶口日蕃,民去爲僧者衆。洞奏:「至和元年,敕增歲度僧,舊敕諸路三百人度 樞密副使高若訥、參知政事吳育薦其文學,宜爲館職,召試學士院,充秘閣校理、判祠

於廟。 當許其號,不許其禮。」洞奏:「后嘗母天下,無大過惡,中外所知。陛下旣察其偶失恭順,洗 初,皇后,郭氏忤旨得罪廢沒,後仁宗悔之,詔追復其號,二十餘年矣。 至是,有司請祔 知制誥劉敞以謂:「春秋書『禘于太廟,用致夫人』。致者,不宜致也。且古者不二嫡,

列傳第

五十

張洞

非是。 閣 之於既沒,猶 正名之典,而 久,數有建明,仁宗以爲知經,會覆攷進士崇政殿,因賜飛白「善經」字寵之。 若從變禮, |微復引春秋『用致夫人』。按左氏哀姜之惡所不忍道,而二傳有非嫡之辭,敞議 日不許其禮,於義無當。 尙當別立廟。 」不行。 且廢后立后,何嫌於嫡?此當時大臣護已然之失,乖 轉太常博士,判登聞鼓院。 仁宗方嚮儒術,洞 洞獻詩 在館

復賜韶獎諭

之「綾絹州」,朝廷以爲內地不慮。 鹽爲名,舟往 冒占,弱者耕居無所。 出 知棣州 |來境上,此不可不察。 願度形勢,置帥、增屯戍以控扼之。」 ,轉尙書祠部員外郞。 洞奏一切官爲標給,蠲其租以綏新集。 洞奏:「今滄、景,契丹可入之道,兵守多缺,契丹時以贩 河北地當六塔之衝者,歲決溢病民田。 河北 東路民富蠶桑, 水退, 契丹謂 強者遂

而浮躁者絕意。」致書歐陽脩極論之。 「諫官持諫以震人主,不數年至顯仕,此何爲者。 時天下久安,薦紳崇尙虛名,以寬厚沉默爲德,於事 召權開封府推官 當重其任而緩其遷,使端良之士不亟易, 無所補,洞以謂非朝廷福 又謂.

望。」大臣亦以爲言,遂聽政。命攷試開封進士,旣罷,進賦,題曰孝慈則忠。時方議濮安懿 英宗卽位,轉度支員外郎。 豈宜久屈剛健,自比沖幼之主。當躬萬機,攬羣材,以稱先帝付畀之意,厭元元之 。|英宗哀狹,或經旬不御正殿,洞上言:「陛下春秋鼎盛,初嗣

王稱皇事, 英宗曰: 「張洞意諷肸。」宰相韓琦進曰: 「言之者無罪, 聞之者足以戒。」英宗意

解。

法,刑之則傷骨肉之愛。宜因秩品立制度,更選老成教授之。」宗室緣是怨洞,痛詆訾言,上 亦起藩邸,賴察之,不罪也。 曰:「卿知大體。」洞因言:「唐宗室多賢宰相名士,蓋其知學問使然。 宗說罪在不宥。 一切厚廩之,不使知辛苦。婢妾聲伎,無多寡之限,至滅禮義,極嗜欲。貸之則亂公共之 詔訊派國公宗說獄,宗說恃近屬,貴驕不道,獄具,英宗以爲辱國,不欲暴其惡。 雖然,陛下將懲惡而難暴之,獨以其坑不辜數人, 國家本支蕃衍,無親疏 置諸法可矣。」英宗喜 |洞日:

運使。 庭。 錢,官爲糴麥,不踰時而足。 計尺寸輸錢,民便之。 至是,夢之如初。 轉 江西荐飢,徵民積歲賦,洞爲奏免之。又民輸紬絹江不中度者,舊責以滿匹,洞命 司封員外郎、權三司度支判官。 移淮南轉運使,轉工部郎中。 自以年不能永,教諸子部分家事。 洞在棣時,夢人稱敕召者,旣出,如拜官然,顧視旌旗吏卒羅于 對便殿稱旨,英宗遂欲進用,大臣忌之,出爲江西轉 准南地不宜麥,民艱於所輸,洞復命輸 未幾卒,年四十九。

仕 衡 鞫 李仕 死 囚 衡 学天均 五 人,活 秦州 者四 成紀 人。 人,後家京兆 重進卽其家謂曰:「子 府。 進士及第,調鄂縣 有 陰施, 此門當高大之。」徙知彭 主 簿 H 重 進 守京兆 山 命命

就

加

大

/理評

事

遷光

減時

丞。

父益,以不法誅,仕衡

亦坐除名

聽, 「安邊 所 內 利 數千級。乃乘驛入奏,擢尚書度支員外郎,賜服緋魚。已而使者言仕衡嘗棄城,降監虔州 反, 資,卽 将緡錢 益 邃 仕衡 博,國 召還, 後 行 無 會赦,寇準薦其材,盡復其官,領渭橋輂運,通判邠州 鼎 趨劍門。 度州兵不足守, 大於息民, 今不得已而 三十 用 議,而關中大擾。乃罷鼎度支使,以 判三司 日耗。 萬 , 助陝西 鹽鐵勾院。 仕衡預招賊衆,得千餘人,待之不疑。 請調丁夫轉粟,而輦 即棄城焚獨粟,輦金帛東守劍門。 「軍費。 度支使梁鼎言:「商人入粟于邊,率高其直,而售以 調斂之,又增以轉粟輓鹽之役,欲其不困, 仕衡 言歲計可 鹽諸州, 自 仕衡爲荆湖北路轉運使,徙陝西。 辨 官自鬻之,歲可得緡錢三十萬。」仕衡 多鑑 賊將至,與鈴轄裴臻迎擊之, 給 ,再遷 旣而 賊陷漢州,攻劍州,州 秘 書丞,徙知劍州 何 可得哉 解鹽。 初,歲出 斬首 空無 王均

悉除之。 支 眞宗 使。 累遷 謁 陵 司封郞中,爲河北轉運使。 震,因幸洛,仕衡 關右 旣 弛 鹽 禁, 獻栗五 m 永 興、 + 萬斛,又以三十萬 同華 叉 奏罷 耀 四州猶 內帑所助緡錢百萬 逐賣 斛 鹽 飽 京 西。 年 額 錢 朝 建言: 高減 廷以爲材,召爲 「河北歲給諸 十之四 詔 度

足,請戶給錢,至夏輸帛,則民獲利而官用足矣。」詔優其直,仍推其法于天下 軍帛七十萬, 而民艱於得錢,悉預假於里豪,出倍償之息,以是工機之利愈薄。

乃命 同林特提舉京西、陝西轉運事印。 封 泰山, 獻錢帛、 **獨糧各十萬**, 見于行宮,遷右諫議大夫。 權知永興軍,進給事中。 祀汾陰,又助錢帛三十萬, 踰月,以樞密直學士知益

州

亳州 之,而粟不腐也。 析進六十萬皆上供者,二十萬卽其羨餘。帝不之罪,謂王旦曰:「仕衡應猝有材,人欲以此 復進錢 ,又貢絲綿、縑帛各二十萬。 頃之,河北闕軍儲,議者以謂仕衡前過助封祀費,眞宗聞之,以爲河北都轉運使。 然朝廷所須,隨大小即辦,亦其所長也。」明年旱蝗,發積粟賑民,又移五萬斛濟京 帛八十萬。先是,每有大禮,仕衡必以所部供軍物爲貢,言者以爲不實。 棣州汚下苦水患,仕衡奏徙州西北七十里,既而大水沒故城丈餘。 後集粟塞下,至鉅萬斛。 或言粟腐不可食,朝廷遣使取視 仕衡 南郊, 乃條 駕 如

其徒有梟賊首至者。 、情間,遷刑部侍郎、知青州 遷尙書工部侍郎、權知天雄軍。 入爲三司使,帝作寬財刑論以賜之。 前守捕羣盜妻子寘棘圍中,仕衡至,悉縱罷之使去。 民有盜瓜傷主者,法當死,仕衡以歲饑,奏貸之。 乃更陝西入聚法,使民得受錢與 未幾, **盜**起

列傳第

五

十八

李仕衡

李溥

乃許吏私附羊,免其算,使得補死者:聽民自採木轍官,用入粟法償其直。 舊市羊及木,責吏送京師,而羊多道死,木至湍險處往往漂失,吏至破產不能償。 遷吏部 侍 郎。 仕衡

潁州 餘,改左衞大將軍,卒。其後諸子訴其父有勞於國,非意左遷,詔追復同州觀察使 ,復知陳州。 仁宗卽位,拜尙書左丞,以足疾,改同州觀察使、知陳州。 曹利用,仕衡婿也。 利用被罪,降仕衡左龍武軍大將軍,分司 州大水,築大隄以障水 西京。 患。 徙

官府。 **仕**衡前後管計事二十年,雖才智過人,然素貪,家貲至累鉅萬,建大第長安里中,嚴若

卿致仕,卒。 臣爲言,起僉書永興軍節度判官事。 廷以爲郞,故事不許,請削一官,乃聽。未幾,還之。居十餘年,仕衡死,服除,久之不出。 子 不緒, 蔭補將作監主簿。 不緒居官康靜,不爲矯激。 及仕衡歸老,丕緒時爲尙書虞部員外郎,請解官就養。 歷通判永興軍、同州,知解州、興元府、華州,累遷司農 家多圖書,集歷代石刻,爲數百卷藏之。 大

賦,欲有所更革,引三司吏二十七人對便殿,問以職事。溥詢其目,請退而條上。命至中書, 李溥,河南人。 初爲三司小吏,陰狡多智數。 時天下新定,太宗厲精政事, 嘗論 及以

列 「朕嘗諭 七十一 陳恕等,如溥輩雖 事以聞,四十四事卽日行之,餘下三司議可否。 無學,至於金穀利害,必能究知本末,宜假以色辭 於是帝以溥等爲能, 誘 令開陳。 語輔臣 而

間。 恕等強愎自用,莫肯詢問。」呂端對曰:「耕當問奴, 滥 以貴下賤,先有司之義 也。」帝以爲然,悉擢溥等以官,賜錢幣有差。 織當問婢。」憲準曰:「孔子入太廟,每事

溥 爲左侍禁、提點三司孔 目官,請著內外百官諸軍 奉祿爲定式。 加閤門祗侯。 催運 陝

決 西 粮草,赴淸遠軍 命溥往視 ,遂徙城而還。 -,還,提舉在京倉草場,勾當 又與李仕衡使陝西, 北 作坊。 增酒権緡錢歲二十 齊州 大水,壞民廬舍, 五 萬 三遷崇儀使。 欲徙州 城

皆倍 湖 江、淮歲運米輸京 等皆受賞。 水散漫 ·其數,即以傳制置江、准等路茶鹽礬稅兼發運事,使推 景德中, 多風濤,溥令漕舟東下者還過泗州,因載石輸湖中,積爲長隄,自是舟行無患。 溥時已爲發運 茶法 既弊,命 師,舊止 五百 副使、遷爲使、仍改西京作坊使。 與林特、 餘萬斛,至溥乃增至六百萬,而諸路猶有 劉承珪更定法,募人入金帛京師,入芻粟塞下, 行之。 然茶法行之數年, **歲課緡錢**, 餘 嗇 果增其舊, 課復損 高 與東南 郵 軍 於舊。 新開 茶 累

帝意 時 營建 建安 軍 玉 ·鑄玉皇、 淸 昭 應宮,溥與丁謂相表裏,盡括 聖祖,溥典其事,丁謂言溥蔬食者周歲,而溥亦數奏祥應, 東 南巧匠遣詣京,且 一多致 奇 木怪石 遂以爲迎 了, 以 傾會

列

遷北作坊使。

九

更相 遷宮苑使。 奉 聖 司祭。 丼言, 漕舟舊以使臣若 像 ☆都監 大中祥符九年,初運米一百二十五萬石,纔失二百石。 領順州刺 史, 遷獎州 軍大將,人掌一綱,多侵盜,自溥倂三綱爲一,以三人共主之,使 團練使。 | 溥自言江、淮歲入茶, 視舊額增五 會溥當代,詔留再任,特 百七十餘萬

執政曰:「羣臣上書論事,法官輒沮之,云非有大益,無改舊章,然則何以廣言路。」王旦對 矣。」帝曰:「此特畏溥之強,不敢退卻,自今雖小吏言,亦宜詳究行之。」 曰:「法制數更,則詔令牴牾,故重於變易。」因言:「溥嘗請盜販茶鹽者贓仗皆沒官,已可之 小心,言事未嘗不中利害,以故任之益不疑。然溥久專利權,內倚丁謂,所言輒聽。帝嘗語 可用。 初, 譙縣尉陳齊論權茶法,溥薦齊任京官,御史中丞王嗣宗方判吏部銓,言齊豪民子, 眞宗以問執政,馮拯對曰:「若用有材,豈限貧富。」帝曰:「卿言是也。」因稱溥畏愼

仁宗卽位,起知淮陽軍,歷光、黃二州,復以贓敗,貶蔡州團練副使。 私 公兵爲姻家林特起第,附官舟販竹木,奸贓十數事。 溥旣專且貪,繇是寖爲不法。發運使黃震條其罪狀以聞,罷知潭州。 未論決,會赦,貶忠武軍節度副 久之, 監徐州利國監, 命御史鞫治,得溥 使。

以千牛衞將軍致仕,卒。

軍。 轉運司曰:「兵且深入,粮有繼乎?」則告湘曰:「彼師老將歸,欲以粮乏爲辭耳,姑以有餘報 何為 人?」命記姓名中書。 一月邪?」湘懼無以給,遣則遂入奏。太宗因問以邊策,對稱旨,顧左右曰:「州縣豈乏 時靈、夏用兵,轉運使索湘命則部送獨粮,爲一月計。 則字子正,婺州永康人。果敢有材氣。 後李繼隆討賊,久不解,湘語則曰:「微子幾敗我事。」一日,繼隆移文 以進士起家,補許田縣尉,再調憲州錄事參 則曰:「爲百日備, **尚恐不支,奈**

爲羨餘,不之罪。改江、淮制置發運使,累遷尙書戶部員外郎。眞宗幸亳還,擢三司度支副使。 吏所 匿銅數萬斤,吏懼且死,則曰:「馬伏波哀重囚而縱之,吾豈重貨而輕數人之生乎?」籍 初,丁謂舉進士,客許田,則厚遇之,謂貴顯,故則驟進用。至是,謂罷政事,出則爲京 後以太常博士提舉兩游權茶,就知睦州,徙温州。歲餘,提舉江南路銀銅場、鑄錢監,得 之。」已而果爲則所料。

湘爲河北轉運使,奏改秘書省著作佐郎、僉書貝州觀察判官事

曰:「彼以急難投我,可拒而不與邪? 九人。復爲發運使,累遷太常少卿。 番 品遭風至瓊州,且告食乏,不能去。 部內民訛言相驚,至遣使安撫乃定。坐是,徙廣西路轉運使。 」已而償所貸如期。 則命貸錢三百萬,吏白夷人狡詐,又風波不可期。 又按宜州重辟十九人,爲辨活者 則

西

轉運使,遷禮部郞中。

(三),

美職,何以 郎、集賢院 三司 失舉,復爲太常少卿、知 又以其子爲名祈買酒場。 使,通京東 乾興 初 風勸在 學士。 西、陝西鹽法, 坐丁謂黨、降知信州、徙福州、以右諫議大夫知杭州。 位 劉隨上疏言:「則奸邪貪濫聞天下,比命 [?]後徙杭州,再遷兵部侍郎 池州。 至是,張宗誨擿發之,按驗得實, 人便之。 未行,復諫 初, 議大夫、知永興軍 則在 河北,殿中侍御史王沿嘗就則假官舟 致仕,卒。 知池州,不肯行, 一,徙 出 厠 河北 知陳州。 都 轉 入 運 權吏部流 今以罪去, 踰 使,以給 月, 授 內鈴 事 販 驟加 部 4 權 坐

日 在 則 無廉 福 州 則 時,前守陳絳嘗延蜀 名,喜交結,尙風 破城館以賓禮,出俸錢爲償之。 義。 人龍昌期爲衆人講易,得錢十萬 丁謂貶崖州, 賓客隨散落, 獨 則間 遣 終旣坐罪, 人 至海 上, 遂自成都被 饋 問 如 平

薦者 書百餘卷,嘉祐 補國子四門助教, 昌期 者,嘗注易、詩、書、論語、孝經、陰符經、老子,其說詭誕穿鑿, 中,詔取其書。 文意博守成都,召置府學,奏改秘書省校書 昌期時年八十餘,野服自詣京師, 郎, 賜緋魚,絹百匹。 至詆斥周公。 後以殿中丞 致仕。

[脩言其異端害道,不當推獎,奪所賜服罷歸,卒。

薛顏字彥回,河中萬泉人。舉三禮中第,爲嘉州司戶參軍。 代還引見,太宗顧問之,對 還, 改太子左贊

稱旨 ,改將作監丞、監華州酒稅。 以秘書省著作佐郎使變、 峽, 疏決 刑 獄。

善大夫、知雲安軍,徙渝、閬二州,擢三司鹽鐵判官,河北計置粮草 初,丁謂招撫溪蠻,有威惠,部人愛之。留五年,詔謂自舉代,謂薦顏爲峽路轉運使,累

其故城。 遷尙書虞部員外郎。 宜州陳進反,命勾當廣南東、西路轉運司事。 始,孟氏據蜀,徙夔州于東山,據峽以拒王師,而民居不便也,顏爲復 賊平,遷金部員外郎,改河東轉運

使。

寧府。 礬,則||晉礬當大售。」後如其策。 溉其旁田,民頗利之。 祀汾陰,徙陝西。 邏者畫劫人,反執平人以告。 顏視其色動,曰:「若眞盜也。」械之,果引伏。 坊州募人鍊礬,歲久課益重,至有破產被繫不能償者。 河中浮橋歲爲水所敗,顏卽北岸釃上流爲支渠,以殺水怒,因取渠水 徙河北。 歷知河陽、杭徐州,累遷光祿少卿,以少府監知江 顔奏:「罷坊 轉右諫

李甲,結客數十人,號「沒命社」, 仁宗卽位,遷給 事中。 丁謂 分司西京,以顏雅與善,徙知應天府,又徙耀州。 少不如意,則推一人以死鬥之,積數年,爲鄉 人患,莫敢 部有豪姓 議大夫、知河南府。

發。 **颜至,大索其黨,會赦當免,特杖甲流海上,餘悉籍于軍。** 以光祿卿分司西京,卒于家。

列傳

第五十八

薛額

許

元

嘗屬 杜衍 爲 墓誌,衍却之。 仁宗聞其事,他日,謂衍曰:「薛顏有醜行, 卿不欲誌其墓,誠淸

九

識也。」孫向,自有傳

以尙書主客員外郎爲使,進金部,特賜進士出身,遷侍御史。 月食,遠近以次相補,引千餘艘轉漕而 貨務,三門發運判官。 知政事范仲淹薦元可獨倚辦,擢江、准制置發運判官。 許元字子春,宣州宣城人。以父蔭爲太廟齋郎,改大理寺丞,累遷國子博士,監在京権 元爲吏強敏,尤能 西。 商 財利。 未幾,京師足食,朝廷以爲任職,就遷副使。 慶曆中,江、淮歲漕不給,京師 至,則悉發瀕江州縣藏粟,所在留三 乏軍儲,參 遂

也。」下詔戒飭。 匱乏, 嘗詔損歲漕百萬石, 而元與昌言乃更欲分道而出, 既可之矣,而轉運使多論其罪,事遂寢。 嘗欲與施昌言分行二浙、江南調發軍食。仁宗聞之,語輔臣曰:「東南歲比不登, 旣而元欲專六路財賦,收羨餘以媚三司,憚諸部不從,請以六路轉運 擢天章閣待制,再遷郎中,以疾請還。 是必誅求疲民以自爲功, 非朕志 民力 歷知 司

|元在||L、淮十三年,以聚斂刻剝爲能,急於進取,多聚珍奇以賂遺京師權貴,尤爲王堯

越、泰州(日),卒。

卽 [所知。發運使治所在眞州,衣冠之求官舟者,日數十輩。元視勢家貴族,立權巨艦與之一, 小官惸獨,伺候歲月,有不能得。 人以是憤怨,而完自以爲當然,無所愧憚。

至瓜州 獄。 藥賜之,使未及門而卒。 累遷尙書刑部郞中,爲三司戶部副使,除龍圖閣待制、權知開封府。 運副使,歷京西、河東、河北轉運使,改江、淮制置發運使。 既上雨,後雖凶旱,多隱之以成前奏,請令監司劾其不實者。」擢開封府推官,出提點兩浙 衢、潤州饑,聚餓者食之,頗廢農作,請發米二萬斛賑給, 鍾離瑾字公瑜,廬州合肥人。舉進士,爲簡州推官,以殿中丞通判益州。 ,濬河百二十里,以廢二埭。 韶瑾規度,以工大不可就,止置牐召伯埭旁,人以爲利。 殿直王乙者,請自揚州召伯埭東 家毋過一斛。 未踰月,得疾,仁宗封 後徙淮南轉 建言:「州郡 刑

有司循五代故事,必六年乃聽調,沖援古制,以書干宰相,不納。後舉進士,登甲科。 孫沖字升伯,趙州平棘人。舉明經,歷古田青陽尉、鹽山麗水主簿。嘗倂喪父母去官, 列 第 五 + 八 鍾 離 瑾 孫 冲 九九四

朱

作監 丞,歷通判晉、絳、保州,坐與保州守爭事,降監吉州酒,累遷太常博士

使,卒徙州陽信至。而沖坐守護河堤過嚴,民輸送往來堤上者輒榜之,爲使者論奏,徙知 若塞河爲便。」遂以沖知棣州,自秋至春,凡四決, 襄州。 河 決棣州,知天雄軍寇準請徙州治 沖復上疏論徙州非便,著河書以獻 河,命沖往 沖皆塞之,就除殿中侍御史。 按視。 還言:「徙州動民,亦未免治堤,不 準爲樞密

答之。 士李渭策,欲盛夏興役。 歷湖北、河東轉運使 會京西蝗,眞宗遣中使督捕,至襄,怒沖不出迎,乃奏蝗唯襄爲甚,而州將日置酒,無衂 以侍御史爲京西 帝怒,命卽州置獄。沖得屬縣言歲稔狀,馳驛上之。時使者猶未還,帝悟,爲追使者 【轉運。 沖言徒費薪健,困人力,雖塞必決。 塞滑州決河,權知滑州。 參 知政事魯宗道總河事,用太常博 **遂罷知河陽**。 累遷刑部郎中,

州,復爲河東轉運使,遷太常少卿,擢右諫議大夫,復知潞州,遷翰林院學士。及徙同州,權 是愈誘之亂也。」卒留不與。入判登聞鼓院,以目疾改兵部郎中、直史館、 之,遂定。初,守佐以亂軍所約者上聞,詔給善帛。使者至潞,沖促之還,曰:「以亂而得所欲, 善帛乃免。 會南郊賞賜軍士,而汾州廣勇軍所得帛不逮他軍,一 城中戒備,遣兵圍廣勇營。 沖適至,命解圍弛備,置酒張樂,推首惡十六人斬 軍大譟,捽守佐堂下劫之, 知河中府,徙路 約與

西京留司御史臺,遷給事中。喪明,卒。

沖爲東,所至以強幹稱, 能任鉤距, 多得事情, 然無家法, 晚節尤寡廉聲。 孫永,自有

傳。

文州 如劍門,以察奸人。 、蕃卒數剽攻邊戶,守臣慮生事,多以牛酒和遣。 崔 切捕擊之,後無復內寇。就除 壓字之才,京兆長安人。進士及第,累官尙書職方員外郎、知遂州。 事旣施行,徙提點刑獄。 .轉運使。歷三司戶部判官、河東轉運使。 嘉陵江歲調民丁治堤塌,嶧更用州兵代其役。 | 嶧請守臣歲時得行邊,益募勇壯,伺其 建議瞿塘峽置關 會更錢法,路州

民大擾,推其首惡誅之,人心遂定。

執中, 史言宰相 後爲戶部副使,以右諫議大夫爲河康都轉運使,遷給事中,還,糾察在京刑獄。諫官、御 即授龍 陳執中縱嬖妾殺婢,命按治。 圖閣 待 制、 知慶州。 **羌井坑族亂,潛兵討平。** 歷知同州 、鳳翔府、改工 非妾殺之,頗左右 一部侍郎、

|嶧所 列 至 傳 一貪奸, 第 五. + 比老益甚。 八 徭 幡 在鳳翔,轉運使薛向按之急,不得已至河中。 田 瑜 九九四 -Li 請老,以刑部侍 集賢院學士、

知

河

中府。

郎致仕,卒。

建陽 洞環 守要害,故兵所至皆不乏食,賊勢大挫 州 縣, 田 · 蠻叛,上以瑜習知南方事,就除<u>荆湖北路轉運使</u>。 瑜字資忠, 徙知蒙、江二州,累遷尚書司封員外郎、提點廣南西路 河南壽安人。 舉進士,歷遠、野、合三州軍事推官,遷大理寺丞,知鹿邑、 瑜檄屬郡募民擊賊, 刑獄。 慶曆中, 又督轉粟以 显 希 範誘溪

江、准制置發運使,擢天章閣待制、知廣州,累遷諫議大夫、權三司戶部副使。 更輸石一尺。 徙 兩浙轉運按祭使。 率五歲,得石百萬, 杭州龍山堤歲決,水冒民居,輒賦獨塞之。 爲石堤,堤固而歲不調民。 加直史館、益州路轉運使,改 瑜與民約,每獨十束,

之策,乃以爲廣南東路體量安撫使。 日,鄰州民執賊以告。屬歲凶多盜,瑜立賞罰、設方略捕格之,境中肅然。 **儂智高犯邕,瑜條上用兵禦賊十事。** 城中有殺人投屍井中者,更以其無主名,不以聞。瑜廉得之,大出金帛購賊,後數 還,糾察刑獄,同判吏部流內銓,除龍圖閣直學士、知 智高平,召對便殿,具言南方山川險要,所以備守 徙知澶州,背發

疽卒。

楊懷 北都 試館 不當又事無利之砦,以重困財力。」就除知慶州。 否, 昌言獨以爲:「鱗、府在河外,於國家無毫髮入, 而至今餽守者, 徒以畏蹙國之虛名。 契丹未渝盟先自困,非便也。」或請於麟、府立十二砦以拓境,又詔昌言與明鎬、張元度可 敏往視。 轉運使。 .職,不中選,遷尙書屯田員外郞、知太平州。 施 安撫淮南,還,以禮部員外郎兼侍御史知雜 昌言字正臣,通州靜海人。 言事者以爲濱、棣等六州河可涉,宜有城守如邊,以待契丹。 懷敏以爲當城如邊,昌言曰:「六州地千里,又河數移徙, 舉進士高第,授將作監丞、通判滁州。 上政論三十篇。 在州所爲不法,語徹朝廷。 事,遷三司度支副使,除天章閣待制、 入爲殿 城之甚難而無利。 中侍御史、開封府 後以太常博士召 昌言疑通判陳 詔昌言與宦官 河

河 徒江、准發運使,加龍 制置使,辭,弗許 歷 知滄州、 河陽,移河北都轉運使。 加樞 圖閣直學士、知應天府,又知延州。召還,會塞六塔河,以爲都大 密直 學士、知澶州,以便役事。 議塞商胡埽決河,令復故道,與北京留守賈昌朝累 河決,奪一官知滑州,又知杭州,

提言之,追發提罪,提坐廢,昌言亦降知華州

列傳第五

-1-

施昌

音

校

勘記

加龍 圖閣學士 一,復知滑州。 以老求罷,乃以知越州。 至京師,卒。

昌言爲發運使時,召范仲淹後堂, 出婢子爲 優, 雜男子慢戲, 無所不言。 仲淹怪問之,

則皆昌言子也,仲淹大不懌而去。其治家如此。

子恥之。 臣所忌,則其抱負從可知矣。 爲名臣,終鮮大過,考其行事可見也。 論曰:狄棐、郞簡、孫祖德、張若谷、 若李仕衡而下十人,皆能任劇繁,然或寡廉稱,或有醜行, 李垂寧去華近,不肯見宰相;張洞以直言正論爲大 石揚休、 祖士衡並以文辭高第, 累侍從,歷方州,始

校勘記

- 紬 貨七〇賦 絹 原作「油絹」,鷄肋集卷六二張洞傳作「紬絹」。 、稅雜錄,通常都 以一紬 絹 連稱。 據 改 按宋代賦稅中有紬、絹二品, 見宋會要食
- \exists 提舉京 西 |陝西 轉 運事 「京西」二字原倒, 據長編卷七四、 范仲淹范文正公集卷一 李仕衡神

道碑銘乙正。

記

原作「乾寧」。按宋無「乾寧」年號;本書卷九仁宗紀, 乾興元年六月, 丁謂罷爲太子少

 \subseteq 乾興 保,分司西京,本書卷二八三丁謂傳、長編卷九八、編年綱目卷八都說謂黨多人皆因而落職補

外,此「乾寧」當爲「乾興」之誤。據改。

泰州 原作「秦州」。按歐陽修歐陽文忠公集卷三三許元墓誌銘作「泰州」,下文也說「元在江、淮

十三年」,以「泰州」爲是。據改。

三 陽信 原倒。 按本書卷九一河渠志,大中祥符八年,徙棣州於陽信之八方寺。長編卷八四所載

同。 據改。

宋史卷三百

列傳第五十九

陳太素 楊偕 王沿 馬尋 子鼎 杜曾附 杜祀 李虛己 楊 畋 張傅 周 湛 俞獻 卿 徐的 陳從易 姚仲孫

楊大雅

曰:「吾從吏祿,安事化金哉。」術士曰:「子志若此,非吾所及也。」出戶,失所之。 軍事判官。 司馬,因家焉。偕少從种放學於終南山,舉進士,釋褐坊州軍事推官、知汧源縣,再調漢州 楊偕字次公,坊州中部人。 道遇術士曰:「君知世有化瓦石爲黃金者乎?」就偕試之,旣驗,欲授以方。 唐左僕射於陵六世孫。父守慶,仕廣南劉氏,歸朝,爲坊州

論陝西邊事,復召試,不赴,卽遷秘書省著作佐郎,爲審刑院詳議官,再遷太常博士。 在官,數上書論時政,又上所著文論。 召試學士院,不中,改永興軍節度推官。 又上書

列

爲 以 監 尚 書 御 詞 史, 部員外郎知光州 改殿中侍御史。 ,改侍御史,爲三司 與曹脩古連疏,言劉從德遺奏恩太濫,貶太常博士、 度支判官。 、監舒州

等皆 數論 使。 史 知 泂 知 中 貶 雜 按 陞降之弊,仁宗嘉納之。 時 不不 府 郭皇后 知 事 定州 報。 馬 夏守恩臟數萬 季良以罪斥置滁州,自言得致仕。 廢,偕與孔道輔、范仲淹 富民陳氏女選入宮, ,守恩流嶺南。 判 吏部流 將以爲后, 力爭。 內銓,徙三司度支 明年,丁 道輔、仲淹旣出,偕止罰金。 偕復上疏 l偕 以 母憂,願終制,不許,進龍)謂致仕用優賢者,不當 源速上。 副 使, 以尙書戶部員 擢 天章閣待制、 乃言願得與道 以寵罪人,又 圖 外郎 閣 河北 直學士 兼 轉運 侍 輔 御

减 歸 傍 兵。 戍 五 衞 郡 保, 兵 偕復言:「方今兵不爲少,苟多而不練, 縣 京 元 昊反, 東歸 大 師 偕又以爲擾民, 、具芻粮、什器以俟。 ,第竦懼敗 偕言:「方關中財 劉平、石元孫戰沒。 事 疏請 欲以兵少爲解 用乏,復增土兵,徒耗國 麗之。 比書至,賊已 |偕聞, 徙陝州 爾。 乃僞 解 則其勢易以敗, , 去。 爲書馳告延州曰:「朝廷 又徙 夏竦爲陝西經略使, 河東都轉 用。 不忠,沮邊計,偕爭 今賊勢方盛 又困國 運 使。 而難供。」時論者惟務多 韶大選三路之民,募爲 雖 遣救兵十萬至 請增置· 大增土 ·愈力。 王 兵, 兵, 時 易戍 亦未 矣。」命 陜 西 能 兵 議

兵,而偕論常如此。

|偕 事. 陣, 服,捧檄訴。 至, 無紀律則 詔 准 如所 樞 繩以法,命率所部兵從副總管赴河外,戒曰:「遇賊將戰,一 密直學士、知幷州。 請。 偕叱曰:「汝知違主帥命卽斬首乎?」監軍怖汗,不覺墮笏, 士不用命。 丼人大驚畏,都轉運使文意博奏罷之。 今發農卒赴邊, 及元昊入寇,密詔偕選強壯萬人,策應麟、府。 慮在路逃逸及臨陣退縮、不禀號令,請以軍法 有中官預 禀副總管節度。」中人不 軍事素橫, 翌日告疾,未幾遂 偕奏:「出 前 帥優遇之。 師臨

於是軍政肅然。

利一也 東,若 利 河而東,利三也。 請建新鱗州於嵐州,有白塔地可建砦屯兵。 旦棄之,一麟州 也。 五 也。 一空,止存孤壘,獨四支盡廢,首面 元昊大掠河北,詔修寧遠砦。偕言: 朝 以 廷不 孤 今鱗州轉輸束獨斗栗,費直千錢,若因循不遷,則河東之民,因於調發無已時,害 內禦岢嵐、石府州沿河一帶賊所出路,利二也。我據其要,則河冰雖合,賊不敢逾 ,壘餌敵,害二也。道路艱阻,援兵難繼,害三也。 ·思禦捍之計而修寧遠砦,是求虛名而忽大患也。况靈、夏二州皆漢、唐郡, 何足惜哉!」書奏,帝謂輔臣曰:「麟州,古郡也。 商旅往來以通貨財,利四也。 心腹獨存也。今契丹又與西賊共謀,待冰合來攻河 寧遠砦在河外, 謂「遷有五利,不遷有三害。 方河凍時,得所屯兵馬五七千人以張軍勢, 介麟、豐二州之間,無水泉可守。 且州之四面,屬羌遭賊驅脅, 咸平中,嘗經寇兵攻圍,非 。 省 國用,惜民力,

冽

傳

第

Ŧi.

+

九

楊

偕

宋

不可守,今遽欲棄之,是將退而以河爲界也。 宜諭偕速修復寧遠,以援麟州。」

臣 軍 . 言 事 [則受命,不然則已。」朝廷不從,偕累奏不已,乃罷知邢州,徙滄州。 明 二、徙 改 麟 左司 州 '郎中、本路經略安撫招討使,賜錢五 三、以便宜從事;四、出冗師;五、募武士; 十萬。偕 列六事于朝:一、罷中人預 六、專捕援。 求面論 兵事,召還, 且曰:「能用

令間

日

入

對

於朝。 |]] 帝以其章示偕,偕不自安,乃求知越州,道改杭州。 官,不思爲國討賊,而助元昊不臣之請,罪當誅。陛下未忍加戮,請出之,不宜留處京師。」 出師,國力日蹙,宜權許之,徐圖誅滅之計。 步 \卒五百,如其法布陣于庭,善之,乃下其法於諸路。 久之,遷翰林侍讀學士、知審官院,復以爲左司郎中。 還,判太常、司農寺,改右諫議大夫。請老,以尙書工部侍郎致仕。於其歸,特賜宴。 偕 在幷州 對曰:「襄嘗緣公事抵我,我豈可以私報耶?」又上太平可致十象圖 日,嘗論八陣圖及進神楯、劈陣刀,其法外環以車,內比以楯。 諫官王素、歐陽脩、蔡襄累章劾奏:「偕職爲從 時襄謁告過杭而輕遊里市,或謂偕合言 其後王吉果用偕刀楯敗元昊於冤毛 元昊乞和而不稱臣,偕以謂 至是, 帝命以 連 年

上書論天下事,議者以爲迂闊難用。 問,賜不拜。卒,遺奏兵論一篇,帝憐之,特贈兵部侍郎。偕性剛而忠朴,敢爲大言,數 與人少合,尤喜古今兵法,有兵書十五卷,集十卷。子

忱、慥,皆有雋才,蚤卒。

縣,改相州觀察推官,知宗城縣。張知白薦其才,擢著作佐郎,入爲審刑院詳議官,再遷太 王沿字聖源,大名館陶人。少治春秋。中進士第,試秘書省校書郎,歷知彭城、新昌二

常博士。上書論:

深、趙、貝、魏之間,先朝患征調之不已也,故屈已與之盟。然彼以戈矛爲耒耜,以剽虜 爲商賈;而我壘不堅,兵不練,而規規於盟歃之間,豈久安之策哉? 不已,則以兵治之,孝武之於匈奴,太宗之於突厥頡利是也。宋興七十年,而契丹數侵 漢、唐之初,兵革纔定,未暇治邊圉,則屈意以講和。承平之後,我力有餘,而外侮

頃。 累遭決溢,今皆斥鹵不可耕。 渠,引漳水溉斥鹵之田,而河內饒足。唐至德後,渠廢,而相、魏、磁、洺之地並漳水者, 千里,古號豐實。今其地,十三爲契丹所有,餘出征賦者,七分而已。魏史起鑿十二 是河北之地,雖十有其七,而得賦之實者,四分而已。 夫善禦敵者,必思所以務農實邊之計。 河北為天下根本,其民儉嗇勤苦,地方數 故沿邊郡縣,數蠲租稅,而又牧監芻地,占民田數百千 以四分之力,給十萬防秋之

列傳

第五十九

王沿

徙之河南,孳息者養之民間。 募民復十二渠,渠復則水分,水分則無奔決之患。以之灌溉,可使數郡瘠鹵之田,變爲 穀數十萬斛。夫潭水一石,其泥數斗,古人以爲利,今人以爲害,繫乎用與不用爾。 師,生民不得不困也。 膏腴,如是,則民富十倍,而帑廩有餘矣。以此馭敵,何求而不可。 且牧監養馬數萬,徒耗芻豢,未嘗獲其用。 罷諸坰牧,以其地爲屯田,發役卒、刑徒田之,歲可用獲 請擇壯者配軍,衰者 願

殊以笏擊從者折齒,知開封府陳堯咨、判官張宗壽日嗜酒惰事,沿皆彈奏之。 撫關陝,減諸縣秋稅十二三。還,爲開封府推官。 溉田。」沿方遷監察御史,即上書駁|軫說,帝雖嘉之而不卽行,語在河渠志。 詔河北轉運使規度,而通判洺州王軫言:「漳河岸高水下,未易疏導; 又體量河朔饑民,所至不俟詔,發官廩濟 又其流濁, 不可 時樞密副使晏 天聖五年,安

之。就除轉運副使。上言:

以處之。請敎河北強壯,以代就粮禁卒之闕;罷招頗軍,以其冗者隸作屯田。 年,禁卒當漸銷減,而強壯悉爲精兵矣。 本朝制兵刑,未幾於古。自契丹通好三十年,二邊常屯重兵,坐耗國用,而未知所

律坐髠釱而役者,敕黥竄以爲卒。比諸州上言,謫卒太多,衣食不足,願勿復謫者七十 古者「刑平國,用中典」,而比者以敕處罪,多重於律。以絹估罪者,敕以緡直代之,

餘 州 以律言之,皆不至是,是以繁文罔之而寘于理 也。 誠願 削深文而用正律,

定 罪 者 ,悉從絹估 黥鼠 爲卒者,止從髠釱。 此所謂勝殘 去殺,無待 百年 者 也

沿 頃。 爲 詔 部 與知 副 河 疏 北 使,徙鹽鐵,遷兵部 因 被 詣 轉運 州 曰:「兵機當在 詔 、總管、鈴轄等議。 闕 輷 奏事 使。 曹汭 , 奏罷 獄 上所著春秋集傳 于真定府, 廊廟之上,豈可取責小人哉!」諮惡其言,奏罷之,降知滑州,徙成德 一牧監, 員 外郎、天章閣 沿即 以地 遷殿中侍御史。 奏减卒數萬, 賦 十五卷,復上書以春秋論時事。 民。 待制、 導相、 陝西都 母 知 衞、邢、 喪服除,改尙書 樞 密院李諮以 轉運使。 趙水下天平、景祐 時朝 為不 工部 廷 授直 可, [將減卒戍,就食內地, 員外郎、 昭文館, 復下沿邊 諸 渠, 知 邢州,復 漑 爲三司 都監議。 田 數萬 起

軍。建學校,行鄉飲酒禮。

賊至, 多張旗 **捍**,沿教懷敏率兵據瓦亭待之。 增屯兵,城中隘甚,乃築西關城五里。 不 報 代,已而 遷 發伏擊之可有功。 刑 嚴爲疑兵,賊遂引去。坐懷敏敗,復爲龍圖閣直學士、刑部郎中、知虢州 部 州果陷。 郎中、河東都轉運使,加龍 進樞密直學士、右司郎中,爲涇原路經略、安撫、招討使兼知渭州行。 懷敏不 懷敏進兵鎭戎,沿以書戒勿入,第背城爲砦,以羸 ·聽,進至定川, 圖閣直學士、 改涇州觀察使。 果爲所敗。 知幷州。時元昊數寇 元昊入寇, 賊乘勝犯渭州,沿率州人乘城, 副都總管葛懷敏率兵出 河東,建議徙豐州 ,尋降天章閣 師誘賊

列

傳

第

五十

九

王

沿

待制,而爲權御史中丞賈昌朝所奏,落待制。未幾,徙知成德軍,復待 制, 又徙 河 中府,卒。

而 那州 沿 民 好 建 有爭渠水至殺 明當 世 事,而 人者,然後人知沿所建爲 其論多齟 語。 初興 河北 利。 水利,導諸渠溉民田 嘗論以春秋法斷事,然眞定之獄,人 2 論者以爲 無益 已

以爲沿傅致之。

有文集二十卷,唐志二十一卷。子鼎

做、掉皆爲人所言,時鼎提點兩浙刑獄,降知深州。 點江東刑獄。 目爲「三虎」。仁宗聞之,不說,後傅惟幾奉使江東,戒以毋效「三虎」爲也。 時天子患吏治多弛,監司不舉職,而范仲淹等方執政,擇諸路使者令按舉不法,以鼎提 鼎 字鼎臣,以進士第,累遷太常博士。王堯臣領三司,舉勾當公事,數上書論時政得 與轉運使楊紘、判官王綽競擿發吏,至微隱罪無所貸。於是所部官吏怨之, 仲淹等罷,鼎與

實,徐捕首謀十八人送獄。 曰:「吾不以累諸君。」獨命取囚桀驁者數人,斬于市,衆皆失色,一郡帖然。 夜出檄,遣軍校攝事外邑,而陰爲之備。翌日,會僚 王則以貝州反,深卒龐旦與其徒,謀以元日殺軍校、劫庫兵應之。 獄具, 俟轉運使至審決。 未至, 東置酒如常,叛黨愕不敢 軍中 ·恟恟謀 前一日,有告者。 劫 囚 轉運使至,囚未 動。 鼎 因謂 鼎 僚 刺 吏

決者半,訊之,皆伏誅

執政 發運副使。 ,所刻舉,不避貴勢。召爲開封府判官,改鹽鐵判官,累遷司封員外郎、准南兩浙荆湖制置 重 時盜 明 年,河北 遠其奏,乃令三司判官一員將永德就鼎議,發八難,永德不能復。 |販茶鹽者衆,一切杖遣之,監司數以爲言,||鼎爲變。 內侍楊永德奏請沿汴置鋪挽漕舟,歲可省卒六萬, 大饑,人相食,鼎經營賑救,頗盡力。 徙建州,其俗生子多不舉,鼎爲條教禁 徙提點河北刑獄,治奸贓益 鼎議以爲不可。 鼎因疏言:「陛下 永德橫猾,

比 司 不肯償所 能 牆 鹽 都 吏事 爲 轉運使,徙使 鐵 重 居二年,遂以爲使。 丁,事無 輕。 副 逋 使。 官舟禁私載,舟兵無以自給,則盡盜官米爲奸。 大小,必出 鼎爲移州 數與包拯 河東,卒。 於己。 、縣督償之,舟人有以自給, 爭議,不少屈。 前使者多漁市南物,因奏計京師,持遺權貴。 凡調發綱吏,度漕路遠近,定先後爲成法,於是勞逸均,吏不 拯素強,然無如之何。 不爲奸,而所運米未嘗不足也。 有能 遷刑部郎中、天章閣待制、河 居販 自贍者,市人持以法, 鼎一無所市,獨悉意 入爲三

幸察用臣,不宜過聽小人,妄有所改,以誤國計。」於是永德言不用。

弟。 族人,一日盡。 嘗 鼎 性 知臨 廉 邛縣,轉運使選攝新繁, 不欺,嘗任其子,族人欲增年以圖速仕,鼎不 所至不擾,唯市飲食日用物,增直以償。 新繁多 職田, 斗粟不以自入。 事繼母孝,教育孤姪甚至,自奉養 可。父死,分諸子以財,鼎悉推 奉使契丹,得千縑,散之 與其

列傳

第

五

+

九

王

沿

杜

杷

儉約 豫爲人不事羈檢,以大理寺丞 (三知伊闕縣,有異政。 進,以迄於卒。初,鼎與弟豫皆有才氣,好上書言事,仁宗稱之,以爲豫孟浪,鼎所言多可用。 餌,皆手自 當官明敏 1局鐍 ,強直不可撓。 至潞州八義館(三),疾作,不知人事 所薦 士多知名,有終身不 棄官浮游江、湖間,殖貨自給以卒。 左右 識 追遽, 者。 然性 發藥奩, 清忌 心,其行 悉無題識, 部,至 一於藥

世 祀 光化軍,授京西 守、使經 地勢險阻 使 寧,出兵討之。 五保相察,犯者得重罪。 杜 | 把字偉長。父鎬,蔭補將作監主簿,知建陽縣。強敏有才。 制 一,可屯兵爲援。 邊 事。」改通判眞州 轉運、按察使。 |杜言:「嶺南諸郡,無城郭甲兵之備,牧守非才。 邕管內制廣源、外控交趾、願擇文臣識權變練達嶺外事者,以爲牧 累遷尚書虞部員外郎、知橫州。 徙 居數月,賊平。 知 解州,權發遣度支判官。 盜起京西、掠商、鄧、均、房,焚 時安化蠻寇邊,殺知宜州王 横爲邕、欽、康三郡咽喉, 閩俗,老而生子輒不舉。

自新。 擢 刑部 廣 員 次宜州,蠻無至者。 外 西 區希範誘白崖 郎、直集賢院、廣南 山蠻蒙趕 起得州校,出獄囚,脫其械,使入洞說賊,不聽。 西路 反, 轉運按察安撫 有衆數千,襲破環州、帶溪普義鎭寧砦,嶺 使。 行次眞州,先遣急遞 以書 乃勒兵攻破白 諭 蠻,聽其 外騷然。

列 傳 第 五. + 九 杜 杷 楊 畋 組監

辭。 之。」乃擊牛馬,爲曼陀羅酒,大會環州,伏兵發,誅七十餘人。後三日,又得希範,醢之以遺 旣而兵亦罷去。 諸蠻,因老病而釋者,纔百餘人。 使誘之,趕來降。 崖、黃坭、九居山砦及五峒,焚毀積聚,斬首百餘級,復環州。 掠馬牛,有詔責祀。 年,徙河北,拜天章閣待制、環慶路經略安撫使、知慶州。 將東勞未錄,臣未敢受命。」因爲行賞。 |杜謂將佐曰:「賊以窮蹙降我,威不足制則恩不能懷,所以數叛,不如盡殺 |杞言:「彼違誓舉兵,酋不可與。」因移檄|夏人,不償所掠,則酋不可得, 御史梅擊劾||杜殺降失信, 詔戒諭之, 蕃酋率衆千餘內附,夏人以兵索酋而劫邊戶, 賊散走, 希範走荔波洞, 爲兩浙轉運使。 || | | | | | 明

在前訴冤,叱曰:「爾狂僭叛命,法當誅,尚敢訴邪!」未幾卒。有奏議十二卷。 一日據則,見希範與趕

復詰。 史中丞王舉正留百官班論張堯佐除宣徽使,樞嘗出班問其故。 温成皇后母越國夫人客也。坐奸利論死,語連越國夫人。開封不敢窮治,執政以后故,亦不 海州稅,卒。 兄植,以文雅知名,累任監司,終少府監。 獄上,中書遣樞慮問,樞揚言將駁正;亟改用諫官陳升之,權倖切齒於樞。前此,御 弟屆,亦強敏,爲比部員外郎。 至是,蓋累月矣,坐是罪樞, 有張彥方者,

欲殄賊,非败不可。」乃授東染院使、荆湖南路兵馬鈴轄。 賊聞 败至,皆恐畏,踰嶺南遁。 胡元戰死,降知太平州。 再 果復出陽山 詔往一部、連等州招安之。乃約賊使出峒,授田爲民,而轉運使欲授以官與貲,納質使還。 **衄**,大兵悉潰,**畋**踣巖下,藉淺草得不死。 專治盜賊事。 曰:「賊剽攻湖、廣七年,所殺不可勝計,今使飽貲粮、據峒穴,其勢不久必復亂。」明年春,賊 遷 大理寺丞、知岳州 楊畋字樂道,保靜軍節度使重勛之會孫。 乃募才勇,深入 歲餘,賊益肆。 慶曆三年,湖南徭人唐和等劫掠州縣,擢殿中丞、提點本路刑 、峒討擊。 然南方久不識兵,士卒多畏懾。 帝遣御史按視,還言:「歐嘗戰山下, 卒厲衆平六峒,以功,遷太常博士。 進士及第,授秘書省校書郎、幷州錄事參軍, 及戰孤漿峒,前軍 人樂爲用, 未幾,坐部將 又

不敢見。 撫、經制財盜。 召還,爲三司戶部判官,奉使河東。 仁宗賜以服飾御巾,入對便殿。 <u></u>
歐至韶州,會張忠戰死,智高自廣州回軍沙頭,將濟。 丁父憂, 即日,除起居舍人、知諫院、廣南東西路體 會儂智高陷邕州,召至都門外,辭以喪服 安

改尚書屯田

員外郎、直史館、知隨州

偕焚粮儲,及召开贇四、岑宗閔、王從政退保韶州。 ,敗陳曙,復據邕州。 一般坐是落知諫院、知鄂州,再降為屯田員外郎、知光化軍。 財勢愈熾, 败不能抗, 遂殺蔣偕 明年,又

降爲太常博士,歲終,徙邠州。

之賢者,使侍膳禁中,爲宗廟計。」 外議籍籍,又密陳其不可。久之,擢天章閣待制兼侍讀、判吏部流內銓。上言:「願擇宗室 祖業管陷虜,辭不行。河北舊以土絹給軍裝,三司使張方平易以他州絹。 復起居舍人,爲河東轉運使。入爲三司戶部副使,遷吏部員外郎。 奉使契丹,以曾伯 畋旣同書奏聞,

當罷實等所遷官,倘以爲非,乞復令壓命詞。」不允。 遵 遷觀察,劉永年自團練使遷防禦,畋當草制,封還詞頭。 功,特以外戚故除之,恐非祖宗意。」不報,詔他舍人草制。 海、姚內斌守環、慶,與強寇對壘,各十餘年,未嘗轉官移鎮,重名器也。 嫡嗣 高端三年多,河北地震。明年,日食正旦。復上疏曰:「漢成帝時,日食地震,良、平之 | 屢絕,此天所以示戒也。陛下宜早立皇嗣,以答天意。」改知制誥。李珣自防禦使 進龍圖閣直 因言:「祖宗故事,郭進戍 而范鎭言:「朝廷如以畋言爲是, |學士,復知諫院。 今珣等無尺寸 西山,董

厥罰常水。』去年夏秋之交,久雨傷稼,澶州河決,東南數路, 大水爲沴。 嘉 茄 六年, 京師大水,畋上言:「洪範五行傳:『簡宗廟則水不潤下。 』又曰:『聽之不聰, 陛下臨御以來,容

列

傳第五

十九

楊

畋

周湛

九九六五

配,改温 制考議, 聽,必有失於審者;七廟之享,必有失於順者,惟陛下積思而矯正之。」乃下其章禮 成廟爲 咸言南郊三聖並侑,温成皇后立廟,皆違經禮。 非聽之不聰也。 《祠殿。」 以孝事親, 非簡於宗廟也。 然而災異數見, 於是韶:「自今南郊以太祖皇帝定 臣愚殆以爲萬機之 官
持
兩

罪徒者〔哥〕,即倍其年。 侍始得一 舊制,內侍十年一遷官。 磨勘,爲不均。 議者謂畋以士人比閹寺爲失。 宜如文武官僚例,增其歲考。」遂詔南班以上仍舊制,無勞而 樞密院以爲僥倖,乃更定歲數倍之。 卒,贈右諫議 败言:「文臣七遷, 大夫。 嘗坐 而 內

之。 苦,破諸峒。 後端午(約)贈講讀官,御飛白書扇,遣使特賜置其柩。 自奉甚約,爲郡待客,雖監司,菜果數器而已。及卒,家無餘貲,特賜黃金二百兩。 | 政出於將家,折節喜學問,爲士大夫所稱。 及用之嶺南,以無功斥,名稱遂衰。 在山下討蠻,家問至,即焚之,與士卒同甘 性清介謹畏, 每奏事, 必發封數四 而後 其

判戎州。 (湛字文淵, 鄧州穰人。進士甲科, 爲開州推官。中身言書判, 改秘書省著作佐郎、通 俗不知醫,病者以祈禳巫祝爲事,湛取古方書刻石敎之,禁爲巫者,自是人始用醫

累遷尙書都官員外郎、知虔州,提點廣南東路刑獄

之類: 爲江 罷之。 湛 人,給飲食還其家。 為立 南 十二事,且許民自言,凡括隱戶三十萬。 初,江、湖民略良人,鬻嶺外爲奴婢。 湛至,設方略搜捕,又聽其自陳,得男女二千六百 爲鹽鐵判官,三司帳籍浩煩,吏胥離析爲弊欺。湛爲立勘同法,歲減天下計帳七千。 一號,以月日比次之,詔下其法諸路。 西路轉運使,州縣簿領案牘,淆混無紀次,且多亡失,民訴訟無所質,至久不能決。 徙京西路,鄧州美陽堰歲役工數十萬,溉州縣職田,而利不及民,湛奏 又以徭賦不均,百姓巧於避匿,因條其詭名挾佃

州長風沙,其地最險,謂之石牌灣,湛役三十萬工,鑿河十里以避之,人以爲利 要,所至喜條上利害,前後至數十百事。 毋納包苴于京師。 加 省輸薪茅。 還爲戶部判官,又爲夔州路轉運使。雲安鹽井歲賦民薪茅,至破產責不已,湛爲蠲鹽 判鹽鐵勾院,以太常少卿直昭文館,爲江、准制置發運使。 湛惶恐對曰:「臣蒙聖訓,不敢苟附權要,以謀進身。」湛治煩劇,能 天資強記, 吏胥滿前, 一 見輒識其姓名。 **陛辭**,仁宗誠以 大江歷舒 得其

十五 人, 湛盡覆其濫者。 除 度支副使。 **舊制,發運司保任軍將至三司,不得考覆而皆遷之。至是,以名上者三** 拜右諫議大夫。 使契丹,辭不行

知襄州 ,襄人不善陶瓦, 率爲竹屋, 歲久侵據官道, 簷廡相逼, 火數爲害。 湛至, 度其

列

第五十

九

周

湛

徐的

九九六七

其利。 翦去。 湛不爲重輕,但國家舉錯有所未安,奉職者將何以勸邪?」未幾卒。湛爲人脫易,少威儀, 然善射弩,雖隔屋亦中的云。 黜 以信,乃奉法行事,百姓自知罪不敢訴。郡從事高直温,夏竦子壻也。 所侵,悉毀徹之,自是無火患。 於穆,且謂湛伐木若干株。 昔之民居侵越官道,木在道 |及疏曰:「湛裁損居民第,爲官也;百姓侵官而主司禁之,其職然也。況聞||湛明著律令,約民 若謂湛已行之命,憚於追改,是傷風敗俗,貽患於後,不若追改之愈也。湛守大郡,於 道傍之井,反在民居之下,其侵越豈不白乎。望詔執政大臣辨正湛、穆是非,明垂獎 又湛種楸桐千餘本,課戶貯水,以嚴火禁。 然豪姓不便,提點刑獄李穆奏湛擾人,徙知相州。 又於民居得衆汲舊井四,廢而復興,人得 一側,旣正其侵地,則木在中衢, | 竦邸店最廣,故加譖 右司諫吳 固宜

短 見 衣 轉 持 運使鄭天監,請曰:「徙州瀕水可無患,請轉而上聞。」從之,天監因奏留的 徐 的字公準,建州建安人。擢進士第,補欽州軍事推官。欽土煩鬱,人多死瘴癘。 · 挺,與役夫同勞苦,築城郭,立樓櫓,以備戰守。 畫地居軍民,爲府舍、倉庫、溝渠、 使辦役。 的

肆之類,民皆便之。

衆皆斂手聽命。 馳至 中 田 宣州 員 遷 外 大 郎、 ,慰曉之曰:「爾曹亡懼,能出力討賊,獨可立功以自贖。 理寺丞、知吳縣,移梁山軍,通判常州。 知臨江 奏復澄海、忠敢軍,後皆獲其用。 軍,擢廣南 西路提點刑獄。安化州蠻攻殺將吏,所部卒畏誅,謀欲叛。的 屬歲饑,出米爲糜粥以食餓者。 改知舒州,徙荆湖北路轉運使。 若朝叛則夕死,非計也。」 累遷尙書 辰州蠻

使相保任,曰:「爾輩遞相祭,不然,皆爾罪也。」火遂息。 太子洗馬歐陽景猾橫不法,爲里人 攝 江陵府 事,城中多惡少年,欲爲盜,輒夜縱火,火一夜十數發。 的籍其惡少年姓名,

制置發運使。 如鼻縣漕河,詔未下,的以便宜調兵夫濬治之,出滯鹽三百萬,計得錢八百萬緡。 以兵部員外郎爲淮南、江、浙、荆湖制置發運副使。 泰州海 遂為

奏通

害,

的發其奸,竄之嶺外。

彭

義爲寇,的開示恩信,蠻黨悔過自歸。

賞, 使、 之,斬其酋熊可淸等千餘級。 荆湖南路安撫使,至桂陽, 遷工部郎中。 旣至,再宿,會蠻酋相繼出降。三司以郊祠近,宜召還計事,旣還,蠻復叛。 軍賊王倫起山東,轉掠淮南, 復治泰州西溪河,發積鹽, 卒於桂陽。 降者復衆。 的團兵待之。 其欽景、石硋、華陰、水頭諸洞不降者, 加直昭文館。 會青州改遣裨將傅永吉追殺入歷陽, 區希範、蒙趕寇衡湘, 的皆討不 除度支副 命的招無 的 飷.

列

縳

第

Ŧ.

+

九

徐 的

姚

仲

孫

抑亦文臣之習武事者歟。 |蠻立功,||梠則殺降失信,||的則招徠以恩,其優劣槪可見矣。 時之俊。|町由將家子力學第進士,再討|搖賊,前勝後敗,兵家之常也。 禁之,獨發摘吏奸貽衆怒,或以「虎」目之,豈其然乎? 論曰:宋承平時,書生知兵者蓋寡,偕、沿數上書言邊事,策畫論議,有得有失,固皆一 **鼎性孝友**,自奉甚約,而疎於財,居官淸辨,土俗有生子不舉者輒 湛強敏,所至有治績,史稱善射, R、的俱以征宜州

著 任之耶?」仲孫曰:「幸毋遽決,冀得徐辨。」後兩月,果得殺人者。 有求而其夫不應,以爲里胥殺之,官捕繫辭服。 作佐郎。 姚仲孫字茂宗,本曹南著姓,曾祖仁嗣,陳州商水令,因家焉。父曄,舉進士第一,官至 仲孫早孤,事母孝。 **擢進士第,補許州司理參軍。** 仲孫疑其枉,知州王嗣宗怒曰:「若敢以身 民婦馬氏夫被殺, 指里胥嘗

惛老,事多決於仲孫。改大理寺丞、知建昌縣。 調邢州推官,徙資州。 轉運使檄仲孫詣富順監按疑獄,全活數十人。 初,建昌運茶抵南康,或露積于道,間爲霖 資州更二守,皆

滁州。 州 潦所敗, 嘗以天下久無事,不可以弛兵備,因上前 歲旱饑,有詔發官粟以賑民,而主吏不時給。 主吏至破產不能償。 仲孫爲券, 吏民輸山木, 卽高阜爲倉, 邑人利之。 世禦戎料敵之策,名防邊龜鑑。 仲孫既至州,立劾主吏,夜索丁籍盡給 通判睦州 徙通判彭 徒

累遷尙書屯田員外郞。

出文應為泰州兵馬鈴轄,又稱疾留,復論奏,乃亟去。 上曰:「方帝齋宿太廟,而文應叱醫官,聲聞行在。 王鬷守益州,辟通判州事。 召爲右司諫。 入內都知閻文應求爲都知, 郭皇后暴薨,中外莫不疑文應寘毒者。」 仲孫數其罪,白

臣,餘悉次補卿監。」乃詔當選者奏聽旨。先是,諸路復提點刑獄,還朝多擢爲省府官。|仲 貼近職者循不在數,若以年勞授,則數年之外,諫議大夫員益多。 二員,仲孫曰:「諫議大夫蓋朝廷之選,不宜以歲月序進。今諸寺卿至前行郞中三十五員, 以起居舍人知諫院,管勾國子監,以尚書戶部員外郎兼侍御史知雜事。 請艱其選,以處材望之 時諫議大夫十

孫請第其課爲三等升黜之,卽詔仲孫司考課之法。

領禁兵塞 褒之。 歷三司戶部、度支、鹽鐵副使,進天章閣待制、河北都轉運使。 金堤決河。 權 知澶州, 河壞明公埽,絕浮橋,仲孫親總役堤上,埽一夕復完。 是歲,澶、魏雖大水,民不及患。 進禮部郎中、龍圖閣學士,徙陝西都 大修城壘兵備,仁宗賜 權知大名府,夜

詔

列

傳

第

五 + 九

姚 仲 孫

源 太 素

九九七二

心經度,雖病,未嘗輒廢事。 轉運使,未行,權三司使事 屬 坐小吏詐爲文符,出知蔡州。 西北備邊,募兵益屯及賞賜、聘問之費,不可勝計。 因母憂喪一 目, 仲孫悉

有治跡。 食,大寒暑不變。 法意,衆皆釋然,自以爲不及**。** 理少卿,又判大理事。任刑法二十餘年,朝廷有大獄疑,必召與議。 陳太素字仲華,河南緱氏人。中進士第。嘗爲大理詳斷官〔七〕,入審刑爲詳議官,權大 在大理,耳疾,數求罷,執政以爲任職,弗許。 子弟或止之,答曰:「囹圄之苦,豈不甚於我也。」歷知江陰軍、兗州、明州, 雖號明習法令,然所論建,亦或有不中。 累官至尚書兵部郎中,卒。 太素爲推原人情,以傅 每臨案牘,至忘寢

法,所以亂也。 太素家行修治,尤喜論刑名。常以爲有司議法,當據文直斷,不可求曲當法;求曲當

刑獄 困栗, 獄吏鞫以強盜, 尋曰: 「此脫死爾, 其情與強盜異。」奏得減死, 論著爲例。 、廣東 同時有馬尋者,須城人。 淮南 兩浙 轉運使,知湖、撫、汝、襄、洪、宣、鄧、滑八州。 舉毛詩學究,累判大理寺,以明習法律稱。 襄州饑,人或羣 歷提點兩浙陝西 終司 入富家掠 ī 農卿。

令,殺人已傷未死者,皆得原減,非律意。請傷者從律保辜法,死限內者論如已殺,勿 用殺法,則與謀殺孰辨?自大中之制行,不知殺幾何人矣。請格勿用。」又言:「近世赦 甚其處心積慮,陰致賊害爾。至於故殺,初無殺意,須其已死,乃有殺名;苟無殺名而 更生,皆論如已殺。夫殺人者死,傷人者刑,先王不易之典。律雖謀殺已傷則絞,蓋 又有杜曾者, 濮州人。 為吏號知法, 嘗言:「國朝因唐大中制, 故殺, 人雖已傷未死、

赦。」皆著爲令。

至諸 尉,知城固縣,改大理評事,累遷殿中丞,提舉淮南茶場。召知榮州,未行,改遂州 長子歸養。 一 一 使 。 李虚己字公受,五世祖盈,自光州從王潮徙閩,遂家建安。父寅,有清節,仕江南李氏, 舉進士,起家爲衢州司理參軍。母老,棄官以歸。虛己亦中進士第,歷沈丘縣 江南國除,授殿前承旨,辭不拜。時僞官皆入留京師,而寅母獨在江南,乃遣其

爲勞績,月給奉以實錢。」命有司擇羣臣以治最聞者賜之,仍諭曰:「除奸之要,在乎奉法,不 時太宗勵精政事,嘗手書累二十餘紙,曰:「公勤潔己、奉法除奸、惠愛臨民者,乃可書

列傳

第五十九

李虚己

學古入官,榮親事 可 五 一十萬, 因以 生 命翰林學士張洎會兩制、三館儒臣徧閱所批詔。 っ。 」 時 '虚己被賜,因獻詩自陳父子遭 ,生,奉書爲郡,欲布新規, **股得良二千石** 遇, 榮及 祖 母。 其後以南郊恩封羣臣 矣。」遂賜五 帝 悦, 爲批 品品 服 其紙 又 (賜其祖 日母妻, 尾曰:「虚 母 己

又請罷其妻封以授祖母,詔悉封之,世以爲榮。

迎侍。 之請 侍 遷 一份 未幾, 史, 老,年 書屯田 久之,求補 會 寅 至 這使祭川峽吏能否,而州多不治,唯虛己與薛顏、邵曄、查道數人,以能任職稱。 出 提 以疾辭, |豫章,樂其山水,日:「此 員 點荆 (外鄓。以便親,請通判洪州。 外,真宗稱其儒 湖南路刑獄,徙淮 進給 虚己 分司 事 中、 丽 知洪 雅 歸,年六十九。 循 州。 謹 南轉運副使,累遷兵部郎中,爲龍圖閣待制,歷判大理 可以終吾身也。」遂臨州之東湖,簗第宇以居。 ,特遷右諫議大夫。 遷尙書工 是時寅已謝歸,春秋高,寅母尚無恙,虚已雙舉 其季虚· 一部侍 郎,徙池州。 | |舟仕至餘干縣令,坐法免官,不復言 數月,出 求分司 知河中府。 南京,卒。 召權 虚己 初,寅 御 史 中

予乃 謂虛己父子篤行,家甚貧,雖人主一時之誤,殆天賜也。 五 初 + 太宗 萬 帝知 既賜虛己錢,翌日,以語宰相 其誤, 由 是 記 羣 臣以 章獻者閤門 日:「虚己詩思可嘉,予 勿受, 寅事親孝, 皆由 中 錢五 書 門下閱 治家有法, 十緡矣。」 而 E 字相 之。 閨門之內肅 對以所 然論 者

如 也。 虚己、虚舟又以孝友淸愼世其家。 虚舟之子寬,爲尙書金部郎中; 定,爲司農少卿,

爲吏頗有能名。

集十卷。 而 音 1韻獨啞。」虚己未悟。 虚己喜為詩,數與同年進士曾致堯及其壻晏殊唱和。 後得沈休文所謂「前有浮聲,則後須切響」,遂精於格律。 初,致堯謂曰:「子之詞詩雖工, 有雅正

歎曰:「民轉死溝壑矣,報可待邪?」乃發上供倉粟賑貸,所活以萬計,因拜章待罪,詔獎之。 第,稍遷秘書省著作佐郎、知奉符縣。 二十萬。宰相向敏中册東岳帝號還,薦之,知楚州。 張傅字巖卿,唐初功臣公謹之裔。 。時方修會眞宮、天書觀及增治岳祠,以辦事稱,賜錢 祖播,爲亳州團練副使,子孫因爲譙人。 會歲饑,貽書發運使求貸粮,不報。 傅進士及 因

西轉運使,徙江、淮發運使,未至,召還。屬西京奏兵食乏,因言馮翊、華陰積粟多,可運一 安撫京東。 萬石,繇三門下濟之。遂留爲侍御史知雜事,判吏部流內銓,進三司度支副使。以疾請 累遷工部與中,出爲兩浙轉運使,改荆湖北路,復爲鹽鐵判官,再遷兵部,爲陝

提點江西刑獄,徙江東,就除轉運使,入權三司鹽鐵判官。會河決濟北,民多被害,命

列傳

第五十九

張傅

俞獻

外,遷太常少卿、知應天府。 逾月,爲右諫議大夫,徙青州,遷給事中、知鄆州,復知應天府,

遂以工部侍郎致仕,卒。

中,有術士自言數百歲,少時嘗游秦悼王家,歷見唐肅宗、代宗朝, 所 以事 無敢詰其僞。 傳強力治事,七爲監司,所至審覈簿書,勾擿奸隱,州縣憚之。 傅曰:「奚爲我憚哉。 事 致察者, 傅見之,訊以唐事,術士語屈。 正所以愛州縣也。 吏不敢慢, 則州縣不復犯法矣。」人亦以爲然。天禧 由是出入禁中,見尊重,

緡錢鉅萬,獻卿盡用平糴,至積穀數萬,及是大兵至,賴以饋軍。 棄城,獻卿曰:「臨難苟免,可乎。賊至,尙當力擊;不勝,有死而已,奈何棄去。」初,昭州積 龍圖 獻卿曰:「吾與寧善,不告而去,豈有異乎。」其徒色動,因執之,得其所瘞尸,一 再調昭州軍事推官,會宜州陳進亂,象州守不任事,轉運使檄獻卿往佐之。及至,守謀 俞獻卿字諫臣,獻人。少與兄獻可以文學知名,皆中進士第。獻可有吏稱,歷吏部郎 歷知慎、仁和二縣,再遷太常博士、知南雄州,徙潮州 [閣待制。獻卿起家補安豐縣尉。有僧貴寧,積財甚厚,其徒殺之,詣縣給言師出 改大理寺寺丞,爲本寺詳 縣大 遊

斷官。

屈, 較然可知其利害也。况自天禧以來,日侈一日,又甚于前。 最盛之時一歲之用較之天禧五年,凡官吏之要冗,財用之盈縮,力役之多寡,賊盜之增減, 造,一切費用,皆出於民,是以物價積高,而民力積困也。 蠧在內。 而和買。 不可得也。 除 殿 (中侍御史,爲三司鹽鐵判官。 陛下宜知其有損於彼,無益於此,與公卿大臣,朝夕圖議而救正之。」帝納其言,爲 自荆湖、江、淮間,民愁無聊,轉運使務刻剝以增其數,歲益一歲。 今天下穀帛之直,比祥符初增數倍矣。人皆謂稻苗未立而 上言:「天下穀帛日益耗,物價日益高, 陛下誠以景德中西、北二邊通好 夫**巵**不盈者漏在下,木不茂者 和糴,桑葉未吐 又非時調率營 欲民力之不

砦,獻卿度必招寇患,亟檄罷之。未幾,賊果至,殺將士,塞所鑿壕而去。 使,徙開封府判官。 日:「此可以除陝西轉運使。」時邊吏多因事邀功,涇原路鈴轄擅於武延川(云)鑿邊壕、置堡 、浙鹽利不登,命獻卿往經度之,更立新法,歲增鹽課緡錢甚衆。會其兄爲鹽鐵副 堪將帥,范仲淹、明鎬可大用,及條上邊策甚備 朝廷擇陝西轉運使,宰相連進數人,不稱旨。他日,獻卿在所擬中。 徙京西。因入對,

罷諸宮觀兵衞,又命官除無名之費以鉅萬計。

支、 鹽鐵副使,以右 除 福 建轉運使, 諫 還判三司鹽鐵勾院,累遷尙書刑部郎中、直史館、 議大夫、集賢院學士知杭州 暴風,江潮溢決堤,獻卿大發卒鑿西山 知 荆南,歷戶部、度

甚言趙振

列

傳

第 五

十 九

俞 僦 卿

陳 從 易

仕,卒。

作堤敷 $\tilde{+}$ 里, 民以爲便。 燙, 勾當三班院, 知通進、銀臺 司, 最後知應天府,以刑部侍郎致

崇和 以 守 黨院 盜 郎、大理 據 一殿,召 以 成 陳 當 都,連陷綿、漢諸郡,彭人謀殺兵馬都監以應之。 從易字簡夫,泉州晉江人。進士及第,爲嵐州團練推官,再調彭州軍 禍 一寺詳 死 福, 貰之, 衆皆呼悅。 一從易預, 於此。」賊聞其有備,不敢入境。 斷 官。 賦詩稱旨。 遷太常博士, 遷侍 乃率厲將吏,修嚴守械,戒其家僮積薪舍後,曰:「吾力不足 出 御 知邵 史, 武軍。 改 賊平,安撫使王欽若以狀聞,召爲秘書省著作 刑 部員 預修册府元龜, 改監察御 外郎、直史館、知虔州。 時從易攝州 事,斬其首 史。 會歲大饑,有持 事推官。 口謀者, 眞宗宴近 召 王 佐 臣

除 直史館。 荆 南,擢 吉州 天 ,從易 禧 太常 中, 明 年復職。 少卿 因 坐 對 薦 送 自 直昭文館、 別頭 言改 在廣三年,以淸德聞。 福州 進 士 一失實, 知 廣州 未 行, 降工 遭父 叉 部員 坐嘗 一喪,服除,糾察在京刑獄,出爲 入爲左司郎中、 外郎。 課校 太清樓 以父老,求鄉郡。 書字非僞 知制誥 誤而 宰 從易妄判竄之,降 湖 相寇準惡其 南 轉 運 使,徙 知

杖盜

取民穀

者,請

切減

死論,凡生者

千餘

人。

好古篤行,時朝廷矯文章之弊,故並進二人,以風天下。 初, 景德後,文士以雕靡相尙,一時學者鄉之,而從易獨守不變。 兼史館修撰,遷左諫議大夫。 與楊大雅相厚 善,皆 命使

契丹,以年老,辭不行。又辭職請補 !郡,進龍圖閣直學士、知杭州,卒。

爲 |若最善之,嘗謂人曰:「數日不見簡夫,輒忽忽不懌。」及廢居<u>|南京,時</u>|丁謂方用事,人畏謂, 準貶道州,謂又謂從易曰:「廬陵之事,可以釋憾矣。」從易對曰:「當以故相事之爾。」謂有愧 無敢往見欽若者。 曰:「王公之門,獨君爲知我者。」留權糾察刑獄,從易不敢當,乃聽歸館,須汴通乃行。 時寇 貧也, 其行志多類此。 從易好學強記,爲人激直少容,喜別白是非,多面折人,或尤其過,從易終不變。 亦以王公在宋,故就省之爾。今汴涸,義不可從他道進,幸公許少留。」謂卽大喜 從易將使湖南,欲過之,遇汴水旱涸,遂告謂曰:「從易願使湖外者,非獨 所著泉山集二十卷,中書制稿五卷,西清奏議三卷。

朝, 吳越國册禮副使,楊行密據江、淮,道阻不克歸,遂家錢塘。 挈其族寓宋州 楊 大雅字子正, 唐靖恭諸楊虞卿之後。 大雅素好學,日誦數萬言,雖飲食不釋卷。 虞卿孫承休, 唐天祐 大雅,承休四 進士及第,歷新息、 初,以尚書刑 一世孫 也。 部員外郎 、鄢陵縣 錢俶 歸

列

傳第五十九

陳從易

楊大

雅

九九七九

主簿,改光禄寺丞、知新昌縣,徙知潯州,監在京商稅,再遷秘書丞。

刑獄。 遷集賢殿修撰、知應天府。還,糾察在京刑獄,以兵部郞中知制誥。 直集賢院,出知筠、袁二州,提舉開封府界諸縣鎭事,爲三司鹽鐵判官,知越州,提點淮南路 咸平中, 交趾獻犀, 因奏賦, 召試, 遷太常博士。 久之, 又上書自薦, 獻所爲文, 復召試。 還,考試國子監生,坐失薦,选降監陳州酒。 徙知常州,判三司都磨勘司、戶部 大雅初名侃, 至是,避 勾院。

真宗藩邸諱,詔改之。居二歲,拜右諫議大夫、集賢院學士、知亳州,卒。

岸,冠服盡喪。時丁謂鎭金陵,遣人遺衣一襲,大雅辭不受,謂以爲歉。宰相王欽若亦不悅 而嘗自獻乎天子矣。」天禧中,使淮南,循江按部,過金陵境上,遇風覆舟,得傍卒拯之,及 違世自守,大雅嘆曰:「吾不學乎世,而學乎聖人,由是以至此。吾之所有,不敢以薦於人, 五卷,職林二十卷,兩漢博聞十二卷。 晚與陳從易並命知制誥。 大雅朴學自信,無所阿附,直集賢院二十五年不遷,有出其後者,往往致榮顯。 大雅嘗因轉對,上原治十七篇。所著大隱集三十卷,西垣集 或笑其

論曰:仲孫以才力自奮於時,論事著效,號爲能吏。 太素、尋、曾能知法意,理官之良

也。 虚己、獻卿立朝雖微,卓犖大節,及爲他官,所至有吏稱。 若從易拒釋憾之言,大雅辭

襲衣之遺,卒使權奸愧歉,抑又可尙哉。

校勘記

(1) 涇原路經略安撫招討使兼知渭州 「渭州」原作「滑州」。 按涇原路經略安撫使治所在渭州,

見

渭州,沿率州人乘城」語可證。長編卷一二九正作「渭州」,據改。 本書卷八七地理志;宋代安撫使例以守臣兼任,則王沿所兼知的當是渭州, 下文有「賊乘勝犯

 Ξ 潞州八義館 條,上黨縣有八義鎮。今改。 「潞州」原作「路州」。按宋無「路州」,而河東路有潞州。金史卷二六地理志「潞州」

3 大理寺丞 字之訛,今改。 「寺」原作「事」。按本書卷一六五職官志,有大理寺丞,無「大理事丞」,「事」是「寺」

- 开贇 殿、局本作「升贇」,疑當作「亓贇」,參見本書卷一五神宗紀校勘記〔四〕。
- (宝) 無勞而嘗坐罪徒者 「徒」原作「徒」,據長編卷一九五、編年綱目卷一六改

(云)

端午

第

五十

九

校

勘記

仁宗常用飛白體書扇贈給大臣。宋會要崇儒六之六說:「〔天聖〕四年五月端午,遣內侍賜中書、

原作「端平」。按宋代大臣生日,正旦、端午、重陽、冬至等節,例有賞賜。

端午在夏日,故

樞密院御書飛白扇子各一合。」可證。 長編卷一九六載楊畋此事作「端午」,「端平」係「端午」之 九九八二

訛,據改。

(中) 詳斷官 陳從易傳,兩人都做過大理寺詳斷官,「評」是「詳」字之訛。據改。 原作「評斷官」。按本書卷一六五職官志,大理寺無評斷官而有詳斷官;本卷俞獻卿、

武延川 原作「武英州」,據劉敞公是集卷五三俞獻卿墓誌銘、武經總要前集卷一八改。

